

საქართველოს სსრ მეცნიერებათა აკადემიის

# მაცნე

ეკონომიკისა და  
სამართლის  
სერია

3 . 1987



საქართველოს სსრ მეცნიერებათა აკადემიის მაცნე

ИЗВЕСТИЯ АКАДЕМИИ НАУК ГРУЗИНСКОЙ ССР

---

---

ეკონომიკისა და  
სამართლის  
სერია

СЕРИЯ  
ЭКОНОМИКИ И  
ПРАВА

ჟურნალი დაარსებულია 1980 წელს  
Журнал основан в 1980 году  
გამოდის 3 თვეში ერთხელ  
Выходит раз в 3 месяца



3. 1987

გამომცემლობა „მეცნიერება“  
ИЗДАТЕЛЬСТВО «МЕЦНИЕРЕБА»

● თბილისი  
ТБИЛИСИ

**სარედაქციო კოლეგია:** ა. გუნია (რედაქტორი), ო. გამყრელიძე, მ. გველესიანი, პ. გუგუშვილი, გ. თოღუა, თ. ლილუაშვილი, გ. ნადარეიშვილი, ი. ფუტყარაძე, თ. შავგულიძე (რედაქტორის მოადგილე), თ. ჩიკვაძე (რედაქტორის მოადგილე), ლ. ჩიქავა.

პასუხისმგებელი მდივანი ა. შენგელია

**РЕДАКЦИОННАЯ КОЛЛЕГИЯ:** Гуния А. Л. (редактор), Гамкrellidze O. K., Гвелесиანი М. И., Гугушвили П. В., Тогуа Г. С., Лилуашвили Т. С., Надарейшвили Г. Н., Путкарadze Я. В., Чикава Л. Л., Чикваидзе Т. Н., (зам. редактора), Шавгулидзе Т. Г. (зам. редактора).

Ответственный секретарь А. Л. Шенгелия



„საქართველოს სსრ მეცნიერებათა აკადემიის მაცნე“,  
ეკონომიკისა და სამართლის სერია, 1987, № 3

---

რედაქციის მისამართი: თბილისი, 380007, მახარაძის ქ. № 14

Адрес редакции: Тбилиси, 380007, ул. Махарадзе, 14

ტელეფონი 93-22-60    телефон

---

გადაეცა წარობას 11.6.87; ხელმოწერილია დასაბუქდად 7.8.87; შუკვ. № 2098; ანაწყობის  
ზომა 7×12; ქალაღლის ზომა 70×1081/16; მალალი ბეჭდეა; ნაბეჭდი თაბახი 9,5; საალრიცხეო-

საგამომცემლო თაბახი 5,1; საღ-გატარება 9,9; .უე 04549; ტირაჟი 920;

ფახი 85 კაბ.

\*

გამომცემლობა „მეცნიერება“, თბილისი, 380060, კუტუზოვის ქ., 19  
Издательство «Мещниереба», Тбилиси 380060, ул. Кутузова, 19

\*

საქართველოს სსრ მეცნ. აკადემიის სტამბა, თბილისი, 380060, კუტუზოვის ქ., 19  
Типография АН Грузинской ССР, Тбилиси 380060, ул. Кутузова, 19



შ ი ნ ა ა რ ს ი

ილია ჭავჭავაძე — 150

მ. ბაგრიძე, ილია ჭავჭავაძის ფილოსოფიურ-სოციოლოგიური კონცეფცია . . . . .	5
ი. ასათიანი, ილია ჭავჭავაძე და თბილისის ქართული საადგილმამულო ბანკი . . . . .	16
ბ. სარტანიანი, ილია ჭავჭავაძე სტატისტიკის შესახებ . . . . .	29
ბ. სტეფანიშვილი, ილია ჭავჭავაძე საქართველოში მევენახეობა-მეღვინეობის გან- ვითარების შესახებ . . . . .	40
დ. ფურცელაძე, გლაზა კრიაშვილი და სხვანი... . . . .	48
თ. ნინიძე, ცოცხალი ხატი ღირსებისა . . . . .	63
ბ. ნადარეიშვილი, ილია ჭავჭავაძის ერთი პოლემიკური წერილის გამო . . . . .	72

პოლემიკა, რეცენზია, იმფორმაცია,

„მრავალი მადილა“.

კამათი პოლიტიკური ეკონომიკის აქტუალურ თემაზე . . . . .	79
აქტუალური პრობლემის პოლტეკონომიური ანალიზი . . . . .	99
საერთაშორისო სამეცნიერო-საკოორდინაციო თათბირი . . . . .	102

მაკ. ხარ. კ. შარქის  
ხაზ. ხაზ. რესპუბ.  
ბიბლიოთეკა

## СОДЕРЖАНИЕ

### ИЛЬЯ ЧАВЧАВАДЗЕ — 150

Гагоидзе В. А. Философско-социологическая концепция Ильи Чавчавадзе . . . . .	5
Асатиани И. Э. Илья Чавчавадзе и Тбилисский грузинский поземельный банк . . . . .	16
Сартания Т. Ш. Илья Чавчавадзе о статистике . . . . .	29
Степанишвили А. Д. Илья Чавчавадзе о развитии виноградарства и вино- делия в Грузии . . . . .	40
Пурцеладзе Д. Л. Глаха Чриашвили и другие... . . . .	48
Нинидзе Т. Г. Живой образ достоинства . . . . .	63
Надарейшвили Г. Н. Об одной полемической статье Ильи Чавчавадзе . . . . .	72

#### Полемика, рецензия, информация

##### «Круглый стол»

Дискуссия по актуальной теме политической экономики . . . . .	79
Политэкономический анализ актуальной проблемы . . . . .	99
Международное научно-координационное совещание . . . . .	102

### ზახანა ზაგონიძე

#### ილია ჭავჭავაძის ფილოსოფიურ-სოციოლოგიური კონცეფცია

საქართველოს ისტორიაში XIX საუკუნის მეორე ნახევარი მნიშვნელოვანია არა მარტო გარდაქმნებითა და ცვლილებებით ეკონომიკური, მატერიალური ცხოვრების სფეროში, არამედ განსაკუთრებით იმ დიდი აღმავლობით, რომელიც აზროვნების განვითარებაში მოხდა. შეიძლება მეტიც ითქვას. ამ პერიოდში მძლავრად ფეხადგმულმა გონებრივმა მოძრაობამ როგორც რუსეთში, ისე საქართველოში დიდი როლი შეასრულა ფეოდალური ეკონომიკური სისტემის რღვევისა და კაპიტალისტური სისტემის დამკვიდრების დაჩქარებაში. საქართველოში ამ ახალი მოძრაობის მოთავეები გახდნენ ქართველი სამოციანელები, რომლებმაც ილია ჭავჭავაძის მიერ დაარსებულ ჟურნალში „საქართველოს მოამბე“, ჩამოაყალიბეს თავისი სამოქმედო პროგრამა და ძველის წინააღმდეგ ბრძოლის სახელმძღვანელო პრინციპები. ქართველი სამოციანელების აღიარებული ზედადნა ილია ჭავჭავაძე, რომელმაც საქართველოში შემოიტანა, დამკვიდრა და თავისი ქვეყნის პირობების შესაბამისად განავითარა რევოლუციური დემოკრატიზმი. მან დიდი თეორიული და პრაქტიკული შემოქმედებითი მუშაობა გაშალა საქართველოს დაყენებისათვის განვითარების გზაზე იმ კონსერვატიზმისა და უძრავობის დასაძლევად, რასაც ყველა საშუალებით ამართლებდა და იცავდა დრომოჭმული თავადაზნაურული კლასი და მისი იდეოლოგია. ქართველი სამოციანელების წინაშე უპირველესად ყოვლისა ორი პრობლემა დადგა: დაძლეული ყოფილიყო სოციალური მონობა და ეროვნული მონობა, როგორც პროგრესის გზაზე ქვეყნის დაყენების აუცილებელი პირობა. ამიტომ მთელი მათი თეორიული მოღვაწეობა ქვეყნის სოციალური და ეროვნული მონობის პრაქტიკულად დაძლევის სამსახურში ჩადგა. ბუნებრივია ეს პრობლემები განსახლავდა აგრეთვე ილია ჭავჭავაძის თეორიულ და პრაქტიკულ მოღვაწეობას. ამან განაპირობა, რომ მისი მრავალმხრივი თეორიული საქმიანობა ყოველთვის პრაქტიკული მიზანდასახულობისა იყო, ქართული საზოგადოებრივი ცხოვრების მიერ დასმული საკითხების ახსნას და მათი გადაჭრის გზების ძიებას ემსახურებოდა. ამით აიხსნება, რომ ილია ჭავჭავაძის ფილოსოფიური მოსაზრებები განვითარებულია არა სპეციალურ ტრაქტატებში, არამედ მისი თანამედროვე ცხოვრების მტკივნეულ საკითხებზე მსჯელობასთან, საზოგადოებრივი ცხოვრების მოვლენების გააზრებასთან დაკავშირებით, რაც ბუნებრივად აერთიანებს მისსავე სოციოლოგიურ თვალსაზრისთან.

მიუხედავად ასეთი თავისებური მდგომარეობისა, ილიას მრავალრიცხოვან პუბლიცისტურ წერილსა თუ მხატვრულ ნაწარმოებში მაინც გამოიკვეთა ის ძირითადი ფილოსოფიური პრობლემები, რომლებზე გაცემული მისი პასუ-



ხები ერთიან ფილოსოფიურ კონცეფციას ქმნის. ეს კონცეფცია, რომელიც განვითარების პრინციპს ეფუძნება და თავისი არსებით მატერიალისტურია, განსაზღვრავს მის მსოფლმხედველობას, მის სოციოლოგიურ, ესთეტიკურ, ეთიკურ შეხედულებებს, დამოკიდებულებას რელიგიასთან, მის სოციალურ მრწამსსა და პოლიტიკურ იდეალებს.

\* \* \*

ილია ჭავჭავაძის ყურადღების ცენტრშია საზოგადოებრივი ცხოვრება და მასთან ადამიანის დამოკიდებულება. უმთავრესად ამ დამოკიდებულებაში დასტურდება მისი მატერიალისტური პოზიცია. ამ პოზიციიდან ებრძვის იგი იმ კონსერვატიული და მოლიბერალო თავადაზნაურობის მსოფლმხედველობას, რომლებიც ბუნებასა და საზოგადოებას ღვთაების ნამოქმედარად თვლიდნენ და განსაკუთრებით კი მის სუბიექტივისტურ ფრთას, რომლის მიხედვითაც, ადამიანის გრძნობებში ის კი არაა გამოსახული რაც თვითონ ბუნებაშია როგორც მისი აუცილებელი თვისება, არამედ, პირიქით, ბუნებაში მათი გრძნობებია გამოსახული. მათთვის „გარეგანი ბუნება არ არსებობს, — წერდა ილია, — და თუ არსებობს იმთ ხელში ის წმინდა სანთელივით ღვინავს. იმას გამოსახვენ ზედ, რაც თვითონ უგრძნობია და არა იმას, რაც თვით ბუნებაშია, როგორც აუცილებელი თვისება მისი“<sup>1</sup>. ილიას აზრით, თვითონ ადამიანიც ბუნების ნაწილია და იმით განსხვავდება „უტყვეის ბუნებისაგან“, რომ იგი „მეტყველი ბუნებაა“. და რაკი ასეთი განუყრელი კავშირი არსებობს ბუნებასა და ადამიანს შორის, მაშინ ცხადია, რომ საზოგადოებრივი ცხოვრებაც ბუნების გაგრძელებაა. ამიტომ მსგავსად ბუნებისა საზოგადოებრივი ცხოვრებაც ობიექტური პროცესია, რომელსაცა აქვს თავისი განვითარების კანონები და მამოძრავებელი ძალები. „ცხოვრება თვითრჩულია, — წერდა ილია, — იგი არ გამოიჭრება ხოლმე კაცისაგან მოვონილ რიკრიკაზედ... თუმცა იგი ბერდება, მაგრამ იმ სიბერის გამოცდილებით ისევ თავისთავად ახლდება და ჰყვავის“<sup>2</sup>. და სწორედ ეს „თვითრჩული“ ცხოვრებაა, ილიას აზრით, ის საფუძველი, რომელიც განსაზღვრავს ადამიანთა აზრებს, გრძნობებს, წესებს, ჩვევებს, რის გამოც „ყველა ესენი ცხოვრების გამომხატველნი არიან“, ის ადამიანთა მატერიალური ურთიერთობა და მატერიალური მოღვაწეობაა, წარმოებაა, რომელიც მით უფრო სწრაფად განვითარდება, რაც უფრო მწარმოებელი განთავისუფლებული იქნება მონობისაგან და თავისუფალი შრომის შესაძლებლობა მიეცემა.

სამოციანი წლებიდან დაწყებული, ილია არაერთხელ უბრუნდება ამ საკითხს და აღნიშნავს, რომ საზოგადოების განვითარება დამოკიდებული არ არის არც გეოგრაფიულ გარემოზე და არც სხვა ფაქტორებზე მისი მთავარი მამოძრავებელია შრომა და მატერიალური წარმოება. ამას ნათლად აჩვენებს იგი შოტლანდიელისა და სპარსელის შედარების მაგალითზე, რომელთაგან პირველს გარს არტყია მკაცრი და ღარიბი, მეორეს კი მდიდარი და რბილი ბუნება. მაგრამ შოტლანდიელი თავისი დაუღალავი შრომის შედეგად „არის თავმომწონე, გამბედავი, თავისუფალი, მედგარი და გულდაგული კაცი, სპარსელი კი გულჩათუთქული, ილაჩაწყვეტილი, ფრთხილი და გათელი-

<sup>1</sup> ილია ჭავჭავაძე, თხზ. სრული კრებული, ტ. III, 1953, გვ. 459.

<sup>2</sup> იქვე, გვ. 57.

ლი. ერთი იმედით აღსავსე, სულ წინ იყურება და ყოველი მისი ფეხის წინგადადგმა ძლევამოსილებაა ხვალისათვის, მეორე სასოწარკვეთილია, შიშით სულ უკან იყურება და გუშინდელს, მშვიდობიანად გატარებულ დღეს ნატრულობს და არა სწამს ხვალე. ერთი სულით და ხორციით ყოველდღე წარმატებაშია, თუმცა ღარიბი ბუნება ახვევია, მეორე სულითაც და, ხორციითაც დაღვევაშია, თუმცა მის გარე ბუნება უხვია და მდიდარი<sup>3</sup>. ასე რომ მთავარია შრომა და ის უფლებანი და მოვალეობანი, რომლებიც უზრუნველყოფენ თავისუფალ შრომასა და წარმოებას.

საზოგადოების განვითარებაში მატერიალური წარმოების განმსაზღვრელ როლს ილია უფრო აკონკრეტებს ოთხმოცდაათიან წლებში, როდესაც ის უფრო ღრმად ეცნობა მოძღვრებებს საზოგადოების განვითარების შესახებ და მათ შორის კ. მარქსის ეკონომიკურ მოძღვრებასაც. მისი აზრით, იქ სადაც საზოგადოების მატერიალური ცხოვრება განუვითარებელია, სადაც მშვიდ-მწყურვალე და შიშველ-ტიტველი ადამიანი მგელსავით პირღია დაიარება და საშუალება არა აქვს სხვა რაიმეზე იზრუნოს გარდა ჭამა-სმისა, მას არც დიდებული აზრები და გრძნობები გაუჩნდება, ანუ როგორც ილია იტყვის „ჭამა-სმის გარეთაც სხვა რაზემდე იფიქროს, სხვა უმაღლეს საგანს ადამიანის წყურვილისას თავი და გული მოანდომოს“. იმისათვის რომ ადამიანს, საზოგადოებას გაუჩნდეს ინტერესი და მოთხოვნილება მაღალი იდეებისა, მას დაკმაყოფილებული უნდა ქონდეს თავისი მატერიალური მოთხოვნილებები, რასაც მხოლოდ განვითარებული მატერიალური წარმოება უზრუნველყოფს. „დღეს ყველამ იცის, — წერს ილია, — რომ თავი და ბოლო წინ წაწევისა, წარმატებისა, გაძლიერებისა, შინ და გარეთ დამოკიდებულებისა... ეკონომიკური ძალღონიერებაა ერისა“<sup>4</sup>. ამიტომ ბუნებრივია, რომ საქართველოს განვითარებაც შეუძლებელია მატერიალური წარმოების გაძლიერების გარეშე და ამის შეგნებითაა გამოწყვეული, „რომ დღეს თითოეული ჩვენთავანი გრძნობს, რომ აქამომდე მივიწყებულ ეკონომიკურ მხარეს ჩვენი საზოგადოებისას პირველი ადგილი უნდა დაეთმოს სხვა საზრუნავთა შორის, რომ ეკონომიკურ ცხოვრების მოედანზე უნდა ვეძებოთ ღონე ჩვენი გაძლიერებისა, ტანში გამართვისა, აქ უნდა გავისარჯოთ და ვიამაგოთ“<sup>5</sup>.

როგორც აქედანა ჩანს, ილიას ეჭვი არ ებარება, რომ ცხოვრების საფუძველი მატერიალური წარმოებაა, რომელზედაც აღმოცენდება ადამიანთა სულიერი ცხოვრება. საზოგადოებრივი ცხოვრების თავისებურებადაც ის მიაჩნია მას, რომ იგი მატერიალური და სულიერი მხარეების ერთობლიობაა და ვერ იარსებებს თუ ან ერთი არ იქნა ან მეორე. „ცხოვრება ყოველთვის ორ დიდ ტოტად დადის, — წერს ილია. ერთი ტოტი მოაზრე ცხოვრებაა... მეორე-მოსაქმე...“<sup>6</sup>. ამ ორი მხარის დამოკიდებულებაში განმსაზღვრელია მოსაქმე ანუ მატერიალური ცხოვრება, რომელიც განსაზღვრავს ადამიანთა გონებრივ მორღაწეობასა და საქმიანობას. გონების ამოცანაა თავზე დასტრიალებდეს ცხოვრებას, ახსნიდეს მას და დაადგენდეს მისი განვითარების კანონებს, რომლებიც ისევე ობიექტურია როგორც ის მატერიალური ცხოვრება, რომლის

3 ილია ჭავჭავაძე, თხ., სრ. კრებული, ტ. VI, 1956, გვ. 8.

4 იქვე, ტ. VII, 1956, გვ. 31.

5 იქვე, გვ. 9.

6 ილია ჭავჭავაძე, თხ., სრ. კრებული, ტ. III, გვ. 204.

კანონებსაც ისინი წარმოადგენენ. ამიტომ კანონები ცხოვრებაში გარედან კი არ შეიტანებიან, როგორც ამას ქადაგებდა ილიას დროს გავრცელებული ბევრი ფილოსოფიური თეორია. პირიქით, ილიას აზრით, ცხოვრება „თვითრჩულია“. ამიტომ „თვითონ ცხოვრება აღმოშობავს ხოლმე თავისთვის წესსა, განსაზღვრავს ხოლმე თავის რჯულსა და კანონსა“<sup>7</sup>. ადამიანის გონებამ უნდა შეიმეცნოს ცხოვრება, აღმოაჩინოს ეს მისი ობიექტური კანონები და მათზე, ამ კანონებსა და პრინციპებზე დაფუძნოს მეცნიერება. რომელიც „სხვა არა არის რა გარდა იმისა, რომ კრებაა ზოგადის კანონებისა“. აზროვნება, გონებითი ძალა სწორედ მეცნიერების საშუალებით ზემოქმედებს ცხოვრებაზე. იგულისხმება, რომ ობიექტური სამყაროს შემეცნების შედეგები მეცნიერული დებულებების სახით, საშუალებას აძლევს ადამიანებს ზემოქმედება მოახდინონ ცხოვრებაზე, დააჩქარონ მისი განვითარება, უფრო მრავალმხრივი გახადონ სამოღვაწეო ასპარეზი. ამიტომ ამბობს ილია, რომ „რაც ცნობაშია მოყვანილი, რაც დამტკიცებულია, მხოლოდ იგი სცვლის ხალხის მდგომარეობასა, ცხოვრებასა... ეგრე ცხოვრებისეე მოღებულსა, ცხოვრებავე მიიღებს ხოლმე, ეგრე ცხოვრებისაგან აღმოსულნი, მეცნიერების სიცხოველით ნაყოფად მოწეულნი, ისევე ცხოვრებასვე დაუბრუნდება ხოლმე წარმატებისათვის“<sup>8</sup>.

ცხოვრებისა და ცნობიერების დამოკიდებულებას მრავალმხრივ ანალიზებს ილია და კატეგორიულად აღნიშნავს, მაგრამ თავის მხრივ ცნობიერებაც ზემოქმედებს ცხოვრებაზე, თუნდაც მეცნიერებისა და ხელოვნების საშუალებით, რომლებიც გაცნობიერებული ყოფიერების სისტემას წარმოადგენენ. ცხოვრებაზე ცნობიერების უკუზემოქმედების ფუნქციის გარეშე, ცნობიერების არსებობას აზრი არ ექნებოდა, ფიქრობს ილია, ვინაიდან ცნობიერების მოქმედება ადამიანის უქმი გასართობი რამ კი არაა, არამედ ისევე მისი პრაქტიკული მოღვაწეობითაა განსაზღვრული. „მეცნიერება და ხელოვნება — წერს ილია, — არ არიან მოგონილნი კაცის ჭკვის და გამოხატულების არც ვარჯიშობისაგან და არც ვარჯიშობისათვის... იგინი იბადებიან ცხოვრებისაგან და არსებობენ ცხოვრებისათვის... წინ მიდიან ცხოვრების ვითარებისა გამო და მერე თავის რიგზედ თვითვე წინ მიჰყავს ცხოვრება... რაც მათგან არის მოყვანილი ცნობაში და დამტკიცებული ის გადის ხალხში და იგი სცვლის ხალხის მდგომარეობასა და ცხოვრებასა“<sup>9</sup>.

აქ ნათლად არის გამოკვეთილი ილიას აზრები, ერთი მხრივ ცნობიერებისა და ნაყოფიერების დამოკიდებულების, ხოლო მეორე მხრივ მატერიალური გარემოს შეცნობადობის შესახებ. მას კარგად აქვს გააზრებული შემეცნების ხასიათიც, ადამიანის შემეცნების შესაძლებლობის უსასრულობა და ამავე დროს მისი ისტორიული განსაზღვრულობა.

ილია ჭკუჭკავე შემეცნებას ახასიათებს როგორც პროცესს, თუმცა მას იგი უბრალო ეურნალისტის ენითა აქვს გადმოცემული. შემეცნების პროცესი იმაში მდგომარეობს ილიას აზრით, რომ შესამეცნებელი ობიექტი, „თვალმა უნდა დაინახოს, გონებამ უნდა დანახული გაარჩიოს, ახსნას, გაიგოს“, ხოლო „ხელმა, მარჯვენამ უნდა გააკეთოს“<sup>10</sup>. თუ გავითვალისწინებთ, რომ „დანახვა-

7 იქვე, გვ. 66—67.

8 ილია ჭავჭავაძე, თხზ. სრ. კრებული, ტ. III, გვ. 62—63.

9 იქვე, გვ. 71.

10 იქვე, ტ. VI, გვ. 337.

ში“ გრძნობადი შემეცნება იგულისხმება, ხოლო „გაკეთებაში“ ადამიანის პრაქტიკული მოღვაწეობა, მაშინ ექვს არ იწვევს, რომ შემეცნების პროცესი აქ გაგებულა, როგორც გრძნობადისა და რაციონალურის ერთიანობა, რომელიც პრაქტიკის საფუძველზე ხორციელდება და რომლის შედეგის რეალიზაცია ისევ „საქმეში“, პრაქტიკაში ხდება. ილიას კარგად აქვს გათვალისწინებული ის გარემოებაც, რომ შემეცნება არცოდნიდან ცოდნისაკენ, უფრო ნაკლებად სრული ცოდნიდან უფრო მეტად სრული ცოდნის მიღწევისაკენ მოძრაობაა. „რაც გუშინ კაცს ჰკონებია დაურღვეველ ჭეშმარიტებად, — წერს ილია, — რისთვისაც უცნა პატივი, როგორც მოუცილებელი საჭიროებისათვის, ხშირად მოხდება ხოლმე, რომ ის დღეს გაუთლელ შეცდომად მიგვაჩნია. ასე რომ კიდევაც გვიკვირს, აღრინდელს კაცს როგორ სწამდა ამისთანა ცხადი სისულელე დაურღვეველ ჭეშმარიტებად, როგორ არა ჰქონია იმოდენა გონიერება და მხედველობა, რომ გაერჩია თეთრი და შავი, შავისათვის შავი დაერქმეოდა, თეთრისათვის — თეთრი“<sup>11</sup>.

ილია აქაც სრულიად მეცნიერულ პასუხს იძლევა, როდესაც წერს, რომ ადამიანის შემეცნების სიღრმე იმ ეპოქით, იმ გარემომცველი ვითარებითა განსაზღვრული, რომელშიაც უხდება მას ცხოვრება. ასე რომ ადამიანის შემეცნების მისწრაფება, რომელსაც საზღვარი არა აქვს, თავისი ეპოქით არის პირობადებული. განვითარების ახალ საფეხურზე ძველად მიღებულ ჭეშმარიტებათა სიმცდარე აღმოჩნდება. „განა იმისაგან, განაგრძობს ილია, — რომ ჩვენ აღრინდელეზებზედ ჭკვიანები ვართ... ჩვენ რომ ამ თავმომწონებულის გონიერებითაც ვყოფილიყავით და იმ აღრინდელის კაცის ვითარება და გარემოება გარს შემოგვრტყმოდა, არა მგონია ავცდნოდით საზოგადო ცდომილებას, რომელსაც დღეს ეგრე თავმომწონებით დავსცინით“<sup>12</sup>. როგორცა ვხედავთ, აქ გარდა იმისა რომ კარგად არის გამოხატული შემეცნების სიღრმის ისტორიული განსაზღვრულობა, ნათლადაა მინიშნებული ისიც, რომ, არ არსებობს აბსოლუტური ჭეშმარიტება და ყოველი ცოდნა ფარდობითაა ჭეშმარიტი.

\* \* \*

ილია ჭავჭავაძის ყურადღების ცენტრში საერთოდ სამყარო და კერძოდ კი საზოგადოებრივი ცხოვრების განვითარების საკითხი დგას. მან მოძრაობა და განვითარება აღიარა ცხოვრების მთავარ პრინციპად და მთელი სიღრმით სცადა მისი ყოველმხრივი დასაბუთება. „ცხოვრება როგორც ყოველი მოზარდი, — წერს ილია, — იზრდება ჰყვავის მოაქვს ნაყოფი და მერე ჭკნება იმისათვის კი არა, რომ მოკვდეს და საუკუნოდ დაიძარხოს, არამედ იმისათვის, რომ თავისაგან მოყვანილის ნაყოფისავე თესლზე ამოიყვანოს სხვა ახალი, ნედლი ცხოვრება, რომელიც ისევ ისე უნდა წავიდეს ცხოვრების გზაზედ, როგორც პირველი, თუ უკვდავება უნდა“<sup>13</sup>.

ილიამ თავისი დამოკიდებულება განვითარების იდეისადმი ჯერ კიდევ „მგზავრის წერილებში“ გამოხატა. თერგისა და მყინვარის შედარებისას მან ბობოქარ თერგში დაინახა ის ძალა, რომელიც აცოცხლებს ყველა არსებულს, მათ შორის ცხოვრებასაც. „მიყვარს თერგის ზარიანი ხუილი, — წერდა იგი, —

<sup>11</sup> ილია ჭავჭავაძე, თხზ. სრ. კრებული, ტ. III, გვ. 57.

<sup>12</sup> იქვე.

<sup>13</sup> იქვე.

გამალებული ბრძოლა, დრტინვა და ვაივაგლახი — თერგი სახეა ადამიანის გავლივების ცხოვრებისა... მოძრაობა და მარტო მოძრაობა არის ჩემო თერგო ქვეყნის ძალისა და სიცოცხლის მომცემი“<sup>14</sup>.

ილია მოძრაობისა და განვითარების ამ იდეით იყო გამსჭვალული, როდესაც დაუნდობელი ბრძოლა გამოუცხადა თავდაზნაურულ კონსერვატიზმს, რომელიც წინააღმდეგობას უწევდა ყოველგვარ ახალს და არა მომავალში არამედ წარსულში ხედავდა აწმყოს იდეალს. სამოციანი წლების საქართველოში დამკვიდრებულმა ასეთმა განწყობილებამ ათქმევინა პეტერბურგიდან ახლად დაბრუნებულ ილიას:

„ვიდექ მარტოა და მთების ჩრდილი  
 კელე ჩემს ქვეყნის ძილს ეალერსება  
 თხ ღმერთო ჩემო სულ ძილი, ძილი,  
 როსლა გვეღირსოს ჩვენ გავლივება“.

ილია ჭავჭავაძემ მთელი თავისი მოღვაწეობა ქართველი ერის გამოფხიზლებას და განვითარების გზაზე მის დაყენებას შესწირა. შეიძლება ითქვას, რომ მან განვითარების საკმაოდ მწყობრი თეორია შექმნა იმ მიზეზების გათვალისწინებით, რომლებიც საზოგადოებრივ ცხოვრებას უზიძვებენ წინსვლისაკენ. აქვე უნდა აღინიშნოს ისიც, რომ ამ განუწყვეტელ მოძრაობა-ცვალებალობაში ის ახლის უძლეველობის დადასტურებას ხედავდა ამიტომ ახლის უძლეველობის კანონი მას განვითარების შეურყეველ კანონად მიაჩნდა, რომელიც გზას იკაფავს შესაძლებლობათა და სინამდვილის კანონზომიერად მონაცვლეობის პროცესში. „ყველგან. — წერს ილია, — საცა კი ისტორიის ღირსი ერი თავისთა, სცხოვრობს. ორნაირი წყობაა აზრისა და ეგ ორნაირი წყობა აზრისა შეადგენს ცხოვრების მდინარეობასა. ერთი ის წყობაა, რომელიც ცხოვრებას უკვე აღმოუჩენია, დაუდგენია და დღეს მოქმედებს, მეორე ის, რასაც დღევანდელი დღე თხოულობს\* და საჭიროებს. ამ ორთა წყობათა მოქმედება დაუძინარია და მუდამი. როცა ის, რასაც დღევანდელი დღე თხოულობს, ყველას თუ არა — ბევრს მაინც ძვალსა და რბილში დაუფლის, შესმენილი და გაგებული იქნება, მაშინ ეგ მეორე წყობა იმარჯვებს და ყოველ საქმეთა სათავეში მოექცევა ხოლმე. ეხლა ეგ წყობა დაიჭერს ხოლმე ბირველის ადგილს ცხოვრებაში. რასაკვირველია მანამ ეს ასე მოხდებოდა, ცხოვრება მაინც მოქმედებს და ახლის საჭიროებას აჩენს. ამიტომ ახლად გამარჯვებულს წყობასაც სხვა, ახალი წყობა გამოუჩნდება ხოლმე მოპირდაპირედ. ესე მიდის კაცობრიობის ცხოვრება და ამნაირ სვლას დასასრული არა აქვს. თითონ კაცობრიობის ისტორიაც სხვა არა არის რა, გარდა ამნაირად ფეხის გადანაცვლებისა“<sup>15</sup>.

აქ განვითარების სრულად მეცნიერული კონცეფცია ჩამოყალიბებული იმ კატეგორიების აშკარა მომარჯვებით, რომლებსაც შესაძლებლობისა და სინამდვილის კატეგორიები ეწოდება, თუმცა ილია მათ არ ასახელებს. აღნიშნულია ისიც, რომ განვითარება განსხვავებული საფეხურების კანონზომიერი მონაცვლეობაა, რომლებიც უარყოფით ერთიანობაში არიან ერთმანეთთან. და ბოლოს კარგად არის გახსნილი განვითარების მიზეზიც, რომელიც საპირისპიროთა ბრძოლაში მდგომარეობს.

<sup>14</sup> იქვე, ტ. II, 1950, გვ. 21.

<sup>15</sup> ილია ჭავჭავაძე, თხზ. სრ. კრებული, ტ. V, 1955, გვ. 89—90.

საერთოდ წინააღმდეგობათა ბრძოლას, როგორც განვითარების შინაგან წყაროს, მიზეზს, ილია მრავალგზის უბრუნდება და იმ დასკვნამდის მიდის, რომ ყველგან და ყოველთვის მხოლოდ დაპირისპირებულთა ბრძოლაა ის მიზეზი, რომელიც იწვევს წინსვლასა და განვითარებას. თვით ჭეშმარიტების მიღწევაც მხოლოდ წინააღმდეგობათა ბრძოლითა და ჭიდილითა შესაძლებელი. „მთელი ისტორია კაცობრიობისა ყოველგვარ სფეროში, — წერს ილია, — საცა კი კაცს წარმატების ძლევამოსილება მიუძღვის და არ მიუძღვის, სხვა არა არის რა გარდა გაუთავებელის ჭიდილისა „ჰოსა და არას“ შორის. ყოველივე ჭეშმარიტება, ყოველივე საქმე, რაც კაცობრიობას აღმოუჩენია კაცთა ცხოვრების გულის, გონების, განსაკარგებლად, გასაძლიერებლად წარსამატებლად, ამ ჰოსა და არა-ს ჭიდილით მიუპოვებია. ჭეშმარიტების აღმოჩენას, საქმეს ცხოვრების ასე თუ ისე განწყობისა და განრიგებისას, სხვა გზა არა აქვს ამ ერთადერთის გზის მეტი. რა მოვლენასაც კი კაცთა ხელიდამ თუ გონებიდამ გამოსულს, გულში ჩანდავთ, დაინახავთ, რომ ჰო-არაობის ჭიდილსა და ქარცეცხლშია გამოტარებული. მართალია გამარჯვება ერთისა თუ მეორისა, ჰოსა თუ არასი, ყოველთვის არა ჰნიშნავს ჭეშმარიტების გამარჯვებასა, მაგრამ მაინც ჰო-სა და არა-ს ჭიდილია ერთად ერთი გზა ჭეშმარიტების აღმოჩენისა და პოვნისა“. ამიტომ ჭეშმარიტებისაკენ მიმავალი „ერთად-ერთი გზა ჰოსა და არას დაპირისპირებაა“<sup>16</sup>.

ასე რომ დაპირისპირებულთა ბრძოლა არის როგორც ცხოვრების ისე აზროვნების მამოძრავებელი მიზეზი. ილიას კარგადა აქვს გააზრებული, რომ „აზრთა მოძრაობაში როგორც ყველაფერში ქვეყანაზედ, ერთიმეორეს ადგილს არ უთმობს უომრად, უბრძოლველად“<sup>17</sup>. ასევეა ცხოვრებაშიაც. აქ განუწყვეტელი ბრძოლაა კლასებს შორის. საშუალო საუკუნეებში თავადაზნაურობა და სამღვდელთა იბრძოდა იმისათვის, რომ „მიწა მარტოდ ხელში ჩაეგდო და როცა ჩაიგდო საზოგადოებრივი და სახელმწიფოებრივი უფლებაც განმარტოებით დაიპყრა“. ფეოდალიზმი შეცვალა კაპიტალიზმმა, რომელშიაც ბურჟუაზიამ დაისაკუთრა მთელი სიმდიდრე, ხოლო თვით ამ მოძრავი სიმდიდრის შემქმნელი „წრის გარეთ დარჩა“. ეს წრეს გარეთ დარჩენილი მუშა კაცია, რომელიც დამკვიდრებულმა უსამართლობამ საბრძოლველად გამოიყვანა იმის მოთხოვნით, რომ უპირატესობა სახელმწიფო და საზოგადოებრივს წყობაში არავის არ ჰქონდეს განსაკუთრებული. დღეს ეს კლასი (რომელსაც ილია წოდებას უწოდებს) „იბრძვის სასტიკად და მედგრად თავისი დედააზრისათვის და იმედიცა აქვს გამარჯვებისა“<sup>18</sup>.

საერთოდ, ილიას გააზრებული აქვს ის გარემოებაც, რომ დაპირისპირებულთა ბრძოლა საბოლოოდ ახლის გამარჯვებით მთავრდება. მართალია ეს გამარჯვება უმტკივნეულო არ არის, მას შეიძლება მრავალი დაბრკოლება გადაეღობოს წინ, მაგრამ თუ იგი ნამდვილად ახალია, საბოლოოდ გარდუვალად გამარჯვებს. „მომდევარი წინააღმდეგულზე ყოველთვის უფრო სრულია, უკეთესია და მშვენიერი, — წერს ილია, — თუ რომ ცხოვრების ვითარების და გარემოების გავლენა ადრე და მალე არ დაუხლართავს გზასა და ზრდას არ დაუშლის. მაგრამ ესეც კია საწუგეშო, რომ როგორი დარიც უნდა დაუდგეს მაგ ყვავილსა, თუ კი ძირი ღონიერი აქვს, რაც უნდა ფეხი დააჭირო და სრესო,

16 ილია ჭავჭავაძე, თხზ. სრ. კრებული, ტ. III, გვ. 301.

17 იქვე, გვ. 88.

18 იქვე, გვ. 52-54.

მინც გაარღვევს დღეს თუ ხვალ დედამიწას, ამოხეთქავს და გამოვა სინათლედ უფრო დამშვენებული და ძლიერი<sup>19</sup>. ამაში ხედავს ილია ახლის უძლეველობის კანონის დადასტურებას, რომელიც მას როგორც აზრის, ისე ცხოვრების მოძრაობა-განვითარების შეტყუველ კანონად მიაჩნია.

\* \* \*

ილიას აზრით, საზოგადოების ისტორიაც, რომელიც წინსვლითი ხასიათისაა, ახლის უძლეველობის კანონის დადასტურებას წარმოადგენს. ეს აზრი მსკვალავს მთელს მის სოციოლოგიურ კონცეფციას, რომელიც თავისი დროისათვის ბევრი საყურადღებო მოსაზრების შემცველი იყო. ის ამ კონცეფციით ხელმძღვანელობდა როდესაც კატეგორიულად გაილაშქრა ე. წ. ერის სიბერის თეორიის წინააღმდეგ, რომელიც რუსულ პრესაში ი. ჯაბაძარმა განავითარა და არსებითად გავრცელებული ორგანიზტული სოციოლოგიური თეორიების ნაირსახეობას წარმოადგენდა. ი. ჯაბაძარის მიხედვით, ინტენსიური ცხოვრება ერების დაბერებას და ისტორიის ასპარეზიდან გასვლას იწვევდა. ილია კი სწორედ ერის ინტენსიურ ცხოვრებაში, გაძლიერებულ თვითმოქმედებაში ხედავდა ერის უკვდავეებისა და ზეადმავალად მოძრაობის პირობას. „დღეს აქამომდე გვეგონა, — წერს ირონიულად ილია, — რომ ხსნა ერისა სწორედ მაგ ინტენსიურ ცხოვრებაშია და თურმე ნუ იტყვიო, დასასრობი ფონი კი სწორედ ეგ ინტენსიურით ცხოვრება ყოფილა. ღონისაგან არ დაცლილი, ღონის შერჩენა ხომ ბედნიერებაა, და, მაშასადამე, ბედნიერი ერი ისა ყოფილა, ვინც ამ ინტენსიური ცხოვრების მაცდურობას არ აპყოლია, მისგან არ გაბრიყვებულა და ღონე შეუნახავს მერმისისათვის. ამაზე ბედნიერი დათვები და მგლები უნდა იყვნენ, რადგან ამათ გუშინდელი დღეც არ ახსოვთ და, მაშასადამე ადამიანზე უფრო მეტი ღონე შეუნახავთ მერმისისათვის. გაგონილა ასეთი სასაცილობა! გაგონილა ასეთი მოთხრა და გაბიაბურება ისტორიისა“<sup>20</sup>.

ი. ჯაბაძართან და ნ. ხუდადოვთან კამათში ილიამ ხაზი გაუსვა საერთოდ ორგანიზტული სოციოლოგიის არამეცნიერულობასა და უსუსურობას. ამ სოციოლოგიის წარმომადგენლები: სპენსერი, შეფლი, დრეპერი და სხვები ვერ ჩაითვლებიან, ილიას აზრით, ისეთ მეცნიერებად, რომლებს ნაწერებშიაც შეგვეძლო მოგვენახა ისტორიის გავების ვასალები. ამით აიხსნება ილიას უარყოფითი დამოკიდებულება მათდამი, მისი კატეგორიული განცხადება, რომ „ჩვენ ამ თეორიის წინააღმდეგი ვართ“. და ეს სრულიად ბუნებრივი იყო, ვინაიდან ილიას კარგად ქონდა გააზრებული დამოკიდებულება ბუნებასა და საზოგადოებას შორის და ის თავისებურებაც, რომელიც საზოგადოებრივ ცხოვრებას და, მაშასადამე, მის ისტორიას განასხვავებს ბუნებისა და მისი ისტორიისაგან. საზოგადოებრივი ცხოვრება თვითმიზეზოვანია, — წერდა ილია, — რომლის მოქმედ პირებს ადამიანები წარმოადგენენ. ამიტომ ამ პირთა აქტიური და ინტენსიური მოღვაწეობაზე ბევრადაა დამოკიდებული საზოგადოებრივი ცხოვრების წინსვლა თუ უკანდახვევა.

\* \* \*

ადამიანის საკითხს, მის როლს საზოგადოებრივ ცხოვრებაში, მისი ბედისათუ უბედობის ახსნას დიდი ადგილი უკავია ილიას შემოქმედებაში. ილიას აზ-

19 ილია ქავჭავაძე, თხზ. სრ. კრებული, ტ. VII, გვ. 18, 58.

20 იქვე, ტ. IV, გვ. 21-22.

რით, ადამიანი თვითმოქმედი არსებაა და მისი ბედი და უბედობა მის ამ თვით-  
მოქმედებაზეა დამოკიდებული; „ბედს თვითონ კაცი ჰქმნის და არა ბედი კაც-  
სა“ — წერს იგი. ამიტომ „როგორც თითოეული კაცი, ისე საზოგადოება, ისე  
ხალხი მარტო თავისით არის და თავისით უნდა იყოს. ძალაც ამისთანა ხალხ-  
შია და ბედიც“<sup>21</sup>.

ამგვარად, რამდენადაც უფრო აქტიურია ადამიანის მოქმედება იმდენად  
უფრო გამართულია იგი, სრულყოფილია და გამარჯვებული. ამიტომ წერს  
ილია, რომ „არსებობისათვის ბრძოლასა და ჭიდილში მარტო იგია გამარჯვე-  
ბული, ვინც თვით არის საქმის თაოსანი, საქმის ამჩენი და საქმის მომქმედიც,  
ვინც თავისთავზეა მარტო დანდობილი და თავის საკუთარ მხნეობასა და გარ-  
ჯას ჰსახავს წყაროდ თავისის ცხოვრების განკარგებისა და წინწასაწევად“<sup>22</sup>.  
მაგრამ ადამიანის თვითმოქმედებისადმი ასეთი ხაზის გასმა როდი ნიშნავს მის  
ყოვლისშემძლეობას. პირიქით, ადამიანის მოქმედება ცხოვრებაში მოქმედ  
კანონებსა და ღმერთებსა დაქვემდებარებული, რომლებიც ადამიანმა უნდა აღმოაჩინოს და  
რომელთა შესაბამისადაც უნდა წარმართოს თავისი საქმიანობა. ამიტომ, რო-  
დესაც ილია ახასიათებდა ამოცანას, რომელიც სამოციან წლებში საქართვე-  
ლოს სინამდვილემ მისი თაობის წინაშე დააყენა, აღნიშნავდა, რომ მათი სურ-  
ვილია საქართველოს ცხოვრების გარდაქმნა და გაუმჯობესება. მაგრამ ეს როდი  
ნიშნავს, დასძენდა იგი, ეს ცხოვრება გარდაქმნათ იმის მიხედვით, რაც ჩვენ  
მოგვესურება. „ჩვენ ისე არ გავბრწყინდებით, — წერდა იგი, — რომ ჩვენ სა-  
კუთარ წესზედ მოვინდომოთ ცხოვრების გატარება“. პირიქით, „თითონ ცხოვ-  
რება აღმოშობავს ხოლმე თავისთვის წესსა, განსაზღვრავს ხოლმე თავისთვის  
რჯულსა და კანონსა, — მხოლოდ ამ კანონსა გაგება უნდა, გამოჩენა საქვეყ-  
ნოდ და შეძლებისამებრ გზის გახსნა, რომ მისი წარმოება არაფერმა არ შე-  
აყენოს“<sup>23</sup>. ადამიანის აქტიურობა ამ „თვითრჩული ცხოვრებით“, მისი კანო-  
ნების შეცნობის დონითაა განსაზღვრული. ამიტომ ადამიანი თავისი ცხოვ-  
რების პროდუქტია, ადამიანი ისეთია როგორცაა მისი გარემომცველი ცხოვ-  
რება, ანუ ილიასავე სიტყვებით რომ ვთქვათ, ყოველი ადამიანი „შვილია გუ-  
შინდელისა, მოჭირნახულეა დღევანდელისა და დამბადებელია ხვალისა“. ასე  
რომ ადამიანი ცხოვრების შედეგაცაა და მიზეზიც, ამ ცხოვრების ავკარგიანო-  
ბის ნაყოფიცაა და შემოქმედიც, ანუ როგორც ილია წერდა „ადამიანები განა  
მარტო მაყურებელი არიან ცხოვრებისა, არამედ მოქმედი პირნიცა, ცხოვ-  
რება არის თვითონ ამ პირთა ქმნილება, ამ პირთა ნამოქმედარი და ჭირნახუ-  
ლი“. ვფიქრობთ ამაზე უკეთესად ძნელია ადამიანისა და მისი გარემომცველი  
ცხოვრების დიალექტიკური ერთიანობის დახასიათება. ცხოვრებისა და ადა-  
მიანის ამავე ურთიერთობაში იბადებიან აგრეთვე გმირები, დიდი ადამიანები,  
რომლებიც ასევე ცხოვრების მოქმედი პირებია, ცხოვრების ქმნილებები და  
მისი შემოქმედებია. „გმირებს, — წერს ილია, — სახელოვან კაცებს, დიდებულ  
მოღვაწეებს ქვეყნისას, — ეგ შემოქმედებითი ძალა ცხოვრებასა ჰბადავს“<sup>24</sup>.

ილიამ მთელი მეცნიერული სიღრმითა და სიზუსტით გაიაზრა დიდი პი-  
როვნების საკითხი, მის გამოჩენის მიზეზები და როლი ცხოვრებაში. აქ ის  
ყოველგვარი სუბიექტივიზმისაგან თავისუფალია და ამტკიცებს, რომ დიდი  
ადამიანები ყოველთვის არიან ჩვენ შორის, მაგრამ თუ ისინი აქამდე არ ჩანდ-

21 ილია ჭავჭავაძე, თხზ. სრ. კრებული, 1953, ტ. III, გვ. 452.

22 ილია ჭავჭავაძე, თხზ. სრ. კრებული, 1953, ტ. VII, გვ. 344.

23 იქვე, ტ. III, გვ. 66-67.



ნენ, იმიტომ რომ ცხოვრება მათთვის საამისო საზრდოს არ იძლევა და რაკი ცხოვრებაში გაჩნდება ამ დიდ ადამიანზე მოთხოვნილება, იგი მაშინათვე გამოჩნდება, „ახსნის, ცნობაში მოიყვანს მას, რაც ჩვენ შორისვე იყო და არ გვესმოდა. მაშინ იგი გამოანგრევს ძველის საძირკველსა და ახლის საძირკველში რაკი ქვას დაამკვიდრებს, მიანებებს საქმეს უმცროსთანა მუშაკთა“<sup>25</sup>. ამგვარად, ილიას კარგად ესმის, რომ დიდი ადამიანი ცხოვრების ღვიძლი ფილია, რომელიც ჩვეულებრივი ადამიანისაგან იმით განსხვავდება, რომ იგი უფრო შორსა და ღრმად იხელება ცხოვრებაში, მას შეუძლიან სწორი მიმართულება მისცეს ცხოვრების მოვლენებს. ამიტომ იმ როლს, რომელსაც ის ასრულებს ისტორიაში, მხოლოდ მაშინ გავიგებთ, თუ შევისწავლით იმ ცხოვრებას, რომელმაც იგი წარმოშვა.

ამით აიხსნება, რომ ილია თვითონაც განსაკუთრებულ ყურადღებას აქცევდა ცხოვრების რაობის გარკვევას, იმ მატერიალური პროცესების ახსნას, რომლებიც საბოლოოდ განსაზღვრავს ადამიანის როლს საზოგადოებაში, საზოგადოების მდგომარეობასა და ხასიათს. მას კარგად ქონდა შეგნებული ისიც, რომ საზოგადოების მატერიალური ცხოვრება იცვლებოდა საკუთრების ფორმის ცვლებადობასთან ერთად, რომ იყო საზოგადოებრივი საკუთრება, შემდეგ კერძო მიწათმფლობელური და ფეოდალური, რომელიც თავის მხრივ კერძო კაპიტალისტურმა საკუთრებამ შეცვალა. ამ უკანასკნელმა, როგორც არასდროს გაამწევა წინააღმდეგობა სიმდიდრესა და სიღარიბეს შორის. ილია ცხრაასიანი წლების ნაწერებში დიდ ადგილს უთმობდა ამ წინააღმდეგობის ახსნას და უღარესად რადიკალურ აზრებსაც გამოთქვამდა. ფიქრობდა, რომ მთელი უბედურება კერძო საკუთრების გაჩენაშია. რომელმაც დაარღვია ბუნებრივი მსვლელობა ცხოვრებისა. ამიტომ ის ფიქრობდა იქნებ საქართველოს აცდენოდა კაპიტალიზმი თავისი უარყოფითი მხარეებით და სხვა მიმართულება მისცემოდა მის განვითარებას. ამან განსაზღვრა მისი თვალსაზრისი საქართველოს შინაგან მდგომარეობაზე, რომელიც ცხადია დღევანდელი თვალსაზრისით გაუმართლებელია, მაგრამ გარკვეულ ისტორიულ პირობებში წოდებათა შერიგება იქნება თუ სხვა საკითხი, ქვეყნისათვის უკეთესი მომავლის ძიების ერთ-ერთი ვარიანტი იყო. ვანა თვითონ ილია არ წერდა, რომ „ქემარტი მესტორიე, ვითარცა გამკითხველი, ჯერ იმ დროების ქერქში უნდა ჩაჯდეს და მერე განიკითხოს თვით დროების შეიღნიცა. ესე რომ არ იყოს, კაცი ვერც საბუთს უბოვნის, ვერც აზრს, თუნდ მთელს ჭვაროსნობის ომებეს, რომელსაც მთელმა ევროპამ კინალამ თავი არ შეაყლა. ეს ხომ ანბანია ისტორიის ფილოსოფიისა“<sup>26</sup>.

დიდი მოაზროვნის ეს სიტყვები დღესაც შეგვახსენებს, რომ მკაცრად ობიექტური ვიყოთ თვითონ მისი შემოქმედების მიმართ და დავაფასოთ იგი არა იმის მიხედვით რა ვერ მოგვცა დღევანდელი თვალსაზრისით, არამედ რა მოგვცა მოწინავე და პროგრესული თვისის დროისათვის. მან კი სამოციანი წლების საქართველოში შემოიტანა და დაამკვიდრა პროგრესის იდეა, რომლის თეორიულ გამართლებას და პრაქტიკულ განხორციელებას მიუძღვნა თავისი გული, გონება და ენერჯია. ფილოსოფიური ნააზრევით, რომელიც ჩვენ ზემოთ მოვხაზეთ, ამ იდეის გამართლებასა და დაფუძნებას ემსახურებოდა.

24 ილია ქავჭავაძე, თხზ. სრ. კრებული, 1953, ტ. V, გვ. 151.

25 იქვე, ტ. III, გვ. 61.

26 ილია ქავჭავაძე, თხზ. სრ. კრებული, ტ. VI, 1955, გვ. 66.

В. А. ГАГОИДЗЕ

ФИЛОСОФСКО-СОЦИОЛОГИЧЕСКАЯ КОНЦЕПЦИЯ  
ИЛЬИ ЧАВЧАВАДЗЕ

Резюме

Во второй половине XIX столетия в Грузии началось большое движение против феодального консерватизма, за прогресс всей общественной жизни. Вожаками этого движения были грузинские шестидесятники, сгруппировавшиеся вокруг журнала И. Чавчавадзе «Сакართველს მოამბე», который отстаивал и развивал революционно-демократические идеи, вел борьбу за освобождение Грузии от национального и социального гнета.

И. Чавчавадзе, как признанный вождь революционно-демократического движения в Грузии, развивал материалистические взгляды. Он подчеркивал роль экономических отношений и производства вообще в изменении всех остальных общественных явлений, определяемость сознания общественно-экономическими отношениями и — в свою очередь — активную роль сознания по отношению к жизни. Большое внимание он уделял анализу процесса развития действительности, раскрытию внутренних противоречий, определяющих это развитие. В открытии объективных законов он усматривал задачу познания и условие свободы человека. Развитие рассматривалось им как результат действия закона неотдалимости нового, и с этих позиций он критиковал органическую социологию, отстаивая идею закономерного развития общественной жизни.

წარმოადგინა საქართველოს სსრ მეცნიერებათა აკადემიის ეკონომიკისა და სამართლის ინსტიტუტის დირექტორის მოადგილემ სამეცნიერო დარგში პროფ. ლ. ჩიქავამ

## იოვან ასათიანი

### ილია შავჭავჭავაძე და თბილისის ქართული სააღზღიანებლო ბანკი

„ესაღ ზენი ქვეყანა გულწრფელად  
უყვარს და ზენთვის კეთილი არა შურს,  
ის დიდის სიფრთხილით, დიდის მოსაზ-  
რებით უნდა ეკიდებოდეს ყოველს სა-  
განს, ყოველს აზრს ბანკის შესახებ“.

ილია

თბილისის სათავადაზნაურო საადგილმამულო ბანკის დაარსების იდეა საგ-  
ლენო რეფორმის პერიოდში წარმოიშვა. დიმიტრი ივანეს ძე ყიფიანი, რომე-  
ლიც მაშინ თბილისის გუბერნიის თავადაზნაურობის წინამძღოლი იყო, ზრუ-  
ნავდა ბატონყმობის გადავარდნის შედეგად „დაზარალებული“ თავადაზნაურო-  
ბის პრივილეგირებული მდგომარეობის შენარჩუნებისათვის. მას მტკიცედ  
სწამდა, რომ შექმნილი ვითარების პირობებში თავადაზნაურობისათვის აუცი-  
ლებლობას წარმოადგენდა სწავლა-განათლება. „კეთილგონიერება გვაწევს, —  
სწერდა დიმიტრი ყიფიანი, — რომ ახლა განსაკუთრებითი ყურადღება ზენი  
შვილების აღზრდაზედ მივაქციოთ, რადგან ზენს წარსარგებელს ისე ვერა აღა-  
დგენს რა და ვერე შეავსებს რა, როგორც სწავლა და განათლება ზენი შთამო-  
მავლობისა“<sup>1</sup>.

დ. ყიფიანი პირველ ხანებში იმის ცდაში იყო, რომ შეეგროვებინა სახს-  
რები სწავლა-განათლებისათვის, შემდეგ სწავლა-განათლებისათვის ფულის  
შეგროვება სათავადაზნაურო ბანკის დაარსებას დაუკავშირა.

დ. ყიფიანმა 1864 წლის 9 ნოემბერს მოწოდებით მიმართა თავადაზნაუ-  
რობას ბანკის დასაარსებლად საჭირო თანხა გაეღოთ. მიმართვაში განსაზღვრუ-  
ლი იყო ბანკის მიზნები და ამოცანები, საჭირო სახსრები და მისი წყაროები,  
რომლითაც უნდა შემდგარიყო დასაარსებელი ბანკის ძირითადი კაპიტალი.

თავადაზნაურთა სამაზრო საგანგებო კრებებზე გორში, თბილისში, სილ-  
ნალში, თელავში თავადაზნაურობა სრული თანაგრძნობით შეხვდა ბანკის დაარ-  
სების იდეას და გადაწყვიტა ამ საქმისათვის გაეღო 20 პროცენტი გლეხების გან-  
თავისუფლებისათვის, ხაზინიდან ფულის მიღების დროს. რაკი ასეთი გადაწყვე-  
ტილება იქნა მიღებული გუბერნიის სამაზრო საგანგებო კრებებზე, დ. ყიფიანი  
1865 წლის 17 აპრილს სამოქალაქო გუბერნატორს სთხოვს, გასცეს განკარგუ-  
ლება დაუქვითონ თავადაზნაურობას მისაღები ფულიდან 20 პროცენტი და ეს

<sup>1</sup> საქ. სსრ ცნობა, ფონ. 214, საქმე, 3366, ფურც. 4.

ფული შეინახონ სათავადაზნაურო კაპიტალის სახით ერთ-ერთ საკრედიტო დაწესებულებაში.

1867 წლის 6 მაისს მოწვეულ იქნა თბილისის გუბერნიის თავადაზნაურთა კრება, რომელზედაც დიმიტრი ყიფიანი გამოვიდა ვრცელი მოხსენებით მის მიერვე შემუშავებული ბანკის წესდების პროექტის საფუძვლების შესახებ. კრებამ ერთხმად მოიწონა საერთო პრინციპები, რომელიც საფუძვლად დაედებოდა მომავალ საადგილმამულო ბანკს და ამოირჩია ბანკის წესდების შემუშავებელი სარედაქციო კომიტეტი.

სარედაქციო კომიტეტის საპატიო პრეზიდენტად აირჩიეს პოეტი გრიგოლ დიმიტრის ძე ორბელიანი. კომიტეტის თავმჯდომარედ დიმიტრი ივანეს ძე ყიფიანი.

თავადაზნაურთა საგუბერნიო კრების მიერ არჩეული სარედაქციო კომიტეტი გარკვეული უფლებებით აღიჭურვა. კომიტეტს მომავალი ბანკისათვის უთუოდ უნდა შეენარჩუნებინა საზოგადოებრივი ხასიათი. წესდების სხვა საკითხების შემუშავების დროს კომიტეტი არ იყო შეზღუდული და მას შეეძლო საგუბერნიო კრების მიერ მოწონებული ძირითადი დებულებები ისე განევითარებინა, როგორადაც მიზანშეწონილი იქნებოდა ბანკისათვის და მიღებული იქნებოდა კომიტეტის მიერ ერთხმად ან დამსწრეთა ორი მესამედის უმრავლესობით. მთავრობის მიერ ბანკის წესდების დამტკიცების შემდეგ, სარედაქციო კომიტეტი იმავე შემადგენლობით და იმავე თავმჯდომარეობით იქცეოდა ზედამხედველ კომიტეტად, რომელიც დაიწყებდა მოქმედებას წესდების შესაბამისად. აირჩევდა ბანკის მმართველობის პირად შემადგენლობას, ზედამხედველობას გაუწევდა მის მოქმედებას, მის ანგარიშგებას საზოგადოებისა და თავადაზნაურთა საგუბერნიო კრების წინაშე. ბანკის მმართველობის პირადი შემადგენლობის მიმართ კომიტეტს უფლებამოსილება ეძლეოდა დაეთხოვა მასზე დაქვემდებარებული პირები, მათ შორის ბანკის მმართველიც, მოქმედებისათვის, რასაც შეეძლო ზიანი მიეყენებინა ბანკის ინტერესებისათვის.

დიმიტრი ყიფიანს დასაარსებელი ბანკი ისეთ საკრედიტო დაწესებულებად ესახებოდა, რომელიც სესხს მისცემდა თავადაზნაურობას დაბალი სარგებლით, ვალის გადაუხდელობის შემთხვევაში დამგირავებელს მამულს არ გაუყიდდა. დიმიტრი ყიფიანი ვერ ხედავდა, თუ არ უნდოდა დაენახა, რომ ასეთი ამოცანის შესრულება ბანკს არ შეეძლო.

თავადაზნაურობას თავიდანვე წოდებრივი ხასიათის ბანკის დაარსების) სურვილი ჰქონდა. დ. ყიფიანის ცდა წესდების შემუშავებისას ბანკისათვის საზოგადოებრივი ხასიათი მიეცა შემდეგ მოსაზრებას ემყარებოდა; თავადაზნაურობა მთავრობას დახმარებას თხოვს ბანკის დაარსების საქმეში იმ მიზნით, რომ გლახობასაც გაუხსნას კრედიტი. ამიტომ განზრახული ბანკი უნდა იყოს საზოგადოებრივი, მაგრამ ეს მხოლოდ სურვილია, ნამდვილად კი ბანკი თავადაზნაურობისაა, რადგან იგი ფუძნდება თავადაზნაურობის ფულით, თავადაზნაურობას უნდა ეკუთვნოდეს, როგორც მისი გამგებლობა, ისე სარგებლობა ბანკის მოგებით.

ბანკის წესდების შემუშავებას და მის დამტკიცებას მთავრობის ორგანოებში 7 წელი დასჭირდა. წესდების შემუშავების პროცესში და შემდეგაც, კრედიტის და ბანკის საკითხები, კერძოდ, თუ როგორი ხასიათის ბანკი უნდა დაარსებულყო, ეკონომიკური აზრის სხვადასხვა მიმართულების წარმომადგენელთა პაექრობის საგნად იქცა. მოპაექრეთა შეხედულებები ხშირ შემთხვევაში გარკვეული ორიგინალობით ხასიათდებოდა, რასაც არ შეიძლება

სახ. სახ. რ.ს.კ.პ.  
გეგმვა-მეც.

და გავლენა არ მოეხდინა რეფორმის შემდგომი პერიოდის ეკონომიკური აზრის განვითარებაზე.

დ. ყიფიანის თავადაზნაურობის წინამძღოლობის პერიოდში (1864-1870 წწ.) ბანკის წესდების ხუთი ვარიანტი შეიმუშავეს, მაგრამ არცერთი მათგანი არ იქნა დამტკიცებული მთავრობის მიერ.

1871 წლის 2 თებერვალს შედგა თბილისის გუბერნიის თავადაზნაურთა საგანგებო კრება, რომელსაც ესწრებოდა გუბერნიის ოთხივე მაზრის თავადაზნაურთა რწმუნებულები. თავადაზნაურობის წინამძღოლმა რევამ ანდრონიკაშვილმა კრებას მოახსენა, რომ მეფემ თავადაზნაურობას აჩუქა 160 ათასი მანეთი და გააცნო ფინანსთა სამინისტროს დასკვნა ბანკის წესდების, რიგით მეხუთე პროექტზე, ის მოტივები, რომელთა გამოც იგი არ შეიძლებოდა დაემტკიცებინა მთავრობას.

საგუბერნიო კრებამ ბანკის წესდების ახალი პროექტის შესამუშავებლად აირჩია კომისია 5 კაცის შემადგენლობით. რევამ ივანეს ძე ანდრონიკაშვილი (თავმჯდომარე) გიორგი კონსტანტიეს ძე ბაგრატიონ-მუხრანსკი, დიმიტრი დავითის ძე ჯორჯაძე, მიხეილ ბირთველის ძე თუმანიშვილი, იასე ადამის ძე ანდრონიკაშვილი<sup>2</sup>. კომისიას დაევალა წესდების ახალი პროექტი წარედგინა დასამტკიცებლად თავადაზნაურთა საგუბერნიო კრებაზე. ამრიგად ბანკის დაარსების საქმეს სათავეში ჩაუდგნენ მსხვილი ფეოდალური არისტოკრატის წარმომადგენლები, რომელთა უმრავლესობა თავიდანვე წინააღმდეგი იყო საადგილმამულო ბანკის დაარსების.

კომისიის ერთ-ერთი გავლენიანი წევრი გიორგი ბაგრატიონ-მუხრანსკი ავტორი ბროშურისა „О существе национальной индивидуальности и образовательном значении крупных народных единиц“ ცდილობდა დაემტკიცებინა რომ მცირე ერები უნდა გაითქვიფონ დიდ ერებში, რადგან მათ ღირებულება არ აქვთო. თერგდალეულებმა ამისათვის მუხრანსკი სასტიკად გააკრიტიკეს. ილიამ მას სატირული ლექსიც კი შეუთხზა „რჩევა“ „თუ გინდა ძმარ იგებო ამა ქვეყნისა შევბანი, დიდთა საფეროდ მოჰმართე შენი გულ-სიტყვისებანი, მერე ბრძნობით შეიმოსე, დიდთა უკმეე, სხვათ არა, და იქადაგე — წესისა, რომ დიდმა ჰყლაპოს პატარა“ და სხვა<sup>3</sup>.

საგუბერნიო კრების მიერ კომისიის არჩევამ ზემოდ დასახელებული პირების შემადგენლობით, ძველი სარედაქციო კომიტეტის წევრების და, საერთოდ, პროგრესულად მოაზროვნე საზოგადოების დიდი უმრავლესობის უკმაყოფილება გამოიწვია.

ახლად არჩეულმა ბანკის წესდების პროექტის შემმუშავებელმა კომისიამ შეადგინა ზოგადი დებულება — ე. წ. „ზაპისკა“, თბილისის გუბერნიის მიწათმოქმედთა საჭიროებისათვის საკრედიტო დაწესებულებების მოწყობაზე და სამაზრო საადგილმამულო გამსესხებელ ამხანაგობათა წესდების პროექტი, რომლითაც უარყო საგუბერნიო საადგილმამულო ბანკის დაარსების იდეა. საადგილმამულო გამსესხებელ ამხანაგობათა წესდება საეხსებო გამორიცხავდა ბანკის მიერ რაიმე საზოგადოებრივ-ეროვნული საქმის სამსახურს.

როგორც ანტონ ფურცელაძე მოგვითხრობს, კერძო სხდომებზე, რომლებიც იმართებოდა დ. ყიფიანთან, ი. მამაცაშვილთან, ზ. ავთანდილაშვილთან,

2 საქართველოს სსრ ცსია ფონ. 214, საქ. 3373, ფურ. 23.

3 ი. ჭავჭავაძე, თხზ. ტ. I, გვ. 100.

მ. თუმანიშვილთან, გადაწყვიტეთ დაგვეცვა საადგილმამულო გრძელვადიანი კრედიტის იდეა და გამოვსულიყავით კომისიის წინააღმდეგ.

«На сказанных выше частных собраниях решено было сообщить о нашем плане Илье Григорьевичу Чавчавадзе в Душет, где он состоял тогда мировым судьей, как сочувствующему делу талантливому оратору и влиятельному в обществе молодежи. Сообщено было ему через близкого его друга Луарсаба Магалова»<sup>4</sup>.

ბანკის წესდების ახალი პროექტით საზოგადოებაში შექმნილი განწყობის თაობაზე გაზ. „ღრობა“ წერდა: „მოაწია დრომ, როდესაც ჩვენი თავადაზნაურების ბანკის თაობაზე დაუღუველ ბაასსა და ლაპარაკს ბოლო უნდა მოვდოს, მაგრამ როგორ გათავადება ეს საქმე: რომელ პროექტს მიიღებს საზოგადო კრება? ნუ თუ დაამტკიცებს იმ პროექტს, რომელიც უკანასკნელმა კომისიამ წარუდგინა და რომლითაც ერთი საზოგადო ბანკის მაგივრათ, რამდენიმე „ურთიერთ სესხის ამხანაგობა“ ანუ ბანკები უნდა გაიხსნას თვითიუღს უეზღში?

აი კითხვები, რომლებიც ყოველ ქართველს ადგია ახლა ენაზე და რომლის პასუხს მომავლის კრებისაგან ყველა მოუთმენლად მოეღის.

სხვაგან, ჩვენზე უფრო განათლებულ ქვეყანაში, ამისთანა კითხვებს, რასაკვირველია, ადგილი არ ექნებოდა. სხვაგან უეჭველია, ყველა სასაცილოთ აიგდებდა ისეთ კაცს, რომელიც მემამულეებს სავაჭრო და მცირე ვადიანი სესხის ბანკის გამართვას ურჩევდა... ჩვენებურ თავადაზნაურებს, როგორც ადგილმამულით მცხოვრებ პირებს, საადგილმამულო ბანკი და ხანგრძლივი სესხი უნდა და არა ურთიერთ სესხის ამხანაგობანი და ექვსი თვის სესხი, როგორც ახალი პროექტი გვიჩვენებს<sup>5</sup>.

ბანკის წესდების ახალი პროექტის წინააღმდეგ გამოთქმულ აზრებს ვხვდებით არა მარტო იმდროინდელი ქართული და რუსული გაზეთების ფურცლებზე. მ. მამაცაშვილმა წესდების პროექტს ბროშურაც კი მიუძღვნა<sup>6</sup>, რომელშიაც იგი ურცლად იხილავს წესდების ახალ პროექტს, დამაჯერებლად ასაბუთებს მის ფუარგისობას და გამოუყენებლობას გუბერნიის მიწათმოქმედ მეურნეთათვის..

თავადაზნაურთა სამაზრო კრებებზე განხილული იქნა კომისიის მიერ შედგენილი სასესხო ამხანაგობათა წესდების პროექტი. კრებათა მონაწილეების დიდმა უმრავლესობამ უარყო იგი და მოითხოვა გუბერნიისათვის ერთი ცენტრალური საადგილმამულო ბანკის დაარსება, რომელიც ადგილმამულის გირათი გასცემდა გრძელვადიან და მოკლევადიან სესხებს. თავადაზნაურთა სამაზრო კრებებზე მიღებული დადგენილების თაობაზე გაზეთი „ღრობა“ წერდა: „მამ ეხლა სრული იმედი უნდა გვქონდეს და შეგვიძლია ვინუგეშოთ ჩვენი თავი, რომ თბილისის გუბერნიის საზოგადო კრება უარყოფს უკანასკნელი კომისიის ბანკის პროექტს“<sup>7</sup>.

70-იანი წლების დასაწყისიდან ქართველი სამოციანელები აქტიურად მონაწილეობენ თბილისის საადგილმამულო ბანკის დაარსებაში, რათა იგი გა-

<sup>4</sup> Газ. „Закавказская речь“, 1912, № 132.

<sup>5</sup> გაზ. „ღრობა“, 1872, № 39.

<sup>6</sup> М. Г. М. „Тифлисский Дворянский банк, его застой и затруднения“ по поводу записки комиссии. Тифлис, 1872.

<sup>7</sup> გაზ. „ღრობა“, 1872, № 45.

მოეყენებინათ ეროვნულ-განმათავისუფლებელი მოძრაობის ინტერესებისათვის, ამაზე ნათლად მეტყველებს ნიკო ნიკოლაძის შემდეგი სტრიქონები: „ბ. გიორგი ყაზბეგს ჰკითხეთ (დამფუძნებელთაგან ახლა მეტი აღარავინ მეგულება ცოცხლებში). რამდენჯერ დაგვეპირდა დუშეთს ასეა 1871-1873 წწ. რამდენ ყმაწვილს, რამდენი მეცადინეობა დაგვეპირდა, რომ ილია ჭავჭავაძისათვის სახელმწიფო სამსახურზე ხელი აგველებინა, ბანკის დაარსება იერიშით აგველო, ბანკი ვანახლების ბანკად გვექცია და შიგ ჭავჭავაძე ძალადატანებით ქართული საქმის მოთავედ ჩაგვეყენებინა“<sup>8</sup>.

პროგრესული ახალგაზრდობა, ჯერ კიდევ მაზრების სავანებო კრებების მოწვევამდე აქტიურ პროპაგანდას ეწეოდა კომისიის „ზაპისკისა“ და სასესხო ამხანაგობის წესდების პროექტის წინააღმდეგ, რომლითაც ფეოდალურ არისტოკრატის სურდა დაესამარებია საადგილმამულო ბანკის დაარსების იდეა. საკუბერნიო კრებაზე, რომელიც გაიმართა 1872 წლის 25 ნოემბერს, ბრწყინვალე სიტყვით გამოვიდა ილია ჭავჭავაძე, რომელმაც სასტიკად გააკრიტიკა კომისიის მიერ შედგენილი წესდების პროექტი, და დაცვა საადგილმამულო ბანკის დაარსების იდეა. როგორც ანტონ ფურცელაძე იგონებს:

«Речь была громадная, злая, ядовитая, проникнутая острыми сарказмами, доходящая до издевательства над незнанием дела, непониманием заданной комиссии задачей... Говорил он с необычайным воодушевлением, вдохновенно, страстно, с непоколебимой логикой, подкрепленную неопровержимыми данными. Он доказывал, что комиссия отступила от данных ей дворянством полномочий... Что она не поняла задачи начатого дела, что не банк нужен, а нужна школа на прибыли банка, чего предложенный комиссией банк не даст, что проект их губит единственное общественное начинание, которое стремится к обеспеченной будущности. Что они никакого представления не имеют о банках и т. д. и т. п.

Из членов комиссии не было в собрании кн. Георгия Константиновича Багратион-Мухранского, остальные члены во время речи кн. Чавчавадзе один за другим бежали из собрания»<sup>9</sup>.

გაზეთი „დროება“ ბეჭდავს ილიას სიტყვას და აღნიშნავს, რომ იგი გონიერად, გულმხურვალედ შეეხება ბანკის საქმესო.

„1867 წელსა — ამბობს ილია, — თავდაზნაურობამ გამოთქვა სურვილი ბანკის დაწესებისა იმ აზრით, რომ დაიხსნას ჩვენი ქვეყანა სიღარიბისაგან და უმეცრებისაგან. იგი აზრი საესეა მშვენიერებითა, პატიოსნებითა, დიდ-სულონებითა და ნაყოფიერებითა. ამ ძვირფასის აზრის გონიერებითსა შესრულებაზედ, დამოკიდებულია ჩვენის ეკონომიურის მოღვაწეობის იგი განცხოველობა და გაძლიერება, რომელიც მიგვიყვანს ჩვენს ნივთიერ კეთილდღეობამდე და სიმდიდრემდე და ამის გამო ზნეობის სიკეთემდეცა... აი, ამის გამო ღირსია გულითადის ჩვენის მადლობისა ღვაწლი ამა ჩვენგანისა, რომელმაცა პირველად ჩავგინერგა ეგ ნაყოფის მომცემი აზრი. არა-ნაკლებ მისი ღირსნი არიან გულითადის ჩვენის მადლობისა იგი ჩვენგანნი, რომელთაცა პირველსავე მოწოდებაზედ მსწრაფლვე ჯედრტვიენლად დამორჩილენ თავადაზნაურობის

<sup>8</sup> ქართული „კლდე“ 1913 წ., № 20, გვ. 9.

<sup>9</sup> Газ. „Закавказская речь, 1912 г., № 138.

გადაწყვეტილებასა და სწრაფლვე შემოიტანეს მათგან მოთხოვნილი ნაწილი ყმების განთავისუფლებისათვის მიღებულის ფულისა, და ამით შემოგვეწირეს მსხვრეპლი, რათა დაიხსნან ჩვენი მშეენიერი ქვეყანა სიღარბისაგან და უმეცრებისაგან. არ შემოძლიან, ბატონებო, არ მოგაგონოთ ის, რომ ამ დიდსულთვანთა და პატიოსანთა შემომწირველთა შორის უფრო მრავალი ღარბია და ჰათ შორის, რომელთაც არ ისურვებს ამა მსხვრეპლის მოტანა უფრო ბევრნი მეღარბით, მდიდარი არიან.

დიად მოწყალენო ხელმწიფენო, ყოველთაგან დეგნილმა სიღარბემ აქაც გვიჩვენა, რომ იგი უფრო სულგრძელია ძლევაშისილს სიმდიდრეზედა<sup>10</sup>...

ილიას სიტყვას, თავადაზნაურთა საგუბერნიო კრებაზე, უდიდესი მნიშვნელობა ჰქონდა მოწინავე ინტელიგენციის მიერ აღებული კურსის გამარჯვებისათვის.

ილიას მიერ წარმოთქმული სიტყვის თაობაზე, ბაბალე თუმანიშვილი ძმას გიორგის წერდა: «На всех предыдущих заседаниях спорили о том, какой банк должны принять, краткосрочный или долгосрочный и, наконец, в один вечер, выступил Илья Чавчавадзе. Сначала раскритиковал старую комиссию и устав, вышедший в мае месяце, потом доказывал, что все мы должны думать об общем благе и потому нужно учредить такой банк, который бы приносил пользу всем. Как поэт, так и убедил всех. Выбрали новую комиссию и его главным. И таким образом покончили все споры»<sup>11</sup>.

საგუბერნიო კრებაზე, ხანგრძლივი კამათის შემდეგ იმის თაობაზე თუ როგორი ბანკი იქნეს დაარსებული — საადგილმამულო გრძელვადიანი თუ მოკლევადიანი სასესხო ამხანაგობა, თავადაზნაურთა კრებამ 27 ნოემბერს ორთმესამედი ხმის უმრავლესობით გადაწყვიტა დაეარსებინა თბილისის გუბერნიის საადგილმამულო ბანკი.

29 ნოემბერს აირჩიეს ახალი სარედაქციო კომიტეტი 27 წევრის შემადგენლობით, მათ შორის ილია ჭავჭავაძე. სარედაქციო კომიტეტის საპატიო პრეზიდენტად აირჩიეს პოეტი გრიგოლ ორბელიანი. კომიტეტის თავმჯდომარედ თავადაზნაურობის წინამძღოლი რევაზ ანდრონიკაშვილი<sup>12</sup>.

ახალი წესდების პროექტის შემუშავებაში წამყვან როლს ასრულებდა ილია ჭავჭავაძე, ბროკჰაუზ-ეფრონის რუსული ენციკლოპედიური ლექსიკონისათვის შედგენილ ავტობიოგრაფიაში ილია წერს: „ბევრი ყოყმანისა და მერყეობის შემდეგ, თუ რავგარი საკრედიტო დაწესებულება დავაარსოთო, თავადაზნაურობამ გადასწყვიტა, ჩემის რჩევისამებრ, დაარსება საადგილმამულო ბნკისა და აირჩია კომისია რომლის ერთ-ერთ წევრად მეც დამნიშნა წესდების შემდგენდა“<sup>13</sup>.

ილიას წამყვანი როლი წესდების პროექტის შედგენაში, თავადაზნაურობის საკრებულოს საქმეებში არსებული საბუთებიდანაც ნათლად ჩანს. თავადაზნაურობის წინამძღოლი რევაზ ანდრონიკაშვილი ორჯერ მიმართავს თხოვნით თბილისის საოლქო სასამართლოს თავმჯდომარეს გაუგრძელოს შევებულება ილია ჭავჭავაძეს იმასთან დაკავშირებით, რომ აზნაურთა საგუბერნიო საგანგებო კრება ბანკის ახალი წესდების განსახილველად ჯერ კიდევ გრძელ-

<sup>10</sup> გაზ. „დროება“, 1872, № 47.

<sup>11</sup> ე. ა ბ რ ა მ ი შ ვ ი ლ ი. საარქივო მასალები, „ნეცნიერება“, თბ., 1965 წ., გვ. 97.

<sup>12</sup> საქართველოს სსრ ცსია, ფონ. 214, საქ. 3373, ფურ. 190.

<sup>13</sup> ილია ჭავჭავაძე, თხზ. ტ. IX, თბ., 1957 წ., გვ. 310.



დებო. ამასვე მეტყველებს ბაბალე თუმანიშვილის პირადი წერილი გიორგი თუმანიშვილისადმი «А говорят, эти заседания были очень интересны. Мы попали только на самое последнее, когда все уже было решено. Читали новый устав, потом открыли баллотировку, но уже заранее можно было сказать, что большинство примет хорошо, потому что там были все, большей частью приверженцы Ильи Чавчавадзе, который и написал новый устав»<sup>14</sup>.

1872 წ. 5 დეკემბერს თავდაზნაურთა საგანგებო კრებამ ერთხმად მოიწონა ბანკის წესდების ახალი პროექტი. 7 დეკემბერს კრებამ აირჩია ზედამხედველი კომიტეტი, რომელსაც დაევალა ბანკის საქმეების ხლმძღვანელობა. ზედამხედველი კომიტეტის თავმჯდომარე რევაზ ანდრონიკაშვილი, წესდების პროექტს, კრების ოქმებთან ერთად უგზავნის სამოქალაქო გუბერნატორს და თხოვს, წარუდგინოს დასამტკიცებლად ფინანსთა მინისტრს.

ილია ჭავჭავაძის მიერ შემუშავებული ბანკის წესდების პროექტი შემდეგ მთავარ საფუძვლებს ემყარებოდა; ბანკი მოქმედებს თბილისის გუბერნიის ფარგლებში და სასესხო ოპერაციებს აწარმოებს როგორც ნაღდი ფულით, ისე საკრედიტო ნიშნებით, ე. ი. გირავნობის ფურცლებით. სესხი გაიცემა გრძელვადიანი 43 წლით და 6 თვით სოფლის მამულებისათვის, 18 წლით და 7 თვით ქალაქის უძრავი ქონებისათვის. მოკლევადიანი სესხი გაიცემა ერთი წლიდან სამ წლამდე ნაღდი ფულით უძრავი ქონების გირავნობით. ბანკის ძირითადი კაპიტალი განისაზღვრება 500 ათასი მანეთით და შესდგება ოთხმოცი ათასი მანეთისაგან, რომელიც შეტანილია თავდაზნაურობისაგან, და ას სამოცი ათასი მანეთისაგან, რომელიც მთავრობამ უბოძა თავდაზნაურობას საადგილმამულო ბანკის დასაარსებლად და იმ ფულისაგან, რომლის შეტანაც დაევალა თავდაზნაურობას გუბერნიის საგანგებო კრების 1872 წ. 27 ნოემბრის დადგენილებით. წლიური მოგებისაგან, რომელიც ყველა ხარჯისა და ზარალის შემდეგ დარჩება 45 პროცენტი უნდა გადაიდვას იმ თავნის შესადგენად, რომლითაც უნდა დაკმაყოფილდეს ქართველი ხალხის ზოგადსაარგებლო საქმიროებანი. ბანკის საქმეებს განაგებს თავდაზნაურთა კრება, ზედამხედველი კომიტეტი და ბანკის გამგეობა, რომელიც შედგება სამი წევრისაგან: თავმჯდომარისა და ორი დირექტორისაგან, რომელთაც საზოგადო კრება ირჩევს.

ბანკის წესდების შემუშავებულ სარედაქციო კომიტეტს, რომელიც არჩეულ იქნა თავდაზნაურთა საგუბერნიო საგანგებო კრების მიერ 1872 წლის 29 ნოემბერს, წესდების დამტკიცების შემდეგ დაეკისრა ზედამხედველი კომიტეტის ფუნქციები, რომელსაც უნდა ეზრუნა ბანკის ორგანიზაციის დასაბოლოებლად.

ზედამხედველმა კომიტეტმა ბანკის მმართველად აირჩია ილია ჭავჭავაძე, დირექტორებად დიმიტრი ყაზბეგი და დავით ყიფიანი.

1873 წელს ვაზ. „დროების“ პირველი ნომერი ატყობინებს საზოგადოებას, რომ ბანკის ზედამხედველმა კომიტეტმა ბანკის მმართველად ი. ჭავჭავაძე აირჩია, რომელიც ამის გამო სამსახურს ტოვებსო. „ჩვენ, სრულს თანაგრძნობას განვაცხადებთ ამ ამორჩევაზე. პირუთენელად შეგვიძლია ვსთქვათ, რომ ილია ჭავჭავაძისოდენი თითქმის არ უშრომია ამ უკანასკნელ დროს თბილისის სააზნაურო ბანკისათვის და იმდენი მონაწილეობა ამ ბანკის წესდებულების შედგენისათვის არავის არ მიუღია“<sup>15</sup>.

14 ე. აბრამიშვილი, საარქივო მასალები, მეცნიერება, თბილისი, 1965, გვ. 97.

15 ვაზ. „დროება“, 1873, № 1.

ილია ჭავჭავაძემ დიდი შრომა გასწია არა მარტო წესდების შემუშავებაზე, რომელიც კიდევაც მიაღებინა თავადაზნაურთა საგანგებო კრებას, მას კიდევ უფრო მეტი შრომის დახარჯვა დასჭირდა წესდების პროექტის დამტკიცებისათვის, რაც თითქმის წელიწადნახევარს გაგრძელდა.

დადგენილი წესის მიხედვით, სანამ წესდების პროექტი ფინანსთა სამინისტროში გაიგზავნებოდა, იგი უნდა განეხილა მეფისნაცვლის მთავარ სამმართველოსთან სპეციალურად ამ მიზნით შექმნილ საბანკო კომისიას და მხოლოდ მისი მოწონების შემთხვევაში გაიგზავნებოდა დასამტკიცებლად ზემდგომ ორგანოებში, მაგრამ ეს პროცედურა ძლიერ გაჭიანურდა, წესდების პროექტი მხოლოდ 1873 წლის 14 მარტს გაიგზავნა ფინანსთა სამინისტროში. ამასთან დაკავშირებით ილია დუშეთიდან (ილია მაშინ დუშეთში მომრიგებელ მოსამართლედ მუშაობდა) სწერს მეუღლეს: „ჩვენი ბანკის საქმისა ვერა შევიტყუე რა გარდა იმისა, რომ გლავნი უპრაველნიეს ჩვენი პროექტი დაუბუნებიაო. რაღაცას ცუდლუტობენ დიდნი და პატარანი და მე ვერა გამიგია, როდის უნდა დაბოლოვდეს ჩვენი საქმე“<sup>16</sup>. ცოტა მოგვიანებით ილია მეუღლეს წერს: „მიხარებია შენთვის; ჩვენი ბანკის პროექტი აქ მიიღეს და 14 მარტს პეტერბურგში გაგზავნეს დასამტკიცებლად. ეხლა კი, მგონია, იმედია, რომ ბანკის საქმეს ბოლო რივიანი მოუხდეს. დღეს მე „ატსტავკას“ ვაძლევი და იმედი მაქვს, რომ აპრილში გნახოთ“<sup>17</sup>.

ილიას „ატსტავკის“ საქმე ჭიანურდებოდა. იგი იძულებული იყო დუშეთში დარჩენილიყო და მომრიგებელი მოსამართლის მოვალეობა შეესრულებინა. „რა წამსაც „ატსტავკა“ მამივა, — სწერდა ილია მეუღლეს, 1873 წ. 17 მაისს — და საქმეს ჩავაბარებ, მაშინვე წამოვალ... ჩვენი ბანკის საქმისა აი რა შევიტყვე: ჩვენი პროექტი „გოსუდარსტვენნი სოვეტში“ გადაუციათ ფინანსების სამინისტროსა. ეგ ცუდი ნიშანია. დამტკიცდება თუ არა, ღმერთმან იცის. დიმიტრი ყაზბეგი ზის ქალაქში, მე მელის და სიცხით იწვევა ჩემს მოლოდინში. მე და ეგ ერთად მივდივართ ბაქოზედ და მაინდამ ერთად წავალთ რუსეთს. რუსეთში ორი სამი თვე დავრჩებით მეტი არა“<sup>18</sup>.

1864 წლიდან ილია დუშეთში მუშაობდა. მომრიგებელ შუამავლად, შემდეგ კი მომრიგებელ მოსამართლედ. მან თავისი მოღვაწეობით დიდი სიყვარული და პატივისცემა დაიმსახურა ადგილობრივ მოსახლეობაში. ილიას „ატსტავკის“ მოლოდინში დუშეთის საზოგადოება მის პატივსაცემად სადილებს მართავდა. 1873 წლის 24 მაისს ილიას დუშეთიდან გამოგზავრების აღსანიშნავად დიდი წვეწულება გამართეს, ქება-დიდებათი შეამკეს და გზა დაულოცეს.

ილია პეტერბურგში ჩასვლისთანავე დაულალავად ზრუნავს ბანკის საქმეების მოსაგვარებლად. იგი საადგილმამულო ბანკს საქართველოს ეკონომიკური და კულტურული აღორძინებისა და პოლიტიკური თვითმყოფადობის საქმეს უკავშირებდა. ამიტომ ზრუნავდა მისი მოქმედების დასაჩქარებლად. „ოღონდ ის საზოგადო საქმე, — წერს მეუღლეს, — რომელშიაც მე ბედმა გამრია, კეთილად წარიმართოს და ჩვენი პირადი მწუხარება იმის ჭირის სასაცლოდ იყოს. რამოდენადაც კაცს ვრცელის გრძნობის დატევა შეუძლიან გულში, იმოღენად დიდია. მე რომ მარტო ყვარელი მიყვარდეს და შენ მთე-

16 ილია ჭავჭავაძე, თხზ., სრ. კრებული, ტ. X, თბ., 1957, გვ. 275.

17 იქვე, გვ. 276.

18 იქვე, გვ. 286.

ლი კახეთი, შენ ჩემზე დიდი იქნები და თუ იმისთანაც იქნება, რომ მთელი საქართველო უყვარდეს ის ორთავეზე უდიდესი იქნება „ავგიყოლია სიყრმიდანვე ჩვენ ქართლის ბედმა და დაე გვიძახონ — ჩვენ მის ძეხნით დავლიოთ დღენი“<sup>19</sup>. ოჯახს და სამშობლოს მოშორებული ილია დადის მეფის მთავრობის ერთი ბიუროკრატიული დაწესებულებიდან მეორეში, ყოველ ღონეს ხმარობს მინდობილი საქმის დასაჩქარებლად, ილია არა მარტო ბანკის წესდების დამტკიცებისათვის ზრუნავდა, არამედ აგრეთვე პრაქტიკულადაც შეესწავლა ბანკის საქმე. მაგრამ მას აქაც დიდი წინააღმდეგობების გადალახვა მოუხდა. „მე — სწერს ილია მეუღლეს, — ოცდაექვს, პეტერბურგიდან შოკედი ყოველ ცისამარე დღე ჩვენს ბანკის საქმეზედ დავდივარ და ვერა გავხდირა. არც ერთ ბანკში არ გვიშვებენ, რომ შევისწავლოთ რამე. მე ამისთანა გულშეუტყვიარი ხალხი არ მინახავს, ამის გამო ბევრი დრო გვეკარავდა და იქნება დიდი ხნით დაბრკოლდე აქა. თუ არ შევისწავლეთ რა და ისე ხელცარიელები მოვედით ქალაქს, ხომ იცი რამდენს ცილს დაგვწამებენ. აი ბატონო, იტყვიან, ჩაიჯიბეს ოთხმოცი თუმანი, გაისეირნესო და ხელცარიელები მოვიდნენო. მე არ მინდა რომ ჩემზე ესა ჰსთქვან: რაც უნდა მოხდეს, თუნდა ერთი წელიწადი დარჩომა მომინდეს, დავრჩები აქა, რომ შევისწავლო რამე და როგორმე ბანკების კარი გავაღო. ... მე ეხლა ძლივს შევდგი ფეხი ბანკში და რაც საჭიროა ვსწავლობ, დილიდამ ათი საათიდან ოთხ საათამდე ბანკში ვარ ხოლმე, ორი ნაწილი საქმის დაწყობა შევისწავლე, ორი კიდევ დამრჩა. იმ კვირას სულ ღვითთ გავათავებ“<sup>20</sup>.

ილიას დიდი დაბრკოლების გადალახვა უხდება წესდების დამტკიცებისათვის. „ეს მამაძაღლები აბრკოლებენ საქმეს სხვადასხვა მიზეზთა გამო — წერს ილია — თვითონ მინისტრი უარზედ არ არის. იმის დირექტორია რაც არის, ისა აბრკოლებს ჩვენ საქმესა. ქრთამი უნდა. მაგრამ ვინ რას მისცემს, ისეც კუტრები ვართ. ესეა ჩვენი საქმე. ყოველდღე თითქმის დავდივართ სამინისტროში და არ ვასვენებ, ახლაც იქ მივდივარ, იქნება ამ დღეებში თვითონ მინისტრის ნახვაც მომიხდეს. ზოგი მირჩევს ნახეო და უთხარიო, რომ დირექტორი საქმეს აგვიანებსო, ზოგი არ მირჩევს მეუბნებიან, დირექტორი უფრო საქმეს წაახდენსო. არ ვიცი რომელს დაუჯგრო. ორივე თითქმის ერთნაირად მართალნი არიან. მაინც და მაინც დღეს საქმეს და მის მდგომარეობას შევიტყობ, ავწონ დავწონი და მერე ისე მოვიქცევი“<sup>21</sup>.

ილიამ, რომელიც ბანკის საქმეების გამო დიდ ხანს დაჰყო რუსეთში, (1873 წლის გაზაფხულიდან 1874 წლის გაზაფხულამდე) წამოიწყო მეტად მნიშვნელოვანი სალიტერატურო საქმე, საფუძველი ჩაუყარა შექსპირის ქართულად თარგმნას. ილიამ აქ იპოვა თავისუფალი დრო შექსპირზე სამუშაოდ, ილია პეტერბურგში გაეცნო ახალგაზრდა სტუდენტს ივანე მაჩაბელს, რომელიც ამ დროს პეტერბურგის უნივერსიტეტში სწავლობდა და ინგლისური ბრწყინვალედ იცოდა. ილია შეუდგა შექსპირის „მეფე ლირის“ თარგმნას ივანე მაჩაბლის დახმარებითა და თანამშრომლობით. ილია ამავე დროს შესდგომია ინგლისური ენის შესწავლას შექსპირის დედანში გასაცნობად. ილია სწერს თავის მეუღლეს ოლღას პეტერბურგიდან 1873 წლის 21 ნოემბრის თარიღით: „... ჩემო კარგო!... აქაური ამბავი რა მოგწერო: მე ინგლისური ენის სწავლას

19 ილია ქავჭავაძე, თხზ. ტ. X, 1957 წ., გვ. 290.

20 ი. ქავჭავაძე, თხზ., ტ. X, გვ. 1957 წ., გვ. 293—300.

21 იქვე, გვ. 322.

შეუდექი და შექსპირის ტრაგედიას კოროლ ლირს ესთარგმნი სხვასთან ერთად. აქედამ რომ მოვალ ინგლისური მეცოდინება იმდენად, რომ სუბუქის, თხზულების წაყითხვა შემეძლოს. სხვა არაფერი ვასართობი არ მაქვს რა“. ლირის თარგმანი 1873 წლის დეკემბრის შუა რიცხვებში უკვე ძირითადად დამთავრებული ყოფილა. ილია კმაყოფილი იყო გაწეული მუშაობით, წერილში 1873 წლის 19 დეკემბრის თარიღით ილია შემდეგ წერს თავის მეუღლეს ოლღას: „ვერ წარმოიდგენ ჩემს უბედურს და უგემურს გარემოებას. ვვდივარ დიდიდან საღამომდე შინ და თუ ვავალ, ისიც სასერიზოდ. იმ დღეს ვიორგი შერვაშიძესთან ვიყავი, აი მთავრის შვილი რომ არის. ამას წინათ თითონ მოვიდა და მთხოვა — შექსპირის ტრაგედია, კოროლი ლირი, რომელიც ქართულად ინგლისურიდან ვთარგმნეთ. წაგვიკითხეო. წავედი წასაკითხავად. კარგა ბლომა ხალხი იყო და ძალიან მოიწონეს.. ვერ წარმოიდგენ, რა რიგ კარგად გამოვიდა ქართულს ენაზედ. არც ერთი რუსული თარგმანი ქართულს არ შეედრება... შენ ხომ იცი, ჩემი ნაჯაბნის ქება მე თითონ არ მიყვარს, მაგრამ ასეთი თარგმანია, რომ არ ვაქო, ცოდვა იქნება. აქაური ყმაწვილი კაცობა მაგ თარგმანისათვის გაგიყებუღია და აღტაცებაში მოსულა“.

ილია, რომელიც საერთოდ დიდად თავდაჭერილი იყო თავისი ლიტერატურული საქმიანობის შეფასებაში, ასეთი აღტაცებით ლაპარაკობს ლირის თარგმანზე. ლაპარაკობს ისე, როგორც მას არასოდეს არ ულაპარაკნია არც ერთი თავისი ნაწარმოების შესახებ, აქედან ჩანს თუ როგორის განსაკუთრებულის გატაცებით უმუშავნია ილიას შექსპირის თარგმანზე, ილიას ამისთვის გაუმეტნია თავისი დიდის ტალანტის ძალა.

„მეფე ლირის“ თარგმანი ილიას და ივანე მაჩაბელს დაუმთავრებიათ 1874 წლის 1 იანვარს. წერილში თავის მეუღლე ოლღასადმი ილია წერს: „აქამდინ ჩვენს თარგმანს ლირის (პირველ ნაწილს) წაიკითხავდი მომწერე, როგორ მოგეწონა... სწორედ ახალი წლის პირველ დღეს სრულიად გავთავეთ თარგმანი“.

ასეთია ისტორია „მეფე ლირის თარგმანისა. რომლითაც ილიამ, ივანე მაჩაბელთან ერთად, საფუძველი ჩაუყარა შექსპირის გადმოქართულებას, და რაც შემდეგ ასე ბრწყინვალედ განაგრძო ივანე მაჩაბელმა“<sup>22</sup>.

ბანკის წესდების დამტკიცება დიდი ხნით ჰქონებოდა, რის გამოც ილია ძლიერ წუხს, რადგან მისი დამტკიცების გარეშე მას არ შეუძლია საქართველოში წამოსვლა.

„ჩვენი ბანკის საქმე ხათბალა გახდა. ის უფალი, რომლის ხელშიაც არის ეგ საქმე. საბაგელი, უგულო და უდაძიანო კაცია. თუმცა არ შეუძლიან იმდენი, რომ საქმე საბოლოოდ გააფუტოს, მაგრამ აგვიანებს კი და პირდაპირ ყველაფრით გვიჩვენებს, რომ მაგისტანა საქმე უჭრთამოდ ვერ გარიგდებაო. აბა ქრთამის მიცემა როგორ შეუძლიან ჩვენს კუტრს ბანკსა, ორშაბათს ვაპრობ იმასთან წასვლას და ჩხუბსა. აქამდის ვეფერებოდი, ვეხვეწებოდი, ხელში უკვდებოდი, მეგონა, რომ ამით იქნება დავიყოლო მეტიქი, მაგრამ ამან ყოველმა ვერ გასჭრა. ახლა ვაპრობ ჩხუბსა და დიდ ჩხუბსაცა. ვნახოთ რა გამოვა.“

ამას წინათ ვიფიქრე, მოდი წავიდე შინ მეტიქი. რისთვის. ვიტანჯები და ვწვლობ მეტიქი? მაგრამ შენმა წიგნმა კიდევ გული მომცეს და ვპსთქვი: ეს ხომ ჩემგან სილაჩრე იქნება, რომ გაუთავებლად საქმე დამრჩეს; ეგ ბრძო-

ლის ველიდამ გაქცევა იქნება და სირცხვილი მეტქი. ვინ რას მეტყვის? ხომ მიწასთან გამასწორებენ მეტიქი<sup>23</sup>.

1874 წ. 18 თებერვალს ილია ატყობინებს მეუღლეს, „ბანკის საქმე გაჩაღდა და გაჩაზნდა“ და დიდად იმედოვნებს, რომ წესდებას დაამტკიცებენო. „მასამდე გათავდება ეს საქმე სრულიად და ღვითთ გამარჯვებითაც, მაგრამ მე მის გათავებას აღარ მოუხდო, რადგანაც მე ესლა საჭირო აღარა ვარ, უჩემოდაც ვარიგდება. მე წამოვალ პეტერბურგიდამ ან დიდ შაბათს, ან არა და ორს აპრილს უსათუოდ გადაწყვეტილად“<sup>24</sup>.

როგორც იქნა დამთავრდა ილიას რუღუნება ბანკის წესდების საქმეებზე. დამთავრდა ხანგრძლივი მივიღინება და ილია გამარჯვებული მოემგზავრება საქართველოში. როგორც ილია ვარაუდობდა, 1874 წლის 28 მაისს მთავრობამ დაამტკიცა თბილისის სათავადაზნაურო-საადგილმამულო ბანკის წესდება ფინანსთა მინისტრი, რეიტერნი ატყობინებს რა ამის შესახებ მეფისნაცვლის მთავარი სამმართველოს უფროსს, თხოვს მას, რომ წესდების საფუძველზე თავადაზნაურთა საერთო კრებამ აირჩიოს ბანკის მმართველობა, რომელსაც გადაეცემა მთავრობის მიერ ნაბოძები 160 ათასი მანეთი თბილისის ბანკის დასაარსებლად.

1874 წ. 1 სექტემბერს გაიხსნა თბილისის გუბერნიის თავადაზნაურთა საერთო კრება, რომელმაც აირჩია ბანკის ზედამხედველი კომიტეტის ახალი შემადგენლობა. ამავე კრებაზე მოხდა ბანკის მმართველის და დირექტორის არჩევა. ბანკის მმართველად აირჩიეს ილია ჭავჭავაძე, დირექტორებად ალექსანდრე ჩოლოყაშვილი და ალექსანდრე ერისთავი. თბილისის საადგილმამულო ბანკის მოქმედების დაწყებამდე ილიას, როგორც ბანკის მმართველს, 1874 წლის დამლევს კიდევ მოუხდა რუსეთში გამგზავრება, ახლა უკვე იმისათვის, რომ დაეჩქარებინა ბანკის გირაოს ფურცლების დამზადება და მოლაპარაკებოდა ბანკირებს ამ ფურცლების გასაღების თაობაზე. გაზეთი „დროება“ აუწყებდა საზოგადოებას „ჩვენ შევიტყვეთ, რომ თბილისის აზნაურობის საადგილმამულო ბანკის გამგებელს, რომელიც ამჟამად ქალაქშია, ჩვენი ბანკის გირაოს ფურცლების გასაღებაზე ერთს პეტერბურლის საიმედო ბანკთან პირობა შეუკრავს. ამ ბანკს სახელად ჰქვიან „რუსეთის ბანკი გარეშე ქვეყნებთან ვაჭრობისათვის“<sup>25</sup>.

1875 წლის 26 იანვარს შედგა თბილისის საადგილმამულო ბანკის დამფუძნებელთა კრება. კრების მთავარი მიზანი იყო ბანკის შემფასებელი კომისიის წევრების არჩევა, რომელთა გარეშე ბანკის ფუნქციონირება შეუძლებელი იქნებოდა. კრების 3 თებერვლის სხდომაზე ილიამ წარმოსთქვა საპროგრამო სიტყვა, რომელშიაც ჩამოაყალიბა ის პრინციპები, რომლებითაც უნდა ეხელმძღვანელა ბანკს და რომლებსაც იგი მტკიცედ იცავდა ბანკში მუშაობის პირველი დღიდან უკანასკნელ დღემდე. ილიას სიტყვა საგაზეთო ანგარიშის სახით გამოქვეყნებული იყო გაზეთ „დროებაში“.

ილია აფრთხილებს კრებას, რომ დამფასებლებლად აირჩიონ სიმართლის მოყვარენი, პირუთვნელნი. კეთილსინდისიერნი, მკოდნენი და ჭკუა-გონება გახსნილი ადამიანები, რადგან მარტო წესიერად და სასტიკად მოწყობილი დაფასება ბანკის წარმატების საფუძველიაო.

23 ი. ჭავჭავაძე, თხზ. ტ. X, გვ. 312.

24 იქვე, გვ. 314.

25 გაზ. „დროება“, 1875 წ. №7.

„ბანკი თავად-აზნაურობამ დააწესა იმ განზრახვით, რომ მისგან შეწირული ფული სესხად მოეფინოს ჩვენს ქვეყანასა, მაგრამ ისე მოეფინოს, რომ მაგ ფულს ერთი გრომიც არ დაეკარგოს, სესხმა ფული ასარგებლოს, ფულმა ფული მოიგოს და მხოლოდ ამ მოგებიდან უფრო ბევრი წილი ჩვენის ქვეყნის საერთო საჭიროებას მოხმარდეს და ზოგი კიდევ ღარიბთაც გაუნაწილდეს, იმ ღარიბთა, რომელნიც რომელიმე უბედურების გამო სიღარიბეში ჩაკვივნულან და არ იმათ, ვინც გულაღმა წვანან, გულზედ ფაფუკი ხელები დაუკრეფიათ, პირი დაუღიათ და ჰყვირიან მასვით და მაჰამეთო“<sup>26</sup>.

დასრულდა ხანგრძლივი რუდუნება საადგილმამულო ბანკის დაარსებისათვის, რომლის „ნიშნდობლივი და საყურადღებო თვისება, რომელიც სხვა საადგილმამულო ბანკების წესდებისაგან განარჩევს, ის არის, რომ ბანკის მოგება, იმის გარდა, რაც სხვადასხვა თანხას უნდა მიემატოს ჰხმარდება ამერეთის არა მარტო მიწათმფლობელთა, ესე იგი თავდაზნაურთა, არამედ მიწათმოქმედთა საერთო საჭიროებას. ამ სახით, თბილისის სათავადაზნაურო საადგილმამულო ბანკი თითქმის ისეთი ერთადერთი დაწესებულებაა საადგილმამულო კრედიტისა რუსეთში, რომლის წესდებითაც სრულიად უარყოფილია კერძო ინტერესი მოგებით სარგებლობისა საზოგადო სიკეთისა და საჭიროებისათვის“<sup>27</sup>.

1875 წლის 15 თებერვალს საფუძველი ჩაეყარა ბანკის მოქმედებას, რომელსაც ილია ჭავჭავაძემ დიდი ენერგია შეაღწია.

ნიკო ნიკოლაძე, რომელიც იმ დროს საფრანგეთში იმყოფებოდა, გულნატკენია იმის გამო, რომ ქართულ პრესაში არაფერი ითქვა იმ ადამიანების შესახებ, რომლებმაც თავის მხრებზე გადაიტანეს ბანკის დაარსების ეს მძიმე საქმე. „რატომ არც ერთ ადგილობრივ გაზეთში არ ითქვა არცერთი სიტყვა მოწონებისა და მადლიერებისა იმ კაცისადმი, რომლის სახელი ცნობილი იყო ჩვენი ქვეყნის თითოეული შეგნებული შვილისათვის და რომელმაც მოთმინებით და გონიერი შრომით შესძლო ახალი საფუძველი ჩაეყარა ერთ-ერთ ისეთ დიდად სასარგებლო და აუცილებელი დაწესებულებისათვის, როგორც კი ოდესმე დაარსებულა ჩვენს ქვეყანაში? რატომაა რომ ი. ჭავჭავაძე ახლაც ისევე მარტოა, ისევე დაუფასებელია, ისევე მოკლებულია მხარდაჭერას, როგორც იმ სამწუხარო უამს, როცა მან დააარსა და მხოლოდ საკუთარი მხრებით ატარებდა უდროოდ დაღუპულ, მაგრამ დაუვიწყარ „საქართველოს მოამბეს“? ზემოდ ნათქვამის საფუძველზე მე სულ მგონია, რომ ბანკის საქმე ისევე როგორც ადრე „საქართველოს მოამბის“ საქმე, მთელი თავისი სიმძიმით ილია ჭავჭავაძის მხრებს დააწევბა“<sup>28</sup>. სავსებით მართალი იყო ნ. ნიკოლაძე. ილია ჭავჭავაძე 30 წლის მანძილზე საკუთარი მხრებით ეზიდებოდა ამ დიდ საქმეს, ქართველი ერის კეთილდღეობისათვის.

И Э. АСАТИАНИ

## ИЛЬЯ ЧАВЧАВАДЗЕ И ТБИЛИССКИЙ ГРУЗИНСКИЙ ПОЗЕМЕЛЬНЫЙ БАНК

Резюме

Идея создания Тбилисского поземельного банка зародилась в период проведения крестьянской реформы. Тогдашний предводитель

<sup>26</sup> ვახ. „დროება“, 1875 წ. № 16.

<sup>27</sup> ი. ჭავჭავაძე, თხზ. ტ. IX, თბ., 1957 წ., გვ. 310.

<sup>28</sup> ნიკო ნიკოლაძე, თხზ. ტ. 4, თბ., 1964 წ., გვ. 69.

дворянства Тбилисской губернии Дмитрий Иванович Кипиани заболел о сохранении привилегированного положения дворянства, «пострадавшего» в результате упразднения крепостничества. Он твердо верил, что в создавшихся условиях просвещение представляло для дворянства настоятельную необходимость.

Поначалу Д. Кипиани пытался собрать средства для обучения дворянской молодежи и призывал дворянство жертвовать во имя этого благого дела пятую часть получаемых им в виде помощи от государства денег за освобождение крестьян. Впоследствии сбор средств на нужды просвещения он связал с идеей основания дворянского поземельного банка.

В бытность Д. Кипиани предводителем дворянства были разработаны пять вариантов проекта банковского устава, но ни один из них правительством не был утвержден.

В 1871 году Чрезвычайное собрание дворянства Тбилисской губернии вновь избрало для составления нового проекта банковского устава комиссию пяти под председательством нового предводителя дворянства Реваза Андроникашвили. Большинство членов комиссии — представители крупной феодальной аристократии — с самого же начала были против основания поземельного банка, поэтому комиссия выработала проект устава уездных поземельных ссудных товариществ.

Основание в уездах кредитных товариществ по краткосрочным ссудам, предусмотренное проектом комиссии, полностью исключило их использование для общественных нужд. Проект устава вызвал справедливое недовольство большей части общества.

С начала 70-х годов грузинские шестидесятники под руководством Илья Чавчавадзе активно поддерживали идею основания поземельного банка. Они надеялись использовать его в интересах национально-освободительного движения.

25 ноября 1872 года, на собрании дворянства Тбилисской губернии, где рассматривали составленный комиссией проект устава ссудных товариществ, Илья Чавчавадзе выступил с блестящей речью в защиту основания поземельного банка, которая имела решающее значение в деле окончательного решения этого вопроса. И. Чавчавадзе был избран одним из членов нового редакционного комитета, и подготовка проекта устава была поручена ему. 5 декабря 1872 года на заседании того же собрания Илья Чавчавадзе представил новый проект устава банка, который был одобрен единогласно.

Илья Чавчавадзе потратил много сил не только на создание проекта устава, ему пришлось немало потрудиться также и для его утверждения правительством; именно с этой целью отправился он в Петербург и пробыл там с весны 1873 до весны 1874 года.

1 сентября 1874 года Чрезвычайное собрание дворянства Тбилисской губернии избрало Илью Чавчавадзе управляющим банка.

В январе-феврале 1875 года состоялось собрание дворян — учредителей банка, на котором были избраны члены оценочной комиссии, и управляющий банком Илья Чавчавадзе произнес свою программную речь; он сформулировал руководящие принципы деятельности банка, которые твердо соблюдались им в течение всего периода его работы в банке.

წარმოადგინა საქართველოს სსრ მეცნიერებათა აკადემიის ეკონომიკისა და სამართლის ინსტიტუტის სოციალისტური ეკონომიკის გამოცდილების განვითარებისა და ქართული ეკონომიკური აზრის ისტორიის განყოფილებამ.

ტარიელ სართანია

ილია ჭავჭავაძემ სტატისტიკის შესახებ

სტატისტიკას, როგორც მეცნიერებას, საფუძველი მე-17 ს. ჩაეყარა. თავდაპირველად მან ბურჟუაზიული პოლიტიკური ეკონომიის ფუძემდებლის, ინგლისელი ვ. პეტის (1623-1687 წწ.) ნაშრომში — „პოლიტიკური არითმეტიკა“ (1676 წ.) ჰპოვა ასახვა, რის გამოც მისი სახელწოდებაც თავიდან ასევე განისაზღვრა.

კ. მარქსი ვ. პეტის პოლიტიკურ ეკონომიასთან ერთად სტატისტიკური მეცნიერების ფუძემდებლადაც თვლიდა. ვ. პეტი თავის შრომებში პოლიტიკური ეკონომიის მთელ რიგ დებულებებს რაოდენობრივი გაანგარიშებით ასაბუთებდა, რისთვისაც იყენებდა რიცხობრივ მონაცემებს სხვადასხვა საზოგადოებრივი მოვლენების მდგომარეობა-განვითარების შესახებ.

მოგვიანებით, 1749 წ. როდესაც გამოიცა გერმანელი პროფესორის გ. ახენვალის ნაშრომი ევროპის მოწინავე ქვეყნების მდგომარეობის შესახებ, ამ მეცნიერებას „სტატისტიკა“ ეწოდა. სტატისტიკის, როგორც მეცნიერების შემდგომ განვითარებაში დიდი წვლილი მიუძღვით XIX ს. გამოჩენილ რუს მეცნიერებს: აკად. ი. გერმანს (1755-1856), რომელმაც 1809 წ. გამოსცა პირველი სახელმძღვანელო „სტატისტიკის საყოველთაო (ანუ ზოგადი — ტ. ს.) თეორია“, აგრეთვე — დ. ყურავსკის (1810-1855 წ. წ.), ი. იანსონს (1835-1892 წ. წ.) მამა-შვილ ჩუპროვებს და სხვებს.

იმდროინდელ რუსეთის იმპერიაში არ არსებობდა სტატისტიკისა და აღრიცხვის ერთიანი სისტემა, ერთიანი სახელმწიფოებრივი ხელმძღვანელობა და სტატისტიკურ-სააღრიცხვო სამუშაოებს ეწეოდნენ ცალკეული სამინისტროები და უწყებები, კერძოდ შინაგან საქმეთა სამინისტრო, ფინანსთა სამინისტრო, საგზაო მიმოსვლის სამინისტრო და სხვ. მხოლოდ 1857 წ. რუსეთის იმპერიის შინაგან საქმეთა სამინისტროსთან შეიქმნა ცენტრალური სტატისტიკური კომიტეტი, რომელსაც დაევალა სტატისტიკურ სამუშაოთა კოორდინაცია და ერთიანი ხელმძღვანელობა ქვეყნის მასშტაბით. ამ კომიტეტის შექმნამ თვალსაჩინო შედეგი გამოიღო და დროთა განმავლობაში მნიშვნელოვნად გაფართოვდა აღნიშნულ სამუშაოთა არე. 1861 წ. საგლეხო-საბატონო რეფორმის გატარებასთან დაკავშირებით ცენტრალური სტატისტიკური კომიტეტის დაქვემდებარებაში შეიქმნა საერობო სტატისტიკა, რომლის თავდაპირველი დანიშნულება იყო საგლეხო მეურნეობის შემოსავალ-გასავლების დადგენა და კომლების აღწერა. შემდგომში საერობო სტატისტიკამ მეტად თვალსაჩინო მუშაობა გასწია სხვადასხვა სტატისტიკური აღწერებისა და გამოკვლევების ჩატარების საქმეში, რამაც სისტემატური ხასიათი მიიღო.



გასული საუკუნის ბოლოს იმდროინდელი საქართველოს სინამდვილიდან საინტერესო ცნობებს გვაწვდის ილია ჭავჭავაძე თავის სტატილაში „სტატისტიკის შესახებ“, რომელიც 1888 წ. 18 იანვარს დაიბეჭდა გაზეთ „ივერიაში“ (№ 12): „კავკასიის სასტატისტიკო კომიტეტმა შარშან კარგი სამეცნიერო განძი შესძინა კავკასიას სართოდ და ჩვენს ქვეყანას საკუთრივ, — წერდა ილია ჭავჭავაძე — მან განიზრახა ყოველი სასტატისტიკო ცნობანი ამოეკრიბა ევროტ-წოდებული „საოჯახო სიებიდან“, რომელნიც შედგენილ იქნენ იმისათვის, რომ უტყუარი ანგარიში ჰქონდა მთავრობას მკვიდრთა რიცხვისა სამხედრო ბეგარისათვის მოსაწოდებლად და ამასთანავე, იმის საცნობლად, თუ რამდენი ოჯახია იმისთანა, რომელსაც უნდა გაეწიოს საკომლო გარდასახადი“<sup>1</sup>. მართლაც, სტატისტიკის დანიშნულებას ჯერ კიდევ უხსოვარ დროიდან შეადგენდა მოსახლეობის, განსაკუთრებით კი მამაკაცების, რიცხოვნობის განსაზღვრა სამხედრო საჭიროებისათვის და გლეხური კომლების შემოსავლების დადგენა მათი დაბეგვრის სიდიდის განსაზღვრისათვის. ასეთივე ფუნქციები ჰქონდა მეფის რუსეთის სტატისტიკას. ილია ჭავჭავაძე ზემოთ აღნიშნულ სტატიებში ეხება სტატისტიკურ კრებულს, რომელიც იმხანად გამოსულა ვინმე ზეიდლიცის რედაქტორობით და მას მაღალ შეფასებას აძლევს, როგორც მასალას სამეცნიერო კვლევა-ძიებისა და მეცნიერული დასკვნების გასაკეთებლად. იგი ფრიად საშურ საქმედ მიიჩნევს სტატისტიკური მონაცემების იმ სახით შეკრებას და დამუშავებას, რომ იგი მეცნიერებას გამოადგეს და ამდენად მისასაღმებლად მიიჩნევს „კავკასიის სასტატისტიკო კომიტეტის“ ისეთ დავალებას მთავარი რედაქტორისათვის, როგორიც იყო „...ამოკრება ამ სასტატისტიკო ცნობებისა, ამათი განხილვა და შემუშავება და მერე დაბეჭდვა იმისდა მიხედვით რამოდენადაც ეს საინტერესო მასალა მეცნიერებისა მზად იქნება დაბეჭდვისათვის“<sup>2</sup>. შემდეგ ილია იტყობინება, რომ ჯერჯერობით ოთხი ასეთი რვეული (კრებული) დაიბეჭდა, რომელთაგან პირველი მოიცავდა 115 გვერდს და განეკუთვნებოდა მთლიანად ზაქათალის ოლქს, მეორე — ახალქალაქის მაზრას, მესამე — შავი ზღვის ოლქს და მეოთხე — დარლოს ოლქს დაღესტანში: „სიღნაღის მაზრის ცნობანიც მზად არის, ხოლო ჯერ იბეჭდება და არ გამოსულა სტამბიდან. ჩვენ ეს ოთხი რვეული დღეს მოგვივიდა და მარტო მოვასწარიით ხელდახელ ვადათვალიერება. რვეულები რიგიანად და ლამაზად არის დაბეჭდილი და სავსეა საინტერესო ცნობებით, რომელნიც საკმაო ცოდნით თავ-თავის რიგზეა დალაგებული. ჩვენ დღეს ერთს ფრიად საყურადღებო საგანს შევნიშნავთ და ამ საგანზე გავუწვეთ საუბარს ჩვენ მკითხველუნს. ეს საგანი მით არის შესანიშნავი, რომ იმისთანა ცნობას გვაძლევს, რომელიც პირდაპირ ეპირისპირება და არ ეთანხმება სასტატისტიკო მეცნიერების საზოგადო დასკვნას“<sup>3</sup>. აქ ლაპარაკია სტატისტიკის მიერ დადგენილ იმ კანონზომიერებაზე, რომ დაბადებულთა შორის ბიჭების რიცხვი სჭარბობს გოგონებისას, აქამად, იგი ყოველ 1000 მცხოვრებზე მთელ მსოფლიოში შეადგენს 515 ბიჭს და 485 გოგონას, რაც არა მრტო ოც, არამედ ოცდაათი წლის ასაკამდე ასევე სჭარბობს გოგონებისას. სწორედ ამის შესახებ ამბობს ილია: „სასტატისტიკო მეცნიერებას გამოჩვეული აქვს, რომ თითქმის ყველგან ევროპაში დედაკაცთა რიცხვი სჭარბობს მამაკაცთა რიცხვსა. მართა-

<sup>1</sup> ილია ჭავჭავაძე, თხზულებათა სრული კრებული ათ ტომად, ტომი VII, თბილისი, 1956 წ. გვ. 321.

<sup>2</sup> იქვე,

<sup>3</sup> იქვე, გვ. 322.

ლია მეცნიერება ამასთან იმასაც ამბობს, რომ ეს მეტნაკლებობა ზოგჯერ ჰმატულობს, ზოგჯერ ჰკლებულობს, მაგრამ არასოდეს ისე არ იცვლება, რომ მამაკაცთა რიცხვმა გადააჭარბოს. ეს ამბავი მით უფრო შესანიშნავია, — განაგრძობს იქვე ილია, — რომ დაბადებით მამაკაცთა რიცხვი ყოველთვის მეტია დედაკაცთა რიცხვზე და მაშასადამე მამაკაცი რიცხვით აღმატებულდნენ დედაკაცთა, საქმით — კი ესე არ გამოდის. მეცნიერებას გამოცნობილი აქვს, რომ თხუთმეტი წლის ასაკამდე ამ ორისავე სქესის რიცხვი თანასწორია და ამ ასაკს შემდეგ — კი მთელს დანარჩენს ასაკობაში დედათა რიცხვი მეტია<sup>44</sup>.

უნდა აღინიშნოს, რომ ილია ჭავჭავაძე კარგად ერკვეოდა დემოგრაფიულ სიტუაციებშიც და მეტად საღ დასკვნებს აკეთებდა იმდროინდელი სტატისტიკური მონაცემების საფუძველზე: „ყველგან და ყოველთვისაო, ამბობს მეცნიერება, ვაჟი უფრო მეტი იბადება, ვიდრე ქალიო, მაგრამ ესეც — კი შეინიშნულია, რომ ყრმობაშივე სიკვდილითაც ვაჟი მეტი იხოცება, ვიდრე ქალიო. ეს არის მიზეზი, რომელიც ჰმოქმედობს — ამ ორის სქესთა მეტნაკლებობაზედ, ჯერ როცა ასაკსრული არ არის არც ვაჟი და არც ქალი. როცა ასაკი ემატებათ და სისრულეში შედიან, მამაკაცთა ცხოვრება უფრო ბევრს მსხვრვებს იწირავს, რადგანაც ცხოვრებას მამაკაცისას უფრო ბევრი ფათერაკი და განსაცდელი სდევსო, მაგალითებრ, ომები, მოგზაურობა, ზღვაში მიმგვალობა, მძიმე მუშაობა მადნების ხაროებსა და თხრილებში და სხვანი ამისთანანი.

ეს ფათერაკიანი და განსაცდელიანი ცხოვრება მამაკაცისა მოჰყავდათ ძველს მეცნიერებს იმის მიზეზად, რომ დედაკაცთა რიცხვი ყველგან მეტია მამაკაცთა რიცხვზედ. ხოლო ამ უკანასკნელ ხანებში მეცნიერებამ ეჭვი შეიტანა და ამბობს, რომ ამ მეტნაკლებობის მიზეზი სულ სხვა უნდა იყოს და მაინცდამაინც ეს მიზეზები უფრო ღრმად მიმალულნი და შორს არიან იმათზედ, რაც აქამომდე ეგონათო. ამ სახით დედაკაცთა მამაკაცზედ ნამეტანობა თუმცა მეცნიერებისაგან აღიარებულია და დამტკიცებული, მაგრამ ამის მიზეზი — კი ჯერ აქამომდე გამორკვეული და ნაპოვნი არ არის და ელის მეცნიერების საბუთიან სიტყვას<sup>45</sup>. უნდა ითქვას, რომ დღესაც ელის ეს საკითხი მეცნიერულ გადაჭრას. ზოგიერთი დემოგრაფი (პროფ. ი. ურლანისი) ფიქრობს, რომ მამაკაცი უფრო ნაკლებ ამტანნი და შემგუებელნი არიან და რომ ავადმყოფობა მათ უფრო მეტად ერევა, ვიდრე დედაკაცს. ეს აზრი კომპეტენტურ მიდგომასა და გადაჭრას მოითხოვს დღევანდელ პირობებშიც კი, არათუ ილიას დროს.

შემდეგ ილის მოყავს იმის დამადასტურებელი სტატისტიკური მაჩვენებლები, რომ ზოგიერთ ქვეყანაში, მაგალითად ბელგიაში, იტალიაში, საბერძნეთში, რუმინეთსა და ოსმალეთში (თურქეთში) მამაკაცთა რიცხვი სჭარბობს ქალებისას: „ამ ქვეყნებში, — აღნიშნავს იგი, — ას მამაკაცზედ სულ ცოტა რომ ვსთქვათ 93 1/10 დედაკაცი მოდის. სულ ბევრი — 99 4/5. რა თქმა უნდა, — განაგრძობს ილია, — რომ ევროპის სხვა დიდ ქვეყნებშიაც არის იმისთანა ცალკე ადგილები, საცა მამაკაცი რიცხვით სჭარბობს დედაკაცთა, მაგრამ თითოეული ესეთი ქვეყანა, ერთად აღებული, მაინც დედაკაცთა ნამეტნობას წარმოადგენს...

ერთი სიტყვით, მეცნიერებას უეჭველ ჰეშმარიტებად მიღებული აქვს, რომ რიცხვი დედათა სქესისა თითქმის ყოველთვის მეტია მამაკაცთა რიცხვზედ და

4 იქვე,

5 იქვე, გვ. 323,

ორთა-შუა (საშუალო-ტ. ს.) რიცხვი მეტობისა ისეა, რომ 21-ს დედაკაცზედ მოდის 20 მამაკაცი.

ჩვენში სულ სხვა აღმოჩენილა — განაგრძობს ილია — ზაქათალის ოლქში, ახალქალაქის მაზრაში და შავი ზღვის ოლქში ყველგან დედაკაცთა რიცხვი ნაკლებია მამაკაცთა რიცხვზედ, ხოლო დარღოს ოლქშიდა სჭარბობს. ზაქათალის ოლქში 53 2/3 მამაკაცზე მოდის 46 1/3 დედაკაცი. ახალქალაქისაში — 52 1/2 მამაკაცზედ მოდის 47 1/2 დედაკაცი, შავიზღვისაში — 54 2/3 — ზედ 45 1/3, ხოლო დარღოსაში — 49 3/4 მამაკაცზედ მოდის 50 1/4 დედაკაცი.

მეტად ღირსშესანიშნავი საგანია ეს ამბავი მეცნიერების მკვლევართათვის როგორც ზოგადიანი გამორჩეული და გამოსათვლელი. რასაკვირველია, ჯერ მინამ კავკასიის თაობაზედ საერთოდ და ამიერკავკასიაზედ საკუთრად სრული ცნობანი არ დაიბეჭდება, ადრეა რაიმე გადაწყვეტილად ითქვას ამ საგანზედ. ხოლო თუ დანარჩენ ადგილებშიაც ასეთი ჭარბობა აღმოჩნდება მამათა სქესისა დედათა სქესზედ. — ეს ამბავი მეტისმეტად ჩააფიქრებს მეცნიერებს და ამის მიზეზის პოვნა და ახსნა ბევრს გაუძლიერებს წყურვილს ძიებისას და კვლევებისას. მართლად რა მიზეზი უნდა იყოს, რომ მკვიდრთმრიცხველობა ჩვენში სქესობის მიხედვითა არამც თუ ემოწმება, ასე პირდაპირ ეწინააღმდეგება კიდევ მეცნიერებისაგან მიღებულ დასკვნას? ნუთუ საინტერესო არ არის ჯერ ამის ახსნა და გამოკვლევა და მერე იმის გამორკვევა, თუ რას ნიშნავს და რას მოასწავებს ეს ასეთი განსაკუთრებული ამბავი? — მეტად დამაფიქრებელი კითხვაა, რომელიც შესაძლოა იმითაც აიხსნას, რომ კავკასიის რუსეთთან შეერთების შემდეგ სისხლისმღვრელი ომები მუსულმანურ სამყაროსთან თითქმის შეწყდა და მამაკაცთა რიცხოვნობაც სტაბილური გახდა.

ილია ჭავჭავაძე სტატისტიკურ მიმოხილვას და ანალიზს ხშირად მიმართავდა ხოლმე სხვადასხვა, განსაკუთრებით, განვითარებული ქვეყნების სოციალურ-ეკონომიკური მდგომარეობის დახასიათებისას. ასე, მაგალითად, ინგლისისა და ირლანდიის შესახებ ილია ასეთ სტატისტიკურ ცნობებს აწვდის მკითხველს და ამის საფუძველზე მნიშვნელოვან დასკვნებსაც აკეთებს: „საყურადღებოა ციფრები მისი თუ. როგორ კლებულობდა წვრილთა მესაკუთრეთა რიცხვი დროთა განმავლობაში. მე-11 საუკუნეში სულ 300 000 — ასეთნი თუ ისეთნი მიწათმფლობელნი ყოფილან, სულ ერთი მილიონი სული, ესეიგი ნახევარი მცხოვრებთა რიცხვი მაშინდელის ინგლისისა და ვალისისა (უელსის ტ. ს). 1660 წელს 160 000-და დარჩენილა, 1816 წელს 16000, 1831 წელს 7200. მეცხრამეტე საუკუნეში სულ გაჰქრნენ ამისთანა წვრილნი მესაკუთრენი და მიწათმფლობელნი და დღეს მთელის ინგლისის მამულები (აქ მარტო საცხუთრივ ინგლისი და ვალისია სახეში მიღებული-ი. ჭ.), რომელიც ვალისთან ერთად შეადგენს 37 324 015 აკრსა (აკრი ორი მესამედია ჩვენის დღიურისა-ი. ჭ.), მარტო 30 766 კაცის ხელშია, საეკლესიო და სამღვდლოთა მამულების გარდა, მაშინ როდესაც რიცხვი დანარჩენთა მკვიდრთა ოცს მილიონზედ მეტია, შოტლანდიის და ირლანდიის გარდა. ამ ოცს მილიონში ათს მილიონზედ ცოტა მეტი ქალაქებში არიან მცხოვრებნი და დანარჩენი სოფლად. ამ სახით დღეს ინგლის-ვალისში ორგვარი მკვიდრნი არიან მიწათმფლობელობის კვალობაზედ: ერთის მხრით 30 766 კაცია მესაკუთრენი ადგილ-მამულისა და მეორეს მხრით სრულად უმამულონი თითქმის ათ მილიონამდე სული, რომელნიც ან იჯარა-

ლობით, ფერმერობით, რჩებიან და იკვებებიან, ან უბრალოდ დადიან დღიურ მუშად და მოჯამაგირებლად<sup>7</sup>.

ილია ჭავჭავაძე აქ იძლევა ეკონომიკურ-სტატისტიკური ანალიზის შესანიშნავ ნიმუშს და თვალსაჩინო დასკვნასაც აკეთებს ინგლისის მოსახლეობის სოციალური დიფერენციაციის შესახებ, თუ როგორ იზრდება წარმოების საშუალებათა (ამ შემთხვევაში მიწის) რაოდენობის კონცენტრაცია მის მფლობელთა ერთეულების ხელში დანარჩენი მშრომელი მასის გაღატაკების გზით, დაწყებული XI საუკუნიდან XIX საუკუნის ჩათვლით.

ილია ჭავჭავაძემ ყურადღება მიაქცია და დიდი გულისტკივილი გამოსთქვა იმ ფაქტის გამო, რომ ამ დროისთვის ადგილი ჰქონდა მოსახლეობის „იმიგრაციის საქართველოდან“ (გაზ. „ივერია“, 1889 წ. № 13).

„ჩვენ ცხოვრებაში, — ამბობდა ილია, — ამ ბოლო ხანებში თავი იჩინა ერთმა მოვლენამ, რომელსაც ჯერ ფართო გზა არ გაუხსნია და ამის გამო ჯერ ყურადღება საზოგადოებისა და მთავრობისა არ მიუქცევია. ეს მოვლენა, თუმცა ჯერ კანტიკუნტად, აქა-იქ იჩენს თავს, მაგრამ მუდამ მიზეზი, რომელიც მას იწვევს, ისეთია, რომ დღითიდღე მეტს ადგილს დაიკავებს ჩვენს ქვეყანაში და დღითიდღე უფრო გაძლიერდება. ჩვენ ვამბობთ მამა-პაპის ადგილიდან აყრახედ და სხვაგან გახიზნავად მამულების საშოვრად. უმთავრესი მიზეზი ამისთანა მოვლენისა ყველგან ერთი და იგივე ყოფილა: გამრავლება ხალხისა და ვიწროობა ადგილ-მამულისა. თქმა არ უნდა, რომ რაკი ამ მოვლენამ ფეხი აიდგო იმისთანა ქვეყანაში, როგორც ჩვენია, საცა მკვიდრი, ერთხელ ერთს ადგილას დაბინავებული კაცი ძნელად გამოიმეტებს ხოლმე თავის მამა-პაპის ბინას და მიწა-წყალსა, დიდის სიმძიმით და გულისტკივლით ჰშორდება იმ ადგილს, საცა დაბადებულია, საცა უმოქმედია, ოფლი და სისხლი უღვრია მამა-პაპასა, საცა ულოცნიათ, უჭირანახულიათ, ულხენიათ და დასასრულ საცა დამარხულან, საცა ყოველივე ეს იმისთანა ზნეობრივს კუთვნილებას შეადგენს ადამიანისას, რომლის დაკარგვა, რომელზედაც ხელის აღება ჩვენის გლეხკაცისა თუ კეთილშობილისათვის ხორციელ სიკვდილზედ ნაკლები აღარ არის, იქ მამა-პაპისაგან დაშენებულის, დადებულის ბინის აშლა, აგვა, გათახსირება და სხვაგან ძებნა ბედისა, — იქ აყრა და სხვაგან გადასვლა იმისთანა მიზეზს უნდა მიეწეროს, რომელსაც ხალხის თვალში აღარა მოეველება-რა, აღარა ეშველება-რა.

ერთი ამისთანა მიზეზი, — განაგრძობს ილია, — როგორც ზემოთა ვთქვით, ადგილ-მამულის ნაკლებობაა. ჩვენ არა გვეგონია ჩვენებურნი მკვიდრნი სხვა რაიმე მიზეზმა დასძლიოს და მამულის ბინიდან იძულებით აჰყაროს. ჩვენებური მკვიდრი ყოველგვარ უბედურებას გაუძლებს, ყოველგვარ უბედურებას აიტანს მარტო იმ ყოვლადშემძლებლის გრძნობის ძალითა, რომელსაც სამშობლოს ადგილის და ბინის სიყვარულს ეძახიან, იმიტომ რომ სხვა ყოველ უბედურებას სული ებრძვის და შიშობს კი მარტო ხორცი, რომლის გაძლებასა და მოთმინებასა ბუნებითვე აქვს დადებული საზღვარი და ამიტომაც უღონია ამგვარის ჭიდილისათვის. როცა სიცოტავე ადგილ-მამულისა ვეღარ უძლებს ხალხს, როცა ვეღარა ჰკვებავს, მაშინ სხვა რა გზაა, თუ არ აყრა და სხვაგან ძებნა ახლის ბედისა.

<sup>7</sup> ილია ჭავჭავაძე, თხზულებათა სრული კრებული ათტომად, ტომი IX, თბილისი, სახელგამო, 1957 წ. გვ. 15.

3. „მაინე“, ეკონომიკისა და სამართლის სერია 1987, № 3

ამ მოვლენამ ყველაზედ უწინ თუ არა, ყველაზედ შესამჩნევად მაინც თავი იჩინა რაჭაში: — აყრა, მამულის ბინის მოშლა და სხვაგან გადასახლება აქ დაიწყო იმ ზომით, რომ შეუძლებელია კაცმა ყური არ ათხოვოს. პირველი შემთხვევა გადასახლებისა მოხდა 1879 წელს. ამ წელიწადს აყრილა და გადასულა ალაგირში (ალაგირი ერთი პატარა ადგილია თერგის ოლქში, არდონის წყლის ახლო. აქ არის ვერცხლის მადანი და ქარხანა რომელიც თუ არა ვცდებით, დღესაც მოქმედებაშია — ი. ჭ.) მარტო ერთი კაცი ონიდამ. მერე 1880 წლიდამ ეს აყრა და გადასახლება გახშირდა ასე, რომ 1882 წლის დამლევამდე 120 კომლი გადასულა. (материалы для изучения экономического быта государственных крестьян Закавказского края, т. II, с. 93) ყოველი ციფრული საბუთი, რაც ამ წერილში იქნება, ამ ყოვლად შესანიშნავ წიგნიდან მოგვეყვას — ი. ჭ.)<sup>8</sup> შემდეგ ილიას მოყავს ცნობები იმის შესახებ, რომ ამ გადასახლებას ხელი შეუწყო 1882 წელს რაჭაში დიდმა მოუსაველიანობამ და შიმშილმა, რაც ფათერაკად მოეგლინა ამ ადგილს და იმიგრაციის სხვა მიზეზებს ეს მიზეზიც დაემატაო. შემდეგ ილია უჩივის იმ გარემოებას, რომ ის სტატისტიკური ცნობები, რასაც იგი იყენებს არასრულია, იგი მარტო სახსო გლეხაკობას ეხება და „... სხვა მკვიდრთა ეკონომიური ყოფაცხოვრება გამოუკვლევლად არის დარჩენილი, რადგანაც პროგრამაში არ ყოფილა შეტანილი, მაგრამ იგი ცნობანი იმოდენად საგულისხმონი არიან, რომ შესაძლოა უტყუარი დასკვნა გამოიყვანოს კაცმა ამ გადასახლების სამუდამო მიზეზის თაობაზედ.

დღეს რაჭაში, — განაგრძობს იქვე ილია ჭავჭავაძე, — სახსო გლეხნი ირიცხებიან 2130 კომლი და ამათში სულ 17429 სულია ორისავე სქესისა. ტყე რომ გამოვიდეთ, გამოვა, რომ სახლ-კარის ადგილი, სახნავ-სათესი, სავენახე და საძოვარი, რომელიც ამოდენა სულის ხელშია, სულ 4765 დესეტინას შეადგენს. თითო კომლზედ მოდის თითქმის 2 1/4 დესეტინა და თითო სულზედ 1/4 დესეტინაზედ ცოტა მეტი. აშკარაა, რომ ასეთი სიცოტავე ადგილ-მამულისა ვერ გაუძღვება ამოდენა ხალხს, ვერ იშვინებს და ვერ მოითავსებს. ამ სიცოტავეს ისიც დაუმატეთ, რომ რაჭის მიწები მეტად მწირნი და უღონონი არიან. ნაფუზრებს გარდა, სხვა მიწებს 10, 15 და 20 წელიწადი შესვენება უნდა თურმე ზოგიერთს ადგილას, უამისოდ არავითარს მოსავალს არ იძლევიან. ამ სიცოტავეს მამულებისას ის მოჰყვა, რომ ზემო რაჭაში ერთი ქცევა (900 ოთხკუთხი საყენია) სასახლის ადგილი 100-200 მანეთამდე ჰფასობს, ონში — 500-1000 მანეთამდეა, ნაფუზარი 100-220 მანეთამდეა და ისე სახნავი 40-100 მანეთამდე. ამისთანა ფასები პირდაპირ გვანიშნებენ, სად უნდა ვეძებოთ სამუდამო მიზეზი გლეხთა გადასახლებისა რაჭიდან<sup>9</sup>. შემდეგ ილია აფრთხილებს საზოგადოებას და ხელისუფლებას, რომ თუ რაიმე საშველი არ გამოენახა რაჭის ხალხს, ეს გადასახლება მეტად არასასურველ შედეგებამდე მიგვიყვანსო. აქვე იძლევა წინადადებას დიდი მზრუნველი ქართველთა ბედისა, რომ იქნება მთავრობამ ხალხს ნება დართოს, რათა ტყის გამოუყენებელი ნაწილიდან ახო გამოიღონ და სახნავ-სათესად აქციონ: „შრომისმოყვარეს და დაუზარელს რაჭველს რომ ამისი ნება დაუთმოს სახელმწიფო ქონებათა გამგებობამ, დღეს ვერაფერში

<sup>8</sup> ილია ჭავჭავაძე. თხზულებათა სრული კრებული ათ ტომად, ტომი VIII, თბილისი, სახელგამო, 1957 წ. გვ. 301—302.

<sup>9</sup> იქვე, გვ. 303.

გამოსარჩენს ტყის ადგილს ხუთს-ექვს წელიწადში რაჭველი წალკოტად გადა-  
აქცევს, თვითონაც იხეირებს და სხვასაც ახეირებს. ამ გზით, — იქვე განაგრძობს  
ილია, — რაჭველი იძულებული აღარ იქნება თავისი მკვიდრი ბინა მოშალოს,  
მაცდურს იმედს ხვალისას მიეცეს და შინვე მოჰტრიალდება. ეს მით უფრო  
სასურველია, რომ რაჭველი თავშენახული შრომისმოყვარე, ფრთხილი, დამ-  
ზოგველი, გონიერად ხელმოჰკერილი და ხელღონიერი კაცია და ამ თვისებით  
ბევრს ჩვენში აღემატება. მეტად სინანული იქნება, თუ ეს ღირსეული და  
საყვარელი ხალხი ჩვენს ქვეყანაში ვერ მოთავსდეს, ჩვენ გამოგვაკლდეს და  
სხვაგან დაბინავდება<sup>10</sup>. იშვიათად თუ ვისმეს გამოუჩენია ასეთი მამაშვილუ-  
რი მზუნველობა თავისი ტომის ხალხისადმი, როგორცაც ილია იჩენდა ამ  
მართლაცდა, დიდებული ქართველების — რაჭველების მიმართ.

ილია ჭავჭავაძე საინტერესო სტატისტიკურ მიმოხილვას აკეთებს ე. წ. „ბამ-  
ბის კრიზისის“ შესახებ, რასაც ადგილი ჰქონდა გასული საუკუნის 60-იან წლებ-  
ში, როცა აშშ სამოქალაქო ომის დროს თითქმის მთლიანად შეწყდა მისი მი-  
წოდება სხვა ქვეყნების საფეიქრო წარმოებისათვის: „ბამბინ იყო ის სახელო-  
ვანი გაკირება, რომელსაც „ბამბის კრიზისი“ ეძახიან და რომელმაც აუარე-  
ბელი ქონება მეფაბრიკეებისა და მექარხნეებისა შთანთქა და თითონ ფაბრი-  
კები და ქარხნები ინგლისსა და რუსეთში პირქვე დაამხო. მარტო რუსეთში  
659 საფეიქრო ფაბრიკებიდან, რომელნიც 1860 წელს მოქმედებდნენ, 1863  
წელს 388-და დარჩა, თითქმის ნახევარზე ჩამოხტა. ისიც ძლივსძლივობით  
სულს იტრიალებდნენ. ბამბა შიდააზიისა და ბუხარისა, რომელიც 1860 წლამ-  
დე ფუთი ოთხ და ხუთ მანეთამდე ძლივს გადიოდა ნიყეგოროდის დიდს ბა-  
ზარში, ჩრდილო-ამერიკის შტატების ომის დროს 1861 წ. შეიდ-რვა მანეთამდე  
აიწია, 1862 წელს თორმეტ-ცამეტ მანეთამდე და 1863 წელს კი ოცდაორ-ოც-  
დასამ მანეთამდე... იმ ხანად იმერეთმა კარგი გამოიჩინა ჰანახა და ეს შემთხვე-  
ვა ყველაზედ უკეთესად იმან გამოიყენა: დიდძალი თესვა ბამბისა დაიწყეს  
იმერეთში და კარგა ფული გაინაღდეს ამ გზით. დღეს ბამბის მოყვანის საქმე  
ჩვენში სრულიად შემწყვდარია და ეს წყარო სიმდიდრისა ხელიდამ გამოგვე-  
ცალა“<sup>11</sup>.

ილია ჭავჭავაძე ბამბის თესვის წარმატებას იმერეთში კონიუნქტურულ  
ვითარებას მიაწერს და მას იგი არ თვლის პერსპექტიულ დარგად. საქართვე-  
ლოსათვის იგი სასოფლო-სამეურნეო საზოგადოების შექმნას ადგილობრივი  
თვითმმართველობითა და მთავრობაზე იმდენად დამოკიდებულებით, რამდე-  
ნადაც ეს საჭიროა ქვეყნისა და მამულისათვის, უფრო საჭირო საქმედ თვლის,  
რათა უფრო მეტად განვითარდეს სახალხო მეურნეობის ეს დარგი და გაიზარ-  
დოს მოსახლეობის მოხმარების დონე პროდუქტებზე. იგი შემდეგნაირად ასა-  
ბუთებს სასოფლო-სამეურნეო დარგების ადგილს მთლიან სოფლის მეურ-  
ნეობაში — მიწების საშუალო ფართობებზე საშუალო შემოსავლების მიხედ-  
ვით გადასახლების დადგენა და არა ერთპიროვნულად, მეურნეობათა დიფე-  
რენციაციის ვარგზე: „... საჭიროა გამოირკვეს ორთა-შუა სახის მამულის ორთა-  
შუა შემოსავალი დღიურზე რა თქმა უნდა, ეს ორთაშუა შემოსავალი ვენახი-  
სა სხვაა, სახნავისა, ტყისა, საძოვრისა სხვა...“

<sup>10</sup> იქვე, გვ. 304.

<sup>11</sup> ილია ჭავჭავაძე, თხზულებათა სრული კრებული ათ ტომად, ტომი VII, თბი-  
ლისი, სახელგამო, 1956 წ. გვ. 197—198.

ეკვი არ არის, — განაგრძობს ილია, — რომ ევრეთი განვითარება ორთა-შუა წმინდა შემოსავლისა და აქედან ეგრე დარგ-დარგად გაწერა საადგილმამულ-ლო გადასახადისა, უფრო შეუცდომელი, უფრო ზედმიწევნელი და მართალი იქნება, ვიდრე მაშინ, თუ ამა სხვადასხვა დარგის მამულის შემოსავალს ერთ-მანეთში აურევენ და აქედამ ერთს ორთა-შუა წმინდა შემოსავალს დაადგენენ. ამ უკანასკნელს შემთხვევაში დიდ მეტნაკლებობით გაწერა აუცილებელია და ასეთი დიდი მეტნაკლებობა უსამართლობა იქნება, მით უფრო არასასურველი, რომ ამ გზით მცირე შემოსავლიანი მამულის პატრონი დაიჩაგრება და დიდ შემოსავლიანი — კი იმელავათებს<sup>12</sup>.

აქ ილია ჭავჭავაძე მიუთითებს სტატისტიკური დაჯგუფებისა და ჯგუფური საშუალო მაჩვენებლების გამოყენების აუცილებლობაზე, ვინაიდან ერთიანი საშუალების მიღმა იჩქმალება მეურნობათა დიფერენცირებული შემოსავლების სიდიდე, რაც ზოგიერთს აზარალებს, ზოგიერთს კი ახეირებს უსამართლოდ. ამის დასადასტურებლად ილიას იქვე მოყავს კონკრეტული გაანგარიშებები: „ვთქვათ, გამოირკვა, რომ მთელ ამიერკავკასიაში ორთა-შუა სახის მამული დღიურზე იძლევა ორთა-შუა წმინდა შემოსავალს: ვენახი 10 მანეთს, სახნავი ორ მანეთს, ტყე და საძოვარი თითო მანეთს. ვთქვათ საადგილმამულო გადასახადი ორია შემოსავლის ასის თავზე (2 პროცენტი-ტ. ს.). მაშინ გადასახადი დღიურ ვენახზე მოვა ერთი აბანი, სახნავზე ოთხი კაპეიკი, ტყესა და საძოვარზე ორ-ორი კაპეიკი“<sup>13</sup>.

სოფლის მეურნეობის დარგებიდან ყველაზე შემოსავლიანად, ილიას აზრით, ვენახი ითვლებოდა: „ვენახი, — ამბობდა იგი, — თუ ამინდი ხელს უწყობს და წელიწადი კარგი შეხვდა, დიდძალ მოგებას იძლევა. მაგალითისამებრ... თელავის მაზრაში დღიურს ვენახზედ იხარჯება წელიწადში 34 მანეთი და შემოსავალი კი ორთა-შუა მოსავლისა იძლევა 110 მანეთსა. ასე, რომ დღიურზედ წმინდა მოგება რჩება 76 მანეთი. ხენა-თესვა კი იმავე მხარეს იძლევა წმინდა შემოსავალს დღიურზედ 10 მანეთსა და ორს აბანსა... სხვა მარცვლეულობა კი, მაგალითებარ, ქერი, სულ ოთხს მანეთსა და ექვს შაურს წმინდა მოგებას იძლევა და სიმინდი მარტო სამს მანეთსა და ათ შაურს“<sup>14</sup>. აქვე ილია აკეთებს დასკვნას, რომ მოსახლეობის მატებასა და სახნავ-სათესი ფართობების შეზღუდვასთან დაკავშირებით, საჭიროა სახნავ-სათესი ვენახებად ვაჭიკოთ. ამის შესაძლებლობას ჩვენი ბუნება იძლევა და ამასთან „...ვენახად ქცეული სახნავ-სათესი ერთი-შვიდად მეტს სარჩოს მოიტანს“<sup>15</sup>. თუმცა აქვე იგი წინადადებულებას იჩენს და იმის საშიშროებასაც ანგარიშს უწყევს, რომ სტიქიური მოვლენები ვენახს უფრო ემუქრება ვიდრე სახნავ-სათესს „... ჯერ მარტო იმ მიზეზით, რომ ხენა-თესვის მოსავალზედ კარგა გვიან მოდის მოსავალი ვენახისა და, მაშასადამე, ამინდის ცვლილებისა თუ სხვა განსაცდელის ქვეშ უფრო დიდხანს იმყოფება. სხვა რომ არა იყოს რა, მარტო სეტყვა ავილოთ, ხენა-თესვის მოსავალი მარტო მკაბათვის დამლევამდეა სეტყვის შიშქვეშ და ვენახისა კი თითქმის ღვინობის თვემდე, და ამ ხნის მანძილზე ვინ იცის რა არ დაემართოს ვენახსა, კაცზედ დამოუკიდებელ მიზეზის გამო“<sup>16</sup>. ილია ანგარიშს უწყევს იმ გარემოებას,

12 იქვე, გვ. 305—306.

13 იქვე, გვ. 307.

14 იქვე, გვ. 167.

15 იქვე, გვ. 168.

16 იქვე, გვ. 168.

რომ თუ სტრუქტურმა მოვლენამ, ვთქვათ, სეტყვამ ორივე სახის მოსავალი გაანადგურა, მაშინ ვენახის პატრონი უფრო მეტად ზარალობს, ვიდრე სახნავ-სათესისა, რამდენადაც უფრო მეტი ხარჯები აქვს გაწეულიო. მიუხედავად ამისა, ილია ჭავჭავაძეს საქართველოს ძირითადი შემოსავლის წყაროდ ღვინო მი-აჩნდა, ამის შესახებ იგი გვაწვდის მეტად მდიდარ სტატისტიკურ მასალას და ეკონომიკურ-სტატისტიკურ ანალიზს უკეთებს ჩვენთან იმ დროს ღვინის წარ-მოებისა, გასაღებისა და მისი პერსპექტივის საკითხებს. „მინამ ვიტყოდეთ რას-მე, — ამბობდა ილია გაზეთ „ივერიაში“ 1885-1887 წ. წ. დაბეჭდილ წერილე-ბის სერიაში „ჩვენი მევენახეობისა და მეღვინეობის საჭიროებანი“, — რა აბრ-კოლებს და რა ჰშველის ღვინის საქმეს ჩვენში და რამოდენის ბაზარის იმედი უნდა გვქონდეს ღვინისათვის, ჩვენდა სამწუხაროდ, ცნობები ღვინის რაოდენ-ობისა მარტო ერთის წლისა გვაქვს, სახელდობრ, 1870-სა. ერთის წლის ცნო-ბებზედ ძლიერ ძნელია რაიმე დასკვნის გამოყვანა მით უფრო, რომ არც კი ვი-ცით, სანდონი არიან ის ცნობები თუ არა, რადგანაც ამ წიგნში. (Историко-статистической обзор промышленности России, т. I), საიდანაც ჩვენ ამის ქვემოთ ამოგვრეთ ამ ცნობებს, არ არის ნაჩვენები, რაზედ არის დაფუძნებუ-ლი. რადგანაც ჭერ ხელთ უკეთესი სხვა არა გვაქვს-რა, მეტი რა გზაა, იგი წიგნი უნდა გავიმძღვაროთ წინ და მასვე დავეფუძვნოთ.

ამიერკავკასია ღვინის მოსავლის კვალობაზე ხუთ ნაწილად არის გაყო-ფილი ხსენებულ წიგნში და თვითონ ნაწილის მოსავალი ცალკეა მოხსენებული: ესეც არ უნდა დავივიწყოთ, რომ ეს ცნობანი 1870 წელს ეკუთვნიან და „ვედ-რით“ (ვედრა სამი თუნგია ანუ 16 ბოთლი-ი. ჭ.). არიან არიცხულნი:

	მოსავალი შინ მოუხმარიათ გაუყიდნიათ		
შვი ზღვის რაიონის ნაპირები:	3753500	2276759	9757750
კახეთი	2915080	728770	2186310
მტკვრის ნაპირები	1425910	875546	5703654
არაქსის ნაპირები	952200	575520	383680
ქაშაბა-გეოქჩაი	95737	23934	71003
სულ ამიერკავკასიაში —	8548427	4460520	4187907

ამ სახით გამოდის, ნახევარზედ მეტი ღვინო შინ ისმევა და მარტო ნა-ხევარზედ ცოტა ნაკლები გადის ბაზარში გასასყიდად. რომ გამოვიანგარიშოთ, გამოვა, რომ ასზედ

	შინ ისმევა	იყიდება
იმერეთში	70	30
კახეთში	25	75
ქართლსა და სომხეთში	60	40

მაშასადამე, ამიერკავკასიის თითქმის 4 1/4 მილიონი ვედრა ღვინო აქვს ბაზარში გასატანი და გასასყიდი, ვედრა რომ ერთიერთმანეთზედ მანეთ-ნახევარად ვიანგარიშოთ, გამოვა, რომ ღვინისაგან ამიერკავკასიის უნდა შემოუვიდეს ექვსი მილიონი და 375 000 მანეთი, აქედან იმერეთს თითქმის მილიონ ნახევარი, კა-ხეთს სამი მილიონი და თითქმის 279000 მანეთი, ქართლსა და სომხეთს თითქ-მის 855 000 მანეთი და სხვანი.



ამიერ და იმიერკავკასიაში და დანარჩენ ადგილებში რუსეთს სულ 15 მილიონამდე ვედრა ღვინო მოსდის წელიწადში, აქედან 5 588661 შინ სასმელად რჩება ღვინის პატრონებს და დანარჩენი 9 316296 გადის გასასყიდად<sup>17</sup>. შემდეგ ილია ასაბუთებს, რომ ამიერკავკასიაში „... ორი და სამი მავოდენა ღვინოც რომ იყოს, მარტო რუსეთის ბაზარს ვერ აუვა, თუ კი ჩვენი ღვინოები გზას გაიხსნიან და რუსეთს მოაწონებენ თავსა“<sup>18</sup>, რომლის დასამტკიცებლადაც მოყავს სტატისტიკური მონაცემები რუსეთიდან საზღვარგარეთ გატანილი და შემოტანილი ღვინისა და არაყის ღირებულების შესახებ 1853-1880 წ. წ. მაგრამ ამის გამო ილია აქვე ექვსაც გამოთქვამს: „ჩვენ ღვინოს ძლიერი მეტოქე და მოცილე ჰყავს რუსეთის ბაზრში: ეგ მეტოქე ევროპაა, რომლის ღვინოსაც რუსეთი დიდი ხანია სვამს და დიდი ხანია შეჩვეულია. ამ მეტოქის ჯანდევნა რუსეთის ბაზრიდან და მისი ადგილის დაჭერა მეტად რთული და ძნელი საქმეა“<sup>19</sup>.

ილია ჭავჭავაძე საინტერესოდ განიხილავს სტატისტიკურ მონაცემებს ამიერკავკასიაში ნავთობის მოპოვების შესახებ, ადარებს მას აშშ ანალოგიურ მაჩვენებლებს და აკეთებს საგულისხმო დასკვნებს, რომ ჩვენში უფრო იაფი ნავთობისა და ნავთობპროდუქტების წარმოება შეიძლება, ვიდრე აშშ, თუ დაუფრებთ ქიმიის პროფესორ ი. მენდელეევის რჩევასო. არანაკლებ საინტერესოა ილია ჭავჭავაძის მიერ გაკეთებული ეკონომიკურ-სტატისტიკური ანალიზი პურეულით ვაჭრობის შესახებ, რისთვისაც იყენებს შესაბამის სტატისტიკურ მონაცემებს 1879-1884 წ. წ. და ადარებს სხვადასხვა ქვეყნებს — ამერიკას, რუსეთს, ავსტრალიას, ინდოეთს. აღსანიშნავია ისიც, რომ რუსეთს მსოფლიო ბაზარზე 1885 წ. 4 მლნ. ფუთი პურის ხორბალი გაუტანია. ასევე მიმოიხილავს ილია სხვადასხვა ქვეყნებში მარცვლეულის მეტ-ნაკლებობით წარმოებისა და მოხმარების სტატისტიკურ მონაცემებს და არკვევს საერთაშორისო ბაზრის ტევადობის მეტად მნიშვნელოვან საკითხებს როგორც ცალკეული ქვეყნების, და მათ შორის რუსეთისა და საქართველოს, ეკონომიკური მდგომარეობისა და განვითარების პირობას.

ქართველი ერის დიდი მოძღვარი ილია ჭავჭავაძე მრავალი მეცნიერული დარგის მატერიალისტური გაგების ფუძემდებლად ითვლება საქართველოში. ასეთებია: ლიტერატურისმცოდნეობა, ისტორია, სამართლმცოდნეობა, სოციალური, ეკონომიკური მეცნიერებანი და მათ შორის სტატისტიკა, რასაც ჩვენ ამ წერილში მხოლოდ ზედაპირულად შევხებით.

### Т. Ш. САРТАНИЯ

## ИЛЬЯ ЧАВЧАВДЗЕ О СТАТИСТИКЕ

### Резюме

Зарождение статистики как науки связано с именем основателя буржуазной политической экономии, английского ученого В. Петти (1623—1687 гг.). В ее развитии значительную роль сыграли русские учёные: акад. И. Герман (1755—1856), Д. Журавский (1810—1856 гг.), Я. Янсон (1835—1892 гг.) и др.

17 იქვე, გვ. 157—158.

18 იქვე, გვ. 158.

19 იქვე, გვ. 159.

И. Чавчавадзе широко применял в своих публикациях общие положения статистической науки, а также имевшуюся в то время статистическую информацию, на основе которых делал весьма важные выводы о состоянии и тенденциях социально-экономических явлений как в Грузии, так и за ее пределами.

В своей статье «О статистике», опубликованной в газете «Иверия» (от 18.I.1888 г. № 12), он дал критический обзор официальных статистических данных и отметил обратные тенденции в численности населения Кавказа—в отдельных его областях, вопреки общим тенденциям, численность мужчин превышала численность женщин. Он придавал большое значение достоверности статистических данных.

В дальнейших своих публикациях И. Чавчавадзе делал научно обоснованные экономико-статистические анализы таких общественных массовых явлений и процессов, какими были, в частности, концентрация средств производства в отдельных руках и обнищание массы трудящихся, миграция населения из Грузии на Северный Кавказ, говорил о справедливости обложения налогами земель с различными доходами от их обработки, о развитии и перспективах виноградарства и виноделия в Грузии, о рынках сбыта вина и зерна, о добыче нефти на Кавказе и др.

წარმოადგინა საქართველოს სსრ მეცნიერებათა აკადემიის ეკონომიკისა და საშარტლის ინსტიტუტის სოციოლოგიისა და დემოგრაფიის განყოფილებამ.

სახილ სტაზანოვილი

ილია ჰავჭავაძე სპარტელოზი მივინახეობა-მეღვინეობის  
განვითარების შესახებ

დიდმა ილიამ არაერთი შესანიშნავი წერილი გამოაქვეყნა გაზ. „ივერიის“ ფურცლებზე 1886-1900 წწ. საქართველოში მევენახეობის მნიშვნელობაზე და მისი განვითარების პერსპექტივებზე. მის კალამს ეკუთვნოდა წერილები: ჩვენი მევენახეობისა და მეღვინეობის შესახებ, მევენახე გლეხთა მდგომარეობა, მცენარეთა შენაცვლების საკითხი მევენახეობაში, ფილოქსერა, ვაზის სნეულე-ბანი, ვენახების წამლობის შესახებ, ღვინის ქართულად დაყენება, ჩვენი ღვინოების საბაზროდ ქცევის საკითხი და სხვა. „ჩვენი ხალხი — წერდა იგი — უძველესი დროიდანვე მისდევდა ვენახის კეთებას რადგან ქვეყნის ბუნება და ნიადაგი სრულიად უწყობდა ხელს ვაზის გაშვებას“.

„ჩვენი ქვეყანა, უფრო ბევრწილად, და მომეტებულად — რასაკვირველია — ჰავითა და დედამიწის მომცემლობათა, სულ სხვაა, და ამ ჰავისა და მიწის გამო ჩვენებური მიწათმფლობელობა სოფლისა სხვაგვარად წარიმართა. ჩვენში ყურძენი და მრავალგვარი ხილი ჰხარობს, ვენახი და ხილნარი საკმაოდ სარჩოს მომცემია, ასე, რომ ბევრგან ჩვენის გლეხკაცის ცხოვრების იმედი ამაზუა დამყარებული, ვენახისა და ხეხილის გაშენება ცოტა ადვილს და დიდს გარჯას, დიდს ხარჯს, დიდს დროს თხოულობს. ვენახსა და ხილნარს შიგ ჩატანილი აქვს უკუდავ განძსავით წინაპართა მთელი ჯაფა, მთელი მხნეობა და მეცადინეობა. ამიტომაც, ჩვენებურ გლეხკაცს ვენახი და ხილნარი მარტო გამორჩომის წყაროდ კი არ მიაჩნია, არამედ იმ წმინდა აუზადაც, სადაც მის მამა-პაპას თავისი ოფლი მოუდენია და მიუბარებია საშვილიშვილოდ. ჩვენებურ გლეხკაცის თვალში მის ვენახს, მის ხეხილის ბაღს, მის ნაფუძვარს თავისი ისტორია აქვს... ვენახი, ხეხილის ბაღი, სალაროა მის წინაპართა ჯაფის, გარჯისა და მხნეობისა“<sup>1</sup>.

შემდეგ განაგრძობდა იგი, რომ ქართველი გლეხკაცისათვის ძნელია მი-ატოვოს თავისი მამულ-დედული და ბინადარს მცხოვრებს სამართლიანად „მკვიდრს“ უწოდებენო და არა „მდგმურს“ როგორც ეს ზოგიერთ ქვეყანაშიო.

„ჩვენში რომ გლეხკაცმა თავი დაანებოს თავის ადგილს, უნდა ჯერ გუ-ლიდამ ამოიღოს თავისი თემი, თავის ოჯახის წარსული, თავისი მამა-პაპა, რომელთა ნაშთი, ძეგლი თვითეული ვაზია, თვითეული ხეა, მამა-პაპის ხელით დარგული და ოფლით მორწყული, და რომელსაც იგი სამკვიდროს ეძახის. ყო-ველ ამის გულიდამ ამოღება ძნელია“<sup>2</sup>. „ივერიის“ № 128-ში (1887 წ.) ილია წერდა, რომ ვენახი, თუ ამინდი ხელს უწყობს და წელიწადი კარგი შეხვდა,

1 ი. ჰავჭავაძე, თხ. ტ. VI, თბ., 1956, გვ. 188.

2 იქვე, გვ. 189.

დიდძალს მოგებას იძლევაო, რომ „ვენახი თითქმის ერთი-შვიდად მეტს იძლევა ვიდრე სახნავ-სათესი... ამაში უნდა მოიბოვებოდეს მიზეზი ვენახების გამრავლებისა ჩვენში“.

წერილში, რომელიც გამოქვეყნდა ვაზ. „ივერიაში“ (1886 წ. 26 აპრილს) სათაურით: „ჩვენი მევენახეობისა და მელვინეობის საჭიროებანი“, ილია ხაზს უსვამდა, რომ იმთავითვე ადგილობრივი მოსახლეობა ყურძენს იყენებდა როგორც საჭმელად, ისე ბუნებრივი ნატურალური ღვინის დასაყენებლად. „დიდი სიმდიდრე თუ არ მოაქვს ღვინის მოსავალს — ნათქვამი იყო მასში — ჩვენი ხალხისათვის, ცოტა შველას მაინც აძლევს. შრომა და ჯაფა მუქთად არ მოსდით. შინ სახმარებლად თავისი საკუთარი ღვინო აქვს, ჰირსა და ლხინში ღვინის ყიდვა არ უნდება და მეტ ხარჯში არ შედის. მარტო ესეც საკმაოა, რომ ჩვენი ხალხი გულმოდგინედ მიჰყოლოდა ღვინის წარმოებას და თავი არ დაენებებია ამ ფრიად სასარგებლო საქმისათვის“.

მაგრამ მევენახეობის განვითარებას აბრკოლებდა რიგი გარემოება. მათ შორის ვაზის ისეთი სნეულება, როგორც იყო მილიდუმი (ვაზის ჰრაქი), ოიდიუმი („ნაცარი“), ჰიგოს უქმარობა და სხვა. ოცდახუთ წელიწადზე მეტი იქნება — წერდა იგი „ივერიაში“ (1885 წ. № 91), რაც ოიდიუმი („ნაცარი“) ეწვია ჩვენს ვაზს. შემდეგ ფილოქსერა და „ისეთ უბედურებას უქადის ჩვენს ქვეყანას, რომ თუ დროზე არ ვიპოვნებთ და ამ ზედმოსეულს მტერს შესაფერად არ დავხვდით, შეიძლება ამ უბედურებამ ჩვენი ხალხი იქამდე მიიყვანოს, რომ ვენახებზე სრულიად ხელცარიელი დასოს, ამას ზედ დამატა კიდევ ერთი ვაზის მტერი, რაღაც „ხაშმის“ ჭია... ბოგანა ჭია და ვენახის კალია, რომელმაც ამ რამდენიმე წლის წინათ კახეთში ვენახები სულ მოჭამა“.

ამ საკითხებს კვლავ უბრუნდება ილია 1889 წელს. იგი „ივერიის“ № 222-ში წერდა: „ეს ფილოქსერა სახუმარო საქმე არ არის და არც ხანდასაყოფნებელია. ვენახის პატრონებმაც ხელი უნდა გამოიღონ ამ საქმისათვის, და რაც შეიძლება მალე, თორემ მერე გვიან იქნება, მერე ველარ ვუშველით და ის საქმე დაგვემართება, რაც საფრანგეთს მოუვიდა, საცა ასი-ათას დღიურობით მოუხდათ ვენახების გაკაფვა და ვაზების ძირიანად ამოთხრა და დაწვა... მარტო მთავრობა აქ ბევრს ვერაფერს გახდება და, ვინ იცის, იქნებ მისმა ჯაფამ და ხარჯმაც უბრალოდ ჩაიაროს და ჩვენც ბევრი არა გვეშველოს-რა. დროა გონზედ მოვიდეთ და დაუვიწყარად გვახსოვდეს, რომ რასაც კაცი თავის თავის მხნეობით უშველის, იმას სხვა ვერ უშველის“.

იმავე „ივერიის“ № 277-ში ილია წერდა „ნაცარის“ შესახებ. „ეს ოცდაათ წელიწადზე მეტია, რაც ჩვენს ვენახებს ნაცარი ეწვია, საცა-კი ეს ჰირი მოედებოდა ვაზს, ყველგან თითქმის კაცს ხელს აღებინებდა მოსავალზედ... სამეგრელოს, ისეთი ამბავი დააწია, რომ ვენახების პატრონებმა თითქმის ხელი აიღეს ვენახებზედ და ვაზით ნაშენი ადგილები გაამინდვრეს. რა თქმა უნდა ამ ოცდაათი წლის განმავლობაში არავინ არ ააყოლა თვლი ამ დაუნდობელ ჰირს ვაზისას, არავინ არ გამოიძია არც მისი მიზეზი, არც ვითარება... ვაი ის არის, რომ უფრო ადვილად მოსასველე საქმეშიაც იგივე უღონობა, უთაურობა, უქმად ყოფნა გამოვიჩინეთ. იფიქრეთ: აბა კალია რა არის, იმასაც კი ჰიდილი ვერ შევუბედეთ... ამ ოცდაათი წლის განმავლობაში. ეს ბატონი კალია არა ერთხელ სწევია ჩვენს ვენახებსა და გადაუკორტნია ვაზის კვირტი. კახეთმა

3 ი. ჭავჭავაძე, თბ. ტ. VII, თბ. 1956, გვ. 149.

4 იქვე, გვ. 150.

კარგად იცის, ეს პატარა სულიერი რამოდენა წანახდენს, რამოდენა ზარალს იძლევა. ერთმა კაცმაც ხელი არ გაანძრია, თითი არ შეატოკა, რომ ეს პატარა მწერი თავიდან მოიშოროს. ამაზე ადვილი რა არის. თვალი ადევნე სად სდებს კვერცხს, ამოიღე და დასწვი. ამით თუ სულ არ გაიყლიტა, ბევრისებვრად გაწყდება მაინც. რა საკვირველია, ამას ერთისა და ორის კაცის ღონე არ გასწვდება, ამას ერთიანი გარჯა უნდა, მთელი სოფლობის ღონე და ჭაფა. საყოველთაო ჭირთა და საყოველთაოდ ჰიზოულობს გამკლავებასა და შეჭიდებას“.

1890 წ. „ივერიის“ № 64-ში, კვლავ უბრუნდება ილია ამ დაავადებებს. „მოვიდა ვაზაფხული და საცაა გამოიტანს კვირტს და ყვავილს ვაზი. პირველ ხანებში სიუხვე და სიმრავლე კვირტისა და ყვავილისა რა თქმა უნდა, გაახარებს ვენახის პატრონის გულსა, ხოლო სასურველია ამ სიხარულმა ის უბედურება არ დაგვავიწყოს, რომ ჩვენი მტერი ვენახებისა — ნაცარი და ნამეტნავად მილდიუ — ჯერ კიდევ მოსავლინებელია. ან ერთი და ან მეორე, ან ორივე ერთად მიესევა აწ სასიხარულოდ გამოსულს ვაზსა და ვაზაფხულის ღონის შემოდგომის გლოვად გავვიხადე... ეგ წყეულები მერე იმისთანანი არიან, რომ თუ ვაზი წინათვე არ მოამზადე გაუმარდეს, მერე, როცა ან ერთი, ან მეორე გამოჩნდება და მიესევა, ყოველივე ღონე თითქმის უქმია და ყოველივე ჭიდილი უიმედო. აი რა მხრით არის სასურველი, რომ ყველა ვენახის პატრონმა წინათვე სამზადისი იქონიოს და წინათვე შეუდგეს ვაზს უწყამლოს მტრის დასახვედრად და გასაბრუნებლად“. რაც შეეხება ვენახის კეთებას, ამ მხრივ აქ ჩვენ ბევრს ვერავინ რას დაგვიწუნებს, ვისაც კი ცოდნით და წინათაულებელის აზრით ეს საქმე ჩვენში უსწავლია „კიდევაც გავკადნიერდებით და ვიტყვი, რომ ვენახის და ნამეტნავად ვაზის მოვლაში ჩვენებური კაცი სხვას არამც თუ ჩამოუვარდება, ზოგში სხვას ასწავლის კიდევ“<sup>5</sup>.

ილია მოუწოდებდა მევენახეებს, რომ არ კმარა მართო ვაისა და „ველის ძახილი“ ამის შესახებ, საჭიროა პრაქტიკულად მიუდგეთ საქმეს, რომ თანდათან გამოვიწეროთ საზღვარგარეთიდან ამერიკული ვაზი და შეუდგეთ მის — ე. ი. ფილოქსერაგამძლე ვაზის ძირზე ჩვენებური ვაზის მცნობას, სხვა შემწამლავ ნივთიერებების შექმნას და ვაზის მკურნალობას. ეს კი მოითხოვდა სათანადო ხარჯების გაღებას, რომ ეს სახარჯო ფული უნდა გაიღოს თვით გლეხმაც. მართალია მთავრობაც ეხმარებოდა ამ საქმეში მევენახეებს, მაგრამ როგორც ილია წერდა: „ყოველივე ეს წვეთია ზღვაში. წელს (1890 წ. ა. ს.) ჩვენი ბანკიც აპირებს ერთი ხუთასიოდეთუნით მიეშველოს ჩვენ ვენახების პატრონებს, მაგრამ არც ეს კმარა... სხვა არა იყოს — რა ამბობენ მართო კახეთში რამდენიმე ათასი დესტიინა ვენახიო, ახლა ქართლი აიღეთ, ახლა სომხითი და სხვა ადგილები, და სად უნდა გასწვდეს ეს მცირეოდენი ფული. აქ საჭიროა თვითონ ვენახების პატრონთაც გაიკრან ჯიბეს ხელიო. მართალია, ბევრს არაფერს იპოვნიათ ამ ჯიბეებში, მაგრამ ეს ისეთი საქმეა, რომ სხვაგან უნდა დაიკლონ, აქ არა დაზოგონ — რა და ერთი საყოველთაო სახსარი რამ იღონონ და იმ ურთიერთობით გაძლიერდნენ ერთმანეთის საშველად“<sup>6</sup>.

ასე ზრუნავდა ილია საქართველოში ვენახების გადასარჩენად, ბევრი რამ პრაქტიკულადაც გააკეთა, მაგრამ როგორც აღნიშნული დაავადებები ისე ფილოქსერა თავისას აკეთებდა და თუ 90-იან წლებში ვენახის მთლიანი ფართობი

<sup>5</sup> იქვე. გვ. 91.

<sup>6</sup> ი. ვაკუაქვაძე, თხზ. ტ. VII, გვ. 185.

საქართველოში 70 ათას ჰექტარს აღემატებოდა, 1913 წლისათვის იგი შემცირდა 51 862 ჰექტარამდე, 1917 წ. 37470 და 1921 წ. 36 ათას ჰექტარამდე, ე. ი. სულ რაღაც 30 წლის განმავლობაში განახევრდა მისი ფართობი.

მხოლოდ საქართველოში საბჭოთა ხელისუფლების დამყარების შემდეგ მიექცა სერიოზული ყურადღება მევენახეობის აღდგენა-განვითარებას.

ჯერ კიდევ 1920 წ. უტრნ. „ვაზი და ღვინო“ (№ 4) წერდა, რომ „ფილოქსერა და მრავალგვარი ვაზის სნეულება აქ წლითი-წლობით იმსხვერპლებენ ვაზს და მოსავალს“. ხოლო ს. ჩოლოყაშვილი, ამავე უტრნალის № 9-ში აღნიშნავდა: „დღევანდელი კახეთის ჩინებული ვენახები, რომელნიც ზურმუხტისფრად აბიზინებულნი, ალაზნის ველის ბექოებზე გადაჭიფულან და ზღაპრულ წალკოტს მოგვაგონებენ, ათიოდე წლის შემდეგ უვაზო ქვეყანად გადაიქცევა“. ამ მდგომარეობის აღმოსაფხვრელად, საბჭოთა საქართველოს მიწათმოქმედების სახალხო კომისარიატმა 1922 წ. ოქტომბრის დასაწყისში, წინანდალში მოიწვია სპეციალური თათბირი, რომელზეც შემდეგი სიტყვებით მიმართა დამსწრეთ და კახეთის მთელ მევენახეებს: „ჩვენი ძალა, ჩვენი მეურნეობის მთავარი ძარღვი არის ღვინო. მისმა მოსავალმა ამ ბოლო დროს შესამჩნევად იკლო, და არ გავა რამდენიმე წელიწადი, რომ უმთავრესი დარგი ჩვენი მეურნეობისა — მელენეობა სრულიად მოისპობა. ამის მიზეზი ის არის, რომ რამდენიმე წელიწადია რაც ჩვენს ვენახებს შემოესია საშინელი ვაზის მტერი — ფილოქსერა, რომელიც მუსრს ავლებს ჩვენს ვენახებს... ჩვენი ვენახების ბედი და არსებობა დამოკიდებული იქნება იმაზედ თუ რამდენად სწორად აულებთ ალღოს დღეს შექმნილ მდგომარეობას... ამ საქმის მოგვარება მარტო მთავრობას არ შეუძლია თუ თვითონ მევენახენი არ შეიგნებენ საფრთხეს და საკუთარი ძალღონით არ ჩაეშვებიან მთავრობის საერთო მტერთან ბრძოლაში“<sup>7</sup>.

თათბირმა აღნიშნა, რომ „ფილოქსერას მიერ ვენახების განადგურება მომავალში მოხდება გეომეტრიული პროგრესის გზით, რაც გამოიწვევს მთლიან ვენახის განადგურებას 6-7 წლის განმავლობაში“<sup>8</sup> ასე რომ, ილიას მიერ წამოწყებული ფილოქსერასი და სხვა დაავადებების წინააღმდეგ ბრძოლას, ფრთები შეესხა მხოლოდ საბჭოთა ხელისუფლების დროს და რამდენიმე წლის შემდეგ დადებითად გადაწყდა იგი ჩვენს სინამდვილეში.

მევენახეობასთან დაკავშირებით, ვაზ. „ივერიის“ ფურცლებზე ილია ფართოდ იხილავდა მელენეობის განვითარების მტკიცეულ საკითხებსაც. იგი 1886-1900 წწ. აქვეყნებდა წერილებს. ქართულად ღვინის დაყენების შესახებ, ჩვენი მელენეობის საჭიროებანი, ჩვენი ღვინის საბაზროდ ქცევის საკითხები, ელექტრონის გამოყენება მელენეობაში და სხვა.

პირველ ყოვლისა, ილია იძლევა ღვინის შემდეგ განმარტებისას: „რა არის ღვინო?“ — სვამდა იგი საკითხს და იქვე უპასუხებდა „იგი ბუნების ნამოქმედარი წვენია ყურძნისა, სხვა სახედ ქცეული მისივე თანდაყოლილის ბუნების ძალთგან... როცა კაცი იტყვის ეს ფქვილი ბუნებრივია, ამით იმისი თქმა უნდა, რო აქ ფხვნილის ზორბლის მეტი არა არისრა. როცა კაცი ამბობს: ეს ღვინო ბუნებური, ეს იმას ნიშნავს, რომ აქ ყურძნის წვენის მეტი სხვა არა არის-რა“<sup>9</sup>.

7 საქ. სსრ, ორსმცსა, ფ. 288, აღწ. 1, საქ. 287, ფურ. 168.

8 იქვე, ფურ. 165.

9 ი. ჭავჭავაძე, თხზ. ტ. VIII, გვ. 125.

ილია ქვეყნად იყო ერთ-ერთი პირველთაგანი იმათგან, ვინც ხმა აღი-  
შალა ყალბი, ფალსიფიცირებული ღვინოების დაძაბებისა და ძაშასადამე  
ალკოჰოლიზმის წინააღმდეგ ბრძოლის შესახებ. იგი პირდაპირ წერდა, რომ  
ამ საქმის პირველი ოსტატები ევროპულ ქვეყნებში ღვინის მწარმოებლები  
არიანო და შეცხიერები მას სხვადასხვა გზითა და საშუალებით ღვინის კეთებას  
ეძახიანო. „თუცა ამ თითქმის ყოვლად შეძლებულმა მეცნიერებამ დიდი ძალ-  
ღონე მოჰმადლა ყალბი ღვინის ოსტატებს, მაგრამ ამავე პირუთვნელმა მეც-  
ნიერებამ გასოკვეყნა საყოველთაოდ ყოველივე ეშმაკობა, რაც კი ბუნებურს  
ღვინოს — ამ მარგებელს და სასიამოვნო სასძელს ადამიანისას, — პრყვისი,  
აფუტეებს და ხშირად სხეულების მიზეზად და ზოგჯერ საწამლადაცა ჰხდის“<sup>10</sup>.

ილიას მოყავს ძაგალითი იმის შესახებ, რომ ევროპაში ერთმა ძეაფთიაქემ,  
რომელსაც შეელი ერქვა, დაიწყო გლიცერინით ღვინის შეზავება და კეთება.  
ამიტომ მის სისტემას შეელეზაცია დაერქვა. მეორენი საფრანგეთში იწყებდ-  
ნენ ღვინოში წყლის დასხმას და ალკოჰოლის ჩამატებას და ამ გზით ღვინის  
ერთიორად გადაქცევას.

„ამ ბოროტებას და სიყალბეს — წერდა ილია — ზედ მოსდევს სხვა სი-  
ყალბე და ბოროტება, რომელიც იმაზეა მიქცეული, რომ დაკარგული ფერი  
დაუბრუნონ ღვინოს და სიყალბე თვალად შესამჩნევი არ იყოს. ამის გამო  
ღვინოს განგებ ჰფერვენ. ღვინის დასაფერავად ბევრგვარი წამლებია ევროპაში  
ციობილი. ყველაზე გავრცელებული ეგრედ წოდებული ფუქსინია“<sup>11</sup>.

საქართველოსათვის ყოველივე ეს უცხო იყო.

„ღვინის კეთებას — წერს ილია — ჩვენში მთელი ათასის წლების ისტო-  
რია აქვს და, მამასადამე, არის რამ მიზეზი, რომლის ძალითაც ჩვენი ერი თა-  
ვისებურ ღვინის კეთებას პრჩეობს და ევროპულს უფრთხის და ერიდება დღე-  
საც... ხუთავინ ნუ იფიქრებს, ვითომ ჩვენ ამით იმის თქმა გვინდოდეს, რომ  
ჩვენს კეთებას და დაყენებას ღვინისას არა აკლია რა. ჩვენ ამას ვერ ვიტყვი-  
ბევრი რამ აკლია, ამას თქმა არ უნდა, მხოლოდ იგი ნაკლი ჩვენი ღვინისა, რო-  
მელსაც ჩვენებურს ღვინოს წუნად უთვლიან ჩვენნი შინაურნი თუ გარეულნი  
ოსტატები, სწორედ იგი ნაკლი ღირსებაა ჩვენის ღვინისა, და თუ ჩვენი ღვინო  
ოდესმე გზას გაიხსნის საქვეყნო ბაზრისას, სწორედ ამ ღირსების წყალობით  
გაიხსნის“<sup>12</sup>. ეს ღირსება კი მდგომარეობდა მის ბუნებრიობაში, ღვინის დაყე-  
ნება მხოლოდ ყურძნის წვენიდან.

ილია კრიტიკის ქარცეცხლში ატარებდა მოსკოვში რუსულ ენაზე გამო-  
ქვეყნებულ შრომის ავტორებს, კახეთში მევენახეობა-მეღვინეობის განვითარე-  
ბაზე, რომელშიც ის აზრი იყო გატარებული თითქოს კახელი მევენახეები „ვე-  
ნახის მიწას ადამისყამურ წესით აკეთებენო... ძველი ხალხია, უკან წამორჩენი-  
ლი, და რა დიდი ღარი და ხაზილა უნდა, რომ ადამისყამური წესი ექნებათო...  
ვაზის გადაწვენასა და ჩამუხლვაში ჩვენ ბევრი არავინ გვჯობნის და ბევრს შე-  
უძლიან ჩვენგან ისწავლოს რამე“<sup>13</sup>. მეორენი კი ამკარად აბუჩად იგდებდნენ  
ჩუენში ღვინის დაყენების საქმეს, რადგან არ ამზადებდნენ მას იმავე ოსტატო-  
ბით, როგორც საფრანგეთში. ილია დაასკვნის, რომ „მართო ამით სწუნობენ

10 იქვე, გვ. 124.

11 იქვე, გვ. 128-129.

12 იქვე, გვ. 76-77.

13 იქვე, გვ. 79-80.

ჩვენებურს ღვინის კეთებას მაგალითებრ, საფრანგეთის მინისტრმა ქიმიკოსმა შანტალმა აღმოაჩინა, რომ შესაძლოა მკავე ღვინის სიმკავე დაუკარგოს კაცმა; თუ ფხვნილი მარმარილო ჩააყარა, სიმკავეს მარმარილო შეისვამს და მერე ძირს დაილექებაო“ თვითონ სისტემას კი „შანტალიზაცია“ დაარქვეს.

„დოქტორმა ლუდვიგ გალმა — განაგრძობს ილია — თავის მხრივ სხვა რამ მოიგონა. ამისის აზრით, ღვინის სიკეთე იმაზეა დამოკიდებული თუ რამოდენა სიტკბო აქვს ყურძნის წვენსა, ესე იგი, რამოდენა შაქარი და თუ ყურძნის წვენს ეს აკლია, უნდა განვებ ჩემმატოსო. ამას — „გალიზაციას“ ეძახიან. გარდა ამისა ღვინოს ფერის მისაცემად სანდალს უშვრებიან, ჭიაფერსა, ლილას, ალუბლის წვენს, ანწლს და სხვა ათასგვარ წამალსა, მაგალითებრ შაბსა, რკინის არჯაბსა, სპირტსა და ერთგვარს შენარევეს ტყვიისას... ერთგვარ ნივთიერებასა ხმარობენ ღვინის საფერავად და ამ ნივთიერებას ფუქსინი ჰქვიათ და ზოგჯერ ზედ დარიშხანსაც უმატებენ. ამას „ფუქსინიზაცია“ ეძახიან“<sup>14</sup>.

ილია წერდა, რომ ევროპაში წყალსა და შაქარს ხმარობენ ღვინის გასაბევრებლად. მათ შორის იყო ფრანგი პეტი, რომელიც დაფუძნებული იყო იმაზედ, რომ „ქაქაში იმოდენა ღვინის ნაწეერები რჩება კიდეც, რომ შესაძლოა ღვინისათვის წვენი კიდეც გამოიწუროს წურვით კი არა, წყლის დასხმითა. და თუ წყალს შაქრითაც შევაზავებთ და ცარიელის წყლის მაგიერ შაქარ-წყალს დაასხამთ, უფრო კარგი იქნებაო“<sup>15</sup> ამ სისტემას კი პეტროტიზაციას უწოდებენო.

რასაკვირველია საქართველოში ადგილი ჰქონდა აქა იქ ღვინის ფალსიფიკაციას, მაგრამ იგი ჩვენი ხალხის მიერ ათვალისწინებული და დაგმობილი იყო. „ჩვენებური ხალხი — ამბობდა ილია — ძალიან პთაკილობს ღვინოში ყურძნის წვენის მეტი სხვა რაიმე ჩაურის და ვისაც ეგ კანტი კუნტად სადმე გაუბენია, ყოველივე ღონისძიება უხმარია, არავინ შემეიტყოსო, ესოდენ სირცხვილად და ცოდვად მიაჩნდა ჩვენში ყველას წმინდა წვენი ბუნებისაგან მოცემულის ყურძნისა წაეწყმიდა და შეებლალა რითიმე თავისგნით ჩამატებულით და ჩარევიდა. ამ სიფრთხილეს ზნეობითის თვისებისას, სხვა სიფრთხილედ და შიშიც მოსდევდა, იმიტომ რომ არც ერთი ვაჭარი, არც ერთი სირაჯი იმისთანა კაცის მარანს არც-კი მიეკარებოდა, ახლოც არ გაუვლიდა, და როცა ამქრობას თავისი ძალა ჰქონდა, შეჰკრავდა კიდეც მარანს, რომ არავის გაეჭაქანა. ასეთი პატივი ჰქონდა ჩვენში ბუნებურს ღვინოს“<sup>16</sup>.

„ივერიის“ 1888 წ. № 111-ში გამოქვეყნებულ წერილში იგი აღნიშნავდა, რომ „ლოთობას დიდი ხანია ყურადღება მიაქციეს კანონმდებლებმა და მკურნალეებმა. მკურნალი ლოთობას ასე უცქერის, როგორც ავადმყოფობას, რომელიც ცუდად მოქმედებს ადამიანის ჯანზე. ლოთობა ისეთი მდგომარეობაა როცა ადამიანის ნება და სურვილი სუსტდება და აღარა მოქმედებს. მხნეობის მოძღვრებისათვის ლოთობა სენია, რომელიც ჰრვენის ადამიანის ზნეობას და დედაა ყოველის ბორტებისა. (აქ და ყველგან ხაზი ჩვენია ა. ს.) სოციოლოგებისა და ეკონომისტებისათვის ლოთობა მანებელი — ჩვეულებაა, რომელსაც მოსდევს ფლანგვა სიმდიდრის და რომელიც ძირს უთხრის... წარმოებასა და წაყოფიერ შრომას.. ლოთობა ისეთივე ძველი ამბავია, როგორც თვით კაცობრიობის გაჩენის ძველი ამბავი... კაცობრიობა და სარწმუნოება, რაც შეეძ-

14 იქვე, გვ. 81-82.

15 ი. ჭავჭავაძე, ოზბ. ტ. VII, გვ. 133.

16 იქვე, გვ. 86.



ლო ებრძოდა ამ სენს, მაგრამ — კი ვერ მოსპობდა ხოლმე“. იქვე დასძენდა, რომ კერძოთ საფრანგეთში ლოთობამ თავი იჩინა მას შემდეგ, რაც „ვენახები ფილოქსერამ გააფუჭა და ღვინის გაძვირების გამო შემოვიდა ხმარებაში... ინგლისში ჯერ კიდევ ძლიერ არის ლოთობა გავრცელებული. მაგრამ რუსეთში უფრო კიდევ მეტად ძლიერ იჩინა თავი ამ სენმა. რუსეთში ლოთობის მიზეზი ის კი არ არის, რომ ბუერსა სმენ არამედ ისაა, თუ როგორ სმენ... ლოთობა ხშირად სიღარიბის ბრალია, მაგრამ თვით სიღარიბე მომეტებულ წილად ლოთობისაგან წარმოსდგება... ვგონებ არ იქნებოდა ურიგო ჩვენშიაც ეფექტათ, რომ რაიმე ღონისძიება აღმოეჩინათ ლოთობის შესამცირებლად.

„ივერიის“ 1891 წ. (№ 189, 191, 193) ფურცლებზე სპეციალური წერილები იყო მოთავსებული სათაურით. „ლოთობა“, სადაც ნათქვამია: „გამოკვლეულია, რომ სიმთვრალე არამც თუ მარტო სხეულს უშუძღურებს ადამიანს, არამედ ეს დაუძღურება მემკვიდრეობითაც გადადის მოდგმანედ და მეხუთე თაობამდე მთელს გვარეულობას ამახინჯებს და აღუხჭირებს ხორცეულადაც და სულიერადაც. ლოთი კაცის შთამომავალი ან ლოთივეა (60%), ან ჭკუაზე შესლილი და ან უზნეო, გარყვნილი“.

„ივერიის“ 1888 წ. № 135-ში ნათქვამი იყო: „ალკოჰოლი მავნებელი ნივთიერებაა, მომშხამვლელი ადამიანის სხეულისა, განსაკუთრებით ნერვებისა. ალკოჰოლი აღუნებს, აჩლუნგებს ადამიანს... ამიტომ მოითხოვდა რომ „რაც შეიძლება შევზღუდოთ და შევამციროთ ხმარება არაყისა ხალხში... შეუძლებელია, რომ ღვინო, ლუდი და სხვა ამგვარი სასმელები, რომელშიაც კი სპირტი ურევია, მარგებელ, უფნებელ სასმელად იქნეს აღიარებული. არაყზე ნაკლებ ზიანს არ მისცემს ჭარბად ხმარება ლუდისა, რომლის ჭარბად ხმარება განსაკუთრებით მავნებელია ადამიანის აგებულობისათვის“. მეცნიერება ცდილობს — ნათქვამია იქვე — გამოიყენოს ისეთი ნივთიერებანი, რომლითაც შეიძლება ადამიანის გაცხოველება და მათ არ ჰქონდეს ალკოჰოლის მავნარი მომდუნებელი თვისებაო. ასეთი კი არის „ჩაი, ყავა“ და სხვათა. ბოლო ხანებში კი მავარი სასმელებისადმი მიდრეკილება არამც თუ არ კლებულობს ჩვენში, არამედ ჰმატულობსო სადაც „ძლიერ საშიშია ჩვენთვის და ამისთვის უფრო გვმართებს სიფხიზლო“.

მკითხველი ადვილად მიხვდება თუ რა დღევანდელით ედერს ილიას მიერ ყოველი ნათქვამი ლოთობისა და ალკოჰოლიზმის წინააღმდეგ ბრძოლის შესახებ. იგი თავის ერს ამით მოუწოდებდა მხოლოდ ზნეობრივი გაკეთილშობილებისა და სულიერი სიჯანსაღისაკენ.

А. Д. СТЕПАНИШВИЛИ

## ИЛЬЯ ЧАВЧАВАДЗЕ О РАЗВИТИИ ВИНОГРАДАРСТВА И ВИНОДЕЛИЯ В ГРУЗИИ

Резюме

В труде освещены взгляды Ильи Чавчавадзе на значение виноградарства и виноделия в экономике Грузии с древнейшего периода вплоть до конца XIX века. Отмечается, что в газете «Иверия» систе-

матически (с 1886 года вплоть до 1900 г.) Илья Чавчавадзе публиковал статьи и письма о состоянии виноградарства и виноделия в крае, о грузинском способе производства вина, о заболеваниях виноградной лозы, о распространении болезни «оидиума», «минидиума», «филлоксеры» и т. д. Подробно освещены замечания И. Чавчавадзе о недочетах в этой отрасли и ликвидации таковых.

Особое внимание уделяется тем мероприятиям, которые предлагал И. Чавчавадзе по борьбе с алкоголизмом и пьянством. Суждения Илья Чавчавадзе о виноградарстве и виноделии в Грузии всегда имели значение для дальнейшего развития этой отрасли в крае и не теряют своей актуальности на сегодняшний день.

წარმოდგინა საქართველოს სსრ მეცნიერებათა აკადემიის ეკონომიკისა და სამართლის ინსტიტუტის სოციალისტური ეკონომიკის გამოცდილების განზოგადებისა და ქართული ეკონომიკური აზრის ისტორიის განყოფილებამ.

დავით ფურცელაძე

გლახა მრიაშვილი და სხვანი...

„გლახთა საკითხის გადაწყვეტა... უნდა დაეფუძნოს... გლახისა და მემამულის ინტერესთა საბოლოო გათიშვის საწყისს: მათ შორის უნდა გაწყდეს ყველა ძაფი, რომელიც ნაბატონარსა და ნაყმევს იძულებით ერთმანეთთან აკავშირებს“ (ი. ჭავჭავაძის „კრიტიკული შენიშვნებიდან“ საგლეხო რეფორმის პროექტების გამო. საქართ. ისტ. ნარკე., V. 285).

„ბარაქაა, რომ აგრე მუყაითი ყოფილხარ შენის მოვალეობის აღსრულებსათვის“.

ზემორე ეპიგრაფთაგან პირველი თუ იმას გულისხმობს, რომ წესიერად მოწყობილ, წარმარებულ საზოგადოებაში სამოქალაქო ბრუნვის მონაწილენი, მიუხედავად თავიანთი მანამდელი წოდებრივი კუთვნილებისა, დამოუკიდებელ, სრულფასოვან კონტრაქტებად უნდა მოქმედებდნენ. მეორე, შესაბამისად ამისა, არის შექება მოსამართლისაგან ნაყმევი გლახი-მოპასუხისა, რომელსაც შეგნებული ჰქონია აუცილებლობა და ფასი ვალდებულების სიმტკიცისა, მზადაც ყოფილა პასუხი ეგო თავისი სამართლებრივი ურთიერთობების მიხედვით.

მეორე ეპიგრაფი მოტანილია ილია ჭავჭავაძის ერთგვარი დრამატურგიული ნაწარმოებიდან, „გლახთა განთავისუფლების პირველ-დროების სცენები“-დან (I). ეს მწარე სატირა (II), ვგონებთ კი არათუ მხოლოდ სატირა, დაწერილა 1865 წელს, მართლაც. პირველ ხანებშივე ჩვენში საგლეხო რეფორმის (13. X. 1864) განხორციელებისა, მაშინ, როდესაც ილია თვითონ იყო ამ საქმიანობის ხელშემწყობი მოხელის „მომრიგებელი შუამავლის“ თანამდებობაზე დღეშეღი. და ამრიგად მოქმედ პირთაგანადაც თავისი „...სცენებისა“; რომელთაც ენობრივად, აგრეთვე ზოგი სხვა რეალის მიხედვით, ამ მხარის ელფერი სძევს. და ერთობაც მხატვრული გაზოგადებისა და გამახვილების მიღმა „...სცენების“ ყველა სურათში, ყოველ სახეში ისეთი ხალასი სინამდვილე გამოსტკვივის, რომ ეჭვი არ არის ისინი ცხოველ, ნიადაგდღიურ შთაბეჭდილებათა შთავგონებით წარმოსახულან.

დიდი ილიას დაბადების ასობროცდამეათე წლისთავზე ამ მცირე წერილის საგნად სწორედ „გლახთა განთავისუფლების პირველი დროების სცენები“ ვირჩიეთ. ლიტერატურულ კრიტიკაში ისინი ცაკლე და საგულისგულოდ თითქოს არ განხილულა. ასეთ განხილვას ჩვენ არცა ვთაობთ — „... სცენები“ კერძოდ

მართლშეგნებითი და ქართული სამართლის მოვლენების მხრივ გვიანტერესებს.

ვერ ერთი-ორი ცნობა წინასწარ ყურადსაღებად.

ბატონყმობის საგმობელ თავის ისეთ ნაწარმოებებს, როგორც არის „რამდენიმე სურათი ანუ ეპიზოდი კაკო ყაჩაღის ცხოვრებიდან“, „კაცია ადამიანი!“, „გლახის ნამბობის“ პირველი ნაწილი, ი. ჭავჭავაძე საგლეხო რეფორმის წინახანაში, მისი და მისთვის სამზადისში (1859—60 წწ.) ქმნიდა და აქვეყნებდა; „ოთარანთ ქვრივი“ უკვე 80-იან წლებს ეკუთვნის. „გლეხთა განთავისუფლების პირველ-დროების სცენები“ კი, როგორც ითქვა, 1865-ში, თვითონ ამ განთავისუფლების მიმდინარეობაშივე დაიწერა, ხოლო გამოცემით თითქოს მხოლოდ 1892-ში დაბეჭდილა.

XVIII საუკუნის საქართველოს საერთო სამართლებრივ კანონად ვახტანგ VI-ის კორპუსი (III) მოქმედებდა, პირველად და უმთავრესად — თვითონ ამ სჯულმდებლის კოდექსი, „სამართალი ბატონისშვილის ვახტანგისა“ (III:7), ხოლო დამხმარედ, მეტ-ნაკლები მნიშვნელობით, — კორპუსის ეროვნული სამართლისავე სხვა, ვახტანგამდელი წყაროები (III:4, 5, 6), დაბოლოს, — კორპუსშივე შესული უცხოური (ბიბლიური, ბიზანტიური და სომხური — (—III:1, 2, 3) სამართლის წყაროებიც.

რუსეთთან შეერთების დროს იმპერატორ ალექსანდრე I-ის 1801 წლის 12. IX-ის ბრძანებულებით „ძირეული ქართული კანონის“, ვახტანგის სამართლის მოქმედება სამოქალაქო ურთიერთობების წრით შემოიფარგლა, ხოლო 1859 წელს (ე. ი. თითქმის საგლეხო რეფორმის წინ) სულაც აღიკვეთა (გარდა ზოგიერთი ნორმისა, რაც რუსეთის კანონთა კრებულში იქნა შეტანილი). ამიერიდან ვახტანგის სამართალს სახელმწიფო მართლმსაჯულებასა და მართვა-გამგეობაში ძალა აღარა ჰქონდა, მაგრამ ხალხის შეგნებასა და ცხოვრებაში იგი ასე ერთბაშად და ერთიანად ვერ ამოიკვეთებოდა — თუკი მავანი ურთიერთობა სასამართლოდ თუ სადღმინისტრაციოდ არ განდებოდა, იგი, რაღა თქმა უნდა, კარგა ხანს კვლავინდებურადვე წესრიგდებოდა (III, IV, V, 4, 8).

იმპერატორის იმავე ბრძანებულებით სამოქალაქო საქმეები აგრეთვე „არსებული ქართული ჩვეულებების მიხედვით“ უნდა განსჯილიყო, რომლებიც „გამორკვეული უნდა იქნეს“-ო. ამ „გამორკვევით“ 1813 წლისათვის შედგა კრებული „საქართველოს ძველთაგან და ჩვეულებითა დქართქელმეფეთა დროთა შემოღებულნი სჯულნი“, მისი 1815 წლის რუსული თარგმანი — «Обычан, введенные при грузинских царях законом». ლიტერატურაში ამ კრებულს სახელად „საქართველოს ჩვეულებითი სჯული“ დაუშკვიდრდა, და გამოქვეყნებითაც ამ სათაურითვე გამოიცა (VI). იგი ჩვეულებითი სამართლის კრებულად განიხილება (6, 5). ეს ასეც არის, თუმცა მხოლოდ ასე არ უნდა იყოს — ამგვარი დანიშნულების ძეგლის შედგენა სასამართლო პრაქტიკის ნაკადს ვერ გადაარჩებოდა, და მასში პრეცედენტული სამართლის კვალი საკმაოდ ცხადადაც ვლინდება. კრებულზე მუშაობის მოწყობის, ხერხებისა და მიმდინარეობის დაწვრილებითი გამოძიება, იმ მასალა-წყაროების შესწავლა და შეფასება, რაც მას საფუძვლად დაედო, ცალკე ამოცანაა. საამისო კვლევას აქ ვერ გავყვებით და ამჯერად მხოლოდ ორ გარემოებას აღვნიშნავთ. ერთი ის არის, რომ კრებულის „ჩვეულებითის სამართლობას“ უფრო 4. „მაღნე“, ეკონომიკისა და სამართლის სერია 1987, № 3

მისი რუსული სათაური — «Обычаи, введенные... законом» აცხადებს, რომელიც, კაცმა, თქვას, ჩვეულებითი სამართლის ნამდვილ, ახლანდელ ფორმულასავითაც კი იკითხება, თუ არ გავითვალისწინებთ, რომ закон — კანონი და введенные — შემოღება, ე. ი. დამტკიცება, აქ ზედმიწევნით ახლანდელი აზრით არ ითქმოდა. თანაც ქართული, დედანი სათაურის მართებული თარგმანი ასეთი იქნებოდა: «Право<sup>1</sup> Грузии, истари обычаем при грузинских царях введенное». ამრიგად აქ ნათქვამია უფრო სამართლის ნორმების შემოღება-დამკვიდრებაზე ჩვეულების, პრაქტიკის ძალით, ვიდრე შვებულების დადასტურება-შემოღებაზე კანონის ძალით<sup>2</sup>, და მეორეც — კრებული არა ერთსა თუ ორ (12) მუხლთან დასძენს, ვახტანგის კოპპუსის ამა და ამ ნაწილის, მათ შორის თვითონ ვახტანგის კოდექსისაც, ესა და ეს მუხლი, თუ მუხლები, „ამ ჩვეულებებისამებრ მოხმარებულ არს“, ანდა „არ მოხმარებულ არს“-ო. ასეთი შენიშვნები უეჭველსა ხდის, რომ „... სჯულნი“-ს შემდგენლები მხოლოდ ჩვეულებათა შემკრებლობას არ სჯერდებოდნენ, არამედ სასამართლო პრაქტიკასაც იძიებდნენ და ასახავდნენ. ამას თვითონ საქმე მოითხოვდა, და სწორედ ამიტომაც იყო, რომ ადმინისტრაცია „... სჯულნი“-ს შედგენაში ყოფილ თავ მოსამართლეებს (მდივანბეგებს, თბილისის მელიქ-მამასახლისს) რთავდა.

დაბოლოს, რუსულ მმართველობას დახვდა საქართველოში კიდევ ერთი საგანგებო დარგის, ადმინისტრაციულ და მოსაკრეფელ-საგადასახადო სამართლის მოქმედი დებულება — „დასტურლამალი“ (VII, V). ახალი წყობილების ვითარებაში მისმა ადმინისტრაციულ-სამართლებრივმა ინსტიტუტებმა, რა თქმა უნდა, მოშეტებულად ძალა დაკარგა. ხოლო მოსაკრეფელ-საგადასახადო წესების დარგში იგი, ნაწილობრივად მიინც, ერთხანს მერმეც მოქმედებდა, მეტადრე ბატონყმურს ურთიერთობებში, და დრომდე ბატონყმობის გადავარდნის შემდეგაც.

მოქმედი პირნი. „გლახთა განთავისუფლების პირველ-დროების სცენები“ ხდება „მიროვოს პოსრედნიკთან“, მის, ასე ვთქვათ, ოფისში. თვითონ ეს ადმინისტრაციულ-სასამართლო თანამდებობა, «мировой посредник»-ობა (ილიასთან, სხვაგან, აგრეთვე — „მომრიგებელი შუაკაცი“, ქარგონულად „... სცენები“-ს მონაწილის პირში — „მირუა“, ახლანდელი ლექსიკონებით — „მომრიგებელი შუამავალი“) დაწესდა ხელის შემწყობად საგლეხო რეფორმის განხორციელებაში. მას მთავარ განსაგებლად ჰქონდა ნაყმევთა დ ნაბატონართა ურთიერთობაში წამოკრილი, მეტადრე საადგილმამულო, დავები, მიწათმფლობელობითი გამიჯვნა მათ შორის და შედგენა შესაბამისი — „საწესდებო სიკელებისა“, ილიასთან — „დებულების ოქმებისა“.

ილიას „მიროვოს პოსრედნიკი“ თავის თანამდებობას დიდი თავდაჭერილობით უძღვება — არამცთუ მიჰკერძავს ვისმე, ყველა მომჩივან-მოპასუხეს ერთნაირად, სრულიად თანაბარი ზრდილობით, გულისხმიერებით და კეთილ-

1 „სჯულნი“-ო. ი. ა. ბ ლ ა ძ ი ს „ძველი ქართული ენის ლექსიკონი“-თ, სჯულის მნიშვნელობე ყოფილა „კანონი, სარწმუნოება, აღქმა“, „მოძღვრება“, „საშეკლი“, „სამართალი...“ ს უ ლ ხ ა ნ -ს ა ბ ა ო რ ბ ე ლ ი ა ნ ი ს განსაზღვრებით „სჯული არს სიტყვა მბრძანებლობით ვიდრემე, რომელ-რომელთა ჯერ-არს ქმნაი...“. ე. ი. ეხლანდებურად — ერთობ ნორმაო.

2 ნიშანდობლივია, რომ საწმენობხვეო მაშინდელ ოფიციალურ მიმოწერაში შენაცვლუბით ასეთი გამოწვეულებები იხმარება: „...обычаи народные, которые почитались за закон...“ და თითქოს უფრო ხშირად — „...коренные и обычаем введенные законы...“-ო.

მოსურნეობით ეკიდება. მართალია მის „ოთახში“ „გლეხები“ ზეზედა დგანან, — ეტყობა დრო ამას მაინც მოითხოვდა, — „მებატონეები“ კი სკამებზე სხედან, მაგრამ საქმის განხილვაში პირმოთნეობით, პირველობა-მერმეობით თუ სხვაფორმად უპირატესობა არავის ეძლევა. მას მოთმინება და სიღინჯე ჰყოფნის გლეხი გლაზა ჭრიაშვილის გამაჯერებელი, „ფეიქრის ქსელივით გაბმული“, უთავბოლო ნაუბრისათვისაც და „აზნაურის ქვრივის“ ყოვლად შეუწყნარებელი ახირებულობისათვისაც. პირველს იგი, სხვანი რომ არ დააყოვნოს, მოსმენის ჯერს გადაუნაცვლებს, მეორე კი, მერომელედ არის „მოთმინებიდან გამოსული“ და მრავალჯერი ამაო შეგონების შემდეგ „გულზე მოსული“, რალა გაეწყობა, აჯარიმებს და „სამართალში მიცემით“ ემუქრება.

მიუხედავად უნაკლო მიუჯერძობებისა, „... პასრედნიკს“, ისე ჩანს, მომჩივან-მოპასუხე „მებატონეთა“ მარაქა მაინცდამაინც თვალში არ უზის, შეგნებით იგი თითქოს უფრო ნაყმევების, მეტადრე გამრჯე, წარმატებისათვის შემართებული გლეხების მხარეზეა, მისი ეს შინაგანი მიდრეკილება, მართალია საქმით არანაირად არ გამჟღავნებულა, მაგრამ იმათთვის, ვისაც მასთან საქმე აქვს, ეტყობა, თუნდაც ქვეცნობიერად, მაინც შესაგრძნობი ყოფილა, მეტადრე, თუ კაცი საამისოდ განწყობილიც იქნებოდა, და აკი გაისმის კიდევ დაუძმსახურებელი, უხეში საყვედურები.

„(აზნაურის) ქვრივი. (გულამოძვარად) აბა, ეხლა აგვიშენდა, ჩვენი, კეთილშობილებს, ოჯახები. აი! თქვენც, ჩვენი მიწაწყლის შვილს, კეთილშობილისისისხლსა და ხორცს, ამათი მხარე გჭერიათ. აბა, თქვენგან რალს უნდა მოველოდეთ?... აზნაურსა და კეთილშობილს თქვენთან სამართალი არა ჰქონია...“

ქვრივის მახლი: ეპ, თქვე დალოცვილო, კანონი თქვენს ხელშია, და როგორც გინდათ, ისე ატრიალებთ“.

ახალი კანონები, ხდება, ბორკავს სამართლიანობას, ეღობება თავისებური ურთიერთობის მოწესრიგებას შესატყვისი ეროვნული ნორმების მიხედვით. და „პოსრედნიკი“, თუმცა თანამდებობითაც ავალა, მაგრამ თან აშკარა სიბრაულულითა და მონღომებით ეუბნება გლეხს, რომლის მოთხოვნასაც ვერ აკმაყოფილებს:

„პოსრედნიკი. თუ კანონზე მივარდა საქმე, ვერაფერი (გეშველება), მაგრამ მე შენ მებატონესთან მოვილაპარაკებ, იქნება შეგაბრალო და თითონ თავის ნებით დაგიბრუნოს (ვენახი)“.

ასევე, სწორედ და მხოლოდ თანამდებობრივი თავგამოდებით არ უნდა იყოს ჩვენს „... პოსრედნიკს“-ს წოდებათა შორის მშვიდობა და სათნოება სახუკვარად რომ ეგულება:

„პოსრედნიკი (გლეხს, რომელმაც შეუდავებლად აღიარა თავისი ვალდებულება): ბარაქალა, რომ აგრე მუყაითი ყოფილხარ შენის მოვალეობის აღსრულებისათვის; წადი უშოვნე და ჩააბარე.“

ერთი მოხუცი მებატონე (თავის-თავად ხმამალა) ვინა სთქვა, — გლეხმა ჩვენზედ გული აიყარაო... კაი კაცი ყოველთვის კარგი იქნება.

პოსრედნიკი. დიად, პატროსანი. გლეხი ყოფილა...

...(ეუბნება მოპასუხე მებატონეს და მამულზე მოდავე გლეხს)... მადლობას მოგახსენებთ მშვიდობიანად მორიგებისათვის. გასაგონადაც სასიამოვნოა მაგისთანა სიტყვებით მეზობლბა, როგორც თქვენა გქონიათ...“

ილიას „მიროვის პოსრედნიკს“ აშფოთებს, რომ ხალხის შეგნებაში, უმეცრებით არის თუ განგებ შთაფონებით, თავს იჩენს გაყალბებულ-გაზვიადებულ აზრი საგლახო რეფორმის თაობაზე, რაც ვნების, მტრობის მეტს არაფერს მოასწავებს.

„გლახა ჭრიაშვილი... ჩვენ გლახკაცი ვართ, ყველაფერს ძაღვ დავიჩქვრებთ ხვალმე... ბძანებაა — ოც-და-ხუთი მანეთი წაერთოს და ორმოცდაათი როზგი დაეკრას იმასო, ვინც თავის ნაბატონარს დღეის იქით ბატონს დაუძახებსო.“

პოსრედნიკი. ეგ ვინ გიოხრა შენ?

გლახა ჭრიაშვილი. განა გლახკაცი რომა ვართ, ზაკონის კანონი ჩვენ კი არ ვიცით, შენი ჭირიმე?

პოსრედნიკი. დღეის ამას იქით, იცოდეთ, ვინც მაგასთანა სულელურს ხმებს ჰყრის ხალხშია, თუ ჩავიგდე, ძალიან დავასჯევინებ... ეგ სულ ტყუილია და ამასთანაც სამარცხვინოა, რომ თქვენისთანა ჭკვიანი კაცები მაგისთანა სულელურს სიტყვებს იჯერებენ...“

„მიროვის პოსრედნიკის“ წინაშე მთხოვნელ-მოპასუხეთა სახით ორი მოპირისპირე კლასი მოქმედებს — მემამულე-ნაბატონართა და უშუალო მწარმოებელ-ნაყმევთა. „... სცენებ“—ში ორსავე ამ მხარეს ჰყავს თავისი უკიდურესი, თუმცა პაროდულ-გროტესკული, მაგრამ მხატვრულად ჰემშარიტი წარმომადგენელი, ესენი არიან გლახა ჭრიაშვილი და აზნაურის ქვრივი.

გლახა ჭრიაშვილი ზოგად სახედ არის ქცეული, ტიპად კაცისა, რომელსაც ზნედა სჭირს გაჭინურებული, დაულაგებელი, უაზრო-უთავბოლო ლაპარაკი, თვითონ მას ჰგონია, ვითომ „სიტყვა-პასუხიანი კაცის“ სახელი ჰქონდეს მასხარად ასაგდებად თუ! აბა სხვასაცა ვკითხოთ: „... ღმერთმა მშვიდობა მოგცეს... კი დალაგება გცოდნია“, „მე რომ მაგისი ამბავი ვიცი. ეგ ისევ თავილამ მოგვიყვება და შენი მტერი, ჩვენი საქმე იქნება“, „რა დაგემართა, ადამიანო, ფეიქრის ქსელივით გააბი და აღარ ათავებ“—ო; და პოსრედნიკიც — „კითხვით კი გკითხავთ და რომ არ იქნა, ვერ შეგვატყობინე (შენი „ნადღველი“)!... მე შენ, როგორც გატყობ, დღეს შენის საქმის გათავებას არ აპირებ. მოდი... პატარა ხანს იქით მიდევ: მე ჯერ ამათ გამოვკითხავთ თავიანთ საქმეს და მერე მომიყევ შენი ამბავი...“—ო.

თავისი „ბეჩაობის“ და „რეგვნობის“ მიზეზი განა თვითონ გამოთავყანებულმა გლახამ არ იცის, და მისივე ნათქვამი რომ გავაზოგადოთ, ეს მიზეზი ბატონყმობაა — „...ჯაფამ გამტება, შენი ჭირიმე, ჯაფამ. რაც მენა ბატონის ბეგარაში ოფლი მიღვრია, სულ რომ ერთად მოგკრიბო, ზღვა იქნება... ჯაფამ და ბატონის სამსახურმა ავრე იცის...“

გლახა ჭრიაშვილს აუჩემებია და თავის მონოლოგებს უფრო ამით იწყებს ზოლმე: „... როგორც მოგეხსენებათ, პაპა. ჩემი აზნაური გხლებიათ ნუგზარ ერისთვის დროსაო, სისხლის წვიმების დროსაო“. ვის სმენია, ვისგან, საიდან? და კაცი ვერ მიუხედება, ამ საუკუნე-ნახევრის ამბავს მისტირის მხოლოდ, თუ ეს ერთნაირი მძიებლობაა აზნაურობისა და „მიროვის პოსრედნიკთან“, რაკი ახალი დროება დგებოდა და „მოსამართლე ხელმწიფის ყური“—ო, ოდინდელ ამბად გავგონილი, ვითომ ქონებული პატივისათვის უგუნურმა სარჩელმა მოიყვანა.

„მოხუცებული აზნაურიშვილის ქვრივი“, თავისი თქმით — „დარბაისელი კეთილშობილი დედაკაცი“, „საცოდავი... ქვრივ-ოხერი. ობლების პატრონი“, ნამდვილი კრებულია დრომოქმული, მთლად გაუქუღმართებული მებატონეობის მთელი სისაძაგლისა. შეიძლება გავიკვიროვოთ კიდევ რაღა მანინდამანინც მანდილოსნად გვაჩვენა ილიამ ეს ტიპი-სიმბოლო. — იქნებ იმისათვის, რომ ფლიდსა და ორპირს, ვირეშმაკას, ბუნებით მტარვალს, გამწარებულ-გასაპიტებულს, ამ ქალბატონს თავისი სქემის კლდეამოსილება ნატამალად არ შერჩენია და მისი სახით თვითონ მოვლენის სიავე უფრო შემზარავად წარმოჩენილიყო.

ჩვენს „ქვრივ-ოხერს“ თავისი „კეთილშობილება“ სულ პირზე აკერია, „კეთილშობილის სისხლით“ თავი მოაქვს — „... ჩვენ კი ჩვენს სისხლს არ დავკარგავთ“-ო, — „თავისი პატივი ყველგან იცის“, იცის, რომ აზნაურს „გლუხთან ყოველთვის პირველი ადგილი აქვს, თავადს კიდევ აზნაურთან“. „ბატონყმობის გადავარდნას“, „სისხლით ნაშოვნის“, „შესავლითა და გასავლით (ბატონის) ყურმოჭრილი ყმების ჩამორთმევას „ცის თავზე ჩამოქცევად“. „ქვეყანაზედ მეხად“ იღებს. წყევლა-კრულვა და ლანძღვა-გინება არ არის, რომ გლუხებისათვის დაიშუროს, ისეთების კადრება, რომ ჭკუა არ მოიგონებს და ენა არ იტყვის“, არაფრად უღირს. აგერ ნიმუშიც მისი სულიერი და გონებრივი ნაღრძობობისა.

საგლუხო რეფორმასთან დაკავშირებით, თანახმად წესებისა „ყმების პირადი განთავისუფლების გამო შემამულეებისათვის ფულადი გასამრჯელოს (— საზღაურის! — დ. ფ.) გაცემის შესახებ“ ყოველი განთავისუფლებული კაცყმისათვის მებატონეს 25 მანეთი უნდა მისცემოდა (VII, 292) და აი:

„პოსრდნიკი. მესამედა გთხოვთ, ღონისძიება მომცეთ ამ გლუხს საჩივარი მოვუსმინო. დაბრძანდით, თქვენი რიგიც მოვა.

ქვრივი რო? ვანა მაგათი ამხანაგი ვარ, რომ მაგათ რიგში ჩავდგე, მაგ კახური ღორებშია. უწინამც დღე გამქრობია!...

პოსრდნიკი. (მოთმინებიდამ გამოსული) მე ძალიან ეწუხვარ, რომ თქვენ თქვენის ურიგო ლაპარაკით იძულებული გახდით გთხოვოთ აქედამ გაბრძანდეთ.

ქვრივი. (პატარა ფიქრმოცემული) რაღა, თქვენი ჭირიმი. რისთვის? კახური ღორები რომ ვსთქვი, სხვა ხომ არაფერი! მამ ვანა ტყუილია? ბატონო, ეგენი არ არიან, რომ ოცდა ხუთ-ხუთ მანეთად დააფასეს! კახური ღორი, თქვენმა მშემ, ზოგჯერ მეტადაც იყიდება. მაგ სულელებს ფიქრადაც არ მოუვიდათ, რომ ერთი ოც-და-ხუთ ხუთიოდ მანეთი თითონ ზედ დაეყარათ, რომ კაცი კაცის ფასად გასულიყო. აი, გლუხები მაგისთანა უსინდისონი არიან აი, რომ თავის-თავის ფასიც არ იციან...“

და ჩვენი ეს „ქვრივი“ თავისივე წოდების სხვა პერსონაჟებივით მთლად უმეცარი როდია, როცა სჭირდება, იგი „... პოსრდნიკს“ მაღალფარდოვნადაც და ვეფისტყავოს“-ნურადაც მიმართავს — „ჩემო დიდებულო ხელმწიფე, ბრძენო და ბრძენთა-ბრძენო, ქვრივ-ოხრის გამკითხველო, ობოლთა მწყალბელო. მაღალო და სვიანო, უხვო და მდაბალო“-ო.

• იგი წარამარა ვახტანგის სამართალს — „კანონს“ ახსენებს და თავის პრილეგია-პრეტენზიებს, კერძოდ სარჩელსაც, მასზე ამყარებს.

ქვრივი... მეფე ვახტანგის კანონი ჩვენც წავგიკითხავს. თუ ეს კანონები შეუცვლიათ, გამოგვიცხადეთ მინცა...“



...მეფე ვახტანგისაგან დაწესებულს, დაბეჭდილს და დამტკიცებულს კუთვნილს მიბოძებდით...“.

მაგრამ ეს ერთობ, და არა ჩანს კი, რომ ვახტანგის „კანონების“, ცოდნას აღარ ვიტყვი. ნამდვილი წარმოდგენა ჰქონდეს, ანდა მათ კერძო გარემოების გამო შესაფერისად იშველიებდეს...

თავიანთ მემამულურ-მებატონურ უფლებებს „ქვრივი“ და მისი „მაზლი“ ერეკლე II-ისეულ საბუთებზედაც ამყარებენ, და ამაშიც მათი დრომოქმედობა და უბადრუტობა ცხადდება:

„ქვრივის მაზლი (პასუხად „პოსრდნიკს“, რომელიც რეფორმის შემდგომი „დებულების ოქმის“ — „საწესდებო სიგელის“ დაწყებამდე მიწათმფლობელობის status quo-ზე ეუბნება, — მართლა ეშლება თუ ყასიდად, — დ. ფ.) ოქმი დიდი ხანია, თქვენმა მზემ დაწერილი მაქვს და ყუთშიაც მიდექს. მეფე ერეკლეს ოქმია, რომ გაშალოთ, ამ ოთახს თავიდან ბოლომდე გასწვდება, თორმეტი მეფეთ-მეფის (! — დ. ფ.) ბეჭედი აზის, ხონთქარსაც (! — დ. ფ.) ხელი უწერია...“

ქვრივი... მაშ მეფე ერეკლეს ხსენება ქვეყანაზედ აღარა ყოფილა; მაშ იმისაგან ბოძებულს... ოქმსა ძალა აღარა ჰქონია... შენც არ მომიკვდე, მე ახალი ოქმი არ ვინდომო. აბა რა? მეფე ერეკლეს ოქმი იქით მიაგდეო და ახალი დაწერეო...“.

მაგრამ „...ქვრივი“ მხოლოდ ყბედი და აყვია როდია, იგი მავნე, მჭირდავი, დაუზოგავი და უწყალოც არის. ვისაც არ გინდა, რალა ნაყმევს, თავის მაზლსაც კი, სულ ადვილად „ბუნტ კაცად“ აცხადებს და „რუსული წკებლისათვის“, საციხედ და საციმბირედაც არა ზოგავს.

„ქვრივი... დიდი რამ მომხდარა, თუ მებატონეს... ვენახი წაუტომე-ჟია. კარგია რომ ვგ თითონ ძაღლზედ არ გაუცვლია...“

... რა დრო მოვიდა? რახედ ჩივიან? აი, გვცოდნოდა, მე ვიცოდი, როგორც ძაღლის ლეკვზედ გაცვცვლიდით... სჩივიან, ვერ უყურებთ, ბატონზედ სჩივიან. აი, სად არის ის დრო, რომ ეხლა შენი ბატონი მაგისათვის არ გააწვენიებებს და ფეხებიდამ თავამდე ტყავს არ აგაძრობს...

(პოსრდნიკს თავის მაზლზე)... მე რომ თქვენი ვიყო, ციხეში ჩავასმევი-ნებდი, ...ერთი ბუნტი კაცია... ქურდიც არის, საციმბირაო.

გლახი. აღარა ვართ, ქალბატონო, თქვენი ყმები, არა და არა.

ქვრივი, უი, შე ძაღლის ნაშენო, იქ ჩემს სანეხევეში ჩაგარჩობ მურა-ძალისსავითა!...

(პოსრდნიკს)... ჩემო მოწყალეო ხელმწიფე! ეხლა მე ვიცი, თქვენ იმ უბედურის-შვილს (თავის ნაყმევზე. — დ. ფ.) დააჭვრიებთ, ციხეშიაც ჩასომთ, მაგრამ... ბევრს ნუ აცემინებთ: აზიზადა მყავს გაზრდილი (! — დ. ფ.) ... ერთი... სამოციოდე რუსის წკებლა ეყოფა ... თუ გეცოტავათ, ერთი ოციოდე კიდევ მოუშაბეთ... ეს კია, რომ რუსს უნდა დააკვრიეინოთ როზგები, თორემ ქართველი, ხომ მოგეხსენებათ, მაგისტანეში იქალაჩუნა არის, ისე ვერ დაკრავს, როგორც ზაკონი და კანონია...“

ზაქროსაგან კაკო-ყაჩაღისათვის ნათქვამისა არ იყოს — „...თავადიშვილი კარგი რა არის, ავი რა იყოს“.

ვენახოთ ახლა ის „სიკარგეც“, თუ ასეთად ითქმის, რომელსაც ეგრეთ წოდებული „ბატონყმობის რიგი“, ასე იყო თუ ისე, იფერება და რომელიც მას,

ერთგვარი პატრიარქალურობის ნიშნეულობითაც, დროთა ვითარებაში შემორჩენოდა.

საამისო ავ-კარგს უფრო „... სცენები“-ს თვითონ სხვა მებატონეებივე გვამცნობენ.

ისინი, რა თქმა უნდა, ძირეულად იმავე ბუნებისა და აზრთა წყობისანი არიან, მაგრამ აშარ „ქვრივი“-თან შედარებით უნიათებად და, ლამის არის, თვინიერებადაც კი მოჩანან.

„მოხუცებული მებატონე (ნაყმევი, იაკობ შაიაშვილი პაპეული „ნასყიდობის ქალაღლით“ მისგან მიწას „საკუთრებად იძიებს“. — დ. ფ.) (ღიმილით) მე, შენი ჰირიმე, უწინდელი კაცი ვარ, კითხვა არ ვიცი... ბიჭო და, თუ ნასყიდი იყო, დალას რაღად მაძლევდი? („იაკო... მებატონი იყავ და გაძლევდი, მე რა წინაღმდეგობა შემეძლო...“)... მამ თუ ავრეა, ჩემო იაკო, ეგ ქალაღლი ჭერ ჩემთვის უნდა გეჩვენებინა, მე და შენში სხვა კაცი რა საჭირო იყო? ეს ეცემოვშველდე ბოღით. ეგეც რომ არ იყოს, ერთი-ორიოდ დღის შავ მიწას, როგორ დავიშურებდი შენთვის: შენი დღენი ჩემს ერთგულებაში დაგიღამებია... („ოსრედნიკი“ ნასყიდობის ქალაღლს“ წაუკითხავს. — დ. ფ.) მამ რაკი ავრეა, თუნდ შენი ერთგულება და პურ-მარილიც არ მახსოვდეს... რაც უნდა იყოს, პაპი-ჩემის სახელს მე მჩვრად არ გავდხი. მომიცია შენთვის, ჩემო იაკო, ღმერთმა კაი კაცობაში გამოვიყენოს!... („ქვრივის“ რეპლიკაზე). — დ. ფ.) (თითქო ეწყინაო). მე მუხრან-ბატონი არა ვარ, მე ერთი ღარიბი აზნაურთაგანი ვარ, რომელსაც ერთი ლუკმა ღარიბული პური აქვს და ჰყდილობს, რომ ეს ლუკმა შეერგოს, დამიძაღლებს (იაკო. — დ. ფ.), თუ არა, — ეგ თითონ იცის, მე კი, როგორც მივლია, საფლავის კარებამდინ ისევ-ისე ვივლი. (გლახს) იაკო! მე და შენ, მგონი, ერთმანეთზედ გულს არ ავიყრით! ... დაილოცა, ღმერთო, შენი სამართალი: გაუყრელს ვერაინ ვერ გაპყრის!... (... მხიარულად) წამო იაკო, ერთი ჩვენ კაკალ ქვეშ ჩავსხდეთ და ერთი კიდევ ხელახლად დავიძახოთ მე და შენ: „ბატონისა ვარ ლაღი ყმა მტერო, არ შეგეპოვებია“ — თქო და სხვამ რაც უნდა სთქვას...“.

„ქვრივის მაზლის“ სახით კი აზნაურული შეზღუდულობა და ბუნებითი თუ განზრახ დაჩემებული გაუგებრობა და გასწორ-გასწორება წარმოგვიდგება.

„ქვრივის მაზლი“ ( მას ნაყმევი მიწის ჩამორთმევას ეღავება. „ოსრედნიკი“ განუმარტავს, რომ, „... ვიდრე „დებულების ოქმი“ დაიწერება... გლახს ის უნდა ექვიროს, რაც სჭერია...“, და რომ ამ ოქმში „გამოცხადებული უნდა იყოს, თქვენგან რა ერგება გლახს და გლახისაგან რა გადასახადი გერგებათ თქვენ“-აო). თქვენც არ მომიკვდეთ, ჩემგან გლახს არა ერგოს-რა და თუ იმისაგან მარგუნებთ რასმე, ეგ თქვენ იცით... ერგოს რამე!...- რა უნდა ერგოს ჩემს ყმასა ჩემგანა? ჩემი ძმა არის? ...ყოვლად მოწყალე ხელმწიფემ ინება, ყმა ვაანთავისუფლა, მიწაო, ბრძანა, ბატონისა არისო. მე ჩემი ჩამბარეთ, მაგას თავისი თავის უფლება მიეცით...“.

პოსრედნიკი... ის სამის დღის მიწა თქვენს ნაყმევს ისევ უნდა დაუბრუნოთ.

ქვრივის მაზლი. რატომ? მიწა ხომ ჩემია, ასე არ ინება... ხელმწიფემ? პოსრედნიკი. დიახ, თქვენია.

ქვივის მაზლი. თუ ჩემია, მევე მომეცი; მინდა, რომ ჩემი იყოს. მე მინდა ჩემი მიწა მევე მოვიხმარო. ხათაბალაა, შენია და შენი კინუ იქნებაო, ვაგონილა!

პოსრედნიკი. თქვენია, მაგრამ მთავრობამ გლეხის ნაჭერი მიწები ისევ გლეხებს მისცა სახმარებლად, რომ... ცოლ-შვილი გამოკვებოს, ხელმწიფისა და მებატონის ხარჯს გაუძღვეს და თქვენ კი, იმის ნიშნად, რომ მიწები თქვენია, დაწესებული გადასახადი უნდა მოგართოს.

ქვივის მაზლი. არ მესმის, ერთი ეს მიბძანე, მიწა ვისია?

პოსრედნიკი. მოგახსენებთ, მებატონისა-მეთქი.

ქვივის მაზლი. თუ მებატონისაა, გლეხს რაღად აძლევთ? მაშ სახელი ჩემი ყოფილა და სახარავი კი იმისი. ჰო, ეხლა კი მივხვდი, რაღას მაწვალებ, შე დალოცვილო, აგრე მეტყუდი, რომ შენი არ არის-თქო...

...მე მგონია, კანონი დიდისა და პატარისათვის ერთი უნდა იყოს. წელან იმ გლეხს უბძანე: რაკი ბატონს ვენახი ჩამოუტომეგია, არა გეშველება-რაო, — და ეხლა მე მიბძანებ: რაკი ჩამოგიტომეგია, უნდა დაუბრუნოვო, ეს სადაური სამართალია?

პოსრედნიკი. იქ სხვა გარემოება იყო და აქ სხვა არის. (იხ. ქვემოთ, სადაც დავები განიხილება! — დ. ფ.).

...

პოსრედნიკი... მოგახსენებთ, რომ გიორგობის რვას 1864 წ. აქეთ არა მებატონეს ნება არა აქვს გლეხს ჩამოართვას რამე.

ქვივის მაზლი. ეჰ, თქვე დალოცვილო, კანონი თქვენს ხელშია, და როგორც გინდათ, ისე ატრიალებთ.

...

პოსრედნიკი. მე განაჩენს დავწერ და, თუ უკანონობას რასმე ხედავთ, ზედ დააწერეთ, რომ კმაყოფილი არა ხართ და მერე იჩივლეთ.

ქვივის მაზლი. ეჰ, შე დალოცვილო, სად ვიჩივლო? ასე გგონია შვიდი შკოლა გამეთავებინოს, ჩემს გვარს ძლივ დავწერ ხოლმე. აძლევთ, მიეცი, ღმერთმა მშვიდობა მოგცეთ..."

რძლის წასისინებით (— „აკი ვითხარ, დაბალი ღობე ვნახა-მეთქი. რატომ იმ გლეხკაცს არ დაუბრუნა ვენახი, თუ აგრეა?“—ო) „ქვივის მაზლი“ რომ სასამართლოს წინაშე თანასწორობის დებულებას მიმართავს, — ვენახის ჩამოტომევი მებატონე წოდებრივად უფრო წარჩინებული თუ იქნებოდა: ვახტანგ VI-ის კოდექსით თავადობა და აზნაურობა სამ-სამი ხარისხისა იყო (III: 7. მ. 21-31).

„... სცენების“ გლეხკაცობა თანაბარი არ არის არც შეძლებულობით და არც ზნეობრივად. მათში წარმოჩენილია, თუ როგორსა და რაოდენ გავლენას ახდენდა კერძოდ მავან წყაყე-ნაბატონარის კაცობა და მათი მინამდელი როგორც უფლება-მოვალეობითი, ისე პიროვნული ურთიერთობის ავ-კარგი რეაქციაზე რეფორმის გამო, და ახალ ვითარებასთან, ემანსიპაციასთან შეგუებაზე.

ჩვენ ვნახეთ გლახა ჭრიაშვილი. „... პოსრედნიკთან“ მოდის აგრეთვე გლეხი, რომელსაც ახალმა ვითარებამ იმედი აღუძრა, მებატონისაგან კარგა ხნის ჩამორთმეული ვენახი იქნებ დამიბრუნდესო.

3 თვითონ ამ ვენახის საქმეზე იხ. შემდეგ, სადაც დავებზეა საუბარი.

არიან იმრიგად გამწარებულნი და შეურაცხყოფილნი თავიანთი ბატონების ახირებულობითა და თავნებობით, მსხვილმანსა თუ წვრილმანში, რომ უწინდელ დროს თავისით აიყრებოდნენ, შორს სადმე გადაიხიზნებოდნენ, ან სხვას ეყმობოდნენ, ან გაბოგანოვდებოდნენ. ახლა კი „პოსრედნიკთან“ მოდიან, გვიყველო.

„გლახი („ჭკრივის ნაყმევი“)... ამისთვის ვიბეღ, აღარა გვაქვს ...ამისაგან მოსვენება. აქაო და ხელმწიფემ რად გაგანთავისუფლათო, ლამის ლანძღვითა და თრევით მთელი სოფელი აპყაროს... (ხვეწით...) ერთი წამალი რამ დამდევი, აგრემც ღმერთი გადღეგრძელებდეს, ერთი ამას კი მომამშორეთ და, რაც ვნებავდეთ, ის მიყავი. ამის წყევლისა და ჭოქვისაგან სოფელს კი ვალარ უხეირნია... ერთი ღმერთი გადღეგრძელებდეს, გადაამასახლებთ საითმე და ამ ჭოჯოხეთს კი მომარჩინეთ!“

„...სცენებში“ ორი გამჭრიახი, ეტყობა არც თუ უჭონელი, წელმაგარი გლახიც მოქმედებს. ორისავე ნალაპარაკეში ალალი და ორჭოფული, პირის მოსაჩვენებელი ადვილად არ გაირჩევა, ორთავემ თავისი სარგებელი იცის, ცბიერება არ აკლიათ და, ვინ იცის, ტყუილსა და სიყალბესაც არ თავილობენ.

ერთისაგან თავისი ნაბატონარი „ხუთ თუმან ყალანს“ სარჩლობს.

„გლახი. ჰაი, ჰაი, მართალია. (მებატონეს) მაგრამ ბატონო, მაგისათვის რად შეიწუხეთ თავი. აკი მოვახსენეთ, კავკავს ურმები გავისტუმრე და, რა წამსაც ჩამომივლენ, მაშინვე მოგართმევენ...“ („...პოსრედნიკს“ — დ. ფ.)... რაც თავი შემისწავლია... მე ვინახავ მაგათა, მაგათის მადლით ღმერთი მეც ბლომად მაძლევს. მე ჩემს მებატონეს როგორ ვუღალატებ, ღმერთი მაგათ მაგაიერ მიხდის. (მებატონეს) ბატონო, შენი ჭირიმე, რაკი ეგრეა და ძალიან გიჭირს, დღესვე ავიღებ ვალად და თქვენ კი არ შეგაწუხებთ. მეტყობი, შე დალოცვილო, თუ ძალიან გიჭირდა. და ღვთის მოღალატე ვიქნებოდი, თუ თავი ქვას არ მეხალა და არ მეშოვნა. მაგაზე როგორ გაჩივლებდი?...“

მეორე, იაკო შაიაშვილი, იმ ფენის გლახთაგანი ყოფილა, ვისი მამა-პაპაც თავისი ბატონის მიწებს შესისყიდიდა. ახლა სხვა დრო დგებოდა, დასაჩქმალავი, თითქოს, იმდენად აღარ იყო, და მან შორსმჭვრეტელად ამჯობინა ოდინდელი ნასყიდობა განემტკიცებინა.

„მოხუცებული მებატონე“. ის (მიწა. — დ. ფ.) ვანა ნასყიდა? როდინდელი?

იაკო შაიაშვილი. თქვენისაგან უყიდნია პაპაჩემსა.

მოხუცებული მებატონე. პირველად მესმის. მამ პაპა-ჩემის ხელი უნდა ეწეროს მაგ ქალაღზედ... ბიჭო და, თუ ნასყიდი იყო, ღალას რაღად მაძლევდი?

იაკო შაიაშვილი. ბატონი იყავ და გაძლევდი. მერა წინააღმდეგობა შემეძლო. მენა და შენ იმისთანა ბატონ-ყმობა არ გვქონია, რომ ამელო თავი და სხვასავით მეჩივლა. ღალას რად გაძლევდი? იმიტომ გაძლევდი, რომ შენზედ მენა ჩემი დღენი არა დამკარგვარა. ჩვენი ბატონ-ყმობა ბატონ-ყმობა არ იყო, სესხი და ვალი იყო: მენა შენ მინახავდი და მენა შენ გინახავდი, ჩვენთვის ბატონ-ყმობა არ გადავარდნილა... ნუ მიწყენ, შენი კვნესამე, რა ვიცი! სავილივილო საქმეა, მენა და შენ რომ ცას შევებრებულიყავით, მაშინ არა

მენაღვლებოდა-რა, შენთან არა გამიჭირდებოდა-რა. ვინ ცის, რომ აღარ ვიქნებით, რა მოხდეს? ქალაქის დამტკიცება უნდა. იქნებ ტყუილიც არის, ვინ იცის? ნუ მიწყენ, შენი ჭირიმე, საშვილიშვილო საქმეა, ბატონო, და თუ მართლა წყენულობ, მალე მტერი შენ მოგიკვდეს, მალე იაკობ ეს ქალაქი შენის ჭირის სანაცვლოდ გახადოს. ორი დღის მიწისათვის შენ დაგკარგავ?! ამ ფარატინას ჩვენს სიყვარულს როგორ დავარღვევინებ!“

\* \* \*

იმ დღეს „...პოსრედნიკ“-თან ირჩეოდა საქმეები: მებატონეთაგან ერთ შემთხვევაში ვენახისა, მეორეში სახნავი მიწის ჩამორთმევის გამო, ყალანის ვადაუხდებლობაზე, ძველი ნასყიდობის „დამტკიცებისათვის“ და საჩექმეზე. საქმეები წყდებოდა საგლეხო რეფორმის შემდეგ დებულებათა გათვალისწინებითა და დაცვით: მემამულე-მესაკუთრეთა და „მუდმივ მოსარგებლე“ ნაყმევთა მიწათმფლობელობის საბოლოო დადგენა-გამიჯვნამდე და საამისო „საწესდებო სიგელების“ შედგენამდე არსებული ვითარება არ უნდა შეცვლილიყო: მოსაკრეფელ-გადასახადებს „დროებით ვალდებული“ ნაყმევები დრომდე თითქმის უცვლელადვე იხდიდნენ.

ყალანასა — ყმის საბატონო ფულად-ნატურალური გადასახადის და ძველი ნასყიდების საქმეები თანხმობით გადაწყდა.

„საჩექმის“ (— მოსაკრეფელისა ყმის ქალის გათხოვების გამო) საქმე რითი გათავდა არ ვიცით — „...სცენები“ მოსარჩელე „ქვრივისა“ და მოპასუხე მისი ნაყმევის ერთობ შეხლა-შემოხლით სრულდება.

„ქვრივი“ თავის მოთხოვნას ვახტანგ VI-ის სამართალზე ამყარებს. ეს მხოლოდ ერთობ არის მართალი. „საჩექმეს“ ვხედავთ ვახტანგისავე „დასტურლამალში“, როგორც სამეფოში, ისე სადედოფლოში (VII, მრავალგან). აქ განისაზღვრება საშობელეო წილი ამ საბატონო, ამჯერად სამეფო, ვითარება მემამულის, მოსაკრეფელისა. საკუთრად ვახტანგის კოდექსში (III:7) იგი არ არის, მაგრამ მასში არის მეორე, აგრეთვე საქორწინო მოსაკრეფელი — „საქვრივი“. „203. გლეხის კაცის ქუთრივი რომ დაქუთრივდეს, მისი მებატონე... ძალად ნუ გაათხოვებს. ვინც ქუთრივს უნდოდეს, ის შეირთოს; და თუ არ უნდოდეს, თავის ობლებთან იყოს. და თუ... შეირთოს ვინმე... იმ ქუთრივის წამყვანმა... ვარი და მარილი მისცეს. მეთს ნურც ის მებატონე და ნურც მოუბრავი ნულარასა სთხოვენ. თუ ვაყი ობოლი გაჰყვეს, გაზარდოს და მის ბატონს მოგვაროს. თუ ქალი ობოლი დარჩეს, თუ უნდა, ქუთრივმან გაზარდოს და დაასახლოს და, თუ უნდა, მისმა ბიძებმა და მოყურებმან გაზარდონ და გაათხოვონ. მებატონე მუახელი ნუ მოინდომებს. თუ სულ დამზრდელი არავინ გააჩნდეს, ის ობოლი ქალებიც მისმა ბატონმა დაზარდოს. და თუ დაათხოვებს, ხომ კარგი იქნება, თუ არადა, მუახლედ ჰყავდეს“.

ეს მუხლი თითქმის სრულად მოვიტანეთ, რადგან მასში „ბატონყმობის რივის“ ზოგი ნორმა გამოსჭვივის.

„საქვრივი“, რასაკვირველია, „დასტურლამალშიც“ არის. მომეტებულად „საჩექმის“ გვერდით. და მასში ორსავე ამ მოსაკრეფელის განსაზღვრას ზოგჯერ ამგვარი დათქმაც ახლავს ხოლმე, მაგალითად:

„... სოფლის კაცმან რომ ქვრივი წაიყვანოს, იქაურს ხარი (გადასახადი

ხარად ან მის ფასად. — დ. ფ.) არა სძეს, და თუ გარეთ წაიყვანს ხარი სძეს“ (VII, 587).

„საჩქემე, თუ იმავალაგის კაცმან ქალი წაიყვანოს, ექვსი შაური მოურავს და ორი შაური ნაცვალს, და თუ სხვას ალაგის კაცმან წაიყვანოს, სამს აბაზს მოურავს მისცემდეს და ორ შაურს ნაცვალს“ (VII, 611).

ამრიგად, მოსაკრეფელი გადასახადელია და მეტია, როცა ჯერ გაუთხოვარი ან ქვრივი მავანი საყმოს გარეთ თხოვდება, აკლდება მას. ეს თითქოსდა საყოველთაო პირობა მხოლოდ „ადგილის წესი“ გამოდის, — ზოგან მოქმედებდა და ზოგან არა? რაზედ იყო ეს დამოკიდებული, იქნებ მაინც იგულისხმებოდა ხოლმე?

საკითხავია აგრეთვე, რატომ არ არის საჩქემე ვახტანგის კოდექსში, ლაკუნაა ეს თუ შეგნებული უარყოფა ამ მოსაკრეფელისა? მიზეზი ის ხომ არ არის, რომ „დასტურლამალში“ აღნუსხულ-მოწესრიგებულია არსებული, მოქმედი წესები, კოდექსში კი აისახა კანონმდებლის სამართლებრივი შეხედულებანიც, მისი ცდაც ქვეყნის სამართლის გათანადროულებისა და სრულყოფისათვის.

საჩქემის გამო გამოთქმულია აზრი, ვითომ იგი ფეოდალის „პირველი ღამის უფლების“ გამოსასყიდი ყოფილიყოს (IX, 213-219, მაგრამ შდრ. X, 119-130).

დავკრჩა ორიოდ სიტყვა ვთქვათ სამამულო დავებზე.

უკვე რამდენჯერმე ვახსენებთ „ბატონყმობის რიგი“ — „ძველადვე შემუშავებული საბატონყმო უფლება-მოვალეობათა“ სისტემა; როგორც მას ნ. ბერძენიშვილი განსაზღვრავს (XI, 212). ქართული ფეოდალური წარმოებითი ურთიერთობის გამოსახველი ეს „რიგი“ იყო ნაყოფი და მუდმივი საგანი მწვეავე კლასობრივი ბრძოლისა. მისი სამეურნეო და სამართლებრივი ძარღვი და საფუძველი. ნ. ბერძენიშვილის დაკვირვებითვე, ის იყო, რომ ყმა-გლეხის მკვიდრობა მხოლოდ იმით კი არ განისაზღვრებოდა, რომ ბატონის მიწაზე იჯდა და მისგან არ წაესვლებოდა, არამედ იმითაც, რომ კანონით დაცული (ასე თუ ისე, რაოდენ მტკიცედ და ნამდვილად, სხვა ამბავია) მემკვიდრეობითი სამამულო უფლება ჰქონდა თავის „ფუძე“-საკომლოზე“ — განსაზღვრულ სამიწათმფლობელო კომპლექს-ერთეულზე.

ენახოთ ბეჭა მანდატურთუხუცესის სამართალი (XIII ს. დამლევისა): „მ. 55. კაცი კაცისა მამულისა გამოთხოვას ემართლების, არცა სასყიდლად, არცა საკარგავად (ე. ი. პირობითი სამფლობელოდ — დ. ფ.) პატრონისაგან. თუ იყიდოს, ოდეს ცალამემამულემ მოიკითხოს, მიწა დაუდვას უმიზეზოდ და ფასი ამღებელს სთხოვოს“. აგრეთვე — მ. 56. „თუ კაცმან კაცს საგლებო ფუძე მიჰყიდოს, გინა კაცრიელი, გინა უკაცური... თუ მის ფუძის მკვიდრი კაცი, გარეთ წასვლით მყოფი, შინა მამულსა ზედა მოვა... როგორცა ზემოთ სწერია (იხ. მუხლ. 55), რა გინდა ხანი დაეყოს, იგი (მყიდველი. — დ. ფ.) არას ემართლება მის წესისა გაჩენილისა მეტსა“ (იხ. აგრეთვე მ. 54. III. 6).

ასეთი მკვიდრობის განსაზღვრელ პირობათაგანს ის წარმოადგენდა, რომ საქართველო ინტენსიური სოფლის მეურნეობის, კერძოდ მრავალწლიანი, მომეტებულად შრომატევადი კულტურების ქვეყანა იყო. სწორედ ამიტომ ვახტანგის კოდექსით გლეხის მკვიდრობის პირობა ეენახის ქონებაა — მ. 100 ...ბოგანო ამას ქუიან, რომე ვენავი არა ქონდეს, თვითო სახლი და

რჩომის (პირუტყვის. — დ. ფ.) ალაგი ექნების და მიწა ან ექნების და ან არა. ამგვარი ბოგახოიმ ზეითს (მკვიდრ. — დ. ფ.) გლენებში არ ჩაითვლები...“ (III:7).

სახელმწიფო ცხოვრების მძიმე საგარეო — და შინაპოლიტიკური ვითარება არყვედა და ხრწნიდა „ბატონყმობის რიგს“. ქვეყნის აღორძინების, განმტკიცებისა და წინსვლისათვის მზრუნველი მეფეები (ვახტან VI, ერეკლე II) ბევრხაირად მეცადინეობდნენ, რათა დიდად მოშლილი „ბატონყმობის ოიგი“ დროის კვალობაზე მოეწესრიგებინათ და განემტკიცებინათ. მაგრამ თვითონ ბატონყმობის დღენი ილეოდა. რუსული მმართველობის ღონისძიებებმა ხომ კიდევ უფრო გააძწავა ბატონყმური ურთიერთობანი (VI, II. ტ. IV, თ. 11; V<sub>2</sub> ბატონყმობა... საქართველოში).

„... სცენების“ სამამულო საქმეთაგან ორი მინც „ბატონყმობის რიგის“ უხემ დარღვევას, „საკომლოს“ ხელყოფას უნდა ეხებოდეს. მეტადრე მძიმეა „მამა-პაპის აშენებული“ ვენახის ჩამორთმევა, რაც მებატონეებსაც კი ცოტა არ იყო ეჩოთირებათ — „(ქვრივის მაზლი)... უფრო ძნელიც არის, რომ კაცს გააშენებული ვენახი ჩამოართოს კაცმა და ჩემს კაცს კი, ჩემს საკუთარ ცარიელს სახნავ მიწაზე, რა ოფლი და ხარჯვი ა...“ სულ ადვილი სავარაუდებელია, რომ ჩამორთმეული ვენახი გაშენებული იყო ე. წ. „ჩვეულებითი სჯულის“ წესით: „58. უკეთუ ვინმე მისცემდა ვისმე ცარიელს მიწას, ვენახსად, რომ აეშენებინა ...პირობა, როგორც იქნებოდა, წერილით, იმას ვერ გარდასცილდებოდნენ, და როდესაც ვადა შესოულდებოდა, შუაგაიყოფდნენ მიწის პატრონი და აშენებელი, ანუ გააკეთებდნენ საერთოდ და მოსავალს შუა გაიყოფდნენ. და თუ ვენახის გამკეთებელი კაცი მოსული იქნებოდა და იმას თავისი ბატონი აპყრიდა, მისი ნაშენობა დაფასდებოდა და ნახევარ ფასს მამულის პატრონი აშენებელს მისცემდა... და უკეთუ მამულის პატრონი იმ მამულის გასყიდვას მოინდომებდა, იმის სყიდვა გამკეთებელს შეხვდებოდა და, თუ არ იყიდდა... მამულის პატრონს ეძლო, ვისთვისაც სდომიყო, მიეყიდნა (VI)“.

ამ დანაწესების კვალს, რომელიც საქართველოში ძველთაგანვე მოქმედებდა და აქ ასეთი დახვეწილი სახით წარმოგვიდგება. შორეულ წარსულში მივყავართ და იქაც სავნად მას ძირეული მრავლწლიანი კულტურა ჰქონდა. იგი ცნობილია ჯერ კიდევ ბაბილონურ, ხამურაბის კანონებში (XVIII ს. ძვ. წ.): „(§60), თუ კაცმა მისცა მებაღეს მინდორი (ფინიკის. — დ. ფ.) ბღის გასაშენებლად, ხოლო მებაღემ გააშენა ბაღი... მეხუთე წელიწადს (უთუოდ, როცა მსხმოიარობაში შევა. — დ. ფ.) ბაღის პატრონი და მებაღე შუაზე გაიყოფენ...“ (XII, 235)<sup>2</sup>.

საგლენო რეფორმით დადებული პირობა და უწიგნური დარღვიანი მე-ბატონის ყაბული, თორემ პაპათ ხანის დროინდელი ნასყიდობის საკითხი ქართული სამართლით უთუოდ ეგრე იოლად არ გადაწყდებოდა. მოსარჩელე გლეხს, იაკობს ლაპარაკში, მეტისმეტი თავაზით მოუვიდა თუ წამოსცდა, ერთი საჭოჭმანო გარემოება გამოერია: „... ქალაღს დამტკიცება უნდა. იქნებ ტყუილიც არის, ვინ იცის? ნუ მიწყენ, შენი ჭირივე, საშვილი შვი-

4 გამოცემულია განმარტებით აქ იჯარა არის (XII, 280), მაგრამ, შესაძლოა, სანარღო ურთიერთობაც იყოს და ნახევარი ბაღი მონარღის, მისი შრომისა და იარღ-მასალის, საზღაურს წარმოადგენდეს.

ლო საქმეა...“-ო, და ამას კი „ქვრივის რეპლიკაც მოჰყვა: „(თავისთავად ბუტ-ბუტესს)ო, კრელო გველო, ფარისეველო!...“-ო. საქმე ის არის, რომ ჯერ სა-ბუთის სიძველის გამო და მეტადრე მოსარჩელისაგან ასეთი მობოდიშების შემ-დეგ ვახტანგის კოდექსის ნორმას უნდა ემოქმედა. თუმცა იგი სავალო ხელწე-რილს — „თამასუქს“ ეხება, მაგრამ ზოგადი მნიშვნელობისა და მით უფრო ნასყიდობის სიგელისათვის იქნებოდა გამოსაყენებელი: „143... თამასუქი უნდა გაუსინჯონ, ბეჰედი, ქორონიკონი (თარილი.— დ. ფ.), დამწერი და მო-წამე, — ამიტომ რომე ბეერს ტყუილად აც მოიგონებენ“-ო. და ეს მით უფრო, რომ იქვე არის — „161, სყიდვას რე უნდა. კარგა გამო-ძიებოთ... ან სხვის მამული არ შემოატყოს, ან მზღვარი ტყუილად არ დაუწეროს, კაის მოწმით, წიგნით და ბეჰედით უნდა იყიდოს“-ო (III: 7).

ასე და ამრიგად, „გლახთა განთავისუფლების პირველ-დროების სცენებ-მა“ წარმოგვიდგინა სრულიად ცოცხალი სახეები, რომელნიც ასევე სრულიად ნამდვილ გარემოებებში მოქმედებენ, გვიჩვენა უფრო წვრილახანაურობა და მეტ-ნაკლები შეძლებულობის გლახკაცობა მათს ყოველდღიურ საზოგადო-ებრივსა თუ სამართლებრივს პრაქტიკაში, ის, თუ როგორ უხვდებოდა და გა-ნიციდოდა ეს საზოგადოება, მისი მოპირისპირე მხარეები, ახალ ცხოვრებას, უჩვეულოსა და არცთუ უმტიკივინეულოსაც. მოპრიგებელი შუამავალობისა (1864-1868) და შემდგომ მოპრიგებელი მოსამართლეობის (1868-1874) უშუ-ალო დაკვირვება-გამოციდილების მადანს თავი უნდა ეჩინა, და იჩინა კიდევ, ილია ჭავჭავაძის შეხედულებებსა და შემდგომ მოღვაწეობაში, მხატვრულ შემოქმედებასა და საზოგადოებრივ საქმიანობაში.

ლიტერატურა: I — ქართული პროზა, VIII. ილია ჭავჭავაძე, 1984, გვ. 307—330. II — მიხ. ზანდუკელი. თხზულებანი, II. ახალი ქართული ლიტერატურა, 1976. III — ქართული სამართლის ძეგლები, I, ვახტანგ VI-ის სამართლის წიგნთა კრებული. ი. დოლიძის გამოც., 1963 (სამართალი: 1. მოსესი, 2. ბერძნული, 3. სომხური, 4. კათალიკოზთა, 5. გიორგისა, 6. ბექასი და აღბუღასი, 7. ვახტანგისა). IV. Законы Вахтанга VI. Изд. Д. Пурцеладзе. 1980. V — ქართული საბჭოთა ენციკლოპედია; 2. ბატონყმობა... დასტურლა-მალი; 4. ვახტანგ VI-ის სამართლის წიგნთა კრებული; 8. სამართალი ბატონი-შვილის ვახტანგისა; 9. საქართველოს ძველთაგან და ჩვეულებითად ქართველ მეფეთა დროთა შემოღებულნი სჯულნი. VI — ი. დოლიძე. საქართველოს ჩვეულებითი სჯული, 1960. VII — ქართული სამართლის ძეგლები... 2. დას-ტურლამალი, ი. სურგულაძის გამოც., 1970. VIII — საქართველოს ისტო-რიის ნარკვევები, IV, 1973, V. 1970. IX — ივ. სურგულაძე. ნარკვევები საქართველოს სახელმწიფოსა და სამართლის ისტორიიდან, 1963. X — გ. ნა-დარეიშვილი. ქართული სამართლებრივი კულტურის ზოგიერთი საკითხი XI—XII საქართველოში, 1959. XI — ნ. ბერძენიშვილი. საქართვე-ლოს ისტორიის ნარკვევები, II, 1965. XII — Вестник древней истории, 3(40), 1952: ...Законы Вавилонии и Хетского царства. Перев. и комм. под ред. И. М. Дьяконова.



Д. Л. ПУРЦЕЛАДЗЕ

## ГЛАХА ЧРИАШВИЛИ И ДРУГИЕ

## Резюме

В «Сценах первого времени освобождения крестьян» И. Г. Чавчавадзе сатирически представлены мелкопоместное дворянство и крестьяне большого или меньшего имущественного состояния во всей своей подлинности, показаны в их повседневной общественно-правовой практике. Их споры, особенно поземельные, рассматриваемые у мирового посредника, свидетельствуют о грубых нарушениях существа грузинского т. н. «крепостного порядка» или «...положения», о его упадке. Споры эти могли как-будто находить себе сколько-нибудь справедливое решение на основе положений грузинского права, если бы применение его не было уже в основном прекращено и не действовало бы требование крестьянской реформы о сохранении status quo вплоть до окончательного размежевания помещичьего и крестьянского землевладения.

Непосредственный опыт, приобретенный на посту мирового посредника (1864—1868), а затем мирового судьи (1868—1874),\* не мог не отразиться в воззрениях И. Чавчавадзе, в его художественном творчестве и общественной деятельности.

წარმოადგინა საქართველოს სსრ მეცნ. აკადემიის ეკონომიკისა და სამართლის ინსტიტუტის ქართული სამართლის ისტორიის განყოფილებამ.

თალო ნინიძე

ცოცხალი ხატი ღირსებისა

ოთარაანთ ქვრივზე საუბარს ილია გახმაურებული ამბის გახსენებით იწყებს: ქვრივისთვის გზირს ქათამი წაურთმეგია, დიამბევი მოდის, სოფლად ქათამებს ვაგროვებთო. ქვრივმა ვაი-ვაგლახი დააწია, გუბერნატორამდე იარა და ერთი ქათამი გზირს შვიდეულად დაუსვა, თუმცა ათიოდ მანეთი შემოეხარჯა მისვლა-მოსვლაში.

ეს ამბავი ღრმა და საინტერესო პრობლემის წარმოჩენის საშუალებას იძლევა. იგი ერთი პატარა დეტალია მოთხრობის კომპოზიციურ ქსოვილში, მაგრამ მთავარი პერსონაჟის ისეთ თვისებას ავლენს, რომელიც მკითხველის აზროვნებაში განუყოფელია ოთარაანთ ქვრივის „საქმით მეტყველ სულთან“, ოთარაანთ ქვრივობასთან როგორც ფენომენთან.

საგულისხმოა ერთი რამ: ხსენებულ ეპიზოდს ყოფაში ჯანსაღი სოციალური გრძნობების ადამიანებიც იშველიებენ და დაჯჭობის მანიით შეპყრობილი გულნამცეცებიც: ერთნიც და მეორენიც, თითქოს, საერთოს პოულობენ ოთარაანთ ქვრივთან, გზირთან მიმართებაში გამოძვლავებული თვისების გამო.

რა თვისებაა ეს?

რატომ გამოიყენა მწერალმა ეს ეპიზოდი მთავარი გმირის ხასიათის საჩვენებლად?

არაერთხელ შენიშნულა, რომ „ოთარაანთ ქვრივის“ პროტაგონისტი ავტორის კონცეფციების გამომხატველია. თუ „ქალბატონ ბოვარში“ ფლობერი საკუთარ შეცდომებს ამითარხებს (ა. მორუა), ოთარაანთ ქვრივი წარმოაჩენს ავტორის მოქალაქეობრივ ღირსებებს. ეს გარემოება აძლიერებს ინტერესს დამული კითხვებისადმი.

ჩვენი აზრით, გზირთან მიმართებაში გამჟღავნებული თვისება ოთარაანთ ქვრივის ზნეობრივი მრწამსის ანარეკლია; გზირისა და ქვრივის ამბავი ლიტერატურული ხატია შელახული უფლების დაცვის ილიასეული კონცეფციისა.

ვიდრე დარღვეული უფლების დაცვის კონცეფციას განვიხილავდეთ, უპრიანია გაიკვეს, როგორ ესმოდა ილია ჭავჭავაძეს თავად უფლების არსი.

**უფლება და ნება.** „ოთარაანთ ქვრივი“ მაშინ იწერებოდა, როცა იურისპრუდენციაში გაბატონებულ უფლების ინდივიდუალისტურ გაგებას უპირისპირდება უფლების სოციალური გაგება, ნების თეორიას — ინტერესის თეორიას. „უფლების შნაარსში მთვლემარე ნების ნაცვლად ცოცხალი ინტერესის დანახვის იდეა ეკუთვნის რუსდოღვ იერინგს“ — წერს ფრანგი ჟან კარბონიე.

იურისპრუდენციის პრობლემებზე შტუდირება ილია ჭავჭავაძეს სოციალური თეორიის ფუძემდებლის ნაშრომებით არ გაუფლია, თუმცა მის ბიბლიოთეკაში შემონახული წიგნი „მიზანი სამართალში“ გერმანელი იურისტის ნააზრევით დაინტერესების დასტურია. ილიას მართლმეგნება ზემოთ აღნიშნული

ორი თეორიის ფონზე იშლება და უფლების ილიასეული გაგებაც მათ შუქზე ცნაურდება.

განმანათლებლობამ ბუნებითი სამართლის მოძღვრება მატერიალისტურ საწყისებზე ააგო, სახელმწიფოს ინდივიდი დაუბირისპირა, აღიარა პიროვნების სუვერენიტეტი და შეუზღუდავი თავისუფლება. ბუნებითი სამართლის მოძღვრების მიმდევარი იურისტები ყოველი უფლების ამოსავლ წერტილად და საბოლოო მიზნად მიიჩნევდნენ პიროვნულ საწყისს. სამართალში ყველაზე არსებითად ნებას აღიარება და პიროვნების ნებაში უფლების არსის დანახვა ამ მოძღვრების ლოგიკური შედეგი იყო.

სოციალურმა თეორიამ ინდივიდის უფლებას საზოგადოების პრიზმიდან შეხედა: უფლება იმისათვის როდი არსებობს, რომ აბსტრაქტული ნება განახორციელოს, არამედ იმისათვის, რომ საზოგადოების მოთხოვნებს და მიზნებს ემსახუროს. თუკი სამართალი საზოგადოებაში წარმოიშვება, უფლების ცნებაში სოციალური მომენტი უნდა შევიდეს როგორც აუცილებელი და უფლების მატარებელი უნდა გახდეს ადამიანი — არა როგორც დამოუკიდებელი ერთეული, არამედ როგორც საზოგადოების წევრი. საზოგადოების არსებობის გათვალისწინება, ინდივიდის მოთხოვნების შეზღუდვა საზოგადოების სხვა წევრების მოთხოვნებით აუცილებელი მომენტია უფლების ცნებაში. ინტერესი — საზოგადოებრივი და პირადი — უფლების მატერიალური ნიშანია. იგი როდი გულისხმობს მარტოოდენ მატერიალურ სიკეთეს. ინტერესი ისეთ ღირებულებებსაც მოიცავს, რომელთა ეკონომიკური კრიტერიუმებით შეფასება შეუძლებელია: პიროვნება, ღირსება, პატივი და სხვა. უფლებას მეორე აუცილებელი ნიშანიც გააჩნია — ინტერესის დაცვა. პირველისაგან განსხვავებით, მეორე — შმინდა იურიდიული, ფორმალური ნიშანია. (ამ ორი ნიშნის გამოიყენას არსებითი მნიშვნელობა ექნება ქვრივისა და გზირის ამბის გასაანალიზებლად).

იურიდიული ცნებების შექმნა ილია ჭავჭავაძის უშუალო მიზანი, ცხადია, არ ყოფილა. მაგრამ მის მდიდარ პუბლიცისტურ მემკვიდრეობაში ასეთი ცნებებიცაა. ისინი ავტორის წინამორბედი და თანამედროვე მეცნიერული თეორიების ღრმად გააზრების ნაყოფია და საფუძველს გვაძლევს სხვა, მომიჯნავე კატეგორიებზე მწერლის შეხედულებათა დასადგენად. კერძოდ, უფლების ილიასეული გაგება იკვეთება პიროვნების, საკუთრების, მორალისა და სამართლის თანაფარდობის კონცეფციების შუქზე.

ილიას შეხედულება პიროვნებისა და საზოგადოების ურთიერთდამოკიდებულებაზე უფლების შინაარსის გაგების მეთოდოლოგიურ საფუძველად შეიძლება მივიჩნიოთ. პიროვნებაში მწერალი, ერთი მხრივ, ცალკე ინდივიდს და, მეორე მხრივ, სოციალურ ურთიერთობათა მონაწილეს ხედავს. პიროვნების შეგნებაში არსებობს — „მე“ და „ჩვენ“. როგორც ცალკე ინდივიდს — პიროვნებას „პირადი, საკუთარი სავანი აქვს ცხოვრებისა და სხვაზე დამოუკიდებლად მიეზიდება ამ საგნისკენ“, ამასთანავე, როგორც სოციალური არსება, პიროვნება „მრავალგვარად გადაბმულია, დამოკიდებულია სხვა თავის მსგავს სულიერებზედ იმ აუცილებელი საჭიროების გამო, რომ მარტოდ ცხოვრება ბუნებითად არ უწყრია და უსათუოდ უნდა სცხოვრობდეს თვისთა მსგავსთა შორის“ (ხიზნების საქმე, თხზ. ტ. 6, გვ. 141). ამდენად, პიროვნება როგორც ინდივიდი და როგორც სოციალურ ურთიერთობათა მონაწილე ერთი მთლიანო-

ბაა. მიჯნა — „მე-ს“ და „ჩვენ-ს“ შორის ცვალებადია; პიროვნება საზოგადოების წევრია არა ნებელობითი აქტის, არამედ ობიექტური აუცილებლობის გამო. საზოგადოება არ არის ადამიანთა მექანიკური ჯამი, როგორც ეს ადამიანის ინდივიდუალისტური გაგების საფუძველს წარმოადგენდა ხელშეკრულებითი თეორიის მიმდევართათვის.

მწერალი პიროვნების სოციალურ რაობას საფუძველად უდებს საკუთრების უფლების კონცეფციას. თვით საკუთრებაში ორი მხარეა, როგორც ილია ამბობს, ორი ელემენტი. ერთი მხრივ, საკუთრება არსებობს უშუალოდ მესაკუთრისათვის, მეორე მხრივ, საზოგადოებისათვის. საზოგადოებრივ ურთიერთობათა განვითარების შესაბამისად ცვალებადია ხსენებული ორი ელემენტის ურთიერთმიმართება. მწერლის აზრით, საკუთრების სოციალური ელემენტის თავდაპირველმა პრიმატმა ეკონომიკური და პოლიტიკური მიზეზების გამო გზა დაუთმო პირად ელემენტებს. ეს უკანასკნელი განსაკუთრებით გაძლიერდა ფეოდალიზმის დროს. პირადი ელემენტის გაძლიერებისას საკუთრებას მარტოდენ „ცალკე კაცის პირადის კეთილდღეობის“ მიზანი ჰქონდა. საკუთრების უფლება, რომლის შინაარსშიც პირადი ელემენტი სჭარბობს, „უფლებათა უმოვალეობო, უსახლერო და პირობადაუდებელი“.

როგორი შინაარსი უნდა ჰქონდეს საკუთრების უფლებას, რომ ხელი შეუწყოს საზოგადოებრივ ურთიერთობათა განვითარებას? იგი უნდა მოიცავდეს როგორც პირად, ისე საზოგადოებრივ ელემენტს, რათა საკუთრება არსებობდეს „არა მარტო ცალკე კაცის სარგებლობისათვის, რომ ნამაგარი მისის შრომისა მასვე მოახმაროს, არამედ საზოგადოების სარგებლობისათვის, რომ შესაძლოდ და დღეგრძელად ქნას არსებობა თვით საზოგადოებისა“ (ხიზნების საქმე, თხზ. ტ. 6, გვ. 141).

საკუთრების უფლების სოციალური გაგება ნათლად აისახა სათავადაზნაურო ბანკის წესდების კონცეფციაში, რომელსაც ილია იცავდა დიმიტრი ყიფიანთან და აკაკი წერეთელთან პოლემიკაში.

დაგირავებული მიწის იურიდიული სტატუსი წესდების ერთ-ერთ „წყველა-კრულვთან“ საკითხად იქცა. ბანკიდან გატანილი სესხის გადახდის უზრუნველსაყოფად მსესხებელს საკუთარი მამული უნდა დაეგირავებინა, ბანკის კრედიტი საკუთარი მეურნეობის გასაძლიერებლად გამოეყენებინა და შემოსავლიდან სესხი დაეფარა. თუ ვალს ვერ გადაიხდიდა, დაგირავებულ მამულს იძულებით გაუსხვისებდნენ. ილიას ოპონენტები თვლიდნენ, რომ წესდების ეს ნორმა უმიწაწყლოდ დატოვებდა ქართველებს. „ჩვენმა ხალხმა, ქართველმა, — ამბობდა აკაკი — დღესაც არ იცის, თუ როგორ უნდა მოხმარება ფულსაო; ან უნდა შესჭამოს ან კიდობანში ჩადვას უმოძრაოდაო“. ამ მიზეზით ბანკის ვალის გადახდა არ ხერხდებოდა, მამაბაბეული რომ არ დაეკარგათ სესხს იღებდნენ და კიდევ უარეს საფრთხეში ვარდებოდნენ. როცა ილია ბანკის წესდების სხელებულ ნორმას იცავდა, ფაქტიურად ასაბუთებდა უფლების სოციალური დანიშნულების მიხედვით გამოყენების აუცილებლობას: „მამული და ერთობ ყოველი ქონება უხეირო ხელს ეცლება და მიიზიდება ხეირიან ხელისაკენ; მცონარეს ეთხოვება და გამრჩელისაკენ, მშრომელისაკენ იწვევს და მიეზიდება დაუყოვნებლივ და გაბეჯითებით. ამას არაფერი ღობე წინ ვერ აღუდგება და ვერ დაიჭერს. ამის წინააღმდეგ მეცადინეობა უქმია და ამაოა. გაისარჩეთ და ეს აღარ იქნება“. („ტფილისის ქართული საადგილმამულო ბანკი“, თხზ. ტ. 7, გვ. 377.). ამდენად, უფლების სოციალურ შინაარსს საზოგადოების გან-  
5. „მაინე“, ეკონომიკისა და საპარტოლის სერია 1987, № 3

ვითარების ეკონომიკური კანონები განაპირობებს, მაგრამ ეს უფლების შინაარსის განმსაზღვრელი ერთადერთი ფაქტორი როდია. საგულისხმოა სხვა არანაკლებ მნიშვნელოვანი ფაქტორების გავლენა უფლების შინაარსზე.

„... მე ჩემს მოქმედებაში კანონის ნებას ვიხდებოდი კი არ ვიმძღვარებ წინ, სინდისის ბრძანებას ვასრულებ ხოლმე... სინდისის მოთხოვნა უფრო მეტია, ვიდრე სამოქალაქო კანონებისა“ — წერდა ილია გიგო აფხაზს. ეს ბარათი ავტორის მართლშეგნების საჩინარი საბუთია. ინდივიდუალისტურმა თეორიამ ზნეობა და სამართალი ურთიერთგანცალკევებულ მოვლენებად გამოაცხადა; უფრო მეტიც, მიიჩნია, რომ სამართალი უნდა ინდივიდუალური იყოს ზნეობის მიმართ. თავის დროზე ეს თეზისი თეორიული დასაყრდენი იყო სოციალური ძალების სულსმეშუთველი გავლენისაგან პიროვნების დაღწევისა და სინდისის თავისუფლებისათვის ბრძოლაში. მაგრამ დადებითთან ერთად მან უარყოფითი შედეგებიც მოიტანა. მისი ლეგალიზაცია ფართო ასპარეზს უქმნიდა უზნეო მოთხოვნათა დაკანონებასაც.

სოციალურმა თეორიამ სამართალი ზნეობას კი არ ჩამოაცილა, არამედ დაუქვემდებარა. საზოგადოებრივი, მათ შორის სამართლებრივი ურთიერთობების ფორმირება ილია ჭავჭავაძეს დაუშვებლად მიაჩნია ზნეობრივ მოთხოვნათა გაუთვალისწინებლად. „ადამიანთა ურთიერთობა შეუძლებელია დააფუძნონ უზნეობის საწყისებზე და საქმე, რომელიც ზნეობრივი პრინციპების დარღვევიდან გამომდინარეობს, არავის გამოადგება“ — ნათქვამია ხსენებულ ბარათში.

სამართლისა და ზნეობის ამგვარი თანაფარდობა აპირობებს უფლების და მოვალეობის მიმართების ფორმულას, რომელიც ილიას მართლშეგნებაში გამოკვეთილია როგორც მაქსიმა: „მოვალეობის გარეშე უფლება არ არსებობს, ხოლო მოვალეობა ისაა, რომ პატივი სცე, დაიცვა კიდევ სხვისი უფლება და არ დაარღვიო იგი“.

ზემონათქვამიდან ნათელია, რომ ილია ჭავჭავაძის თვალსაზრისით უფლება ასახავს როგორც პირადს ისე საზოგადოებრივ ინტერესს; საკუთარი უფლების განხორციელებით ინდივიდი არა მხოლოდ თავის „ეგოისტურ“ ინტერესს იკმაყოფილებს, არამედ საზოგადოებრივ ინტერესსაც ემსახურება. პირადის და საზოგადოებრივის თანაფარდობა უფლების შინაარსში ცვალებადია საზოგადოების განვითარების კვალად. ზნეობრივი მოვალეობა უფლების თანმხლები ფენომენია. უფლებამოსილ პირს აკისრია ზნეობრივ მოვალეობათა კომპლექსი: პირველი, საკუთარი უფლება გამოიყენოს ისე, რომ არ შელახოს სხვათა უფლებები; მეორე, პატივი სცეს სხვების უფლებებს; მესამე, დაიცვას სხვათა უფლებები; მეოთხე, პატივი სცეს საკუთარ უფლებებს; მეხუთე, დაიცვას საკუთარი უფლებები.

უფლების რაობის ამგვარი გაგება იმის მაჩვენებელია, რომ მწერლის თვალთახედვით ისტორიას ჩაბარდა ადამიანის იდეალი, რომელიც მარტოოდენ საკუთარი ინტერესებით ზელმძღვანელობდა, საკუთარი შეხედულებებით მოქმედებდა და თავი საზოგადოებისაგან უკიდურესად დამოუკიდებლად მიიჩნდა. „მოაზროვნე არსება იგებს — წერს გერონტი ქიქოძე, როცა XIX საუკუნის მსოფლშეგარძნებას ახასიათებს — რომ იგი წარმოადგენს არა განმარტობულ კუნძულს ცხოვრების თვალუწვდენელ ზღვაში, არამედ სოციალური ერთეულის ცოცხალ ნაწილს, რომლის ზრდა, განვითარება და აღორძინება იმდენადვე სასარგებლოა მისთვის, რამდენადვე განუვითარებლობა, უკანსვლა

და გადაგვარება საზარალო და სახიფათო („ეროვნება, ენა და ესთეტიკური კულტურა“).

**უფლების დაცვა.** უფლების დაცვის, როგორც პიროვნების მოვალეობის იდეა იურისპრუდენციაში მთელი რელიეფურობით წარმოაჩინა რუდოლფ იერინგმა. წიგნში „ბრძოლა უფლებისათვის“ — ავტორი გამოყოფს აღნიშნული მოვალეობის ორ ასპექტს. გვეყვით იერინგის მსჯელობას.

პიროვნება ადამიანის ზნეობრივი არსებობაა. უფლება წარმოადგენს ზნეობრივი არსებობის პირობას. უუფლებო ადამიანი პიროვნება არ არის. უფლების დაცვით ადამიანი იცავს საკუთარი ზნეობრივი არსებობის პირობებს. უფლების დაცვაზე ხელის აღება ზნეობრივი თვითმკვლევლობაა. ამიტომ საკუთარი უფლების დაცვა პიროვნების მოვალეობაა საკუთარი თავის წინაშე.

უფლების საფუძველი სამართალია. უფლებასა და სამართალს შორის ორმხრივი მიმართებაა. უფლება დამოკიდებულია სამართალზე და პირიქით, სამართლი — უფლებაზე. სამართლისა და უფლების მიმართება სისხლის მოძრაობას წააგავს, გულიდან რომ მოდის და გულს უბრუნდება. უფლების შელახვით ილახება სამართალი. ამიტომ საკუთარი უფლების დაცვა, ბრძოლა უფლებისათვის, პიროვნების მოვალეობაა საზოგადოების წინაშე.

ახლა დავუბრუნდეთ ქვრივისა და გზირის ამბავს. გზირის ძალმომრეობამ ქვრივი დაზარალა. კიდევ უფრო დაზარალდა იგი საზღაურის ძიებაში. მაგრამ მწერალს ქალი არ დაუყენებია დილემის წინაშე — წინააღმდეგობა გაუწიოს მოძალადეს თუ ბრძოლას გაერიდოს, ზარალს შეურვიდეს, ზედმეტი ხარჯი აიცილოს. პირიქით, დედაცაიე მზადაა რკინის ქალამნები ჩაიცივას, რკინის ჯოხი დაიჭიროს და ხელმწიფემდის იაროს.

სასაცილო იქნებოდა, ამგვარი თავგამოდების მიზეზი რომ ერთი ქათმის დაკარგვა ყოფილიყო, მარტო მისვლა-მოსვლაში აკი ათი მანეთი შემოეხარჯა. და ზარალი არაფრად ჩათვლია. მსგავს ძალისხმევას ადამიანები მარტოდენ მაშინ ავლენენ, როცა საფრთხე განსაკუთრებულ სასიცოცხლო პირობებს ემუქრება. „ფული რა არის? ხელის კუჭყია... ერთი თუმანი რა სათქმელია, ჯავრი ხომ არ შევარჩინე, ტყუილ-უბრალოდ ხომ არ დავჩაგვრინე, ცოტაა?!...“ ცხადია, ქვრივისათვის ძირითადი ზნეობრივი ინტერესია, ღირსების დაცვა.

ღირსება პიროვნების იმანენტური თვისებაა — პიროვნების პატივის სუბიექტური შეგნება. შემთხვევითი როდია, სწორედ ამ ეპიზოდის გამო ათქმევინებს მწერალი გმირს: „დეე, ამას იქით იცოდნენ, რომ მე ოთარაანთ ქვრივს მეძახიანო“. უფლების დაცვა პიროვნების დაცვაა. რაკი უფლების დაცვა შეძლო, ქვრივმა ჩათვალა, რომ სოფლის თვალში საკუთარი პიროვნება წარმოაჩინა.

„არა ფულის სიყვარული და ანგარება უბიძგებს უფლებამულახულ ადამიანს სარჩელისაკენ, არამედ მორალური ტვილი, მას უფლების შელახვით რომ მიაყენეს... საქმე უმნიშვნელო საგნის დაბრუნებაში როდია, არამედ მისი პიროვნების, პიროვნული ღირსების, უფლებრივი გრძნობის და თავმოყვარეობის დაცვაში. პროცესი მისთვის ქონებრივი საკითხიდან ზნეობრივ საკითხებად იქცევა: განმტკიცება ან დაღუპვა პიროვნებისა“ — წერდა იერინგი.

არის თუ არა ასეთი ადამიანის ან ჩვენი ოთარაანთ ქვრივის ქცევა მარტოდენ მისი ეგოისტური ინტერესის დაკმაყოფილების საშუალება? ერთი შეხედვით, მოთხრობის საერთო კონცეფციაში ჩაუხედავად, თითქოს ასეა. მაგრამ სხვა ეპიზოდების ანალოზი ოთარაანთ ქვრივის უფლებრივი შეგნების სხვა ინტერპრეტაციას გვკარნახობს.

წაბლიანელებს აკვირებთ გიორგის უცნაური თვისებები. უცნაური კი ისაა, რომ გიორგის „აქვს დიდი ნამუსი, რომელიც სხვისასაც ისე ერჩის, როგორც თავისას. გიორგის უცნაურობაზე ერთადერთი, სოსია მეწისქვილე იტყვის ხოლმე, ისიც თავისთვის: „ეგ სხვა დედის შვილია! მაგას ოთარაანთ ქერივის შვილს ეძახიანო!“ გიორგის დიდი ნამუსი დედისეულია.

გიორგიმ ომარაანთ მოჯამაგირე სცემა. პატრონს ატყუებდა, პირუტყვს არ უვლიდა, აწვალებდაო. საინტერესოა დიალოგი სოფლის სასამართლოში:

„— მართლა სცემე? — ჰკითხეს.

— მართლა ვცემე.

— რადაო?

გიორგიმ ყველაფერი უამბო.

— ბიჭო-და შენ რა დავა გქონდა?

— ის დავა მქონდა, რომ მაგისტანა ნამუსახდელი კაცისაგან ქვეყანაა დღუპული. კაცი კაცს ვეღარა ჰნდობია...“

სასამართლოსათვის ეს არგუმენტი გამამართლებელი განაჩენის გამოტანის საფუძველი გახდა. როცა სასამართლოს ამბავი გიორგიმ დედას უამბო, ოთარაანთ ქერივმა გაიკვირა და თქვა: „დახე, მაგ ვირთაგვებსაც სწორე საპართალი სცოდნიათო“. ამ ეპიზოდის შემდეგი დასკვნების გამოტანა შეიძლება: დედა-შვილის უფლებრივი რეაქცია ერთნაირია, უფლების დაცვა უფლებამოსილი პირის მართოდენ ეგოისტური ინტერესის დაკმაყოფილების საშუალება არ არის, მას საზოგადო მნიშვნელობა აქვს.

**ბრძოლა უფლებისათვის.** ზრუნვა უფლების დასაცავად იერიზის მიერ მოიაზრება როგორც ბრძოლა. სამართალი ბრძოლის ნაყოფია და უფლებებიც ბრძოლით მოიპოვება. სამართლის არსებობა ბრძოლაშია და უფლებამოსილი ადამიანის გულარზენობა დამღუპველია უფლებისათვის საკუთრივ და სამართლისათვის საზოგადოდ. უფლების დაცვის სოციალური ღირებულების შეფასებისას არავითარი მნიშვნელობა არა აქვს უფლების ობიექტის სიმცირეს და უფლების დაცვის მოტივს.

ობონეტები იერიზს საყვედურობენ უკიდურესობას: მიიჩნევენ, რომ უფლებისათვის ბრძოლა ხსენებულ წიგნში დანახულია ვიწრო, პროცესუალურ განასერში, უფლების დაცვისათვის ზრუნვა გამიჯნული არაა დავაქრობისგან, გერმანელი იურისტი უკიდურესობაში ვარდება, როცა მიიჩნევს, რომ შექსპირი აშკარად უსამართლოდ მოექცა შაილოკს, რომლის უფლება აღმოცენებული ბარბაროსული გარიგებიდან, ვენეციის სასამართლომ არ დააკმაყოფილა, რაკილა ამ გარიგების ნამდვილობა იწამა.

რა მნიშვნელობას ანიჭებს ილია ჭავჭავაძე უფლების დაცვისას უფლების ობიექტის სიმცირეს? ქერივისა და გზირის ეპიზოდის მიხედვით — არავითარს. ერთი ქათმის გამო გუმბერნატორამდე სიარული ლიტერატურული ჰიპერბოლა როდია. ნარკვევში „ცხოვრება და კანონი“ ილია წერს: „შეუძლებელია, ამ

წვრილმანს. თითქმის უფასურს საქმეებს, ყური არ ათხოვოს კაცმა, იმიტომ რომ ცხოვრებაში უფრო ამისთანა საქმეებია, რომელნიც შეადგენენ საკუთრივ ხალხის ზნეობითსა და ქონებითს სიმდიდრეს. ერთსა და მეორესაც, როგორც არსებითსა კუთვნილებას ხალხისას. მუდამი, მაზღობელი მფარველი უნდა ჰყვანდეს. უამისოდ ხალხს ზნეობაც შეერყევა ხოლმე და ქონებითი სიმდიდრეც განსაცდელშია. (თხზ. ტ. VI. გვ. 85). საგულისხმოა გრიგოლ ყიფშიძის მოგონება: „ძრიელ უყვარდა ასეთი სურათიანი თქმა: პაჭიკს თუ წვერი მოერღვა, ველარას უშველიო. ეს ღრმად შესისხლხორცებული რწმენა იყო მისი და ესევე რწმენა იყო მიზეზი, რომ მუდამ გულმტკიცედ და თავგამოდებით უშიშრად იცავდა თავის უფლებას, როგორც ზნეობრივს, ისე ქონებრივს“. (არ შემძლია აქვე არ შევნიშნო, რომ გრიგოლ ყიფშიძის მოგონება ილია ჭავჭავაძის მართლშეგნების მრავალი ასპექტის ახსნას იძლევა, დაგვაფიქრებს ილიას დამოკიდებულებაზე საზოგადოების ამა თუ იმ წრეებში ფეხმოკიდებულ სამართლებრივ ნიპილიზმთან ჩვენი საუკუნის გარიყრაუზე).

მამ რალა აქვს საერთო უფლების დაცვისათვის ბრძოლას დაეაქრობასა და ქირვეულობასთან, თუკი უფლების დაცვისათვის ზრუნვა ყოველთვის საზოგადოდ სასიკეთო საქმეა? გავიხსენოთ უფლების ორი ნიშანი სოციალური თეორიიდან — მატერიალური ნიშანი ანუ სოციალური ინტერესი და ფორმალური ნიშანი ანუ იურიდიული ინტერესი. სამართლის მიზანია სოციალურ ინტერესს შეუსაბამოს იურიდიული, ფორმალური ინტერესი და გზა გაუხსნას პოზიტიურ მოქმედებებს. ეს იქნება საზოგადოებრივ ურთიერთობათა სამართლებრივი მოწესრიგება. იურიდიული ინტერესებიც სოციალურია, მაგრამ მათ დამხმარე, „ინსტიტუტენტალური“ ხასიათი აქვთ და წარმოადგენენ მარტოოდენ საშუალებებს სოციალური მიზნის მისაღწევად. თუკი იურიდიული ინტერესი იქცევა თვითმიზნად, მაშინ ბრძოლა ასეთი ინტერესის მისაღწევად არის დაეაქრობა და შარიანობა.

განხეთქილებას იურიდიულ საშუალებებსა და სოციალურ შინაარსს შორის უცილობლად მივყევართ სოციალური ინსტიტუტის დეფორმაციამდე, საზოგადოებრივ ურთიერთობათა შერყევამდე, სამართლის პრესტიჟის დაცემამდე. სამართლებრივი რეგულირების მთავარ პირობას და შესაბამისად, იურიდიული რეგლამენტაციის სისწორის მაჩვენებელს წარმოადგენს იურიდიული და სოციალური ინტერესის ადეკვატურობა, უფრო ზუსტად, იურიდიული ფორმის შევსება სათანადო სოციალური შინაარსით — წერს აკადემიკოსი ვლადიმერ კუდრიავცევი. (-Взаимосвязь правового регулирования и социальных интересов, Вопросы философии, 1987 № 1 გვ. 44).

გზირისა და ქვრივის ეპიზოდში ქვრივის ძალისხმევას ერთი დიდი სოციალური ინტერესი ასაზრდოებს — ადამიანის ღირსების დაცვა, რაც უმაღლესია სოციალურ ღირებულებათა ილიასეულ იერარქიაში. „სხვა რა უფლებაა ადამიანისა იმაზედ უცილო, იმაზედ სანატრელი, იმაზედ წმინდა და უძვირფასესი, რომ კაცმა კაცისაგან პატივისცემა, ღირსეულად და მართებულად მოქ-



ცევა ითხოვოს? სხვა რის მეოხედ უნდა იყოს მწიგნობრობა საერთოდ, თუ არა ადამიანის უფლების შემნატრედ, მწედ და მოსარჩლედ? სხვა რით არის ადამიანი სხვა ცხოველზედ წინ წამომდგარი, თუ არ ზნეობრივი კანონით, რომ მეც კაცი ვარ, შენც კაცი ხარ, ერთმანეთის პატივისცემა გემართებსო — წერს ილია „ივერიის“ წინასიტყვაობაში. (თხზ. ტ. 3. გვ. 260).

ქესოს და არჩილის ცოდვა ისაა, რომ ცოცხალი ღირსება ვერ იცნეს; გიორგის მოჯამაგირეობა დიდი გრძნობით ნაკარნახევი კომპრომისია საკუთარ ღირსებასთან, იგი მსხვერპლი გახდა ამ კომპრომისის. „ოთარაანთ ქვრივი“ ღირსების დრამაა.

საინტერესოა ერთი შედარებაც. ილია ჭავჭავაძემ ღირსების დაცვისათვის უკომპრომისოდ მებრძოლ ადამიანად გლეხის ქალი გამოიყვანა. იერინგი, როცა ღირსებისათვის ბრძოლის წოდებრივ განპირობებულობას ასაბუთებს, ასეთ მაგალითს ივონებს: ოფიცერი და გლეხი ნაფიც მსაჯულზედაც დავსვით და ჯერ ოფიცერს საკუთრების წინააღმდეგ დანაშაულის ჩამდენი დამნაშავე გავასამართლებინოთ, მერე გლეხს — პიროვნების ღირსების შეურაცხმყოფელი. მეორედ, პირიქით; დავინახავთ, წერს იერინგი რომ სრულიად სხვადასხვა განაჩენს გამოიტანენ. გლეხი უფრო სასტიკ განაჩენს საკუთრების წინააღმდეგ ჩადენილ დანაშაულზე გამოიტანს, ოფიცერი კი ღირსების წინააღმდეგ მიმართულ დანაშაულზე.

ოთარაანთ ქვრივი სახეა ზნესრული ქართველი ადამიანისა. უფლებისათვის ბრძოლა ოთარაანთ ქვრივის ლიტერატურული ხატით ილია ჭავჭავაძეს აუცილებელ ეროვნულ თვისებად აჰყავს. საგულისხმოა, რომ უფლების ოპორტიდულ დაცვას ღირსების დაცვის ინტერესი ასაზრდოებს.

\* \* \*

საუკუნემ განვლო მას შემდეგ, რაც „ოთარაანთ ქვრივი“ დაიწერა. ისტორიის მანძილზე პიროვნების უფლებები არაერთხელ ყოფილა უზურპაციის საგანი „ძლიერთაგან ამა სოფლისა“. არც ერთ ხალხს უმნიშვნელოვანესი პოლიტიკური და სოციალური უფლებები არ მიუღია, როგორც წყალობა. მათ მოპოვებას წინ გააფთრებული კლასობრივი ბრძოლები უძღოდა.

ახალმა ფორმაციამ მუშა კაცის უფლების დაცვა სახელმწიფო ორგანოების მთელი სისტემის ზრუნვის საგნად აქცია. ცხადია, ეს არ ნიშნავს, თითქოს საკუთარი უფლებების დაცვისას პიროვნების ინიციატივამ მნიშვნელობა დაკარგა. ბარათში პროფესორ ვ. აღორატსკისადმი საბჭოთა სახელმწიფოს დამარსებელი ვ. ი. ლენინი წერს: Вся помощь, которую Вы можете оказать просителям, должна состоять в „юридической“ им помощи, т. е. „научить их (и помочь им) воевать за свое право по всем правилам законной в РСФСР войны за права“ (Полн. собр. соч. т. 53, с. 149).

როცა თანამედროვე მოქალაქე საკუთრი უფლებებისათვის იბრძვის, ამით ის იბრძვის ყველა მოქალაქის უფლებების დასაცავად, იურიდიულ მოვალეობათა შესრულებისათვის, საერთო სიკეთისათვის.

როცა საკუთარ უფლებებს იცავს საბჭოთა მოქალაქე, იცავს არა მარტოდენ საკუთარ ინტერესს, არამედ კანონსაც, რომელიც ხალხის ნების გამომხატველია. განსაკუთრებულ სიმძაფრესა და მნიშვნელობას იძენს ეს ბრძოლა მაშინ, როცა უფლების დარღვევა ადამიანის პიროვნების, მისი ღირსების უფლებებელყოფის გამოვლინებაა.

ოთარაანთ ქვრივი ცოცხალი ხატია ღირსებისა.

Т. Г. НИНИДЗЕ

## ЖИВОЙ ОБРАЗ ДОСТОИНСТВА

Резюме

Освещены концепции Ильи Чавчавадзе о субъективных правах и социальном значении их защиты. С позиции социальной теории субъективного права проанализирована повесть «Отарова вдова». Концепции Ильи Чавчавадзе освещены в сопоставлении с воззрениями Р. Иеринга.

წარმოადგინა საქართველოს სსრ მეცნიერებათა აკადემიის ეკონომიკისა და სამართლის ინსტიტუტის სამოქალაქო სამართლის განყოფილებამ.

### ბიოგრაფიული ნაშრომი

#### ილია ჭავჭავაძის ერთი კოლმედიკური წერილის გამო

ილია ჭავჭავაძის იდეალი იყო მარადიული, თანდათანობითი და გონივრული განახლება ცხოვრებისა. 1886 წელს დაწერილ ერთ მცირე მოცულობის სტატიას „ახალი დარის მოლოდინში“ იგი იმ დასკვნამდე მიდიოდა, რომ ცხოვრებამ მის თანამედროვე საქართველოში ფერი იცვალა და რომ „ახალმა დრომ ახალი მოთხოვნილება დაჰბადა ხალხის ცხოვრებაში“. ამასთან ერთად ის სინანულით აღნიშნავდა, რომ საქართველოში არა ჩანდა ახალი, განათლებული თაობა, რომელსაც „ახალი ცხოვრების მოთხოვნილება ესმის და გზის ჩვენებაც შეუძლიან“<sup>1</sup>.

იგი წერდა: „მწარე ფიქრები წარმოგვიდგება ხოლმე თავში, როდესაც ჩვენს განათლებულს კაცებს ვუფიქრდებით. შეზხედეთ სხვა ქვეყნებს... ერთობ ყოველ დაწინაურებულ, განათლებულ ქვეყანაში თითქმის ყოველ ათ წელში ცხოვრება ფერს იცვლის... ყოველ ამგვარ მოძრაობას... ახალი მოთხოვნილება მოსდევს და საქვეყნო საზოგადოებას ახალს დარის ხალხს გამოდის. ძველ თაობას ახალი სცვლის, ან გვერდში უდგება. ახალი — ახლის ცოდნით, ახალს ცხოვრების გამოცდილებით, მეტის ჯანით და ღონით, ცხოველის ძალით არის შეჭურვილი და ამიტომ ცხოვრების მიმდინარეობას შესამჩნევ მოძრაობას აძლევს. ამ მოძრაობის ტალღები ვრცლად ვადის და ცხოვრების ვარამსა და ვავლახსა პრეტს... სანუგეშოდ ის მაინც რჩება, რომ ცხოვრება იქ დახვედრულ გუბედ არ გადაიქცევა. საცა მოძრაობაა, იქ სიცოცხლეც არის“.

ილია ჭავჭავაძე მწუხარებას გამოთქვამდა იმის გამო, რომ თითო-ორი „ქეშმარიტად განათლებული და მკოდნე კაცები“, რომელთაც მეცნიერებაში სახელი მოიპოვეს, საქართველოს ფარგლებს გარეთ მოღვაწეობენ, ხოლო ისინი კი, რომელთაც „ზნეობრივი და გონებრივი ძალ-ღონე გააჩნიათ წინ-გაუძღვნენ „თავის საყუთარის ქვეყნის ცხოვრებას“, განუდ დგანან.

ილია ჭავჭავაძის არ გამოპარვია ის გარემოება, რომ ბატონყმობის გადავარდნის შემდეგ რუსეთის იმპერიის ხალხთა ცხოვრებაში საერთოდ და, კერძოდ, კი საქართველოში ცხოვრება იცვლებოდა, მიდიოდა წინ და მოჰქონდა „განახლება ყოველისფერისა“, მაგრამ ის ისე სწრაფად „თითქმის ყოველ ათ წელში“ არ იცვლიდა ფერს, როგორც ეს „დაწინაურებულ“ ქვეყნებში ხდებოდა.

ასე, რომ ილია დიდი იმედებით შეჰხაროდა ახალი თაობის გამოჩენას, მაგრამ ის ახალ თაობას, „ახალ დასს“ მაღალ მოთხოვნებს უყურებდა და დიდ მოვალეობებს აკისრებდა. ნამდვილი და ცრუ ახალ თაობის ხალხს კარგად არჩევდა. ზოგიერთი „ახალი რაზმის“ მოღვაწეზე ის ამბობდა: „ამისთანა ახალნი იქნება ახალგაზრდანი არიან, მაგრამ ახალ-თაობის კაცნი კი არა“-ო,

<sup>1</sup> ილია ჭავჭავაძე, თხზულებათა სრული კრებული ხუთ ტომად, ტომი II, პ. ინ-გოროყვას რედ. თბილისი. 1941; გ. 172-173.

XIX საუკუნის უკანასკნელ მეოთხედში და XX საუკუნის დასაწყისში სოციალ-ეკონომიკური კულტურულ და სამეცნიერო პროგრესის ფონზე საქართველოშიც თავი იჩინა უკვე დამკვიდრებული სოციალური ინსტიტუტებისა და ზნეობრივი ნორმების ხელაღებით უარყოფის ტენდენციამ, როგორც ილია იტყობდა, უარყოფილობამ<sup>2</sup>. ამ მიმართულების მიმდევართაგან ზოგიერთნი ნიჭიერნი და შემოქმედების უნარით დაჯილდოებულნიც იყვნენ, მაგრამ ვერ ასცდნენ დილუტანტურ ყოვლისუარყოფლობას. ამ მოვლენის წინააღმდეგ იყო მიმართული ილიას წერილები „უარყოფლობა ჩვენში“, „თერგდალეულნი და ახალი თაობა“, „ახალი რაზმის კაცი“. ნიპილისტურად განწყობილმა ახალგაზრდობამ იერიში მიიტანა ოჯახის, ქორწინების, სიყვარულის წინააღმდეგ.

„კაპიტალის“ პირველ ტომში კ. მარქსს გამოთქმული აქვს მოსაზრება, რომ სიბრიყვე იქნება — ოჯახის აბსოლუტურ ფორმად მივიჩნით მისი ქრისტიანულ-გერმანული ფორმა, ან ძველი რომაული, ანდა აღმოსავლური, რომელიც — აღენიშნავთ გაკვრით — „ერთმანეთთან დაკავშირებით ისტორიული განვითარების ერთიან მწკრივს შეადგენენ“<sup>2</sup>.

მართალია, ოჯახის აბსოლუტური, ყველა დროისა და ცხოვრებისათვის მუდმივი და გამოსადეგი ფორმა არ არსებობს, მაგრამ ოჯახი თავისთავად რჩება. ოჯახი რთული სოციალური ინსტიტუტია, მაგრამ ის უშუალოდ ავტონომურად არ განისაზღვრება წარმოებითი ურთიერთობით. ის არ არის ზედაშენი. ოჯახი მორალურ-იურიდიული მოვლენაცაა. ის ქორწინებისა და ნათესაობის საფუძველზე შექმნილი ისტორიულად აუცილებელი ის მცირე სოციალური ჯგუფია, სადაც ხორციელდება პიროვნების, საზოგადოების წევრის აღზრდა, მოღვაწის განგრძობა.

ოჯახი არის მოსახლეობის აღწარმოების საზოგადოებრივად აუცილებელი ფორმა. კაცობრიობის მოღვაწის განგრძობის ლეგალური საშუალება.

ოჯახი ისტორიულად განსაზღვრული მცირე სოციალური ჯგუფია, რომლის წევრებად ერთმანეთთან დაკავშირებულნი არიან საქორწინო ან ნათესაური კავშირით, ყოფა-ცხოვრებითა და მორალური პასუხისმგებლობით.

ოჯახი წარმოადგენს კონკრეტულ განხორციელებას იმ მიკროსოციალური ჯგუფისას, სადაც ხდება ისეთ უმაღლეს ფასეულობათა წარმოშობა-განვითარება, როგორებიცაა ზნეობა, სინდისი, პატრიოტიზმი, მშობლიური სიყვარული.

მონოგამიური ოჯახის წარმოშობა განაპირობა, როგორც მეცნიერები ფიქრობენ, გვაროვნული წყობის დამლამ, ქონებრივი უთანასწორობისა და კერძო საკუთრების წარმოშობამ, ამ საკუთრების მემკვიდრეობით გადაცემის მოთხოვნილებამ.

ოვით მონოგამიური ოჯახი, ცხადია, გარკვეულ ცვლილებებს განიცდიდა და განიცდის, მაგრამ მრავალი ათასი წლის წინათ წარმოშობილი ოჯახი კვლავ არსებობს. ზოგიერთი მკვლევარი მონოგამიური ოჯახის განვითარების ისტორიულად თანამიმდევრულად საფეხურებად მიიჩნევს პატრიარქალურ, ეგალიტარულ და სოციალისტურ ფორმებს.

მაგრამ ოჯახი, როგორც ასეთი, არსებობას განაგრძობს და ალბათ მუდამ იარსებებს.

XX საუკუნის დასაწყისში ქართული პრესის ფურცლებზე ერთ-ერთი ოჯახის უარყოფელის წერილიც გამოჩნდა. ილია ჭავჭავაძემაც არ დააყოვნა და 1902 წლის გაზეთ „ივერიაში“ (№ 21) გამოაქვეყნა პოლემიკური ხასიათის ფელეტონი — „ი. გომართელის ფილოსოფია და ა. ჯორჯაძის ფსიქოლოგია“. რა ელო საფუძვლად ამ პოლემიკური სტატიის გამოქვეყნებას?

1902 წელს „საყოველღეობა“ გაზეთ „კვალის“ მეორე ნომერში ივანე გომართელმა გამოაქვეყნა წერილი „სიტყვაყაზმული მწერლობა 1901 წელს“. ავტორს აქ სხვა მწერლობის ნაწარმოებთა გვერდით განხილულ-არჩეული აქვს ვაჟა ფშაველას „გველის მკამელი“.

ი. გომართელის აზრით მინდას ტრაგედია გამოიწვია ცოლ-შვილზე და ოჯახზე უხუნამ. ი. გომართელი შემდეგ განაგრძობს: „მხოლოდ ამ ერთადერთ მიზეზს ასახელებს ავტორი. მაგრამ მიზეზი ამგვარი მოვლენისა უფრო რთულია, უფრო ღრმა, ვიდრე მარტო ერთი ოჯახი. რაც უნდა იყოს, ავტორის გადაჭრული პასუხი ექვს გარეშე ჰყოფს, რომ მას თანამედროვე ოჯახი მიაჩნია ადამიანის იდეალურ მისწრაფებათა ბორკილად. ეს აზრი ჰუმანიტებად უნდა ჩაითვალოს. თანამედროვე. მონოგამიური ოჯახი გამოირკვა და თანდათან განვითარდა მხოლოდ მაშინ, როდესაც კერძო საკუთრების იდეა და სიყვარული თვით ცხოვრებამ ააღორძინა და გააძლიერა ადამიანში. რამდენიც უნდა ამტკიცონ რომ ოჯახი ბურჟია სახელმწიფოსი და სხვ., ექვს გარეშეა, რომ დღევანდელ ოჯახს სახეში ჰყავს ადამიანი და არა საზოგადოება, ის უფრო ავითარებს ადამიანში ეგოისტურ გრძნობებსა და პირად მატერიალურ მისწრაფებათ, ვიდრე სოციალურსა და იდეალურს; დღევანდელი ოჯახი იმ კლდეს წარმოადგენს, რომელზედაც მიჯაჭვულია ადამიანის მთელი ძალ-ღონე და საშუალო ადამიანი მხოლოდ ოცნებაში თუ გაინთავისუფლებს თავს და გასცილდება ოჯახის საზღვრებს, ნამდვილად კი ის სრული მონაა ოჯახის, ოჯახზე და მაშასადამე საკუთარ თავზე ზრუნვას ხმარდება მისი ძალ-ღონე“.

პირველყოვლისა მკითხველს თვალში ეცემა ის გარემოება, რომ ი. გომართელი გაბოროტებული სიმულელით აღსავსეა მისი დროის ოჯახის მიმართ და საკუთარ აზრებსაც ახვევს ვაჟა ფშაველას. ის იმდენად ვაჟას „გველის მკამელი“ განხილვით კი არ არის დაინტერესებული, რამდენადაც იმით, რომ როგორმე თავისი მოსაზრება გამოთქვას თანამედროვე ოჯახზე. რა თქმა უნდა მის კრიტიციზმში არის რაღაც ჰუმანიტების მარცვლები, მაგრამ არ არის სწორი მისი ძირითადი თეზისი საერთოდ ოჯახის, როგორც ასეთის, ადამიანის აზრ-სა და ნებისყოფის მწუხარე სასაფლაოდ დასახვისა.

ი. გომართელზე, როგორც ჩანს, გარკვეული გავლენა მოახდინეს ე. გედისა და ო. მარქსის იდეებმაც.

სოციალისტ ე. გედის თქმით, რომელიც ოჯახის წინააღმდეგ იბრძოდა — „მონოგამია არის ბურჟუაზიული ქორწინების ბასტილია“. გერმანელი იურისტი ოტო მარქსი კი წერდა, რომ თანამედროვე ქორწინება პირთა თავისუფალი კავშირი კი არაა, არამედ შუა საუკუნეების კომპია, რომლის სარკმელებზედაც აკრულია კანონების პარაგრაფები.

გასული საუკუნის რიგ მოაზროვნეებს ეჩვენებოდათ რომ, თუ სიყვარული თავისუფლებაა, ქორწინება მწარე აუცილებლობაა, „ტყბილი ღვინისაგან დგება მწარე ძმარი — სიყვარულისაგან ქორწინება“ (ჯ. ბაირონი).

XX საუკუნის დასაწყისის საქართველოში მოსახლეობის დიდ უმრავლესობაში მაინც ოჯახი არ იყო ადამიანის იდეალურ მისწრაფებათა ისე მძიმე ბორკილი, როგორც ეს ი. გომართელს ჰქონდა წარმოდგენილი.

მონოგამიური ოჯახის იდეა თავის ნამდვილობას კაპიტალისტური კერძო საკუთრებისა და სახელმწიფოს უარყოფის პირობებში პოვებს.

ასე რომ ოჯახის საერთოდ უარყოფა შეცდომაა და თანაც ასეთი ნიპილიზმი სხვა უკიდურესობისაკენ უბიძგებს კაცს.

ასე დამართა ი. გომართელსაც, როდესაც დაწერა:

„თქვენი არ ვიცი მკითხველო და მე კი მწარეთ მეცინება ხოლმე, როდესაც ვკითხულობ აღფრთოვანებულ პოეზიას ძმობაზე, ერთობაზე, სიყვარულზე და სხვა ამგვარ უშინაარსო მცნებებზე, რომელთა გაშინაარსებას ასე ესწრაფვის ადამიანის ოცნება“-ო.

რაც არ უნდა კრიტიკულად ყოფილიყო განწყობილი მის თანამედროვე საზოგადოებისადმი ი. გომართელი, მას მაინც უნდა დაენახა, რომ კაპიტალისტურ საზოგადოებაშიც არსებობს ვთქვათ ძმობა მუშათა შორის, სიყვარული მეუღლეთა შორის ან სიყვარული მშობლებსა და შვილებს შორის, დამშური სიყვარული და ა. შ.

ბურჟუაზიული ევროპის საზოგადოებრივი ურთიერთობანი არ შეიძლება დაგვეყვანა მხოლოდ მესაკუთრეთა, ვაჭართა და მრეწველთა ურთიერთობაზე.

მარქსისა და ენგელსის მეგობრობა, კ. მარქსისა და ეენი ფონ-ვერტმანის სიყვარული, მათი სანიმუშო ოჯახი არ შეიძლება მხედველობაში არ მიგვედო.

ილია ჭავჭავაძემ, რა თქმა უნდა, კრიტიკის ქარცეცხლში გაატარა ი. გომართელის ხსენებული უპასუხისმგებლო განცხადება.

ილიას თავისი ფელეტონი ქმრის მიერ ცოლისადმი მიწერილ წერილის ფორმით აქვს დაწერილი.

ქმარი ცოლისადმი მიწერილ წერილში წერს:

„შენი წიგნი მივიღე. მწერ და მემღერები, რომ ამოდენა ხანია მე ჩემი ამბავი არ მომიწვდენია შენთვის, და მემუნათები, რომ თუ მე, შენი ჯვარდაწერილი ცოლი არ გაგონდები, ეს შენი ოჯახი მაინც რატომ არ მოიკითხეო“.

ქმარი ცოლს აცნობებს, რომ ის უკვე ახალი მიმართულების კაცია „კვალისა“ და „ცნობის ფურცლის“ მკითხველია, ოჯახი ძველ „ობოკოიდებულ მცნებად“ მიაჩნია.

„რაკი გომართელს წერაქვი აუღია ხელში და ოჯახს მისდგომია დასანგრევად, მეც როგორც ახალი მიმართულების კაცს, იმის ცდაში ვარ, რომ ოჯახის ხსენებაც არ იყოსო“-წერს ქმარი ცოლს.

ილიამ გამოიყენა ი. გომართელის შეცდომა სიყვარულის უშინაარსო „მცნებად“ გამოცხადებასთან დაკავშირებით და მისთვის რჩეული სარკაზმით აღნიშნა:

„ძველი ქართველი იტყოდა: აღფრთოვანებული პოეზია ძმობისა, ერთობისა სიყვარულისა. მაგრამ ეს გამოკვეთილი ლულულული ძველისა ან სად ის მშვენიერი ახალი ჰიკიკი გომართელისა! წაწყმდეს ძველი და გაუმარჯოს ახალსა!“-ო.

ილია ჭავჭავაძე საფუძვლიანად იცნობდა კაცობრიობის ისტორიას და კარგად უწყოდა, რომ უსაფუძვლო უარმყოფელობას არაფერი აქვს საერთო აუცილებლობასთან, რომ „ძმობა, ერთობა“ და „სიყვარული“ ისეთი ცნებები არ არის, რომელიც ნაგავს შეიძლება გააყოლო. ქორწინება და ოჯახიც კაცობრიობის კულტურის ერთ-ერთი უმაღლეს მიღწევათაგანია.

ილია ჭავჭავაძემ მკაცრი შეფასება მისცა იმათ, ვინც ძველ ფასეულობათა გადაფასების მოტივით ოჯახის მოსპობა მოინდომა.

„ოჯახი იმისთანა რამ ყოფილა, რომ დღეის ამას იქით ყოველი კაცი, ვისაც — კი გომართელის სიბრძნის სუნი მოსდენია, ვინც-კი მისი ფილოსოფიით „აღფრთოვანებულა“, ყოველი იგი უნდა ჰკდილობდეს ოჯახი ძირიან-ფესვიანად ამოგადოს და სამუდამოდ აღგავოს დედამიწის ზურგიდამ“, — სარკასტულად შენიშნავდა დიდი მწერალი და საზოგადო მოღვაწე.

ილია ებრძოდა ისეთ მწერალთ, რომელთაც წერაქვი აუღიათ და ოჯახს მისდგომიან დასანგრევად.

ილიას ფელეტონის გმირი ცოლსა წერს:

„მამ ვახსოვდეს, რომ ოჯახი ადამიანის პროგრესის ბორკილია. ეს ბორკილი ხომ ბორკილია, გარდა ამისა ოჯახს სხვა ჭირიც სჭირებია: ადამიანის ძალღონეს თურმე წინ გადაღობებია და არ უშვებს საზოგადოებრივ იდეალებს ისაკენ, ერთის სიტყვით, კაცობრიობის საზოგადოებრივი წინსვლა შეუწყენებია, და, მამსადამე, ისევ კაცობრიობის პროგრესი შეუტრავს და შეუბოქავს, ჰხედავ ამ წყეული ოჯახის ცოდვები სადა სცემს!“.

რადგანაც ოჯახის საფუძველი ქორწინებაა „უარყოფლობის“ მქადაგებელნი, რა თქმა უნდა, მასაც პროგრესისა და საზოგადოების განვითარების დამაბრკოლებელ მოვლენად სთვლიდნენ. ილიამ ცხადია ამ მოსაზრების წინააღმდეგაც გაილაშქრა: „ბევრი ცოლი და ქმარია, რომ ერთმანეთი ჭირივით ეჯავრებთ. უნდათ და ვერ გაპყრიან ერთმანეთს, რადგანაც, რაც გინდ იყოს, ცოლ-ქმრობის დარღვევა მიმიე და სათაკილო საქმეა და თუ არ დიდად პატვისადები მიზეზი, ძნელი გასაბედაა: სირცხვილის შიშისა გამო, კაცი როგორღაც უფრთხის და ცოლ-ქმრობას შეჩვეულ ჭირსავით ითმენს. ეხლა-კი ბ-ნ გომართელის წყალობით ცოლ-ქმრობის დარღვევა არამც-თუ სათაკილო საქმეა, არამედ ქვეყნისათვის დიდებული ღვაწლია, სასახელო და საქება-სადიდებელი, და ჰნახე იმას იქით, რამდენი ცოლ-ქმრობა შეიმუხრება, რამდენი ოჯახი დაიქცევა სამუდამოდ“<sup>3</sup>.

გამართლდა ილია ჭავჭავაძის მოსაზრებანი იმის შესახებ, რომ ე. წ. „უარყოფელთა“ შეხედულებას ოჯახის, სიყვარულის და ქორწინების მოსპობის შესახებ გამარჯვება არ ეწერა. ოჯახი იყო და რჩება ჩვენი საზოგადოების ერთ-ერთ უმაღლეს მორალურ ფასეულობად.

ქორწინებამ და ოჯახმა თავისი ისტორიული განვითარების გზაზე რიგი ცვლილებები განიცადა. ოჯახის და ქორწინების ერთი სახეობის, ფორმის მეორეთი შეცვლა განპირობებულია წარმოების წესში, მთელი საზოგადოების ცხოვრებაში მომხდარი ძირეული გარდატეხით.

მონოგამიური ოჯახი მისი წინამორბედი ოჯახის ფორმებისაგან იმით განსხვავდებოდა, რომ ის ეყრდნობოდა თავისი ეპოქისათვის პროგრესული საკუთრების სახეობას — კერძო საკუთრებას. მაგრამ თვით კერძო საკუთრების შიგნით უნდა განვასხვავოთ ინდივიდუალური, საკუთარ შრომაზე დაყარებული კერძო საკუთრება და სხვისი შრომის ექსპლოატაციასზე დაფუძნებული კერძო საკუთრება.

ამასთან ერთად მონოგამიური ოჯახი ერთი და იგივე თვისებებით არ ხასიათდება მონათმფლობელურ, ფეოდალურ და ბურჟუაზიულ საზოგადოე-

<sup>3</sup> ილია ჭავჭავაძე, თხზულებანი. ტ. II, 1941, გვ. 302.

ბათა სინამდვილეში. თანაც ერთი და იგივე საზოგადოებრივ-ეკონომიკური ფორმაციის შიგნით მონოგამიური ოჯახი მშრომელთა წრეში ერთი თვისებებით ხასიათდება, ხოლო გაბატონებულ კლასთა შორის კიდევ სხვით.

თვით კაპიტალისტური საზოგადოების წიაღში უშუალოდ მწარმოებელთა და საერთოდ მშრომელთა ფენებში წარმოიშობა ახალი — სოციალისტური ტიპის ოჯახის წინამორბედი. ამიტომ, ცხადია, ასეთ ოჯახებში ადგილი არა აქვს ბურჟუაზიულ ურთიერთობებს.

სოციალისტურ საკუთრებაზე დამყარებულ მონოგამიური ოჯახისათვის ბრძოლა და საერთოდ ოჯახის წინააღმდეგ ბრძოლა ერთი და იგივე არ არის.

სიყვარულს განვითარებულ ხალხთა ენებში არაერთი მნიშვნელობა აქვს, მაგრამ მათ შორის განსაკუთრებული, საპატიო ადგილი უკავია იმ სიყვარულს, რომელიც ქორწინებისა და ოჯახის საფუძველია. „არ არის ცეცხლი-სიყვარულის ცეცხლზე უფრო მშვენიერი“ — ამბობდა მ. გორკი.

სიყვარული, ქორწინება და ოჯახი ემსახურებოდა კაცობრიობის არსებობას არამარტო ქვენა, ბიოლოგიური მოთხოვნილებებიდან მომდინარე გრძნობებს, არამედ უმაღლეს მიზნებსაც. ამ აზრით ქორწინებას უდიდესი მნიშვნელობა აქვს სახელმწიფოსათვის, მაგრამ მხოლოდ მაშინ როდესაც ის სხვადასხვა სქესის სრულწლოვან პირთა თავისუფალი კავშირია, თუ ქორწინება და ქორწინებულთა მექანიკური, თავსმოხვეული კავშირია, მაშინ როგორც ი. პოკროვსკი იტყვოდა „იგი ხდება ზნეობრივი დაავადების კერად“. თუ ქორწინებას გარეგანი იძულების ხასიათს ჩამოვაშორებთ, ის საზოგადოების სოციალური პროგრესის მნიშვნელოვან ფაქტორად იქცევა. ამიტომაც ილია ჭავჭავაძე მართალი იყო, როდესაც ებრძოდა ნიჰილისტურ თეორიებს, რომლებიც საერთოდ ილაშქრებდნენ სიყვარულის, ქორწინებისა და ოჯახის, როგორც ასეთთა წინააღმდეგ. ქორწინების და ოჯახის უარყოფას გარყვნილებამდე მიყვავართ.

ილია ჭავჭავაძე სამართლიანად ილაშქრებდა იმ წვრილბურჟუაზიულ და ანარქისტულ თეორიათა წინააღმდეგ, რომლებიც ოჯახის დაშლას ქადაგებდნენ.

უნდა აღინიშნოს ის გარემოებაც, რომ მარქსიზმის კლასიკოსებს არსად, არაასდროს არ გამოუთქვამთ უარყოფითი მოსაზრებანი სოციალისტური საზოგადოების მონოგამიური ოჯახის შესახებ.

ვ. ი. ლენინი ილაშქრებდა ე. წ. „სიყვარულის თავისუფლების“ თეორიის წინააღმდეგ. „სიყვარულის თავისუფლებაში“ იგულისხმებოდა განთავისუფლება იმისაგან, რაც სერიოზულია სიყვარულში, თავისუფლებას სიყვარულის ყოლაში (მრუშობაში) და ა. შ.

საკირია არა ქორწინების უარყოფა, არამედ ქორწინება სიყვარულით.

ისტორიულად მავნე და გამხრწნელი გავლენის იყო ე. წ. „ჰიქა წყლის თეორია“, რომელიც გარკვეულ მსგავსებას ამქლავნებს ი. გომართელის შეხედულებებთან. სხენებული თეორიის მიხედვით, სოციალიზმის დროს ისე უბრალო საქმედ უნდა იქცეს სქესობრივი მოთხოვნილების დაკმაყოფილება, როგორც ჰიქიდან წყლის შესმა, რომ სრულიად ზედმეტია ოჯახის შექმნა და ა. შ.

კომუნისტურ მოძრაობას მოუხდა გათავისუფლება გასული საუკუნის შუა წლებში ბურჟუაზიული საზოგადოების წიაღში წარმოშობილ ნიჰილისტურ-ანარქისტული შეხედულებებისაგან.



ცნობილი რევოლუციონერის და საზოგადო მოღვაწის ა. შ. კოლონტაის ერთ-ერთი მოთხოვნის გმირი, ახალგაზრდა ქალი თავსაც კი იწონებდა იმით, რომ სქესობრივი ცხოვრება მისთვის უბრალო ფიზიკური სიამოვნებაა და რომ ის შეყვარებულებს იცვლის განწყობილების მიხედვით. „ახლა მე ორსულად ვარ. — აცხადებს ა. შ. კოლონტაის (1872-1952) მოთხოვნის გმირი, მაგრამ მე არ ვიცი, ვინ არის ჩემი ბავშვის მამა, თუმცა ეს ჩემთვის სულერთია“.

რევოლუციური ფრაზებით შენიღბული ამგვარი ნიჰილისტების წინააღმდეგ, რომლებიც არსებითად მორალურ გახრწნილებას ქადაგებდნენ, ყოველთვის იბრძოდნენ საზოგადოების ჯანსაღი წარმომადგენლები. ამ ბრძოლის სათავეებთან საქართველოში ილია ჭავჭავაძე იდგა.

Г. Н. НАДАРЕИШВИЛИ

## ОБ ОДНОЙ ПОЛЕМИЧЕСКОЙ СТАТЬЕ И. ЧАВЧАВАДЗЕ

### Резюме

И. Чавчавадзе в 1902 году опубликовал статью «Философия И. Гомартели и психология А. Джорджадзе».

В ней автор выступает против распространенной в те годы левацко-нигилистической мысли о том, будто такие общественные институты и понятия как брак, семья, «братство» и «любовь» устарели и препятствуют развитию общества и государства.

И. Чавчавадзе считал, что в такие общественные институты как брак и семья нужно вложить более высокое моральное содержание.

წარმომადგინა საქართველოს სსრ მეცნიერებათა აკადემიის ეკონომიკისა და სამართლის ინსტიტუტის ქართული სამართლის ინტორიის განყოფილებამ.

## პოლიტიკა, რეკონსტრუქცია, ინფორმაცია

### „მრგვალი მაგიდა“

#### კამათი პოლიტიკური ეკონომიკის აპტუალურ თემაზე

საქართველოს სსრ მეცნიერებათა აკადემიის ეკონომიკისა და საბარტლის ინსტიტუტში საქართველოს სსრ მეცნიერებათა აკადემიის ეკონომიკის პრობლემების სამეცნიერო-საკოორდინაციო საბჭოს ინიციატივით 1987 წლის 5 თებერვალს გაიმართა „მრგვალი მაგიდა“ თემაზე: „საზოგადოებრივი შრომის მწარმოებლურობის და ოეგიონის საზოგადოებრივი წარმოების ეფექტიანობის ზრდის თეორიული საფუძვლები განვითარებული სოციალიზმის ეტაპზე სკკპ XXVII ყრილობის გადაწყვეტილებათა შუქზე“.

„მრგვალი მაგიდა“ გახსნა აკად. ა. გუნიაშვილი, რომელმაც თავის გამოსვლაში აღნიშნა, რომ კამათის თემა უნდა გახდეს საზოგადოებრივი-ეკონომიკური ფორმაციის განვითარების ისტორიული პროცესებისა და შრომის მწარმოებლურობის დონის მიმართების საკითხები და ჩამოაყალიბა პრობლემათა ის წრე რომლის ირგვლივაც უნდა გამართულიყო კამათი. კერძოდ, აკად. ა. გუნიაშვილი თქვა, რომ ყოველი ახალი საზოგადოებრივი-ეკონომიკური ფორმაცია იმარჯვებს წინამდებარეზე უპირველეს ყოვლისა უფრო მაღალი საზოგადოებრივი შრომის მწარმოებლურობის საფუძველზე. სოციალიზმის დროს საზოგადოებრივი შრომის უფრო მაღალი მწარმოებლურობა სოციალიზმსა და კაპიტალიზმს შორის ეკონომიკურ შეჯიბრებაში გამარჯვების აუცილებელი პირობაა. სკკპ XXVII ყრილობის მიერ შემუშავებული ქვეყნის სოციალურ-ეკონომიკური განვითარების დაჩქარების კონცეფცია ითვალისწინებს მოცემულ მანერებლით მსოფლიოში ყველაზე მოწინავე იხენებზე გასვლას. სსრ კავშირში და საქართველოს სსრ რესპუბლიკაში ინდივიდუალური, დარგობრივი, საზოგადოებრივი შრომის მწარმოებლურობის ზრდის ტენდენცია არ უნდა იყოს შეზღუდული საერთო ან წმინდა პროდუქციის მაჩვენებლებით, არაჲედ წარმოებული პროდუქციის (სამუშაოების) თვისობრივი მაჩვენებლებით უნდა იყოს განპირობებული. ეს საზოგადოების მიერ უარყოფილი, არარეალუბული (ჩაწოლილი) საქონლის (პროდუქციის) წარმოების ლიკვიდაციისათვის აუცილებელი პირობაა. თანამედროვე პირობებში, როცა სსრ კავშირი ჯერ კიდევ მნიშვნელოვნად ჩამორჩება ყველაზე უფრო განვითარებულ კაპიტალისტურ ქვეყნებში მიღწეულ შრომის მწარმოებლურობის დონეს, შრომის მწარმოებლურობის ზრდის ტემპების შემცირება მატერიალური წარმოების სფეროში და ტერიტორიულ კრილში გაუმართლებელია. უნდა გავითვალისწინოთ, რომ აუცილებელია ეკონომიკური ზრდის, შრომის მწარმოებლურობის ტემპებისა და წარმოების ტექნიკური დონის ზრდის ერთიანობა, როგორც საზოგადოებრივი წარმოების ეფექტიანობის ამაღლების თვისობრივი ფაქტორი. თუმცა ამას ხელს არ უწყობს წარმოების საშუალებათა სტრუქტურაში შრომის საშუალებათა (შრომის იარაღების) წარმოების ზრდის ტემპების შენელება, რაც შესამჩნევლად მოქმედებს წარმოების ტექნიკურ (სა-

მეცნიერო-ტექნიკურ) დონეზე. ეს მნიშვნელოვანწილად გაპირობებულია მანქანათმშენებლობის ზრდის ტემპების შენელებით. ამიტომ სოციალუკო-ეკონომიკური განვითარების თანამედროვე ეტაპზე შრომის საშუალებების (შრომის იარაღების) შრომის საგნებთან შედარებით მნიშვნელოვნად წინგამსწრები წარმოება, წარმოების საშუალებებში პროპორციების ცვლილება შრომის იარაღების სასარგებლოდ, განსაზოგადოებული წარმოების მეცნიერულ-ტექნიკური დონის ამაღლების აუცილებელი პირობაა. მოსახლეობის ერთ სულზე სსრ კავშირში ამერიკის შეერთებულ შტატებთან შედარებით მრეწველობის წინგამსწრები ზრდის ტემპების მიუხედავად (აშშ-ს ორიენტაციისათვის ვიღებთ, თორემ ზოგიერთი ეკონომიკური მაჩვენებლით უკეთესი მონაცემები აქვთ საფრანგეთს, გერ-ს, იაპონიას, იტალიას) 70-80-იან წლებში მათ შემცირება დაიწყო. მსოფლიოში საზოგადოებრივი შრომის მწარმოებლურობის ყველაზე მოწინავე პოზიციებზე გასვლა განპირობებულია არა მარტო ეკონომიკური ზრდის ტემპებით, არამედ უპირველეს ყოვლისა ზრდის პროცენტის წონადობით (მნიშვნელობით). ეს უკანასკნელი ორგანულადაა დაკავშირებული წარმოების ტექნიკურ დონესთან, წარმოებული პროდუქციის ხარისხთან. განმაზოგადოებელი ეკონომიკური მაჩვენებლების მიხედვით (ეროვნული შემოსავალი, მრეწველობის, სოფლის მეურნეობის პროდუქცია, კაპიტალური დაბანდება, საზოგადოებრივი შრომის მწარმოებლურობა, შრომის ნაყოფიერება მრეწველობაში) საბჭოთა კავშირის ზრდის ტემპების წინგამსწრები კოეფიციენტი აშშ-სთან შედარებით უკანასკნელ პერიოდში (1981-1985 წწ.) რამდენადმე შემცირდა. აღნიშნული ტენდენცია დაძლეულ უნდა იქნეს უახლოეს ისტორიულ პერიოდში. ასეთი პერიოდი ალბათ უნდა იყოს XXI საუკუნის დამდეგამდის პერიოდი. ეს შესაძლებლობას მისცემს სსრ კავშირს გავიდეს სოციალურ-ეკონომიკური განვითარების მიხედვით მსოფლიოში ყველაზე მოწინავე მიჯნებზე. სსრ კავშირის ეკონომიკის მსოფლიოში ყველაზე მოწინავე პოზიციებზე გასვლის ერთ-ერთი უმნიშვნელოვანესი ფაქტორია მოსახლეობის ერთ სულზე სამრეწველო და სხვა პროდუქციის წარმოების განვითარებული კაპიტალისტური ქვეყნების მაჩვენებლებზე გადასწრება. განვითარების თანამედროვე სტადიაზე რომელიმე ერთი ეკონომიკური მაჩვენებელი, მაგალითად, მთლიანად საზოგადოებრივი წარმოების ეკონომიკური ზრდის ტემპი, ასევე დარგობრივ ჭრილში თვისობრივ მაჩვენებლებთან, წარმოების ინტენსიურ ფაქტორებთან ორგანული კავშირის გარეშე არ შეიძლება მოცემული პრობლემის გადაწყვეტა. ამიტომ საჭიროა ეკონომიკური ზრდის ტემპები, წარმოების სამეცნიერო-ტექნიკური დონის ამაღლება, წარმოებული პროდუქციის მსოფლიო ბაზარზე კონკურენტუნარიანობა, პროდუქციის წარმოება მოსახლეობის ერთ სულზე ერთიანობაში იქნას განხილული. ამასთან წარმოების მეცნიერტევადობის ზრდას, როგორც წესი, მივყავართ მის სანედლეულო, მატერიალური ენერგეტიკული, ინვენსტიციური და შრომითი ტევადობის შემცირებასთან. ე. ი. ეკონომიკის უმაღლესი დონის ეფექტიანობასთან.

უნდა დაისვას საკითხი სოციალიზმის საწარმოო ძალების კაპიტალისტური საწარმოთა ძალებთან შედარებით მიზანშეწონილობის შესახებ. კაპიტალიზმმა, როგორც საზოგადოებრივ-ეკონომიკურმა ფორმაციამ, ხომ მიაღწია თავისი განვითარების უმაღლეს საფეხურს, სოციალიზმი კი წარმოადგენს კომუნისტური საზოგადოებრივ-ეკონომიკური ფორმაციის მხოლოდ დაბალ საფეხურს. მისი საწარმოო ძალები, ისე როგორც წარმოებითი ურთიერთობები ჯერ კი-

დევ ისე არაა მომწიფებული, რომ მთლიანად ასახოს მოცემული ფორმაციის დამახასიათებელი სოციალურ-ეკონომიკური ყველა ნიშანი. ჩვენ ვფიქრობთ, რომ სწორედ განვითარებული სოციალიზმის ეტაპზე, რომლის საწყის სტადიაზეც იმყოფება საბჭოთა კავშირი, ჩვენ უნდა მივადლოთ ზოგიერთი ძირითადი ეკონომიკური მაჩვენებლით და უპირველეს ყოვლისა საზოგადოებრივი შრომის მწარმოებლურობით უფრო მაღალ დონეს, ვიდრე ყველაზე განვითარებულ კაპიტალისტურ ქვეყნებში.

აღნიშნული დებულებები უშუალოდ ეხება რეგიონალურ (საქართველოს სსრ) ეკონომიკას, მის ეფექტიანობას. სკკპ XXVII ყრილობის მიერ შემუშავებულ სსრ კავშირის სოციალურ-ეკონომიკური განვითარების დაჩქარების კონცეფციას, ქვეყანას ეკონომიკური განვითარების საერთო კანონზომიერებების გარდა ხომ აქვს რეგიონალური თავისებურებები დაკავშირებული რეგიონში საწარმოო ძალებისა და წარმოებითი ურთიერთობების განვითარებასთან. ეს უპირველეს ყოვლისა საქართველოს სრ რესპუბლიკის ძირითადი მაჩვენებლების მიხედვით საშუალო საკავშირო სოციალურ-ეკონომიკური მოწინავე პოზიციებზე გასვლის აუცილებლობაში, ე. ი. საქართველოს სსრ საზოგადოებრივი წარმოების ეფექტიანობის ამაღლების დაჩქარებაში პოულობს ასახვას.

თბილისის სახელმწიფო უნივერსიტეტის პოლიტიკური ეკონომიის № 1 კათედრის გამგემ, **ეკონ. მეცნ. დოქტორმა, პროფ. გ. ადიშვილმა** აღნიშნა, რომ ე. ი. ლენინის ცნობილი დებულება — შრომის ნაყოფიერება ყველაზე მთავარი, ყველაზე მნიშვნელოვანია ახალი სოციალისტური საზოგადოების აშენებისათვის — ახალ მნიშვნელობას იძენს სახალხო მეურნეობის მართვის გარდაქმნის და ეკონომიკის დაჩქარებული განვითარების პირობებში. ამასთან დაკავშირებით დიდი მნიშვნელობა ენიჭება იმ ფაქტორების როლის განსაზღვრას, რომლებიც გავლენას ახდენდნენ შრომის ნაყოფიერების გადიდებაზე, ამ შემთხვევაში მე გამოვყოფდი განათლების, უშუალო მწარმოებლის საკვალიფიკაციო დონის მნიშვნელობას. მართალია, შრომის ნაყოფიერების ზრდაში ამა თუ იმ ფაქტორის როლის განსაზღვრა რთულია, მაგრამ მიახლოებითი განზარიშებანი, რომლებიც გააკეთეს საბჭოთა ეკონომისტებმა, აკად. ს. სტრუმილინის მიერ შემუშავებული მეთოდის საფუძველზე, გვიჩვენებენ, რომ განათლების სფეროში დახარჯული ყოველი მანეთი იძლევა ეფექტს, რომელიც რამდენჯერმე ჰარბობს თავდაპირველ კაპიტალდამანდებას. ამასთან დაკავშირებით უაღრესად საინტერესოა საკითხი ჩვენს რესპუბლიკაში შრომის ნაყოფიერებისა და განათლების დონის კავშირის შესახებ, საქართველოს სსრ უკანასკნელ წლებამდე პირველ ადგილზე იყო კავშირში უმადლესი და საშუალო სპეციალური განათლების მაჩვენებლის მიხედვით, როგორც მოსახლეობის ყოველ ათას სულზე, ისე სახალხო მეურნეობაში დასაქმებულთა მიმართაც, მაშინ როდესაც შრომის ნაყოფიერების დონის მიხედვით ერთობ მოკრძალებული ადგილი გვიკავია დღემდე. მართალია შრომის ნაყოფიერების დონე მხოლოდ ამ მაჩვენებლით არ განისაზღვრება, მაგრამ ერთ-ერთი გადაწყვეტი როლი მას უთოდ ენიჭება. ჩვენი აზრით, განათლების სფეროში რაოდენობრივ მაჩვენებლებს, მის ექსტენსიურ ზრდას განვითარების ადრეულ ეტაპზე ჰქონდა დიდი მნიშვნელობა, ამჟამად კი წარმოების ინტენსიფიკაციის პირობებში სიმძიმის ცენტრი ხარისხობრივ მაჩვენებლებზე გადავიდა. ამას მოითხოვს სამეცნიერო-ტექნიკურ რევოლუცია და წარმოების იარაღების განვითარების დონისადმი სამუშაო ძალის შესაბამისობის კანონი.

მეორე საკითხი, რომელსაც მე მინდა შევეხო აკად. ა. გუნიას მოხსენებასთან დაკავშირებით, ეხება შრომის ნაყოფიერების განუხრელი ზრდის პრობლემა. სამეცნიერო ლიტერატურასა და სახელმძღვანელოებში დღესაც მოიხსენება (თუმცა იშვიათად, მაგრამ მაინც), შრომის ნაყოფიერების განუხრელი ზრდა, როგორც ეკონომიკური კანონი. ჩვენი აზრით, შრომის ნაყოფიერების ზრდა საერთო ეკონომიკური კანონია, რომელიც სპეციფიკური კანონის სახეს, როგორც განუხრელი ზრდის კანონი, სოციალიზმის დროს არ ლეზულობს.

სახალხო მეურნეობის ეკონომიკის, დაგეგმვისა და მართვის სამეცნიერო-კვლევითი ინსტიტუტის შრომის ნაყოფიერებისა და შრომითი რესურსების განყოფილების გამგემ, **ეკონ. მეცნ. დოქტორმა, პროფ. ნ. ხურციდემ** აღნიშნა, რომ საზოგადოებრივი შრომის ნაყოფიერების ზრდა არის ყველა ისტორიულ ეპოქისათვის დამახასიათებელი ეკონომიკური კანონი, ობიექტური პროცესი, რომელიც ადამიანთა ნებისა და სურვილებისაგან დამოუკიდებლად მიმდინარეობს, ეს იმიტომ, რომ შრომის ნაყოფიერების ზრდა ასახავს საზოგადოების საწარმოო ძალთა განვითარების პროცესს. საზოგადოების საწარმოო ძალთა განვითარების პროცესი კი ობიექტური კანონზომიერებაა, რომელიც თუმცა სხვადასხვა ტემპებით, მაგრამ მაინც ყოველ ისტორიულ ეპოქაში მიმდინარეობს. რაკი საზოგადოებრივი შრომის ნაყოფიერების ზრდა საზოგადოების საწარმოო ძალთა განვითარების ასახვაა, ხოლო ამ უკანასკნელის განვითარება კანონზომიერი პროცესია, ამიტომ მისი ამსახველი შრომის ნაყოფიერების ზრდაც კანონზომიერი პროცესია, ობიექტური ეკონომიკური კანონია.

საზოგადოებრივი შრომის ნაყოფიერების ზრდის საყოველთაო ეკონომიკური კანონის მოქმედება სოციალიზმის (კომუნისმის) დროს გარკვეული თავისებურებებით ხასიათდება. მისი ერთ-ერთი თავისებურება კი სწორედ ისაა, რომ იგი აქ სისტემატურად, განუხრელად იზრდება. ჩვენი ქვეყნის მშვიდობიანი განვითარების მთელ მანძილზე არ ყოფილა შემთხვევა, რომ საზოგადოებრივი შრომის ნაყოფიერების დონე დაეცემულიყო. მისი დონე ჩვენი სახალხო მეურნეობის განვითარების სხვადასხვა პერიოდში სხვადასხვა ტემპით იზრდება, მაგრამ სრულებით რომ არ ამალეგულიყო ასეთ შემთხვევას ადგილი არ ჰქონდა. მამასადამე, სოციალიზმის დროს საზოგადოებრივი შრომის ნაყოფიერების ზრდის კანონს განუხრელი აღმავლობის ხასიათი აქვს.

ის ვარემოება, რომ საზოგადოებრივი შრომის ნაყოფიერებას სოციალიზმის დროს განუხრელი ზრდის ხასიათი აქვს სრულიადაც არ გამორიცხავს ცალკეულ შემთხვევებს, როცა სახალხო მეურნეობის ამა თუ იმ დარგში, ქვედარგში, საწარმოსა და გავრთიანებაში შრომის ნაყოფიერების დონის ზრდა შეჩერდება ან კიდევ დაეცემა. რალა თქმა უნდა საზოგადოება ყოველთვის უნდა ცდილობდეს, რომ შრომის ნაყოფიერება ყოველთვის, ყველა დარგში, ქვედარგში, საწარმოსა და გავრთიანებაში იზრდებოდეს. ეს იმიტომ, რომ საზოგადოებრივი შრომის ნაყოფიერების ზრდა სწორედ ამ სფეროებში მისი ზრდის საფუძველზე ხდება. მიუხედავად ამისა მაინც არის ცალკეული გამოწკლისი შემთხვევა, როცა ამა თუ იმ ობიექტური ან სუბიექტური მიზეზის გამო ცალკეულ დარგში, ქვედარგში, საწარმოებსა და გავრთიანებებში შრომის ნაყოფიერების დონე არა თუ არ მალდება, არამედ ეცემა კიდევ. მაგრამ ასეთი ცალკეული შემთხვევები ვერ გამორიცხავს მთელი საზოგადოებრივი შრომის ნაყოფიერების განუხრელი ზრდის შესაძლებლობასა და აუცილებ-

ლობას სოციალიზმის დროს. იგი აქ ყოველთვის, სისტემატურად მინც განუხრელად იზრდება.

შრომის ნაყოფიერების დინამიკის თავისებურებათა გამოვლინების მიზნით ჩვენი ქვეყნის მეორე მსოფლიო ომის შემდგომი ხანა ოთხ პირობით პერიოდად შეიძლება დავყოთ: 1955 წლამდე, 1956-1965; 1966-1975 და 1976-1985 წლები. ამ პერიოდში მთელი საზოგადოებრივი შრომის ნაყოფიერება საერთოდ და შრომის ნაყოფიერება მრეწველობაში — კერძოდ, სულ სხვადასხვა ტემპით იზრდებოდა. პირველ პერიოდში იგი სწრაფად, მეორეში — ნელა, მესამეში — შედარებით უფრო სწრაფად, ხოლო მეოთხეში — ყველა პერიოდზე უფრო ნელი ტემპით. აი კონკრეტული ციფრები. შრომის ნაყოფიერება სსრ კავშირის მთელს მრეწველობაში (სახალხო მეურნეობის ამ მთავარ დარგში) 1951-1955 წლებში, საშუალოდ ყოველწლიურად 8,2%-ით მატულობდა, 1956-1965 წლებში — 5,65%-ით, 1966-1975 წლებში — 5,9%-ით, ხოლო 1976-1985 წლებში კი მხოლოდ 3,2%-ით. დაახლოებით ასეთივე ტენდენციით ხასიათდებოდა შრომის ნაყოფიერების ზრდა საქართველოს მრეწველობაშიც. აქ იგი პირველ პერიოდში, საშუალოდ ყოველ წელს, 6,35%-ით მატულობდა, მეორეში — 4,05%-ით, მესამეში — 5,6%-ით, ხოლო მეოთხეში — 4,3%-ით. აღსანიშნავია ისიც, რომ, შრომის ნაყოფიერების ზრდის ტემპის ეს თავისებურებანი — ერთ პერიოდში სწრაფი, ხოლო მეორეში — ნელი, დამახასიათებელია ჩვენი ქვეყნის ყველა მოკავშირე რესპუბლიკისათვის. ეს კი იმაზე ლაპარაკობს, რომ ამ მაჩვენებლის ასეთი ცვლილება, უმთავრესად, ერთი და იმავე მიზეზითაა გამოწვეული.

რამ გამოიწვია შრომის ნაყოფიერების დინამიკის ასეთი თავისებურება — ხან მისი ზრდის აჩქარება, ხან კიდევ მკვეთრი შენელება? რამ გამოიწვია კერძოდ შრომის ნაყოფიერების ზრდის ტემპების შენელება 1956-1965 წლებსა და მისი მკვეთრი დაცემა 1976-1985 წლებში. ამის მიზეზი მრავალია. მაგრამ მათ შორის ყველაზე უფრო მნიშვნელოვანია სახალხო მეურნეობის მართვაში დაშვებული შეცდომები. უფრო კონკრეტულად რომ ვთქვათ შრომის ნაყოფიერების ზრდის ტემპების შენელება 1956-1965 წლებში უმთავრესად გამოიწვია მაშინ გაბატონებულმა თვითნებობამ სახალხო მეურნეობის მართვაში. ამის დამადასტურებელ მაგალითად შეიძლება მოვიტანოთ მრეწველობის მართვის არასწორი შეცვლა, ქვეყნის მრეწველობის დარგობრივი მართვის სისტემიდან მისი სახალხო მეურნეობის საბჭოების მეშვეობით მართვაზე გადასვლა. მრეწველობის მართვამ სახალხო მეურნეობის საბჭოების მეშვეობით იმდენი სიძნელეები გამოიწვია, რომ პარტიის ცენტრალურმა კომიტეტმა და მინისტრთა საბჭომ მიზანშეწონილად მიიჩნია მისი გაუქმება, მრეწველობის მართვა კვლავ მისი დარგობრივი სამინისტროების მეშვეობით დაიწყო.

რამ გამოიწვია შრომის ნაყოფიერების ზრდის ტემპის მკვეთრი შენელება 70-იანი წლების მეორე ნახევრიდან? აქაც ბევრი მიზეზია, მაგრამ მათ შორის ყველაზე მთავარია ის შეცდომები, რომელნიც დაშვებული იყო სახალხო მეურნეობის მართვის სისტემაში. თუ რა შეცდომები იყო დაშვებული, რა ახალ მოვლენებს ვერ აუღეს ალლო შესაბამისმა ორგანოებმა ამაზე საკმარის ვერცხლად და ნათქვამი სკკპ XXVII ყრილობის, აპრილის (1985 წ.) და იანვრის (1987 წ.) პლენუმის მასალებში. შრომის ნაყოფიერების ზრდის ტემპები ბარომეტრივით ასახავს სახალხო მეურნეობაში არსებულ ვითარებას და თუ

მისი მართვა ხელს უწყობს ან ხელს უშლის მისი განვითარების პროცესს, მაშინ ეს შრომის ნაყოფიერების ზრდის სათანადო ტემპებშიც აისახება.

ეკონომიკისა და სამართლის ინსტიტუტის დირექტორის მოადგილემ მეცნიერების დამსახურებულმა მოღვაწემ, ეკონ. მეცნ. დოქტორმა, პროფ. ლ. ჩიქავამ თქვა, რომ მტკიცება თითქოს მომწიფდა ნიადაგი, რათა გადაისინჯოს შრომის მწარმოებლურობის ზრდის საყოველთაო ეკონომიკური კანონის სოციალიზმის პირობებში განუხრელი ამაღლების ფორმით გამოვლინების თაობაზე საბჭოთა ეკონომიკურ ლიტერატურაში დამკვიდრებული შეხედულება. არგუმენტებად მოჰყავთ ის, რომ ჩვენი ეკონომიკის განვითარების ყველა ეტაპზე არ შეიმჩნევა წარმოების განუხრელად მაღალი და სტაბილური ტემპებით ზრდა. ამ მოსაზრებას ჩვენ ვერ გავიზიარებთ.

შრომის მწარმოებლურობის ზრდის საყოველთაო ეკონომიკური კანონის სოციალიზმის პირობებში განუხრელი ამაღლების სპეციფიკური ფორმით მოქმედება ნიშნავს იმას, რომ აქ საიმისო ობიექტური წანამძღვრები არსებობს, ე. ი. წარმოქმნილია რეალური შესაძლებლობანი მისი პრაქტიკული რეალიზაციისათვის. ამ შესაძლებლობის სინამდვილედ გადაქცევა ბევრ (მეტწილად სუბიექტური ხასიათის) ფაქტორზეცაა დამოკიდებული. ასე რომ შრომის მწარმოებლურობის ზრდის ეკონომიკური კანონი სოციალისტურ-საზოგადოებაში განუხრელი ამაღლების სპეციფიკური ფორმით მოქმედებს მაშინაც, როცა სხვადასხვა გარემოების გამო შრომის მწარმოებლურობის ზრდის ტემპების ერთგვარ შენელებას (შეიძლება დაცემასაც კი) აქვს ადგილი. სწორედ ასეთი სიტუაცია შექმნა ჩვენს ქვეყანაში 70-იანი წლების მეორე ნახევარსა და 80-იანი წლების დასაწყისში. ამ პერიოდში აშკარად იჩინა თავი დისპროპორციამ, საკმაო ღრმა წინააღმდეგობამ სახალხო მეურნეობის მასშტაბით წარმოქმნილ მძლავრ შრომის მწარმოებლურ ძალასა და შრომის მწარმოებლურობის ფაქტიურ მაჩვენებელს შორის, ამის ძირითადი განმაპირობებელი მიზეზი იყო მეურნეობრივი მექანიზმის ჩამორჩენა დღევანდელი მოთხოვნებისაგან. როგორც მიმდინარე წლის იანვრის პლენუმზე ამხანაგმა მ. ს. გორბაჩოვმა აღნიშნა, არსებითად წარმოიშვა ხელისუფლების ეკონომიკური ინსტრუმენტების შესუსტების მთელი სისტემა, შეიქმნა ერთგვარი სამუხრუჭო მექანიზმი, რომელიც აბრკოლებდა სოციალურ-ეკონომიკურ განვითარებას, აფერხებდა პროგრესულ გარდაქმნებს, რომლებიც უზრუნველყოფენ სოციალიზმის უპირატესობათა გამოვლინებასა და გამოყენებას, აი, ზოგიერთი ფრიად დამაფიქრებელი ფაქტორებიც მონაცემები:

— ქვეყნის მასშტაბით ეროვნული შემოსავლის მატების საშუალო წლიური ზრდა თუ ომამდელ ხუთწლეულებსა და ომის შემდგომ პირველ ხუთწლეულში 14 პროცენტს შეადგენდა, 50-იანი წლებში 14, მეათე ხუთწლეულში 4,3, ხოლო მეთერთმეტე ხუთწლეულში 3,1 პროცენტამდე დაეცა. 1975-1985 წწ. გეგმის შემცირებული დავალებებიც კი ვერ შევასრულეთ მთელი რიგი მნიშვნელოვანი პარამეტრების მიხედვით (ეროვნული შემოსავლის, მრეწველობის, სოფლის მეურნეობის პროდუქციის ზრდა და სხვ.).

— წარმოების ზრდის ინტენსიურ და ექსტენსიურ ფაქტორებს შორის თანაფარდობა მკვეთრად შეიცვალა უკანასკნელის სასარგებლოდ. ასე, მაგალითად, ეროვნული შემოსავლის წარმოებაში ინტენსიური ფაქტორების ხვედრითი წონა შეადგენდა (%-ობით): VII ხუთწლეულში 34, VIII—40, IX—27, X—23 და XI—25.

— განვითარება წარიმართებოდა უმთავრესად ევოლუციურად, მდორედ განსაკუთრებული ყურადღება ექცეოდა არა თვისებრივ, არამედ რაოდენობრივ მაჩვენებლებს. ცვლილებები ხდებოდა მანქანების ცალკეულ ელემენტებში (ზოგჯერ კარდინალური ხასიათისაც), მაგრამ მანქანათა სისტემა მთლიანად უცვლელი რჩებოდა. ტექნიკური სიახლენი უზუნველყოფდა შრომის მწარმოებლურობის რამდენადმე მოკრძალებულ ზრდას და ვერ აკმაყოფილებდა გაზრდილ მოთხოვნებს.

— ჯეროვანი ყურადღება არ ექცეოდა მანქანათმშენებლობის (მისი საბაზო დარგების — ჩარხმშენებლობის, ხელსაწყოთმშენებლობის, გამოთვლითი ტექნიკის და სხვ.) განვითარებას. მისი პროდუქციის ზრდის საშუალო წლიური ზრდის ტემპები მეშვიდე, მერვე და მეცხრე ხუთწლეულების 12,1—12,9%-დან 6,2 პროცენტამდე დაეცა XI ხუთწლეულში.

— ახალი ტექნიკით დროულად შეუცვლულობის გამო ფიზიკურად და მორალურად გაცვეთილი მოძველებული მოწყობილობის რაოდენობა მკვეთრად გაიზარდა. მაგალითად, მრეწველობაში 20 და მეტი წლის ასაკის ძირითადი წარმოებრივი ფონდების ექსპლუატაციით დასაქმებულია 1,4 მილიონი კაცი. ეს ფონდები რომ შეგვეცვალა თანამედროვე მოთხოვნების შესაბამისი შრომის საშუალებებით, იმავე სამუშაოთა შესასრულებლად საკმარისი იქნებოდა მხოლოდ 200 ათ. კაცი, ე. ი. დიზოგებოდა 1,2 მილიონი კაცის შრომა.

აღნიშნულ და რიგ სხვა გარემოებათა გამო შეიცვალა შრომის მწარმოებლურობის დონით მთავარ კაპიტალისტურ სახელმწიფოებთან ჩვენი ქვეყნის თანაფარდობა. თუ 70-იანი წლების დასაწყისისათვის ამ მაჩვენებლით მსოფლიოში (აშშ და საფრანგეთის შემდეგ) მესამე ადგილზე ვიყავით, 80-იანი წლებისათვის (იმის გამო, რომ გავვისწრეს აგრეთვე გფრ და იაპონიამ) მეხუთე ადგილზე გადავიწველეთ.

იმისათვის, რომ ჩვენი ქვეყანა მიმდინარე ხუთწლეულის დასასრულისათვის მსოფლიო მასშტაბით მოწინავე მიჯნებზე გავიდეს, აუცილებელია ყველა გამოუყენებელი რეზერვის მაქსიმალურად ამოქმედება. ამ მიმართულებით გვინდა გავამახვილოთ ყურადღება არამატერიალური წარმოების ზოგიერთ დარგზე:

მიუხედავად იმისა, რომ მეცნიერულ კვლევებზე გაწეულ დანახარჯებსა და კვლევის შედეგების დანერგვით მიღებულ ეკონომიკურ ეფექტს შორის თანაფარდობა ისეთია, როგორც 1:10, ამ დარგის განვითარების შესაძლებლობანი ჯერ კიდევ არაა სრულად გამოყენებული. დღეისათვის მეცნიერებატევადობა შეადგენს (%-ობით): სსრ კავშირის ხელსაწყოთმშენებლობაში 6, ელექტროტექნიკურ მრეწველობაში — 5,1, მსუბუქ მრეწველობაში — 0,6, კვების მრეწველობაში — 0,5; წარმოების მეცნიერებატევადობის ინტენსიფიკაცია შრომის მწარმოებლურობის ამაღლების უმნიშვნელოვანესი პირობაა.

ჩვენს ქვეყანას მსოფლიოში მოწინავე პოზიციები უჭირავს მეცნიერული აღმოჩენებისა და გამოგონებათა მიხედვით, მაგრამ მათი პრაქტიკული გამოყენების, დანერგვის მხრივ როგორც პარტიის XXVII ყრილობაზე აღინიშნა, ერთგვარი ჩამორჩენა იგრძნობა. ამ ჩამორჩენის დაძლევისაკენა მიმართული პარტიისა და მთავრობის მიერ ქვეყნის სოციალურ-ეკონომიკური განვითარების დაჩქარების უზრუნველსაყოფად შემუშავებულ ღონისძიებათა სისტემა, რომელშიც ცენტრალური, ადგილი უჭირავს მეცნიერებისა და წარმოების ინტეგრაციის პრობლემას. როგორც სკკპ ცენტრალური კომიტეტის იანვრის (1987 წ.) პლენუმზე აღინიშნა, „გარდაქმნა — ეს არის საბოლოო შემობ-



რუნება მეცნიერებისაკენ, მასთან პრაქტიკის საქმიანი პარტნიორობა უმაღლესი საბოლოო შედეგების მიღწევის მიზნით, სოლიდურ მეცნიერულ საფუძველზე ყოველი წამოწყების დამყარების უნარი, მეცნიერთა მზადყოფნა და მხურვალე სურვილი აქტიურად დაუჭირონ მხარი საზოგადოების განახლებისათვის გამიზნული პარტიის კურსს“.

მეცნიერების პოტენციურ შესაძლებლობათა სრული რეალიზაციისათვის აუცილებელია ამ სფეროში განაწილებით ურთიერთობათა სრულყოფა. ამის საპირობებაზე მიგვანიშნებს შემდეგი მონაცემები: 1984 წ. უმაღლესი განათლება ჰქონდა ჩვენი ქვეყნის სახალხო მეურნეობაში დასაქმებულთა 11,6 %-ს და მეცნიერებისა და მეცნიერულ მომსახურებაში დასაქმებულთა 40 %-ს, მაშინ როდესაც საშუალო თვიური ხელფასი შეადგენდა შესაბამისად 185 და 198,3 მანეთს. გადაუდებელი ამოცანაა არამარტო ამ შეუსაბამობის ლიკვიდაცია, არამედ შრომის მწარმოებლურობის ამაღლებასა და შრომის ანაზღაურების ზრდას შორის წინააღმდეგობის დაძლევა, რომელიც არცთუ იშვიათად იჩენს თავს ჩვენს მეურნეობრივ პრაქტიკაში.

კადრების საერთო (იდეურ-თეორიული, პოლიტიკური, ეკონომიკური, პოლიტექნიკური) და განსაკუთრებით პროფესიული ცოდნის დონის ამაღლება შრომის მწარმოებლურობის ამაღლების დიდმნიშვნელოვანი პირობაა. მას ჩვენს ქვეყანაში კიდევაც განსაკუთრებული ყურადღება ექცევა. ზორციელდება კანონი საყოველთაო სავალდებულო საშუალო განათლების შესახებ. კაპიტალისტური ქვეყნებისაგან ვანსხვავებით, ჩვენი ახალგაზრდები არამარტო სწავლის ჭირას არ იხდიან, არამედ უზრუნველყოფილი არიან საერთო საცხოვრებლითა და სტიპენდიით. მაგრამ სერიოზული ხარვეზებით ხასიათდება კადრების მომზადების დაგეგმვა და განაწილების ორგანიზაცია, მნიშვნელოვანი ნაწილი მუშაობს არასპეციალობით. ან კიდევ (რიგ შემთხვევაში) უმაღლესი განათლების მქონე სპეციალისტი მუშაობს მუშად და მისი კვალიფიკაცია არავითარ უქუთუბს არ იძლევა.

მატერიალური წარმოების სფეროში შრომის მწარმოებლურობის ამაღლების მნიშვნელოვან რეზერვებს შეიცავს არამატერიალური წარმოების სფეროს ისეთ დარგთა ფუნქციონირების სრულყოფა, როგორცაა: ჯანმრთელობის დაცვა, საკურორტო მომსახურება, ფიზიკური კულტურა და სპორტი, ტურიზმი, სამგზავრო ტრანსპორტი, არამატერიალური კავშირგაბმულობა და საყოფაცხოვრებო მომსახურება, მიმოქცევა, შრომის ესთეტიკური კულტურა და სხვ., ამ დარგებს შეუძლიათ თვალსაჩინო წვლილი შეიტანონ წარმოების პიროვნული ფაქტორის გააქტიურებაში.

შრომის მწარმოებლურობის არსისა და გაზომვის ახლებურად დადგენაზე, როგორც ეკონომიკური მეცნიერების ერთ-ერთ უმნიშვნელოვანეს ამოცანაზე ილაპარაკა ეკონომიკისა და სამართლის ინსტიტუტის დირექტორის მოადგილემ ე. მ. მეცნ. კანდიდატმა თ. ჩიკვაძემ. მან თქვა, რომ ძირითად მოხსენებაში და სხვა გამოსვლებში გამოთქმული იყო მრავალი საყურადღებო დებულება, რომელთაც ჩვენ ვიზიარებთ. მაგალითად, ფრიად საინტერესოა პროფ. გ. ადეიშვილის მიერ დასმული საკითხი ეკონომიკური და სოციალური განვითარების შრომის მწარმოებლურობის ამაღლების სფეროში არსებული მნიშვნელოვანი ნაკლოვანებების ობიექტური მიზეზებით გაპირობებულობის შესახებ. მოკლედ შევხებით სამ საკითხს. პირველი: შრომის მწარმოებლურობის ამაღლების მოტივაციური მექანიზმის უქმარისობის ობიექტური მიზეზები. მეორე: შრომის მწარმოებლურობის არსი და გაზომვა. მესამე: შრომის

მწარმოებლურობის ეფექტიანობის მაჩვენებლების დასახული მიჯნების შეფასება საქართველოში უახლოეს 15-20 წლისათვის.

ჩვენი აზრით, შრომის მწარმოებლურობის ამაღლების მოცულობის მექანიზმის უკმარისობის ობიექტური მიზეზები რეალობაა, მაგრამ სამწუხაროდ ეკონომიკური მეცნიერება მათ ხშირად ძალზე მოგვიანებით აქცევს ხოლმე ყურადღებას. ასეთ ობიექტურ მიზეზებს მიეკუთვნება, მაგალითად, ჯანსაღი სოციალისტური კონკურენციის, შეჯიბრების მექანიზმის უქონლობა ჩვენს მეურნეობაში. საერთოდ „კონკურენციას“ საერთოდ ტაბუ ჰქონდა დადებული სოციალიზმის პოლიტიკურ ეკონომიაში, მხოლოდ ამ ბოლო დროს სულ უფრო გაბედულად გამოითქმის მოსაზრება იმის თაობაზე, რომ თვისებრივად ახალი, სოციალისტური შინაარსით გამდიდრებული კონკურენციის მექანიზმი აუცილებელია მეცნიერულ-ტექნიკური პროგრესის დაჩქარების, პროდუქციის ხარისხის, წარმოების ეფექტიანობის ამაღლების უზრუნველსაყოფად. სრულ სამეურნეო ანგარიშზე გადასვლა ობიექტურად მოითხოვს კონკურენციის დაშვებას სხვადასხვა მიმწოდებლის პროდუქციაზე, რაც აისახება გრძელვადიანი ხელშეკრულებების დადებისას ან უშუალოდ რელიოზაციის სტადიაზე. მაგრამ სოციალისტური კონკურენციის მექანიზმს სხვა მრავალფეროვანი ფორმებიც შეიძლება ჰქონდეს — საკონკურსო შერჩევის ფართოდ დანერგვა პროდუქციის დამზადებისას, სხვადასხვა საპროექტო-საკონსტრუქტორო სამუშაოების მიმართ და ა. შ. მისი სოციალურ-ეკონომიკური არსი მოთხოვნილებების უკეთ დაკმაყოფილების, პროდუქციისა და მუშაობის ხარისხის ამაღლებით გამოიხატება, რაც შრომის მატების უფრო მაღალი ანაზღაურებით უნდა გამოვლინდეს. ყოველივე ეს კი საბოლოო ანგარიშით მკვეთრად გააძლიერებს შრომის მწარმოებლურობის საერთო მოტივაციურ მექანიზმს.

ამასთან აუცილებელია უკუუვადოთ მოძველებული შეხედულებები შრომის მწარმოებლურობაზე, გავითვალისწინოთ ის თვისებრივი ცვლილებები, რომლებიც ამ უმნიშვნელოვანესი ეკონომიკური კატეგორიის განვითარებას თანსდევს თანამედროვე პირობებში. უწინარეს ყოვლისა, უნდა დავძლიოთ შრომის მწარმოებლურობისადმი ტექნიკურ-ეკონომიკური მიდგომის გაბატონებული მდგომარეობა მისი სოციალურ-ეკონომიკური არსის სახიანოდ. არსებითია ის, რომ ინტენსიური განვითარების პირობებში მთავარია არა პროდუქციის რაოდენობა, არამედ მისი ხარისხი, არა ღირებულება, არამედ სახმარი ღირებულება. მაღალი ხარისხის ახალმა პროდუქციამ შეიძლება მისი ათეულობით და ასეულობით წინამორბედი პროდუქცია შეცვალოს. დიდ მასშტაბებს იძენს სუბსტანციის, მინიატურიზაციის, რესურსტეგადობის შემცირების პროცესები. თეორიულად და პრაქტიკულად, არ არის აუცილებელი, რომ შრომის მწარმოებლურობა, გაანგარიშებული მოცულობითი მატერიალურ-ნივთობრივი პროდუქციის საფუძველზე ყოველთვის იზრდებოდეს. ეს რომ ასე იყოს, მაშინ ჩვენს პლანეტაზე რესურსების შეზღუდულობის გამო, ან მის ცალკეულ რეგიონებში, მათ შორის საქართველოში, შრომის მწარმოებლურობის ამაღლება აუცილებლად გამოიწვევს არაღდგენადი ბუნებრივი რესურსების ამოწურვას, ეკოლოგიურ კოლაფსს და საბოლოოდ თვითონ დედამიწაზე სიცოცხლის მოსპობას. მაგრამ შრომის მწარმოებლურობის გაივიწვება მის გამოუმუშავებლად ყოველ მოცემულ მომენტში აბსურდია. ეს ეწინააღმდეგება მარქსიზ-ლენინიზმის კლასიკოსების შეხედულებებსაც შრომის მწარმოებლურობაზე. კ. მარქსი შრომის მწარმოებლურობის ამაღლებას უკავ-

შირებდა არა აბსტრაქტული შრომის დანახარჯების გადიდებას, არამედ კონკრეტული შრომის ნაყოფიერების ამაღლებას<sup>1</sup>. სხვა ადგილას იგი საესეებით გარკვეულად მიუთითებდა, რომ არასწორია შრომის მწარმოებლური ძალის გადიდება ვუწოდოთ თვითონ შრომის გადიდებას, შრომის მწარმოებლური ძალის გადიდება, მისი აზრით, გულისხმობს შრომის უფრო მეტ ეფექტიანობას, რითაც ხასიათდება მოცემული რაოდენობის შრომა და არა გამოყენებული შრომის როდენობის რაიმე ცვლილებას<sup>2</sup>. მაშასადამე კ. მარქსის მიხედვით, შრომის მწარმოებლურობა საკუთრივ შრომის მახასიათებელი ფენომენია, რომელიც გამოხატავს შრომის უნარს ამრავლოს თავისი შედეგიანობა. ეს უკანასკნელი კი აუცილებლად როდენობრივი შედეგის გამრავლებას კი არ გულისხმობს, არამედ შედეგის თვისებრივ გამრავლებას, სახმარი ღირებულების ხარისხის ამაღლებას.

მაშასადამე, პროდუქციის სახმარი ღირებულების ამაღლების პირობებში შესაძლებელია შრომის მწარმოებლურობის არსებული დონე შენარჩუნებულ ან ამაღლებულ იქნეს იმ შემთხვევაშიც კი, თუ ერთ მუშაკზე გაანგარიშებული გამოშვებული პროდუქციის რაოდენობა არ შეიცვლება, ან შემცირდება. მთავარია არა თავისთავად ეროვნული შემოსავლის ზრდის ტემპები, არამედ მისი სახმარი ღირებულების ამაღლება, რაც საზოგადოებრივი და პირადი მოთხოვნილებების უფრო უკეთ დაკმაყოფილების საშუალებას იძლევა. ამ დებულების მართებულობა კარგად ჩანს იქიდან, რომ სადღესოდ გამოშვებული პროდუქციის დიდი რაოდენობის რეალიზაცია არ ხდება მისი უხარისხობის გამო. ამ შემთხვევაში საქმე გვაქვს რესურსების პირდაპირ დაფლანგვასთან საზოგადოებისათვის და შრომის მწარმოებლურობის რაიმე დონეზეც კი ლაპარაკი ზედმეტია — გამოშვებული პროდუქცია თავის დანიშნულებას ვერ ასრულებს, პირიქით, მისი შენახვისთვისაც კი ზედმეტი დანახარჯებია საჭირო.

არსებითია ისიც, რომ არანივთობრივი პროდუქციის წარმოება მეცნიერული ცოდნის, ინფორმაციის, პროგრამულ-მათემატიკური უზრუნველყოფის სახით თანამედროვე საზოგადოებისათვის არანაკლები მნიშვნელობისაა, ვიდრე ნივთობრივი პროდუქციის წარმოება, მატერიალურ წარმოებაში კომპლექსური ავტომატიზაციის გამო სულ უფრო მცირდება დასაქმებულთა რიცხოვნობა. თეორიულად დასაშვებია სახალხო მეურნეობის კიბერნეტიზებული მართვა ისე, რომ ადამიანი საერთოდ არ მონაწილეობდეს უშუალოდ დასაქმების პროცესში. წარმოების ეფექტიანობის ამაღლებისათვის, მუშაკთა დასაქმებისათვის განსაზღვრულ მნიშვნელობას იძენს წინა საწარმოო სფერო, წარმოების პროცესი კი სულ უფრო მეტად მეცნიერულ საფუძველზე ხორციელდება, მაგრამ ამას ჯერ კიდევ კ. მარქსი მიგვანიშნებდა. ამიტომ მთლიანად მეცნიერების, წარმოების მართვის აპარატის შრომა უთუოდ მწარმოებლური შრომაა. ამასთან განსახილველ საკითხებთან დაკავშირებით მთავარ მნიშვნელობას იძენს ის, რომ თვითონ ნივთობრივი პროდუქტის წარმოება სულ უფრო მეტად მეცნიერულ, რთულ შრომასთან არის დაკავშირებული, რომელიც დროის ერთეულში უფრო მეტ ღირებულებას და მეტ სახმარ ღირებულებას აწარმოებს.

როგორც ჩანს, საზოგადოებრივი შრომის მწარმოებლურობის განუზრ-

<sup>1</sup> Маркс К., Энгельс Ф., Соч. т. 23, с. 55.

<sup>2</sup> Там же, т. 26, ч. III, с. 451.

ლი აღმავლობის კანონის შინაარსი გულისხმობს არა ერთ მუშაკზე გაანგარიშებული პროდუქციის მოცულობის ზრდის ტემპების განუწყვეტელ მატებას, არამედ ცოცხალი და განვითარებული შრომის ეკონომიას, პროდუქციის სახმარი ღირებულების ხარისხის ამაღლებას, მამასადამე, შრომის მწარმოებლობის გაზომვაც ახლებურ გადაწყვეტას მოითხოვს.

ამასთან დაკავშირებით მეცნიერულ-ტექნიკური პროგრესის დაჩქარება გლინდება უწინარეს ყოვლისა მოხმარების ინტეგრალური ფონდის, ეროვნული შემოსავლის სახმარი ღირებულების ამაღლებით, პროდუქციის ხარისხის უმაღლესი დონის მიღწევით. უნდა ვესწრაფოდეთ, უწინარეს ყოვლისა, არა ეროვნული შემოსავლის მასის რაოდენობრივი გადიდებისაკენ, არამედ, რაც მთავარია, მისი სახმარი ღირებულების ამაღლებისაკენ, ამ ამოცანის მეთოდური გადაწყვეტა კი როგორც ცნობილია, ფრიად რთულია, რადგანაც დღემდე შეუძლებელია სახმარი ღირებულების უშუალოდ გაზომვა.

რაც შეეხება რესპუბლიკაში წარმოების ეფექტიანობის მაჩვენებლების დინამიკას, რომელიც გათვალისწინებულია XII ხუთწლედში და საქართველოს სსრ ეკონომიკური და სოციალური განვითარების ძირითადი მიმართულებებით 2000 წლამდე, ჩვენი აზრით, მთლიანად ვერ შეესაბამება თანამედროვე გარდაქმნის მოთხოვნებს, კერძოდ, ეფექტიანობის მსოფლიო დონის უზრუნველყოფის სტრუქტურული ამოცანის გადაწყვეტას. ეს განსაკუთრებით შეეხება სოფლისმეურნეობრივ წარმოებაში შრომის მწარმოებლობის დაგეგმვლ მაჩვენებლებს, რომლებიც ვერ უზრუნველყოფენ საშუალო საკავშირო მიჯნების მიღწევას უახლოესი 15 წლის განმავლობაში. ეფექტიანობის მაჩვენებლების ამაღლების შედარებით მოკრძალებულ ტემპებზე ორიენტაცია ჩვენი საგეგმო ორგანოების მხრივ, ჩვენი აზრით, შედეგია მეცნიერულ-ტექნიკური პროგრესის, სახალხო მეურნეობის მართვის სრულყოფის, ადამიანის ფაქტორის შესაძლებლობების ერთგვარი შეუფასებლობისა. მცირე მიზანი არასოდეს არ მოგვცემს დიდ შედეგს. საჭიროა ამ ფაქტორების სრული ამოქმედება შრომის მწარმოებლობის ამაღლების მეცნიერულ-ტექნიკური ორგანიზაციული სოციალური ფაქტორების სრული ამოქმედება, რომ რესპუბლიკაში რეალობად ვაქციოთ სოციალურ-ეკონომიკური განვითარების დაჩქარების კურსი უმნიშვნელოვანესი ფაქტორის — შრომის მწარმოებლობის რეალური და კარდინალური ამაღლების საფუძველზე.

რესპუბლიკის განვითარების ინტერესები, საჯაროობის დემოკრატიული პრინციპები მოითხოვს, რომ ისეთი უმნიშვნელოვანესი დოკუმენტი, როგორც რესპუბლიკის ეკონომიკური და სოციალური განვითარების ძირითადი მიმართულებებია ყოველთვის საყოველთაო განხილვის საგნად იყოს გამოტანილი. ამჟამად მისი შემუშავება მხოლოდ საგეგმო კომიტეტის მონაპოვლია, რომელიც ხშირად არც კი იწვევს მეცნიერ ეკონომისტთა ფართო წრეს ამ დოკუმენტის ექსპერტიზაციისათვის. ეკონომიკურმა მეცნიერებამ თავის მხრივ დროულად უნდა იზრუნოს აქტუალური თეორიული და პრაქტიკული საკითხების გადაწყვეტისათვის. მათ შორის ერთ-ერთი უპირველესი საკითხია შრომის მწარმოებლობის მსოფლიო დონის უზრუნველყოფის საკითხი რესპუბლიკის სახალხო მეურნეობაში.

ეკონომიკისა და სამართლის ინსტიტუტის პოლიტიკური ეკონომიის განყოფილების გამგის, ეკონ. მეცნ. კანდიდატის მ. გველესიანის გამოსვლაში ხაზგასმით აღინიშნა, რომ ჩვენს სამეცნიერო ლიტერატურაში შრომის ნაყო-

ფიერების პრობლემას ხშირად განიხილავენ ერთ-ერთ რომელიმე ასპექტში, სხვა ასპექტებთან მათი ერთიანობა კი ისე მკვეთრად არაა ხოლმე გამოკვეთილი, როგორც საჭიროა.

განსაკუთრებით მნიშვნელოვანია შრომის წაყოფიერების ხარისხობრივ განზომილებათა საკითხი, რადგან განზომილება ამ შემთხვევაში ნივთის თვისებრივი მხარის რაოდენობრივ გამოხატვას უნდა უზრუნველყოფდეს.

ამ საკითხის კერძო შემთხვევაა შრომის წაყოფიერების მაჩვენებელში პროდუქციის ხარისხის ასახვის საკითხი.

თითქოს გარკვეულია, რომ პროდუქციის ხარისხის ზრდა, სხვა თანაბარ პირობებში, შრომის წაყოფიერების ზრდის ტოლფასია და რომ ახალი, გაუმჯობესებული სახეობის პროდუქტის წარმოება ხარისხისა და შრომის წაყოფიერების ზრდას ნიშნავს. მაგრამ როგორ გავზარდოთ ეს ზრდა, როგორ ავსახოთ იგი, პროდუქციის რაოდენობის უცვლელობისას, შრომის წაყოფიერების მაჩვენებლის მრიცხველში? ალბათ, ისე, რომ გაუმჯობესებული პროდუქციის ფასი შედარებით მაღალი უნდა იყოს. მაგრამ, ჯერ ერთი, ამ პროდუქციის ფასის ზრდა მისი სასარგებლო თვისებების ზრდის პროპორციულად არ ხდება, — ხან ნაკლებად ხდება, ხან კი მეტადაც, და ამას თავიდან ვერ ავიცილებთ რადგან პროდუქციის საზოგადოებრივი აღიარება, რომელმაც საბოლოოდ ფასით უნდა პოვოს გამოხატვა, არ შეიძლება ნივთის თვისებათა პროპორციული სიდიდე იყოს. მერე, როგორღა შევაფასოთ ის პროდუქცია, რომლის თვისებები უცვლელი დარჩა, მაგრამ რომელმაც კონკურენტუნარიანობა დაკარგა იმის გამო, რომ მასზე უკეთესი პროდუქციის დამზადება იწყეს? შრომის წაყოფიერება წარმოების ამ უბანზე თითქოს არ დაეცემა (თუ ვიმსჯელებთ პროდუქციის სასარგებლო თვისებებისა და მასზე დახარჯული დროის მიხედვით), მაგრამ ეს ამ მაჩვენებლის წმინდა ტექნიკური ასპექტია. სინამდვილეში აქ დახარჯული შრომის საზოგადოებრივი წაყოფიერება. მისი საზოგადოებრივი სარგებლიანობა დეცა.

ამასთან დაკავშირებული, მაგრამ ამავე დროს დამოუკიდებელი და კიდევ უფრო საინტერესო ასპექტი ამავე პრობლემისა არ არის, რომ სამეცნიერო-ტექნიკური პროგრესის ზოგიერთი ტენდენცია, რომლებიც სულ უფრო ძლიერდება, მოითხოვს შრომის წაყოფიერების თვით ცნების ახლებურ გაგებას. ტექნიკის მინიატურისაცაა მიდის იქამდე, რომ ისახება უმანქანო წარმოების პერსპექტივა, — ადამიანი იმ ზომით შეიცნობს ბუნების ძალებს, რომ მას თავისი მოთხოვნილებების სულ უფრო მეტი ნაწილის დაკმაყოფილები-სათვის სჭირდება სულ უფრო ნაკლები ტექნიკა; ტექნიკის ზომები მცირდება, მცირდება მოთხოვნილება ნედლეულზე, მასალაზე, სათბობზე და სხვ. ცხადია, ამ ტენდენციის გააბსოლუტება არ შეიძლება, მაგრამ მან სულ უფრო მეტად უნდა აჯობოს და გაბატონდეს თავის საპირისპირო ტენდენციებზე. სხვაგვარად ეკონომიკური განვითარება ჩიხში აღმოჩნდება, არაფერი რომ აღარ ვთქვათ ეკოლოგიურ კოლაფსზე, რაზეც აქ ამხ. თ. ჩიკვაიძემ ილაპარაკა. ხოლო ასეთ პირობებში შრომის წაყოფიერებას ვეღარ გამოვხატავთ დროის ერთეულში წარმოებული პროდუქციის რაოდენობით, იგი იმით უნდა გამოვხატოთ, თუ რამდენ საზოგადოებრივ მოთხოვნილებას აკმაყოფილებს (და რა ხარისხით აკმაყოფილებს) ცოცხალი შრომის დანახარჯი დროის ერთეულში.

როდესაც შრომის წაყოფიერების ცნებისა და მისი რაოდენობრივი გამოხატულების ამგვარ გაგებას ვამტკიცებთ, ისიც არის მხედველობაში მიღებული, რომ ხდება მოთხოვნილებათა დიფერენციაცია, მათი ინდივიდუალი-

ზაცია და მომხმარებლის ჩარევა საწარმოო პროცესებში, რის გამოც მწარმოებლის საქმიანობა სამომხმარებლო შრომის სახეს იღებს. ესეც სწორედ იმას ნიშნავს, რომ შრომის ნაყოფიერების ცნების ეკონომიკური შინაარსი იცვლება. ოღონდ ამ შემთხვევაში ყურადღებას ვამახვილებთ იმაზე, რომ სამომსახურედ შრომის ნაყოფიერება ვერ იქნება იმით გამოხატული, თუ რამდენი მომხმარებლის რამდენი მოთხოვნილება დააკმაყოფილა ამ შრომამ. შეიძლება ეს რაოდენობრივი მაჩვენებლები კლებულობდეს კიდევ იმის გამო, რომ იზრდება მოთხოვნა მომსახურების ხარისხზე.

მწარმოებელ-მომხმარებლის ახლებურ ურთიერთობას, მათი ფუნქციების თავისუფალ გაცვლას, მომსახურების აქტიურ ჩარევას წარმოების პროცესში, ცვლილებები შეაქვს წარმოებითი ურთიერთობის მთელს სისტემაში, რაც შრომის ნაყოფიერების მაჩვენებლებზეც ახდენს ზეგავლენას. საჭიროა ხელი შევეწყოთ შრომის გამოცვლის კანონის ამგვარი მექანიზმის განვითარებას, ვიზრუნოთ ერთიმეორიდან მჭიდროდ დაკავშირებულ დარგთა კომპლექსურ განვითარებაზე ტერიტორიულ ერთეულებში. სახელდობრ, ვფიქრობ ჩვენს რესპუბლიკაში უნდა გამოვიდეთ იქიდან, რომ აქ უნიკალური საწარმოო პირობებია ბევრი სახის სასოფლო-სამეურნეო პროდუქციისათვის, რომელზეც საბჭოთა ადამიანების მოთხოვნილება სულ უფრო იზრდება, და რომ ეს უნიკალური პირობები ასევე განსხვავებულია სხვადასხვა რაიონებში, რაიონთა შიგნით და ცალკეულ მეურნეობათა შიგნითაც კი. ამგვარ ვითარებაში, საზოგადოებრივი შრომის ნაყოფიერების ზრდის უზრუნველსაყოფად, აუცილებლად უნდა მივიჩნიოთ სასოფლო-სამეურნეო მანქანათმშენებლობის განვითარება და სოფლის მეურნეობას შორის კადრების თავისუფალი გაცვლის მექანიზმის შექმნა. სამუშაო ძალის გაცვლას მრეწველობასა და სოფლის მეურნეობას შორის ახლაც აქვს ადგილი, მაგრამ იგი ხდება ადმინისტრაციული წესითა და მითითებებით, ეკონომიკური მექანიზმი კი ამ გაცვლისა ჯერჯერობით არ არსებობს. არადა, იგი ძალიანაა საჭირო. მას შეუძლია სოფლის მეურნეობაში გადმოისროლოს სამუშაო ძალა დაძაბულ — „პიკის“ პერიოდებში. მეორე მხრივ კი, სოფლის მეურნეთა განსაკუთრებით ინჟინერ-ტექნიკური პერსონალის, კვალიფიკაციის ამაღლებამ საშუალება უნდა მისცეს ამ მუშაკებს, სოფლად შედარებითი მოცალეობის ქაშს უშუალოდ ჩაერიონ მათთვის საჭირო მანქანათმშენებლობის უშუალო დაპროექტებასა და დამზადებაში, რამეთუ სწორედ მათ უწყიან ყველაზე უკეთ, თუ რა და როგორი ტექნიკა მოერგება მთლიანად სასოფლო-სამეურნეო სამუშაოებს ადგილობრივ, ზოგჯერ — განუყოფებელ პირობებში.

საქმიანობის გაცვლის ასეთი ტიპისა და დონისათვის ჯერჯერობით, უთუოდ, ყველა პირობა როდია მზად. მაგრამ ჩვენ ხომ უნდა დავაპროექტოთ წარმოებისა და მისი ურთიერთობის განვითარება ხანგრძლივი პერიოდისათვის მომავლის კადრების სამეცნიერო-ტექნიკური დონის ზრდის გათვალისწინებით? ჩვენ ხომ თვითონ უნდა ვიზრუნოთ ამ პირობათა შექმნისათვის? მწარმოებელ-მომხმარებლის ფუნქციათა თავისუფალი გაცვლა (ე. წ. დიფუზია) წარმოუდგენელია ინტერესთა დარგთაშორისი კორდინაციის, საერთოდ, წარმოებით ურთიერთობათა მთელი მექანიზმის გარდაქმნის გარეშე. ხოლო ეს ახალი ფორმები ურთიერთობის, მეურნეობის გაძღოლის ახალი მეთოდები მოწოდებულია შექმნას შრომის ახალი მწარმოებლური ძალა, რომელიც მიუწევდომელია კაპიტალიზმისათვის.

ხაზგასმით უნდა აღინიშნოს, რომ მეურნეობის ახალ მეთოდებში, წარმოების ურთიერთობის ახალ ფორმებში აქ არ იგულისხმება კონკურენცია, თუნდაც რაიმე ახალი შინაარსით, თუნდაც — სოციალისტური შინაარსით გამოდრებული. თუ დღეს კონკურენცია დაეწესება, თუ იგი დღეს გვეპირდება გარკვეულ სფეროებში, გარკვეულ ფარგლებში და გარკვეული ზომით, ეს იმას როდი ნიშნავს, რომ შრომის ნაყოფიერების უმაღლესი კაპიტალიზმისათვის მიუწევდომელი დონე კონკურენციაზე დაყრდნობით ან თუნდაც მისი გამოყენებით შეიძლება იქნას მიღწეული. ჩვენ გვეპირდება შევიტყვის ამ სიტყვის კემპარიტად სოციალისტური გავებით, და ვინაიდან მისი მექანიზმი ჯერ კიდევ არაა გამართლებული და ეფექტური, ამიტომაც კონკურენციის ელემენტთა დაშვება საჭირო, მაგრამ საბოლოო ანგარიშით, ჩვენ სოციალისტურ შევიტყვისას ქმედობითობა უნდა გავუზარდოთ და მას დავეყრდნობით.

აქ ზედმეტი არაა გავიხსენოთ ისიც, რომ კაპიტალიზმიც, თავისი განვითარების პირველ საუკუნეებში, ფართოდ იყენებდა მეურნეობის გაძლიერების იმ ფორმებსა და მეთოდებს, რომლებიც ფეოდალიზმისათვისაა დამახასიათებელი. კაპიტალიზმი არსებობდა, თვისებრივად, მას უკვე დაძლეული ჰქონდა ფეოდალური წარმოების წესი, მაგრამ შრომა უმეტესწილად ფორმალურად იყო დაქვემდებარებული კაპიტალს.

ეს იყო ახალი წარმოების წესის ქმნადობის ტიპილები, რომლებსაც კაპიტალიზმმა ბოლო მოუღო მხოლოდ თავისი ადეკვატური, მანქანურ ინდუსტრიაზე დამყარებული მატერიალურ-ტექნიკური ბაზის შექმნის შემდეგ. ხოლო მატერიალურ-ტექნიკური ბაზა, რომელიც ახალი, კომუნისტური წარმოების წესისთვისაა ადეკვატური, არ შეიძლება ეყრდნობოდეს მხოლოდ და მხოლოდ მანქანურ ინდუსტრიაზე, იგი გულისხმობს წარმოების ნივთობრივ და პიროვნულ ფაქტორთა თვისებრივად ახალ მდგომარეობას, რაც უზრუნველყოფს წარმოებაში როგორც შემსრულებლის, ისე მომხმარებლის ადგილისა და როლის პრინციპულ შეცვლას. ვფიქრობ, მხოლოდ ამგვარ მატერიალურ-ტექნიკურ ბაზაზე გადასვლის ეტაპი რომელიც, სასურველია დაიწყოს ორი ათასწლეულის მიჯნაზე, ვახდება შრომის ნაყოფიერების დონის მხრივ სოციალიზმის გადამწყვეტი უპირატესობის მოპოვების ეტაპი.

ეკონომიკისა და სამართლის ინსტიტუტის აგრო-სამრეწველო კომპლექსის ეკონომიკური პრობლემების განყოფილების გამგის, ეკონ. მეცნ. კანდ. დიასამიძის გამოსვლაში ითქვა, რომ ინტერესს მოკლებული არ იქნება შრომის ნაყოფიერების პრობლემები გავვეანალიზებინა არა მარტო საერთო სახალხომეურნეობრივ ასპექტში, არამედ დარგობრივ ჰრილშიც, გვეჩვენებია ამ თვალსაზრისით ცალკეული დარგების თავისებურებანი, მათი ადგილი და როლი ქვეყნის ეკონომიკური ზრდის დაჩქარებაში და გამოგვევლინებია თითოეულ დარგში არსებული შინაგანი რეზერვები. ამ კუთხით საინტერესოა შევხებით ეკონომიკის აგარაულ სექტორში არსებულ პრობლემებს.

საერთოდ უნდა აღინიშნოს, რომ სასოფლო-სამეურნეო წარმოების ზრდის ტემპები პირდაპირ ზეგავლენას ახდენენ. ეკონომიკური ზრდის ტემპებზე საერთოდ. თუ ხუთწლეულების მიხედვით გვაანალიზებთ სსრ კავშირში სასოფლო-სამეურნეო წარმოებისა და ეროვნული შემოსავლის ზრდის ტემპებს, დავინახავთ რომ ხუთწლეუდში (VIII), როცა მაღალი იყო სასოფლო-სამეურნეო წარმოების ზრდის ტემპები შესაბამისად მაღალი იყო აგრეთვე ეროვნული შემოსავლის ზრდის ტემპიც და, პირიქით, როცა დაბალი იყო სოფ-

ლის მეურნეობის ზრდის ტემპი (X, XI ხუთწლედები) შესაბამისად დაბალი იყო ეროვნული შემოსავლის ზრდის ტემპიც. ეს ბუნებრივია, ვინაიდან აგრარული სექტორის ხვედრი წონა ქვეყნის ეროვნულ შემოსავალში, თუ გავითვალისწინებთ სოფლის მეურნეობაში შექმნილი ღირებულების იმ ნაწილსაც, რაც ფასების მექანიზმის მეშვეობით გადანაწილდება სოფლის მეურნეობის სხვა დარგების სასარგებლოდ, დიდა — შეადგენს 27-28%-ს.

1966-70 წლების შემდეგ ჩამოყალიბდა სოფლის მეურნეობის პროდუქციის ზრდის ტემპების და აბსოლუტური ნამატის შემცირების ტენდენცია. სსრ კავშირის სოფლის მეურნეობის მთლიანი პროდუქციის საშუალო წლიური მატების ტემპი ხუთწლედების მიხედვით წინა ხუთწლედთან შედარებით ასეთია: VIII, ხუთწლედში შეადგენდა 4,1%-ს, IX ხუთწლედში — 2,5%-ს, X ხუთწლედში — 1,6%-ს, XI ხუთწლედში 1,1%-ს. საქართველოს სსრ-ში მატების ტემპი მნიშვნელოვნად მალაია, მაგრამ ტენდენცია, თუ მეათე ხუთწლედს არ მივიღებთ მხედველობაში აქაც კლებისაა, ხოლო აბსოლუტური მატება უმნიშვნელოა. რით იყო გამოწვეული ტემპების შენელება? რა თქმა უნდა პასუხი არ შეიძლება იყოს ერთმნიშვნელოვანი. იგი განპირობებული იყო მრავალი მიზეზით, რომელთა შორის აღსანიშნავია სოფლის მეურნეობის მართვა და დაეგმვა კომპლექსური მიდგომის გარეშე ე. წ. დარგობრივი პრინციპით, სასოფლო-სამეურნეო წარმოების ინტენსიფიკაციისა და ინდუსტრიალიზაციის ნელი ტემპები, სამეურნეო მექანიზმის სრულყოფის მიმართულებით გადადგმული ზოგიერთი ნაბიჯის მიუხედავად იგი ხელს ვერ უწყობდა დანახარჯების შემცირებას: კაპიტალდაბანდების ზრდა მნიშვნელოვნად ჩამორჩებოდა პროდუქციის ზრდის ტემპებს, შესაბამისად იზრდებოდა პროდუქციის ხვედრითი წილი კაპიტალდაბანდებებში; ნელა ინერგებოდა შრომის ორგანიზაციისა და ანაზღურების პროგრესული ფორმები. სკკპ XXVII ყრილობამ და პარტიის ცენტრალური კომიტეტის იანვრის (1987) პლენუმმა სათანადოდ შეაფასა ის მოვლენები, რომლებიც უკვე 70-იანი წლებიდან მოყოლებული ამუხრუჭებდნენ ეკონომიკური ზრდის, მათ შორის სასოფლო-სამეურნეო წარმოების ტემპებს. მიუხედავად სახელმწიფოებრივი შესყიდვის ფასების არაერთგზის გადიდებისა იგი სათანადო სტიმულს ვერ ქმნიდა კოლმეურნეობებსა და საბჭოთა მეურნეობებში, რამდენადაც შესყიდვის ფასების ზრდის პარალელურად იზრდებოდა პროდუქციის წარმოებაზე გაწეული დანახარჯები, მაგალითად, საქართველოს სსრ კოლმეურნეობებში 1965 წლიდან 1968 წლამდე მემცენარეობისა და მეცხოველეობის მთლიანი პროდუქციის ერთ მანეთზე (შესადარის ფასებში) წარმოების დანახარჯები 0,75 მან-დან 1,25 მან-მდე გაიზარდა. ასეთ პირობებში შესყიდვის ფასების გადიდება ვერ ასრულებდა მასტიმულირებელ ფუნქციას, იგი უპირატესად გადიდებული დანახარჯების დაფარვისათვის იყო გამიზნული.

დანახარჯები პროდუქციის ერთეულზე იზრდებოდა შრომის ნაყოფიერების ზრდის მიუხედავად. საქართველოს სსრ სოფლის მეურნეობაში (საზოგადოებრივ წარმოებაში) შრომის ნაყოფიერება საშუალოდ წლიურად XI ხუთწლედში 81,9%-ით უფრო მაღალი იყო, ვიდრე VIII ხუთწლედის შესაბამისი მაჩვენებელი. ასეთ პირობებში პროდუქციის თვითღირებულების ზრდას განაპირობებდა ზოგიერთ აუცილებელ თანაფარდობათა და კანონზომიერებათა დარღვევა, რასაც წლების მანძილზე ეკონომიკაში და კერძოდ, მის აგრარულ სექტორში ჰქონდა ადგილი. მატერიალური სტიმულირების მიზ-



ნით შრომის ანაზღაურების ზრდა ხშირ შემთხვევაში ხდებოდა სათანადო ეკონომიკური საფუძველის მომზადების გარეშე, რის გამოც მისი ზრდის ტემპები წინ უსწრებდა შრომის ნაყოფიერების ზრდის ტემპებს, რაც აძვირებდა პროდუქციას და უარყოფითად მოქმედებდა მეურნეობათა სამეურნეო-ფინანსურ მდგომარეობაზე.

სოფლის მეურნეობის პროდუქციის წარმოების გაძვირებას არანაკლებად უწყობდა ხელს ფასების არასწორი პოლიტიკა, რაც კონკრეტულ გამოხატულებას პოულობდა მრეწველობისა და სოფლის მეურნეობის პროდუქციაზე ფასების თანაფარდობის დარღვევაში. მხედველობაში გვაქვს იმ წარმოების საშუალებათა ფასები, რომელსაც მრეწველობა სოფლის მეურნეობას აწვდის. იგი, განსაკუთრებით, 1970 წლის საბითუმო ფასების შემოღების შედეგად უკვე იმდენად მაღალი იყო, რომ მიიმე ტვირთად აწვებოდა სოფლის მეურნეობას და აბრკოლებდა იმ ტემპების შენარჩუნებას, რაც გვქონდა VIII ხუთწლედში, როცა მრეწველობისა და სოფლის მეურნეობის პროდუქციაზე მიღწეული იყო ფასების ერთგვარი პარიტეტი.

ფასების — სამეურნეო მექანიზმის ამ ძლიერი ბერკეტის ზემოქმედების ძალა წარმოებაზე შესუსტებულია არა მარტო იმიტომ, რომ იგი ჩამორჩება დანახარჯების ზრდას პროდუქციის ერთეულზე, არამედ იმიტაც რომ ჩამოყალიბდა დიდი სხვაობა სახელმწიფო შესყიდვის ფასებსა და არაორგანიზებული ბაზრის ფასებს შორის. მაგალითად, უნგრეთში, სადაც ზემოდან არ ხდება პროდუქციის წარმოების დაგეგმვა ეფექტიანად გამოიყენება ფასების მექანიზმი როგორც წარმოების მარეგულირებელი ფაქტორი და ეს, ჩვენი აზრით, მიღწევა იმის შემდეგ, რომ განსხვავება შესყიდვის ფასებსა და თავისუფალი ბაზრის ფასებს შორის ძალიან მცირეა, ზოგიერთი სახის პროდუქციაზე თითქმის თანაბარ დონეზეა. ამის გამო სახელმწიფო შესყიდვის ფასების მექანიზმის უშუალო ზემოქმედებით სხვა ბერკეტების გამოყენებასთან ერთად ადვილად ხერხდება ამა თუ იმ სახის პროდუქციის წარმოების გადიდების ან შემცირების რეგულირება. ჩვენთან შესყიდვის ფასების არაერთგზის გადიდების მიუხედავად, იგი ასეთი რეგულატორის რგოლში ჯერჯერობით მაინც ვერ გამოდის, ვინაიდან მთელ რიგ პროდუქტებზე მისი დონე კვლავ მნიშვნელოვნად უფრო დაბალია, ვიდრე არაორგანიზებული ბაზრის ფასებისა, ამიტომ სათანადო სტიმულს ვერ უქმნის მწარმოებელს.

სასოფლო-სამეურნეო წარმოების ზრდის ტემპების დაჩქარებისათვის აუცილებელია ავამაღლოთ ეკონომიკური ბერკეტებისა და, კერძოდ, ფასების მექანიზმის გამოყენების ეფექტიანობა, არა ფასების გადიდების გზით, არამედ გეგმიანი ფასწარმოქმნის მეთოდოლოგიური საფუძვლების საშუალებით.

საქართველოს სსრ მეცნიერებისა და ტექნიკის სახელმწიფო კომიტეტის სახალხო მეურნეობის მართვის ინსტიტუტის წარმომხდელი ურთიერთობათა სრულყოფის პრობლემების კვლევის სექტორის გამგე, **ეკონ. მეც. კანდ. დ. იაკობიძემ** აღნიშნა, რომ დიდი მნიშვნელობა ენიჭება შრომის ნაყოფიერების ამაღლებას, როგორც სოციალიზმის მიზანდასახულობათა განხორციელების აუცილებელ პირობას და არა მიზანს, როგორც ამას ზოგიერთი სპეციალისტი მიიჩნევს. დაჩქარების კონცეფციის ცხოვრებაში გატარება მოითხოვს სახალხო მეურნეობის გაძლიერებაში პრინციპულ ცვლილებებს. აუცილებელია გარდაქმნის პროცესში ჩამოყალიბდეს ახალი ეკონომიკური აზროვნება. ამ მიმართულებით მნიშვნელოვანია ჩვენი „მრგვალი მაგიდაც“ რომელიც სა-

ქართველოს მეცნიერებათა აკადემიის ეკონომიკისა და სამართლის ინსტიტუტის კიდევ ერთი კარგი ინიციატივაა.

ახალი ეკონომიკური აზროვნებისა და გარდაქმნის კონცეფციის პოზიციებიდან გამომდინარე, ზოგიერთი მეცნიერის მიერ შემოთავაზებული თეორიული დებულებები გამოარჩევიან მკვეთრი სიახლით, მაგრამ ეს არაა საკმარისი მათი სისწორის დასამტკიცებლად. ამ საკითხის განხილვა მნიშვნელოვნად მიგვაჩნია.

ჩვენი აზრით, არსებითი მნიშვნელობისაა წინააღმდეგობა დაგროვილ თეორიულ ცოდნასა და იმ ემპირიულ მასალას შორის რომელსაც ჩვენი სახალხო მეურნეობა გვაწვდის. როგორც აღიქმება ამჟამად მიმდინარე გარდაქმნების ფონზე, უაღრესად ჩვენი ნორმატულ-პარამეტრული წარმოდგენები (ფორმალური ლოგიკის თვალსაზრისით) სახალხო მეურნეობაში მიმდინარე პროცესების შესახებ, უაღრესად არსებით მნიშვნელობას იძენს. ლიტერატურაში გაჩნდა მოსაზრებები, რომელთა მიხედვითაც ეკონომიკურმა მეცნიერებებმა თავი უნდა დააღწიონ ეგრეთ წოდებულ ნორმატულ მიმართულებას და განვითარდეს პრობლემურად. ყურადსაღებია ისიც, რომ ნორმატულ მიმართულებად ეკონომიკურ თეორიაში მიიჩნევენ, ისეთ მიმართულებას, რომლებიც შეისწავლიან წარმოებით ურთიერთობებს „წმინდა სახით“. ასეთ მსჯელობას ეკონომიკური თეორიისათვის მხოლოდ ზიანის მოტანა შეუძლია. ამაში იოლად დაერწმუნდებით. ჯერ ერთი, როდესაც ვცდილობთ გავცეთ პასუხი კითხვებს: რა არის გარდაქმნა? რას ნიშნავს ახალი ეკონომიკური აზროვნების ფორმირება?, როგორ დავაჩქაროთ სოციალურ-ეკონომიკური განვითარება? და ა. შ. მეორეც „წმინდა სახით“ წარმოებით ურთიერთობათა ანალიზის დამოუკიდებელ მიმართულებად გამოცხადება და მისი დაპირისპირება პრობლემური აზროვნებისადმი მექანიკურად თიშავს ერთმანეთისგან სოციალიზმის წარმოებით ურთიერთობების ზოგადკომუნისტური და მიმდინარე ეტაპისათვის დამახასიათებელ სპეციფიკურ ეკონომიკური ფორმების ანალიზის დიალექტიკას. როგორც ვხედავთ, ჯერ ერთი წინასწარ უნდა განისაზღვროს ცალკეული ცნებების შინაარსი, სხვაგვარად შეუძლებელია თეორია გადაიქცეს პრაქტიკაზე ზემოქმედების საშუალებად, მეორეც წარმოებით ურთიერთობათა „წმინდა სახით“ კვლევა იძლევა საზოგადოების განვითარების სწორი ორიენტირის ჩამოყალიბების საშუალებას.

ჩვენს გამოსვლაში საშუალება არა გვაქვს გარდაქმნის დაჩქარების წყურვილით შემოთავაზებული ყველა „სიახლე“ გავაანალიზოთ, ამიტომ მხოლოდ ერთ ასეთ „სიახლეზე“ შევაჩერებ თქვენს ყურადღებას. ამასთანავე აღვნიშნავ, რომ ეკონომიკურ ლიტერატურაში „ტემპების ხარისხის“ შესახებ დასმული საკითხი მცდარია. ჯერ ერთი, იმიტომ, რომ ცნება ტემპი რაოდენობრიობის გამომხატველია და შეიძლება მხოლოდ მის გაანგარიშების ხარისხზე ლაპარაკი და არა თვით მის ხარისხზე. მეორე, იმიტომ რომ, სხვადასხვა ეკონომიკური მაჩვენებლის ზრდის ტემპები როგორი სიზუსტითაც არ უნდა იყოს ფიქსირებული, ხარისხობრივი პოზიციებიდან განხილვა რეალურად არის ამ ეკონომიკურ მაჩვენებელთა თვისობრივი მხარეების შეცნობის მცდელობა, მესამე — ეკონომიკური „განვითარების ტემპის ხარისხი“, განხილვა, როგორც ორიენტაცია არა პროდუქციის რაოდენობაზე არამედ ხარისხზე გვევლინება. ცალკეული სახის სახმარ ღირებულებებს შორის სწორი თანა-

ფარდობის დამყარების რაოდენობრივ ზომად. ეს კი სხვა არაფერია თუ არა პროპორცია. ამგვარად, ჩვენი აზრით, ტემპი სახალხო მეურნეობის და მისი ცალკეული მომენტების დროში განვითარების რაოდენობრივი ცვლილებების ამსახველი მოვლენაა და მისთვის სხვა მნიშვნელობის მინიჭება შეუძლებელია. ხოლო ტემპსა და პროპორციას შორის დამოკიდებულება ეკონომიკური მოვლენების მიმართ უნდა განვიხილოთ, როგორც ურთიერთშემავსებელ და ურთიერთშემცვლელ ფორმებს შორის არსებული დამოკიდებულება.

ეკონომიკისა და სამართლის ინსტიტუტის წამყვანმა მეცნიერ თანამშრომელმა, ეკონ. მეცნ. კანდ. მ. ჯიბუტმა თქვა:

— მე შევეჩვიე წმინდა თეორიულ საკითხს, რომელსაც უშუალოდ პრაქტიკული ფასეულობა არ აქვს, მაგრამ მას, ისე როგორც თეორიის ნებისმიერ საკითხს, ვადაწვევტი მნიშვნელობა ენიჭება იმის გასარკვევად თუ როგორ ვცხოვრობთ და როგორ უნდა ვიცხოვროთ. ამდენად ეს მსჯელობა მტკივნეულად ეხება ჩვენს ინტერესებსაც. ლაპარაკია ორი დებულების გაგების შესახებ, ერთი დებულება ეკუთვნის ვ. ი. ლენინს, მეორე კი ჩამოყალიბებულია სკკპ პროგრამის ახალ რედაქციაში.

ვ. ი. ლენინი ამბობს: „შრომის ნაყოფიერება, ეს, საბოლოო ანგარიშში, ყველაზე მნიშვნელოვანი, ყველაზე მთავარია ახალი საზოგადოებრივი წყობილების გასაძარკვებლად... კაპიტალიზმი შეიძლება საბოლოოდ დამარცხდეს და კიდევაც დამარცხდება საბოლოოდ იმით, რომ სოციალიზმი ქმნის შრომის ახალ, გაიღებთ უფრო მაღალ ნაყოფიერებას“ (ვ. ი. ლენინი, თხზ., ტ. 29, გვ. 499).

ამ დებულებასთან დაკავშირებით ეკონომიკურ ლიტერატურაში დაისვა კითხვა: როდის მიადევნებს სოციალიზმის საწარმოო ძალები იმ თვისებრივ მდგომარეობას, რომ შრომის მწარმოებლურობამ სოციალიზმის დროს საყოველთაოდ და საგრძნობლად გადააჭარბოს ყველაზე განვითარებული კაპიტალისტური ქვეყნების მაჩვენებლებს? ან შესაძლებელია ეს სოციალიზმის სტადიაზე. საერთოდ თუ არა? კითხვაზე პასუხში გამოიკვეთა ორი პოზიცია: ერთნი თვლიან, რომ სოციალიზმის დროს შრომის ნაყოფიერების აღნიშნული დონის მიღწევა შეუძლებელია და რომ ეს მოხდება კომუნისმის დროს. მეორენი კი ამტკიცებენ რომ კაპიტალიზმზე საბოლოო გამარჯვება სოციალიზმის ისტორიულ საზღვრებში უნდა მოხდეს. ნებისმიერი საკითხის გასარკვევად ჩვენ ვუბრუნდებით მარქსიზმის კლასიკოსებს. მოცემულ შემთხვევაში ამ გზით ვერაფერს ვერ გადავწყვეტთ. საქმე ისაა, რომ საკითხის ასეთი დასმა კ. მარქსსა და ფ. ენგელსს არ ჰქონიათ. ისინი უშვებდნენ, რომ სოციალიზმი გაიმარჯვებდა ყველა, ან უმრავლეს, ამასთან ყველაზე უფრო განვითარებულ კაპიტალისტურ ქვეყანაში და ახალი წყობილება ბუნებრივია უზრუნველყოფდა შრომის უფრო მაღალ ნაყოფიერებას. იმპერიალიზმის სტადიაზე კაპიტალიზმის უთანაბრო განვითარების კანონის აღმოჩენის საფუძველზე ვ. ი. ლენინი მივიდა ერთ ქვეყანაში სოციალიზმის გამარჯვების შესაძლებლობის დასკვნამდე. სინამდვილეშიც ასე მოხდა. სოციალისტურმა რევოლუციამ გაიმარჯვა ერთ, ცალკე აღებულ ქვეყანაში — რუსეთში. ამას მოჰყვა მსოფლიოს გაყოფა ორ სოციალურ-ეკონომიკურ სისტემად. მათ შორის იდეოლოგიური, პოლიტიკური და ეკონომიკური ბრძოლის პირობებში სოციალიზმის ამოცანა ჩამოყალიბდა ზემოთმოცემული ლენინისეული დებულების სახით. ეს კიდევ ერთხელ ადასტურებს, რომ ლაპარაკია სოციალიზმის ეტაპზე

და არა კომუნისმის უმაღლეს ფაზაზე. დასტურის გარდა საჭიროა დასაბუთებაც. შრომის მწარმოებლურობის ზრდის ფაქტორებია: მექანიზაცია, ავტომატიზაცია, შრომის მეცნიერული ორგანიზაცია, შრომის ეკონომიკა, შრომის დისციპლინა და სხვ. რომელთაგანაც არც ერთი არ წარმოადგენს ისეთს, რომ პრინციპულად მიუღწეველი იყოს ან სოციალიზმისათვის ან კაპიტალიზმისათვის. საერთოდ ტექნიკის, ტექნოლოგიის და მთლიანად საწარმოო ძალების განვითარების თვალსაზრისით არ შეიძლება პრინციპული უპირატესობის მოპოვებაზე ლაპარაკი. ამას დასტურებს თუნდაც სამხედრო პარტიტის არსებობა დასავლეთსა და აღმოსავლეთს შორის. სამხედრო მრეწველობა გადის ტექნოლოგიის მოწინავე ხაზზე. სხვათა შორის როგორც პირველი სამეცნიერო-ტექნიკური რევოლუცია (40-50-იანი წწ.), ისე მეორე (70-80-იანი წწ.) სამხედრო წარმოებაში დაიწყო. მაგრამ არის თუ არა ისეთი ობიექტურად არსებული უპირატესობა სოციალიზმის ეკონომიკურ მექანიზმში, რომლის რეალიზაცია უზრუნველყოფს კაპიტალისტურ ქვეყნებზე მაღალი შრომის მწარმოებლურობის მიღწევას სოციალისტურ ქვეყნებში? წინააღმდეგ შემთხვევაში დგება დებულების საკითხი. კრიტიკიკში, როცა ვლაპარაკობთ კაპიტალიზმისათვის მიუღწეველი შრომის მწარმოებლურობის დონეზე ერთია. იგულისხმება ისეთი დონე, რომელიც მოითხოვს წარმოების ისეთ მუშაკს რომელიც თავისუფალია, ყოველმხრივ და ჰარმონიულადაა განვითარებული და რომლისთვისაც შრომა პირველ სასიცოცხლო მოთხოვნილებას წარმოადგენს. ასეთი რამ კომუნისმის უმაღლეს საფეხურზეა მხოლოდ მისალოდნელი. მაშინ გამოდის, რომ სწორია ის დასკვნა, რომელსაც პირველი პოზიციის წარმომადგენლები აკეთებენ. ზოგადად ის სწორია, მაგრამ ცალმხრივია, არ შეიძლება სოციალიზმის ეტაპზე კაპიტალიზმზე გამარჯვების გამოჩინება. კომუნისტური ურთიერთობები ერთი ხელის დაკვრით არ წარმოიშობიან. ისინი წარმოადგენენ სოციალიზმის დროს არსებული ზოგადკომუნისტური ურთიერთობების საყოველთაობის ფორმას. ამიტომ უკვე სოციალიზმის წიაღში მოიპოვება ისეთი ობიექტური უპირატესობები, რომელმაც უნდა უზრუნველყოს კაპიტალიზმთან ეკონომიკურ შეჯიბრში გამარჯვება. ესაა — ახალი ტიპის მუშაკის ჩამოყალიბების პროცესი ყოველმხრივი დემოკრატიზაციის, მშრომელთა მართვაში მონაწილეობის გაზრდითა და ა. შ. გზით. ესაა — წარმოების სოციალისტური ტიპის ჩამოყალიბება — შრომის გეგმავთმობიერი კოლერაცია საზოგადოების მასშტაბით, რაც კაპიტალიზმისათვის მიუღწეველია. ესაა — სოციალისტური წარმოებითი ურთიერთობების სრულყოფის შესაძლებლობები. ესაა — სოციალისტური წარმოების მიზნის მასტიმულირებელი როლი, რომელიც უზრუნველყოფს სოციალისტური წარმოების უფრო რაციონალურ ორგანიზაციას. ესაა — ქვეყნის სოციალურ-ეკონომიკური დაჩქარებული განვითარების უზრუნველყოფა.

ამ უკანასკნელთან დაკავშირებით დგება მეორე დებულების გავების საკითხი. სკკპ პროგრამაში წერია: „მეცნიერულ-ტექნიკური პროგრესის, ტექნიკისა და ტექნოლოგიაში ძირეული გარდაქმნების, მთელი ტექნიკური, ორგანიზაციული, ეკონომიკური და სოციალური ფაქტორების გამოყენების საფუძველზე უნდა მივაღწიოთ შრომის ნაყოფიერების მნიშვნელოვან ზრდას, ურომლისოდაც, როგორც ვ. ი. ლენინი გვასწავლიდა „კომუნისმზე საბოლოო

გადასვლა შეუძლებელია“. უდიდესი შრომის ნაყოფიერების მიღწევის გზაზე მომავალ თხუთმეწლეულში დიდმნიშვნელოვან მიზნად არის დასახული მისი 2,3-2,5-ჯერ გაზრდა“ (სკკპ XXVII ყრილობის მასალები. თბ., 1986, გვ. 220). რატომაა საპროგრამო ციფრები, 2,3-2,5 და არა 2,7, ან 2,9? იმიტომ, რომ 2,3 და 2,5 გამოხატავს ერთი მხრივ, იმ მინიმუმს რომელიც საჭიროა საუკუნის ბოლოს ეკონომიკის თვისობრივად ახალი ეტაპის მიღწევის უზრუნველსაყოფად, როცა წარმოების მთელი ზრდა უზრუნველყოფილი იქნება უცვლელი, ან შემცირებული შრომითი რესურსების საფუძველზე და მეორე მხრივ, ჩვენი შესაძლებლობების მაქსიმუმს.

„მრგვალი მაგიდის“ შედეგები შეაჯამა აკად. ა. გუნიამ. მან აღნიშნა, რომ ჩვენი რესპუბლიკის სინამდვილეში იშვიათია ასეთი შეხვედრები, დისკუსიები. მათ კი დიდი სარგებლობის მოტანა შეუძლიათ, როგორც ევრისტიკული, ისე აღმზრდელობითი თვალსაზრისით. ამიტომ მომავალში უფრო ხშირად უნდა ჩავატაროთ ასეთი შეხვედრები, გავზარდოთ მის მონაწილეთა რიცხვი და წარმომადგენლობის გეოგრაფია.

## ДИСКУССИЯ ПО АКТУАЛЬНОЙ ТЕМЕ ПОЛИТИЧЕСКОЙ ЭКОНОМИИ

### Резюме

В Институте экономики и права по инициативе Координационного научного совета по проблемам экономики АН Грузинской ССР было проведено заседание «круглого стола» на тему: «Теоретические основы роста производительности общественного труда и эффективности общественного производства региона на этапе развитого социализма в свете решений XXVII съезда КПСС». Во встрече за «круглым столом» принимали участие акад. А. Гуния, доктора экон. наук Г. Адеишвили, Н. Хурцидзе, Л. Чикава, кандидаты экон. наук М. Джибути, Д. Диасамидзе, М. Гвелესнани, Т. Чикваидзе, Д. Якобидзе.

Главной темой беседы стала проблема соотношения исторических процессов развития общественно-экономических формаций и уровня производительности труда.

Было заострено внимание на месте и роли проблемы производительности труда в концепции ускорения. Специально обсуждался вопрос конкретизации общих закономерностей в региональной экономике.

Акад. А. Гуния, подытоживая работу «круглого стола», особо отметил плодотворность таких встреч и целесообразность их проведения в будущем.

წარმომადგინა საქართველოს სსრ მეცნიერებათა აკადემიის ეკონომიკისა და სამართლის ინსტიტუტის პოლიტიკური ეკონომიის განყოფილებამ

## ПОЛИТЭКОНОМИЧЕСКИЙ АНАЛИЗ АКТУАЛЬНОЙ ПРОБЛЕМЫ

РЕЦЕНЗИЯ НА КНИГУ Т. А. БЕРИДZE «ЭФФЕКТИВНОСТЬ РЕГИОНАЛЬНОЙ  
ЭКОНОМИКИ». «МЕЦНИЕРЕБА», ТБИЛИСИ, 1987, 80 стр.

Рассматриваемая работа относится к числу тех, которые одновременно и легко, и сложно рецензировать. Легко потому, что поднимаемая автором проблема не исследована и, значит, в любом случае интересна. Сложно, так как неизученность политической экономией вопросов, связанных с определением эффективности региональной экономики, региональной тематики вообще, а значит, отсутствие здесь готовых схем делает многие положения книги спорными, не всегда ясными, а логику изложения не до конца строгой. Однако эти замечания, видимо, будут справедливыми для любой работы, в которой поднимаются новые проблемы. В этом, на наш взгляд, сила и научная значимость таких публикаций. Поэтому в дальнейшем мы не считаем нужным останавливаться на подобного рода замечаниях, а сделаем попытку рассмотреть, что автор сделал и что ему предстоит еще сделать при разработке выбранной им и вне всякого сомнения интересной и практически важной темы.

Т. А. Беридзе прав, замечая, что до сих пор большинство специалистов изучают лишь материально-вещные или технико-экономические моменты затрагиваемой проблемы (с. 3). Отсюда и сложность задачи, стоящей перед автором. Как это не покажется парадоксальным, ему требовалось доказать, что исследование региональных вопросов есть предмет политической экономии. Сказанное определило и цель работы, которая сформулирована как раскрытие «политэкономического содержания региональной эффективности общественного производства», обоснование «методологических принципов построения системы показателей региональной эффективности», раскрытие «особенностей планового управления эффективностью региональной экономикой» (с. 5).

Система доказательств автора строится на том, по нашему мнению, верном постулате, что производственные отношения социализма многоструктурны и одним из структурных уровней последних являются регионы. Этот структурный уровень (подсистема) выполняет собственную, ему адекватную функцию, а оценка эффективности выполнения этой задачи требует оценки, обеспечивающей учет специфики происходящих в регионе процессов и целей его развития (с. 38 и др.).

Верным нам представляется и утверждение автора, о наличии региональных особенностей проявления экономических законов (с. 4), об особенностях проявления на рассматриваемом уровне социалистических производственных отношений (с. 21). Справедливо и то, что как субъект производственных отношений регион выступает в качестве сложного, ассоциативного организма, поскольку в его границах мы сталкиваемся с целой совокупностью интересов различных субъек-

ектов хозяйствования (с. 18). Таким образом, регион решает как бы две группы задач: по выполнению своих функций в рамках общественного разделения труда и по удовлетворению собственных потребностей (с. 72), т. е. он несет двойную нагрузку. И в этой связи, видимо, действительно правильно говорить о том, что регион есть образование более сложное, нежели отрасль (с. 16).

Все эти вопросы так или иначе затрагивались уже в научной литературе. Но заслуга автора нам видится в том, что ему удается свести их (пусть и не всегда удачно) воедино, составить методологическую цепочку, позволяющую теоретически подойти к определению эффективности развития региональной экономики в ее увязке с долговременными интересами общества. Т. А. Беридзе удается, как мы полагаем, продвинуться вперед если не по пути сообразования интересов общества, регионов и отраслей, то уж, во всяком случае, в направлении понимания того, как эти интересы совместить.

Но (и это нельзя не отметить), задача решена не полностью. Автор верно замечает, что «эффективность хозяйствования на уровне региона не адекватна арифметической сумме слагаемых эффективности работы ее звеньев» (с. 65). С такой постановкой можно только согласиться. Но тогда должен иметь место единый (для данного региона), региональный субъект хозяйствования, с позиции которого (помимо общества) эта эффективность должна определяться. Автор же пытается выйти на ответ на данный вопрос опять-таки через оценку эффективности регионального производства (см., напр., с. 46—49), с чем мы лично согласиться не можем. В свою очередь, такая логика рассуждений заставляет Т. А. Беридзе принципиальнейший вопрос о конечных целях развития региона и о региональном субъекте хозяйствования перенести в конец книги. В итоге невольно получается, что не эффективность определяется конечными целями, а цели — эффективностью. Причем важно отметить, что сами рассуждения автора противоречат такому выводу, но построение изложения его подтверждает.

В свою очередь названный недостаток способствует известному упрощению понимания специфики действия объективных экономических законов на региональном уровне (с. 29—33). При этом хотелось бы все-таки заметить, что, несмотря на известную методологическую слабость книги в исследовании этого вопроса, его «скомканность», сделанная Т. А. Беридзе попытка разобраться в нем может быть записана ему в актив.

Особое внимание следует обратить на понимание автором вопроса самостоятельности региона (с. 59 и след.). Проблема эта находится в непосредственной связи с задачами регионального воспроизводства и функционированием регионального субъекта хозяйствования. Согласно концепции, регион не является обособленным хозяйствующим субъектом, а критерии оценки эффективности его развития едины с народнохозяйственными (с. 61), так как регион, по мнению автора, есть образование государственное (с. 60).

С последним утверждением мы полностью согласны. Но из него еще не следует факт самостоятельности региона. Каковы, например, экономические источники местничества? До сих пор считается, что таковых нет вообще, а местничество есть порождение лишь надстроечных явлений. Думаю, что это не так. Местничество имеет такую же мощную (но не аналогичную) экономическую базу, как и ведомственность. А если это так, то регион не только самостоятелен, но и обособлен экономически.

Из сказанного следует и другой вывод. Автор склонен отнести к регионам только республики (с. 60). Но, во-первых, местничество проявляется, начиная с района. Во-вторых, республика есть образование, сформированное в первую очередь и главным образом по национальному признаку. Наконец, в-третьих, в работе идет речь об экономической эффективности регионального развития и сам автор на с. 65, рассматривая особенности функционирования региона, анализирует проблемы, проявляющиеся и на уровне района, и на уровне области.

В этой связи представляется правомерным говорить о том, что происходящие на региональном уровне процессы по своей сложности близки к общенародным, но все же не равны им. Значит, и критерии оценки эффективности регионального развития не аналогичны тем, которые применимы на уровне ЕНХК.

Завершая рецензию, хотелось бы отметить, что высказанные выше критические замечания говорят лишь о том, что проблема требует своего исследования не только автором рецензируемой работы, но и другими политэкономистами, которые, к сожалению, по большей части склонны ее игнорировать. Что же касается книги тов. Т. А. Беридзе, то она, вне всякого сомнения, будет интересна читателю, поскольку вносит свой вклад в исследование проблемы, имеющей огромное теоретическое и практическое значение.

Валентей С. Д.  
к. э. н., ст. н. с.  
ИЭ АН СССР



## სართაშორისო სამეცნიერო-საკორდინაციო თათბირი

1986 წლის 28 ოქტომბრიდან 2 ნოემბრამდე ქ. თბილისში საქართველოს სსრ მეცნიერებათა აკადემიის ეკონომიკისა და საპარტოლის ინსტიტუტის ბაზაზე მიმდინარეობდა საერთაშორისო სამეცნიერო-საკორდინაციო თათბირი: „სკკბ XXVII ყრილობა და სოციალიზმის ეკონომიკის თანამედროვე ანტიმარქსისტული კონცეფციების კრიტიკის გაღრმავების აქტუალური პრობლემები“. მის მუშაობაში მონაწილეობდნენ ბულგარეთის, გერმანიის დემოკრატიული რესპუბლიკის, უნგრეთის, პოლონეთის, საბჭოთა კავშირის, ჩეხოსლოვაკიის მეცნიერები.

თათბირის მონაწილეებს მიესალმა საქართველოს სსრ მეცნიერებათა აკადემიის პრეზიდენტი აკადემიკოსი ა. თავხელიძე. თათბირი გახსნა სსრკ მეცნიერებათა აკადემიის მსოფლიო ეკონომიკისა და საერთაშორისო ურთიერთობათა ინსტიტუტის დირექტორმა აკადემიკოსმა ე. პრიმაკოვმა. მან აღნიშნა, რომ ჩვენს ქვეყანაში მიმდინარე გარდაქმნის პროცესი უშუალო ზემოქმედებას ახდენს სოციალიზმის ბურჟუაზიული თეორიების ანალიზისა და კრიტიკის ხასიათსა და მიმართულებებზე, ამავე დროს, რეალური სინამდვილე მოითხოვს შემოქმედებითად განვავითაროთ სოციალიზმის თეორია, ვაბედულად ვავთავისუფლოთ მოძველებული და დოგმატური შეხედულებები-საგან. საჭიროა მეტი ყურადღება მიექცეს სოციალიზმის პოლიტეკონომიური პრობლემების დარგთაშორის კვლევას, ფილოსოფიის, სოციოლოგიის, პოლიტოლოგიის, ფსიქოლოგიის მიერ დაგროვილი ახალი ცოდნის გამოყენებას კვლევაში. ასეთ პრობლემებია: ცენტრალიზებული და დეცენტრალიზებული მართვის თანაფარდობა ეკონომიკის ფუნქციონირების მექანიზმში; ბაზრის და საკრედიტო-ფულადი ინსტრუმენტების როლი გეგმიან მეურნეობაში; შრომის სოციალისტური დანაწილება, მისი ხარისხი და ანაზღაურება, ინიციატივის გამოვლენის სტიმულები.

საქართველოს სსრ მეცნიერებათა აკადემიის ეკონომიკისა და საპარტოლის ინსტიტუტის დირექტორმა აკადემიკოსმა ა. გუნიამ პლენარულ სხდომაზე მოხსენებაში ყურადღება გამაზახვლა მოკავშირე რესპუბლიკების სოციალურ-ეკონომიკური განვითარების შესახებ ბურჟუაზიული შეხედულებების კრიტიკის გააქტიურების თაობაზე. ბურჟუაზიული ეკონომისტები ამ შემთხვევაში იყენებენ ერთი და იგივე ხერხს, რომელიც ეწინააღმდეგება ნამდვილად მეცნიერული კვლევის მოთხოვნებს: ისინი, როგორც წესი, აანალიზებენ მოკავშირე რესპუბლიკების ეკონომიკის განვითარების მხოლოდ ნეგატიურ მოვლენებს და ამავე დროს მათ ისეთნაირად განმარტავენ, თითქოს ეს ცალკეული ნეგატიური მოვლენები საერთოდ სოციალისტური სისტემისათვის იყოს დამახასიათებელი.

ე. მ. დ. ი. ოლხევიჩმა (სსრკ მეცნიერებათა აკადემიის ეკონომიკის ინსტიტუტი) აღნიშნა რომ სადღეისოდ სოვეტოლოგების საქმიანობა მიმართუ-

ლია უწინარეს ყოვლისა სოციალიზმის „კრიზისის“ დასაბუთებისავენ, სკკპ XXVII ყრილობის გადაწყვეტილებათა შინაარსისა და მიზნების ფალსიფიკაციისავენ. ამასთან დაკავშირებით გამოიკვეთა ოთხი ძირითადი მიმართულება: პირველი მიმართულების ავტორები „ვერ ამჩნევენ“ ყრილობის მიერ მიღებულ ნოვატორულ გადაწყვეტილებებს და ამის საფუძველზე აცხადებენ, რომ მათი განხორციელება არარეალურია; მეორე კონცეფციის მომხრეები აღიარებენ დასახული მიზნების მხოლოდ ნაწილობრივად შესრულების შესაძლებლობას, ამასთან შენარჩუნებული იქნება „სხვაობა“ დასავლეთსა და აღმოსავლეთის შორის; მესამე კონცეფციით ყრილობის მიერ დასახული გარდაქმნების სიახლე და ფუნდამენტურობა აღიარებულია, მაგრამ მათი განხორციელება ემსეს ქვეშ არის დაყენებული; ბოლოს, მეოთხე კონცეფციის მომხრეები ცდილობენ დაახასიათონ სკკპ XXVII ყრილობის გადაწყვეტილებები როგორც სოციალიზმის პრინციპებიდან გადახვევა საბაზრო ეკონომიკის მიმართულებით. ბურჟუაზიულ „სოციალიზმისმცოდნეობაში“ გაბატონებულია პირველი ორი კონცეფცია, რომელთაც თან ახლავს მეცნიერულად და პრაქტიკულად ყოველად უსაფუძვლო კაპიტალიზმის „რევოლუციონურობის“, თავისუფალი წარმოების აპოლოგია.

**პროფ. ტ. ტრენდაფილოვმა** (ბულგარეთი) კრიტიკულად გააანალიზა უახლესი ტენდენციები სოციალიზმის ბუნების შესახებ ანტიკომუნისტურ დისკუსიაში. ბურჟუაზიული იდეოლოგიების ერთ-ერთ მთავარ დებულებად კვლავ რჩება დებულება იმის შესახებ, რომ სოციალიზმი თავისი ბუნებით თითქოს არადემოკრატიული საზოგადოებაა. ამიტომ სადღესოდ ფრიად პოპულარული გახდა „ჰუმანისტური ტიპის სოციალიზმის კონცეფცია“. სოციალიზმის ქვეყნებში მიმდინარე დემოკრატიული გარდაქმნები საფუძველს აკლიან ამგვარ კონცეფციებს.

**პროფ. გ. ჰოლაიმ** (პოლონეთი) თავის მოხსენებაში დაახასიათა სოციალიზმის წვრილბურჟუაზიული კონცეფციის ნეონარდნიკური ვერსია. **პროფ. ა. ბიონიშმა** საფუძვლიანად გააშუქა ევროპის უშიშროების პოლიტეკონომიური ასპექტები, **პროფ. დ. მარკუშმა** (უნგრეთი) — სოციალიზმის „უნგრული მოდელის“ ბურჟუაზიული კონცეფციების კრიტიკის საკითხები, **ვ. ლებედჰინსკიმ** (პოლონეთი) — კათოლიციზმის დოქტრინის უახლოესი ეკონომიკური კონცეფციების კრიტიკის აქტუალური საკითხები.

მუშაობდა სამი სექცია. პირველ სექციაში („სოციალიზმის პირობებში მეცნიერულ-ტექნიკური პროგრესის თანამედრვე ანტიმარქსისტული კონცეფციების კრიტიკა“) მოხსენებით გამოვიდნენ: ე. მ. კ. თ. ჩიკვაიძე (სსრკ), პროფ. მ. შესტავოვა (ჩეხოსლოვაკია), პროფ. ა. ულმასოვი (სსრკ), ე. მ. კ. ა. ფდოლოვი, ე. მ. კ. მ. მაშინა, ე. მ. კ. ო. ლაბეცკი, ე. მ. კ. ი. პეტროვსკაია, ე. მ. კ. მ. აღიმბაევა, (სსრკ), პროფ. ვ. ლებედჰინსკი, (პოლონეთი) და სხვები.

მეორე სექციაში („სოციალისტური სამეურნეო მექანიზმის ბურჟუაზიული თეორიების კრიტიკა“) მოხსენებებით გამოვიდნენ: პროფ. ს. ხავინა, (სსრკ), პროფ. ლ. ჩიქავა, (სსრკ), პროფ. მ. ბეხარი (ბულგარეთი), პროფ. ა. კრედისოვი, პროფ. ს. მოჩერნი, ე. მ. კ. ე. რუდიკი, ე. მ. კ. ჩ. ჯაი, ე. მ. კ. ნ. ზახაროვა (სსრკ) და სხვები.

მესამე სექციაში („სოციალიზმის სოციალურ-ეკონომიკური განვითარება თანამედროვე ეტაპზე ბურჟუაზიული კლასიფიკაციების კრიტიკა“) მოხსენებებით გამოვიდნენ: პროფ. ა. კლიმენტი (ჩეხოსლოვაკია), პროფ. ა. სმირნოვი,

ოფ. ნ. პილგუი, პროფ. ვ. სიკორა, პროფ. ნ. კიკვაძე, ე. მ. კ. ა. ხულოვი (რკ) და სხვები.

თათბირის მუშაობისას გაიმართა „მრგვალი მაგიდა“: „დაჩქარების სოციალურ-ეკონომიკური პრობლემები და იდეების ბრძოლა“, რომელიც მიჰყავდა სსრკ მეცნიერებათა აკადემიის წევრ-კორესპონდენტს, ეკონომიკის ინსტიტუტის დირექტორს ლ. აბაღინს. მონაწილეობდნენ: ე. მ. დ. ა. ხულოვი (სსრკ), პროფ. შ. ჰოლაი, (პოლონეთი), ე. მ. კ. ლ. სუპერფინა, ე. მ. კ. ო. ლაბეცკი, ე. მ. კ. ა. რუზაევა, ე. მ. კ. მ. პერპერი, ვ. მ. კ. ი. ვოლკოვი, ი. მ. კ. ლ. მატარაძე (სსრკ) და სხვები.

სექციების მუშაობის თაობაზე ანგარიშგებებით გამოვიდნენ: ე. მ. კ. თ. ჩიკვაძე, პროფ. ს. ხავინა და პროფ. დ. ხმირნოვი.

თათბირმა განიხილა და დაამტკიცა სოციალიზმის ეკონომიკის არამარქსისტული კონცეფციების კრიტიკის სფეროში სოციალისტური ქვეყნების 1986-1990 წწ. სამეცნიერო-საკოორდინაციო გეგმა, რომელიც მოიცავს კვლევითი, საგამომცემლო და სამეცნიერო-ორგანიზაციული ხასიათის ასპექტებს.

თათბირმა მიიღო რეკომენდაციები.

თათბირის შედეგები შეაჯამა სსრკ მეცნიერებათა აკადემიის წევრ-კორესპონდენტმა ეკონომიკის ინსტიტუტის დირექტორმა ლ. აბაღინმა.

თათბირის მუშაობაში მონაწილეობდნენ საქართველოს კპ ცენტრალური კომიტეტის მდივანი ამხ. გ. ენუქიძე, მეცნიერებისა და უმაღლესი სასწავლებლების განყოფილების გამგე ამხ. გ. ჩოგოვაძე.

თ. ჩიკვაძე

ფასი 85 კაპ.

613/164

ინდექსი 76196

